

**SIXTH LEGISLATIVE ASSEMBLY OF MIZORAM
(FIFTH SESSION)**

LIST OF BUSINESS

**FOR TENTH SITTING ON TUESDAY, THE 30th MARCH, 2010
(Time 10:30 AM to 1:00 PM and 2:00 PM to 4:00 PM)**

MEMBERS PRESENT

1. *Pu R. Romawia*, Speaker at the Chair, Chief Minister, Deputy Speaker, 11 Ministers and 25 Members were present.

QUESTIONS

2. *Questions* entered in separate list to be asked and oral answers given.

LAYING OF PAPERS

3. *Pu B. LALTHLENGLIANA* to present to the House the following Reports of Public Accounts Committee :
 - (1) First Report on the Report of Comptroller & Auditor General of India for the year 2005-2006 relating to Health & Family Welfare Department.
 - (2) Second Report on the Report of Comptroller & Auditor General of India for the year 2006-2007 relating to Health & Family Welfare Department.
 - (3) Third Report on the Report of Comptroller & Auditor General of India for the year 2006-2007 relating to Urban Development & Poverty Alleviation.

FINANCIAL BUSINESS

DISCUSSION AND VOTING ON DEMANDS

4. *Pu H. LIANSILOVA*, Minister to submit to the vote of the House various demands under his charge.
5. *Pu H. ROHLUNA*, Minister to submit to the vote of the House various demands under his charge.
6. *Pu ZODINTLUANGA*, Minister to submit to the vote of the House various demands under his charge.

SPEAKER : “Isaka chuan chumi ramah chuan buh a ching ve a, chumi kum chuan a let za a hmu (thar) a, Lalpan mal a sawm bawka.
Gen 26:2

Thlaler leh ramro chu a lawm ang a, ram kawlh velvul chu hlimin a parvul ang.

Isaia 35:1

Zawhna leh chhanna hunah kan kal ang a, zawhna, Starred Question No. 136-na kan la ang a, Member zahawmtak Dr. R. Lalthangliana zawt turin ilo sawm ang.

Dr. R. LALTHANGLIANA : Pu Speaker, ka Starred Question No. 136 General Administration Department changtu Minister chhan atan – Lunglei a Commissioner dah tura Sorkar hmasa in a lo kalpui tawh kha Sorkarin tunah hianin engtinge a kalpui zel ? tih ka zawt e.

SPEAKER : Chhang turin a enkawltu Chief Minister zahawmtak Pu Lal Thanhawla ilo ko ang.

PULAL THANHAWLA, HON’BLE CHIEF MINISTER : Pu Speaker, Lunglei-a Commissioner dah tur hian post creation pawh a la awm lova, hmalakna sawitham a la awm rih lo.

SPEAKER : Zawhbelhna Dr. R. Lalthangliana.

Dr. R. LALTHANGLIANA : Pu Speaker, Sorkar hmasa khan helai hi kan ngai pawimawh viau a. Amaherawhchu, hun tawp lampanga he thil hi buaipui a nih avang khan engkim mai fel taka tih hman kha a ni lova. Tun Sorkar hianin hemi chungchangah hianin ngaihdan kalpui zel a tum dan hi min hriattir thei em ? tih ka zawt duh a.

A chhan chu, sawlamah sawn District pathum, Saiha District, Lawngtlai leh Lunglei District te kan awm a. Autonomous District Council pathum awmna a lo ni bawka. Tin, a Map te han en hianin Mizoram kilkhawr saw lampang funkhawmtu sawlai saw, chhim lampang Southern Zone saw kan ni a. Chumi avang chuan DIG Range tepawh kha Sorkar hmasa khan ngaihtuahna neiin security thilah a pawimawh tih kha an ngaihtuah a. Chuvang chuan, helaiah hian policy kalpui tum dan mumal tak tuna kan Sorkar hian ngaihtuah a nei tawh em ? tih ka’n zawt a ni.

SPEAKER : Chhang turin a changtu Minister ilo sawm ang.

PU LAL THANHAWLA, HON'BLE CHIEF MINISTER : Pu Speaker, Sorkar hmasa khan hun tawp lama ngaih pawimawh kha a ngah deuh hlek a, kan la chhui seng rih lo a ni. Amaherawhchu, a tul angin kan lo chhui chho zel ang a, keini pawhin hun hmasa lamah pawh khan ngaihtuahna kan nei tawh a, mahse kum khat chhungin engkim a tih theih loh a, a tul angin kan la ngaihtuah ang chu.

SPEAKER : Starred Question No. 137 na-ah kan kal ang a. A zawt turin Pu K. Liantlinga ilo sawm ang.

PU K. LIANTLINGA : Pu Speaker, ka lawm e. Agriculture Minister zahawmtak ka zawhna Starred Question No. 137 na chu hei hi ani – a) MIP tih tawp anih khan MIP Account-ah khan sum engzatnge awm ? b) MIP sum kha khawi Account berah nge dah luh a nih ? A amount nen min hrilh thei em ?

SPEAKER : Chhang turin a changtu Minister Pu H. Liansailova ilo sawm ang.

PU H. LIANSILOVA, MINISTER : Pu Speaker, Member zahawmtak Pu K. Liantlinga zawhna chhanna chu – MIP tihtawp anih khan MIP Account-a sum awmzat chu vaibelchhe 12 nuai 66 sing 8 leh sangnih zanga a ni. Tin, MIP sum kha 2002-2003 a launch anih khan SBI ah MIP hmingin Account hawn a ni a, Rs. 15,60,24,000/- dahluh a ni.

SPEAKER : Zawhbelhna Pu K. Liantlinga.

PU K. LIANTLINGA : Pu Speaker, ka lawm e. MIP sum kha cheng vaibelchhe 12 lai a lo awm a. Tin, tuna NLUP-ah khan cheng vaibelchhe 4.48 vel kha hman niin a lang bawk a, hengte hi eng atan nge hman an nih ? Tunah hian hman bang a awm em ? tih a ni. Hman lo ni ta se, eng atan nge hman a nih ? tih a ni.

SPEAKER : A chhang turin Minister Pu H. Liansailova ilo sawm ang.

PU H. LIANSILOVA, MINISTER : Pu Speaker, zawhbelhna chhanna chu - MIP account-a sum NLUP a lak chhoh takah hian committed expenditure kha tamtak a awm a. Chung chu lo commit tawh anih angin pek chhuah a ni a. Tin, tunah hian Bank-ah nuai 11,718,625 hi a awm a, heng hi MIP hunlaia Bank hrang hrang SBI, APEX, Mizoram Rural Bank-ah te, Axis Bank-ah te hnathawh awlsam zawkna atan tiin an lo dah a ni a. Tuna a tlingkhawm chu ka sawi ang kha a ni a. Tin, tuna a balance atang khan vaibelchhe 2 leh singkhat leh sangriat zet hi loan angin lo pekchhuah a ni a, a awmna sawi theih pawh a ni lova. Champhai Grape Winery Factory atan nuai 83 loan anga pek a ni a. Tin, Hnahlan-ah chuti zat bawk chu pek a ni a. Tin, Venus Bamboo-ah nuai 50 hmantir a ni bawk a. Chung chu tuna pawisa awm anga lang hmuh leh a ni ang em tih kan hriat mai bik loh a ni a. Tin, MIP pawisa la awm hi re-appropriation authority-ah NLUP Board atangin dil a ni a, management component-a lo hman turin phalna lak ani a. Chuvang chuan, pawisa awmsa hian in manage chhoh zel a ni a. Hmannia zawhna chhanna atana ka tarlan tawh nuai 448 kha a hmanna tur chu management component leh training component –ah khan nuai 380 hmang turin ruahman a ni a.

Tin, PAC kan ti a, Committed a lo awm tawh a, chumi atan chuan nuai 100 hman tura tih a ni a. Chu chu sanction kan tih kan han sawi kha a ni e.

SPEAKER : Starred Question No. 138 na-ah kan kal ang a, zawt turin Pu C. Ramhluna ilo ko ang.

PU C. RAMHLUNA : Pu Speaker, Finance changtu Minister zahawmtak chhan atan Starred Question No. 138 na – a) 6th Central Pay Commission recommendation zulzui hian Mizoram Sorkar hnathawktute hnenah pek tumna a la awm reng em ? b) Awm anih chuan engchen nge hmalak a nih tawh ? Eng hunah nge pek theih beisei anih ? tih ka zawt e.

SPEAKER : Chhang turin Pu Lal Thanhawla, Finance changtu nibawk ilo ko ang.

PU LAL THANHAWLA, HON'BLE CHIEF MINISTER : Pu Speaker, zawhna (a) chhanna chu 'la awm reng e' tih a ni. (b) chhanna chu - Mizoram Sorkar hnathawktute hnenah he Sorkar hian 6th Pay Commission Recommendation angin pek ve a tum a, pek ve a duh a. Tin, Sorkar hmasa khan Fitment Committee a lo din a, chu mite chuan an recommendation an thehlut tawh a. A principle in Cabinet in a pawm tawh a ni. Amaherawhchu, kha recommendation kha a pawm pawl an awm a, a pawmlo pawl tepawh an awm a. Chuvangin, Sorkar hnathawktute inzawm khawm pawl Federation hotute leh a tul apiangte inbe remin, Sorkarin Fitment Committee Recommendation atanga a siam rem dan tur leh a siamthat dan tur tlangpui Sorkar hnathawkte duhdan te ngaihtuah a, siamrem tu tur committee a din ve leh a. Chumi chuan an report an

lo la pe lova, hmun hrang hrangah te kalin, State dang tih dan te an zir kual a. Chumi recommendation chu nghah a ni a, chumi report chu a tul angin Sorkar hnathawkte nen sawiho lehin kan remtih tlan chuan, chumi ang chuan Sorkarin 6th Pay Commission Recommendation chhunga Committee kan din ten an recommendation puan ang kha kan pawm tlan angin pek an ni ang.

SPEAKER : Zawhbelhna Pu C. Ramhluna.

PU C. RAMHLUNA : Pu Speaker, zawhbelhna pahnih khat lek – tuna kan Demands for Grants-ah hian hlawh pung pekna tur atan hian nikum ai khan 10% a sang khan dah kha a ni tlangpui a, chu chu Budget Speech-ah pawh khan a lang a. Tunah hian Fitment Recommendation kha lo hmang dawn ta ila, 10% increase ringawt khan a daih loh hmel em aw! tih kha la lo ngaihtuah a. A chhan chu, hemi 6th Pay Recommendation hi a sang viau mai a, a tlangpui thuin 2 times te ani a, 200%/300% te a ni a. Chuvang chuan, kan pawisa dah hi a tlem deuh in ka ring a. Kha kha Fitment Recommendation based-a dah a ni em aw! tih ka zawt duh a.

Tin, pahnihna-ah chuan Pu Speaker, thil man hi a to hle tawh mai a. Chuvang chuan, 6th Pay Recommendation tak tak kan la ti hman lo deuh anih pawhin, tunhma-a Assam Sorkara an lo tih thin angin interim relief pek tumna hi a awm thei em? A chhan chu tuna hlawh pangngai ang hi chuan kan living condition hian harsatna tamtak kan tawk dawn niin a hriat a, khatiangan zawng khan Sorkar hian ngaihtuahna a hmang em aw tih kha ka'n zawt duh a ni e.

SPEAKER : A chhang turin Finance Minister ilo sawm ang.

PU LAL THANHAWLA, HON'BLE CHIEF MINISTER : Pu Speaker, in tum khum te, nilo taka innawr te a awm loh nan Sorkar hnathawk hotute nena inbe zel kan ni a. Tin, kan financial problem te hi an hre em em mai a, a lawmawm ka ti a. Chuvangin, tun thlengin nawr patawkin innawrna a la awm rih lova, a lawmawm kan ti hle a ni. Mahni ta chauh en a, midang ta en nachang hrelo angin an khawsa lova. Chuvangin, reasonable deuha indawrin kan la kaltlang thei a ni. Chungte avang tak chuan tihpuitlin hi kan duh a, kan chak phah nghe nghe a. Tuna Member zahawmtakin problem an sawi ang chi zawng zawng kha kan take care loh chuan kan implement thei dawn lo tih chu kan hre hle a. Chuvangin, a hunah leh a tul anga a tlachawpa ngaihtuah tur chi tepawh a awm a.

Engpawhnise, Pu H. Liansailova, Committee Fitment ina a recommendation atanga lungawilohna te, engemaw thil thelh deuh awm thei ang chite ennawn a, rawn siamtha tura kan tihte report hi kan nghak a. A tirah chuan ni 45 chhunga report hi pe tura hun pek an ni a, amaherawhchu, hmundangah te zin vel te a ngai a. Tin, kan ti vek vek dawn anih chuan a hma-a lo diklo leh tawp tawh

zawng zawngte siamtha a, changlung deuh taka tih te kan hotuten an duh a. Chuvanga he Committee pawh hi din kan ni a, Minister 3 leh Parliamentary Secretary 1 an awm a. Tichuan, ni 45 chhunga report pe tura kan tih kha an theih tak loh avangin an dil belh angin tunah hian hun pek leh rih an ni. Chumi recommendation atang chuan a tul anga la ngaihtuah tura tih a ni.

SPEAKER : Tunah Starred Question No. 139 na zawt turin Pu Lalduhawma ilo ko ang.

PU LALDUHAWMA : Pu Speaker, Agriculture Department changtu Minister chhan atan ka zawhna (a) NLUP fund atanga 10% hi Management component - ah hman a ni em? (b) Anih chuan hmanna tlangpui (c) NLUP hnuaiah Marketing Cell din a ni tawh em? A nih chuan din hun, Chairman leh Member te (d) An hmalak tawh te? tih a ni.

SPEAKER : A chhang turin Pu H. Liansailova ilo sawm ang.

PU H. LIANSILOVA, MINISTER : Pu Speaker, Member zahawmtak Pu Lalduhawma zawhna chhanna - (a) NLUP fund 10% Management component-ah hman a la nilo. (b) A nih chuan a hmanna tih kha zawhna (a) chhanna ang khan NLUP fund atangin 10% hi hman a la ni lova, amaherawhchu, Management Administration cost leh capacity building training atana hmanna tur nichina kan sawi tawh ang khanin nuai 348 hi sanction lak mek ani. (c) NLUP hnuaiah Marketing Cell din a ni tawh e. Tin, a din hun 27.3.2009, Chairman leh Member te - Chairman Lalnghinglova Wg.Cdr. Rtd., Member Secretary and OSD Pu L.R. Laskar IAS (Rtd) Member Dr. L. H. Chhuanawma and Mrs. Mercy Sinate. An hmalak tawhte chu - tunah hian NLUP hnuaiah hma thar lian tham lak a la awm lova. Mahse, Market Data lak khawmte, Marketing Agency hrang hrang nena thawh hona kawng lo dap in hma an la a. National leh International Market-ah thil hralhna inruahmanna turte an buaipui tan a. Export & Import Code dilna form proforma invoice leh thil tuldang harsa lova Mizoram-a kan hmuh theih dan kawng dapin inruahmanna a theih angin kalpui a ni.

PU LALDUHAWMA : Pu Speaker, zawhbelhna. Management component leh administrative cost, pamphlet te, campaign material thilte leh training han tihte hi a danglamna ka hrethiam lo angreng khawp mai a. Engeni a danglamna aw? NLUP atana 100 crore kha a hmanna chi hrang hrang kan dawng tawh a, a la bang Rs. 400 lakh vel zet kha, khatiang chi a kalral kha a ni a. Kha kha management component a nih bawk si loh chuan khalai kha ka hrethiamlo a, min lo hrihfhiah thei se.

Tin, heng marketing cell hi NLUP rau rau atanga thlai tharte hralhna tur atan chuan a la hmanhmawh thlak loh a ni thei a, mahse an tharchhuah hunah

khan an buai leh ang tih a hlauhawm a. Kan fail na reng reng hi a market-ah zel a nih thin avangin. Chuvangin, lo in hmakhua kha a tul hle a ka hriat bakah, NLUP atanga kan thlai tharte chauh nilovin, tuna thlaithar awmsa, entirman Aieng Sorkar hmasain quintals 1000vel a chin tir tawh si, hralhna awm silo te leh Sawhthingte leh a dangte pawh ani thei e. Hengte pawh hi an han buaipui nghal thei em aw? Tunah hian tu tu ten emaw hralhna te an zawng a, Kg. ah Rs. 5/- te a ni a. A chingtu tan a na riau a ni. Chuvang chuan, Marketing Cell a awm tawh hi chuan hengte pawh hi an han ti pah thei em? tih ka zawt duh bawk a.

Tin, New Land Use Policy changtlung zawk tih bu Congress Party in a chhuah 14-na ah khan 'A hlawhtlin ngei nan leh namnul taka kalpui venna turin manual tha tak leh NLUP dawngtute tihsual venna tur Dan siam a ni ang a, heng Dan te hi Legislative Assembly-ah pass tir a ni ang' tih kha ziakin a awm a. Manual te kan nei tawh a, Action Plan te kan nei tawh a, House-a kan passed awm erawh hi chu ka la hre lova. Party in khatiang commitment kha a lo nei tawh si a, a bu hian sem ani bawk si a, helai hi Sorkar hian tul a tileh ta lo em ni? tih ka'n zawt fiah duh a ni.

SPEAKER : A chhang turin Pu H. Liansailova, Minister ilo sawm ang.

PU H. LIANSILOVA, MINISTER : Pu Speaker, kan Member zahawmtakin zawhna a rawn zawh ho kha, thahnemngaihna rilru atang tak takin a niin ka hria a, a lawmawm khawp a. Management component 10% hman theih a ni ang tih kha dah a ni na a, a tak taka kan mamawh need based in kan kal avangin tunah hian nichina zawhna kan chhan tawh ang khanin pawisa lo awmsa, a hmanna tur tha zawk deuha han kawih her theih tur te a awm avangin re-appropriate authority -ah kan dil a ni a. Chutiang chuan, pawisa lo awm tawhsa in vawiin thleng hian inrenchem takin kal a ni a.

Tin, management component kan tih hian tuna kan ngaihthlak tak zawhna ang deuh khan a management component kan tih lai tak hi chuan a Board-a thawktute lawmman leh hlawh te, an inenkawlina tur te, department lamah pawh engemaw strengthen ngaihna laite a awm dawn a. Tin, District Committee-ah pawh Deputy Commissioner Office kha kan ring chawt a. Engemaw tia strengthen te kan ngai dawn a, Computerised hi a tul dawnin kan hria a. Planning Commission hian tun hnuah hian khatiang lam hawi khan kawng min zawhpui an tum deuh niin a lang a. Chuvang chuan, kan fund atanga 10% hi chutiang atanah chuan hman nise tiin a guideline-ah pawh khan dah a ni a. Kan sawi tak ang khan, a bul kan tan dawn chauh a, sum hi a awm e tih avanga hman pawp pawp ai chuan, need base in kal ila tih anih avangin kumina kan budget-a pawisa sanction kan move kha kan mamawh thla sawm leh pahnih vel atana kan mamawh tur, a te thei ang bera an inruahman a ni a. Chu chuan thawktute (NLUP) Board lama thawktute leh hlawh tur te, a office enkawlina tur te, House Rent tepawh a keng tel ang a. Chubakah training hi a ngai nasa mai a, capacity

building kan tih ang tepawh a ni tel a. Chung atana hman tura ruahman chu a ni a.

Marketing Board chungchangh hian NLUP atana siam anih deuhah hian, NLUP in hma a lakna a kan thar chhuahte buaipui turin an inbuatsaih ber a. Chutih rual erawh chuan tuna harsatna kan tih, Sapthei te, Grape te, Aieng te thlang pawhin ngaihtuahna an hmang zui tho a. Hengah hian a Sorkar lam atang pawhin kan thlir that chu a ngai a. A Department in entirnan-ah Saptheite kan han buaipui a, Horticulture Department atangin. Process anih khan Industries lam chan a lo ni ta daih a, Industry lamin an han ken khan a department in problem enge a neih tih lai kan loneitute harsatna han sutkianna atan a niin, hmathar angin anmahni Department harsatna hrereng chung khan hma lo lak anih avang khan kan tang titih leh deuh hlek thin a. Chuvang chuan, tunah pawh hian chung harsatna neuh neuh chu a awm a. Kan Chief Minister hian hei hi min hriatpui a, ama hovin engemaw tia hmalak dan tur a awm theiin ka ring a.

Tin, Aieng chungchang kha Session hmasa tepawh khan ka sawi tawhin ka hria a. Khatianga tamtak lo chin tir anih rual khan, a market tepawh kha thatak awm nghal thei tura khatihlaia a changtu Minister sawi kan hriat kha Assembly Session-ah pawh khan kan ngaihla a ni. Hetia Sorkarna kan han kawl ve takah hian a man kha a lo tlahniam ta thut chu nilo chuan ka hria a, an inbiakna rate kha, company an biak te ber Diamond Shipping leh Sunrise Company an tihte, PPP mode deuha kal tura hma an lo lak pui te kha an lokal a, Sorkarna kan siam hlim te, chawlhkar 3 hnu velah khan. Hei, kan Minister engemaw zat pawh kan awm a, an project thu-ah Power Point Presentation kan rawn ti ang an ti a. A sawi ngaihnam khawp mai a, sawi pawh an sawi thiam a. A tawp berah 'Enge i commend kal zel dan tur' tiin mi dil a. 'Commend hranpa ka nei lova, mamawh kan nei a, chu chu ka sawi mai ang a, a rate in project-ah khanin in project a captive price tur hi engeni' tiin ka zawt a. Farm gate rate-ah Rs. 1.70/-, khutah Sairanga a process na hmunah chuan Rs. 2.50/- an ti a ni. Chutiang chu anih avang chuan 'Ngawi teh u, in thil tih hi keini tan chuan kalpui chi-ah ka ngailo, ka sawi dan takin kan sawi ang a, saw Zemabawk-ah sawn va kal ula, lungchang saw an vaw keh in, rora an chhu a, Kg. 1 Rs. 5/6/- man a ni daih mai a. Kumtluana min a hna an thawh Rs. 1.70/- a farmgate rate a hralh tur leh khulai Sairang a Rs. 2.50/- a a captive price a tih chu keia tan chuanin kalpui ngaihna che u ka hre lo' ka ti a, kan inthen ta vang vang a, inbiak leh pawh a awm ta chuang lo.

Tin, a hnua kan han zawh leh chuan cheng engemawzat chu a hmun buatsaihna leh engemaw atan pawisa tepawh pek chhuah a awm niin kan hria a. Chu chu a hma-a beiseiawm taka min lo hrilh kan hriat a kha. Khatiang kha a lo nita mai mai ani. Amaherawhchu, tunah hian mimala han ti tepawh an awm a. Tin, NGO hma han la tepawh an awm a, chungte erawh chu a theih ang angin kan ngaihven a, kan tanpui a. Chung chuanin Kg.ah cheng 5/- te, cheng 6/- ten an leisak a.

Tin, Organic Certification hi Department atangin kan buaipui a, tin, NGO lo inbuaipui thei tepawh an awm a. Chung chuan hma an la a, a ro a an thawh

khanin Organic Certification nena an thawn kha chuan a ro Kg. 1 Rs. 90/- in kan hralh thei a, an ti a. Chungte chu sawtah CIDAR an ti a, Zemabawk leh Tuirial inkar, sawmi bawlhhlawh paihna bulah sawnin an inbuatsaih a. Hei hi kan Chief Minister pawhin a ngaipawimawh a. A puih theih dan dana puih a, anni hi tanpui dan kawngte pawh dap ila tiin kan ngaihtuah a. Chung chu tuna zawhbelhna kan chhan thiam dan chu ni phawt teh se.

SPEAKER : Zawhbelhna Pu Lalduhawma.

PU LALDUHAWMA : Pu Speaker, ka zawhna pakhat kha chhan hmaih a ni a. Ka,n sawilang mai mai a, Organic Certification chungchang kha Pu Speaker,. Ka zawh duh chu, kan rama introduce a nih tirh khan kan la thutak hle mai a. Fertilizers tepawh kha an awmluh phah a. Kawng lehlamah kan tuar a, chutih laiin Chemical telna ei leh in lovin kan awm thei chuang hauh lova, a market kha kan tihchhan a ni berin a lang a. Hemi Organic Certificate pek dan hi engchiah nge ni? Tunah hian tuten nge min pek sak thei kan ramah hian tih ka'n zawt a.

Tin, ka hriat danah chuan Hmarcha tepawh Haryana-ah te an thawn a, mimal ten. Chungte pawh chuan min han biak sak teh an ti a. Kan buaipui ve a, ka biak sak ve a, ka hriatpui ve chin a awm a. A organic lampang hi an rawn ngaihtuah miah lo, anni chuan 'Rawn thawn thla ula, organic certificate chu kan lo pe mai dawn a lawm' an ti mai a ni. Chu chu a ni a, keinina organic tak tak kan tum hi a tul lem em ni le? Vai company ho khuan khami certificate pek theihna kha an nei a, an lei apiang kha an lo pe mai a, a man a to ringawt mai ani. Khati vel te kha anih chuanin helai hi engtia han kalpui tur nge ni? A va awlsam angreng si em, lehlamah har viau angin a lang na a, engeni thil dinhmun te min han hrilhchiang thei em tih ka zawt duh a ni e.

SPEAKER : Chhang turin Minister ilo ko ang.

PU H. LIANSILOVA, MINISTER : Pu Speaker, heng kan thlai – Hmarcha te, Sawhthing te, Aieng tepawh a niang. Organic bydefault kan ti a, leitha fertilizers hmang lova kan chin a nih avang hian a certificate hi siam theih mai tur c hu a ni a. Amaherawhchu, a tak taka han kalpui chuan a process leh engemaw te alo awm a, a company a ti bik deuhte an lo awm a, tunah hian Horticulture department atangin khami organic certificate pe theitu tura te nen khan inbiak fel a ni tawh a.

Chutiang chuanin tuna in sawi ang deuh khan hemi Vaihmarcha te hi Art & Culture Minister in Cheraw kha Bamboo Dance min tihsak palh deuh na a, Cheraw Mizo ta anga hauh deuhna kha kan thik pawh nilovin, kan hmarchate han tih ve theih deuh tur hianin tih lar tum ve ila ti tepawhin kan Officer hovin

thahnemngai takin an sawi a. Chuvang chuan, a certificate chungchangah pawh mamawh an awm chuan an pui thei a. Tin, sumdawwna thua chuan a tul leh certificate ang hi khawilaiah emaw chuan har tak emaw kan tih hi awlte hian a tih theih a ni tih erawh hi chu kha a hriat mai a. A kalphung pangngai erawh chuan International a approve firm te an awm a, khatiang organic certificate issue thei tur kha. Chungin an certificate chu Europe-ah pawh, khawiah pawh a tlang an tih avangin khatiang deuh kha a channel-ah hmangin, tunah hian Horticulture Department atangin hmalakna a awm mek e.

SPEAKER : Tunah zawhna 140 - na zawt turin Pu Lalthansanga ilo sawm ang.

PU LALTHANSANGA : Pu Speaker, ka lawm e. Ka zawhna Education Minister zahawmtak chhan atan S.Q No. 140 (a) High School 24 te kha RMSA Scheme hnuai atanga dah an ni em? (b) Ni ta se, engtianga thlan nge a nih? tih ka zawt e.

PU LALSAWTA, MINISTER : Pu Speaker, Member zahawmtak Pu Lalthansanga zawhna chhanna chu hetiang hi a ni (a) High School 23 zawk ani a, RMSA Scheme atanga din tur a ni (b) Khua/Veng Sorkar High School awmlohna hmun kan thlang tlangpui a. Tin, khaw thenawm-ah chutiang kan thlan te chu rawn hmang tangkai thei an awm em tih tepawh ngaihtuah tel ani a. Tin, heng kan thlante hi Central-a Ministry of Human Resource te nen in hre tawn a thlang kan ni tih kha ka chhanna a ni e.

SPEAKER : Zawhbelhna, Pu Lalthansanga.

PU LALTHANSANGA : Pu Speaker, zawhbelhna. 23 thlan an ni ta a, a thlan danah hianin Govt. High School awm lohnate tih a ni a. Thenkhatah chuan double a dahrate pawh a awm a, thenkhatah te phei chuan Chief Minister hmingte pawh khanin in han hawng lawp lawp ni te khan ka hria a. Hei, kan House Leader zahawmtak bial hlui Hriangtlang-ah pawh hianin khawtlangin private a din a ni a, Hmunzawl atang tepawhin an rawn kal a, chutiang chuanin naupangte pawh hi an awm ve nual a. He Hriangtlang hmunah hianin drop-out student hi an tam angreng hle a, a chhan chu Serchhip-ah hianin Middle an han zawh a, High School an han kal hianin awmna an neih vak loh avang hianin kum 2/1 te an han kal hian chutiang chuan an haw leh mai thin a. Drop-out student hi an tam angreng hle mai a, khaw upa ve tak tawh a ni a, kawng pawh a tlang meuh lova, tunah khi chuanin a tlang naw naw a ni mai a. Chutiang ang hmun chu a ni a. Chuvang chuan, anni khi an mangang hle mai a, hei ka hnenah an thlen nasa a, anni kuate khi second phase velah te khianin priority han pek dante hi a awm em? tih ka zawhbelhna a ni.

SPEAKER : A chhang turin Minister ilo ko ang.

PU LALSAWTA, MINISTER : Pu Speaker, zawhbelhna kha a thlan danah khanin High School hrim hrim a awm leh awmlah lam ani lova. Sorkar High School kha kan tehfung a ni a, Sorkar High School awmna-ah chuan kan han ti lo tlangpui a ni. Tin, kan House Leader, Chief Minister nibawh hminga din chungchangah tepawh khan anni pawh kha, mitlawmngaite leh thahnemngai ten an din a ni mai a, amah Chief Minister pawh hian a hriatpui leh duhsak bik pawh a nei chuang lova. Amaherawhchu, kha khua-ah khanin High School an mamawh a, RMSA atang hian dah ve tul kan ti a. Chutiang chuanin dah turin kan buatsaih a ni a. Tin, Member zahawmtakin a rawn sawi Hriangtlang chungchangah tepawh khan, Hriangtlang anga mamawhna hi a la tam a, chung ang chu kumina 23 kan tih bakah hian nakum lamah te, kum leh lamah te pawh kan la ti chho zel dawn a ni tih kha ka chhanna a ni e.

SPEAKER : Tunah Starred Question No. 141 na-ah kan kal ang a, a zawt turin Pu Lalduhawma ilo sawm ang.

PU LALDUHAWMA : Pu Speaker, Trade & Commerce changtu Minister zahawmtak chhan atan (a) Hmunphiah hi eizawna tlak niin Sorkarin a ngai em ? (b) Engangin nge a kalpui ? tih ka zawt e.

SPEAKER : A chhang turin Pu Lalrinliana Sailo, Trade & Commerce Minister ilo sawm ang.

PU LALRINLIANA SAILO, MINISTER : Pu Speaker, Aizawl West I bialtu zahawmtak Pu Lalduhawma zawhna chhanna chu – (a) Hmunphiah hi eizawna atan tha thawkhatah a ngai tih a ni a. (b) Engangin nge a kalpui tih hi – Hmunphiah hi Minor Forests produce a nih angin hralh leh phurh chhuah chungchangah Forests Department thuneihna a dah a ni a. Environment & Forests Department, Govt. of Mizoram chuan 1994 atangin Hmunphiah hi Mahal system in a hralh thin a . Mahal awm lohna-ah chuan permit system in hralh a ni thin. Tin, Pu Speaker, kan sawi tawh a, hei Parliamentary system practice tharah question kha transfer tur a nilo tih kha a ni a. Kan Department a nih loh pawhin kan chhang tho a. Chutih rualin, nia, hmunphiah hi Trade & Commerce purview ah hian a awm tho a. Business Transaction an siamah khan. Tin, Vairengte-ah khuan Warehouse kan nei a, Forests leh khami Hmunphiah hralh chhuaktu ho khanin kan Warehouse hi kumtin hian min hman sak thin a, chu chu ka chhanna a ni e.

SPEAKER : Khami dan chungchangah kha chuan keimahni Mizoram Legislative Assembly in Rule kha kan nei a. Parliament in lo siam

mahse kan Rule-ah khan a changtu Minister a zawt tur a ni tih a ni a. Chu chu Mizoram Assembly in kan la adopt lova. Amaherawhchu, Speaker in Member zahawmtakin ngaipawimawhin zawhna a rawn zawt si a tiin Speaker phalna zawk khan a changtu lo pawh kha kan chhan tir zawk che u a ni. Amaherawhchu, a changtu nilo-ah chuan zawhbelhna kha chu kan beisei ngam vak lo a ni. Tunah zawhbelhna, Pu Lalduhawma.

PU LALDUHAWMA : Pu Speaker, hei hi a buaithlak khawp mai a, keini Member te tan pawh hian, Agriculture leh Horticulture-ah te engemaw an han chin tir a, Marketing-ah Trade & Commerce in thu an lo nei leh a, an han process a, Industry lam a lo ni leh a. Soil-ah tepawh thil an lo ching ve leh zel bawk a. Rubber te leh thildang te, hriatthiam hi a harsa a. Chuvang chuan, a Minister mal tan phei chuan a solution han zawn kha a har in ka ring a. Hei, kan House Leader te an awm a, Cabinet lamah tepawh decision siam tepawh a tul em aw ka ti a. A zawng zawngah theilo mahse entirnan Hmunphiah hi Agriculture in emaw, Horticulture emaw hian chin tir ta sela, a hralhna lamah Forests Department an lo inrawlh daih chuan a buaithlak a. A chintirtu department hian a market nen hian an kengkawp thei mai lawm ni? Aieng a ni emaw, Sawhthing a ni emaw, Jathropha a ni emaw, Thingfanghma a ni emaw, a tih tirtu Department hian a market thleng hian umzui thei sela, thuneitu pakhatah hian awm tawh selang tih hi ka'n rawtin ka'n zawt nise.

Zawhbelh duh ka nei reng reng a, min chhan theih loh pawhin ka hrethiam a. Hmuhphiah hi kan uar hle a, mitam takin Hmuhphiah farm an siam tan tawh a ni a. Chutih laia Mahal tlat mai hian direct-a mimal in an hralha cheng tam zawka an hralh theih kha Mahaldar in a chhuhsak lui a, tlawmte te in a lak sak leh a, an hlawk thei ta lo a ni. Chumi tihreh nan chuan Forests Department hian February thla khan order an siam a, LSC leh Periodic Patta nei kha mahni rama ching ho kha chu record siamin permit pek an tum a. Mahse, V/C pass an telh tlat lo mai a. V/C pass kha a tam ber leh ram tam ber zawk a ni si a. Khangho khan permit an nei thei lova, Mahaldar mercy-ah khan an awm tlat mai a. Chuvangin, LSC leh Periodic patta te-a hmuhphiah an ching ang tho khan V/C pass hnuai ram an neih a, hmuhphiah an chin te hi permit pek ve mai theih a ni lawm ni tih hi ka'n zawt a ni.

SPEAKER : A chhan theih chuan Minister in han chhang sela.

PU LALRINLIANA SAILO, MINISTER : Pu Speaker, ka chhan hma in a neihnuaih bawk a, hei, kan House-ah hianin kan Member zahawmtakin min hrih a, nichinah pawh Lunglei East bialtu zahawmtak te, Kolasib bialtu Minister zahawmtak Pu Zoram Sangliana te, nipui laiah Rajdani-a chuang ang mai kan ni a. A vawt lutuk a, hei, kan hritlang, kan ngeih lo ani, A/C hi a vawh tawh chuan a off theih lawm ni? complaint a kal teuh a nia, kan Chief Minister in current ren tur a ti leh nghal a, Pu Speaker, a dik khawp mai. Hmanni-ah zawhna ka chhanna a Sapthei man hi tuna Member zahawmtak khan a rawn zawt tawh

a, Sapthei kha a petu chu Industry a ni a, MIFCO in a pe a, sum pe leh tute chu Agriculture lampang, Horticulture lampang a lo ni leh a. Kan Minister zahawmtak Pu Liansailova te, tikhan ani deuh nuaih mai a. Tuna a rawn zawhna hi awm ka ti a. Hmunphiah hi Forests in a rawn khawih a, chuan hemi a ramhmul tak tak ramhnuaia mi ang hi anih ka ring a. Amaherawhchu, mimal leh huanah tepawh an ching nasa bawk a, a hlawk hle mai a. Thenkhat chuanin thlaidang aiin a hlawk e tiin an ching a. Khung Luangmual-ah tepawh khuan kan hmu a, lehlamah chuan a buaithlak angreng ka ti. Hei, MAMCO kan awm a, Trade & Commerce hnuaiah hian, MAMCO-ah chuan mithiam tak tak marketing lampang thiam Doctorate Degree holder te, MBA te, mithiam tak tak an awm a. Tin, Trade & Commerce-ah hian MBA te, M.Sc (Agri) Marketing tih te, khang kha NLUP-ah pawh Marketing Board kha an awm leh a. Khatiang khanin a ni nuaih hian a lang mai a. Chief Minister hova hei hi chu la rel that a tha ngawtin ka hria a. Chuvang chuan, tuna rawn zawhna kha zawhna awm tak a ni e, chu chu ka chhan theih tawk ni teh se.

SPEAKER : House Leader in sawi ve duh a neih chuan ilo ko ang.

PU LAL THANHAWLA, HON'BLE CHIEF MINISTER : Pu Speaker, khami buai nuaih kha chu a buai a nih chuan a buai na na na chu chinfel a ngai a ni mai a. Kan hotuten la chingfel sela. A Hmunphiah hrim hrim kha tunah hian eizawna tham, eizawna tlakah kan Sorkar hian a ngai a. Tin, NLUP-ah pawh hian a trade pakhatatah chuan a tel ang. Amaherawhchu, tuna kan tih ang hi Member zahawmtak Pu Duhawma sawi ang khan Mahal system te angte hi a hlawk lova, tangkai zawka hman a ngai a, Zoram chhantute sawn an buaipui a. Mahse, an Mahal daih avang hian, Hnam Chhantu, Kuthna thawktu tamtak leh a Hmunphiah huan neitu tamtak khan sum tamtak an chan phahin a lang ani. Chuvangin, hei hi enthat tur a ni a, employment tam tak a generate a, siamsa-a hralh hi a hralh a tla em em a. Chuvangin, tlema awlai zawk, rip lutuk lem lova, eizawna thatak nia rin a nih avangin uar zawk kan tum a, a Mahal chungchang pawh hi a rang thei ang bera ngaihtuah tur zing ami ani.

Entiman - Mau Mahal hi system a tih hi a hlawklo hle mai a, vai Mahaldar ho hian an duh tawk tawk hi an la a ni ringawt mai a. Chhim lama Mahal an pek pawh hmar lama an duhna lai laiah kua an rawn hreuh a, Mautam avangin ram a kang nasa a, mau kan chan nasa a ni. Chuvangin, Mahal system hi tihtawp tur kan ti rih a ni, hun engemaw chen a tan, tihtawp hlen tur kan ti lova, tihtawp rih tur kan ti a ni. Chutiang deuh chuan Hmunphiah tepawh hi la en a tulin ka ring a.

Tin, Mau hrim hrim hi chu tangkai zawka hmandan tunah hian kan hotuten an dap mek a, ramdang atangin a chi hrang hrang in an rawn interest a, Taiwan atang pawhin an rawn interest a, tualchhunga company tepawhin Paper Mill atan te, Chipping plan atan te an rawn interest a. Chulam pang zawkah

chuan a Mahal aiin kan hlawk zawk ang a tih ngaihtuahna te a awm a. Chuvangin, vawiina kan thenawm vaiho in an duhtawka an rawn suasam hi kan veng hneh tak tak lova, Forests Guard leh Forests Post te kan han siambelh ngawt a, mahse ven hneh an har khawp mai. Chuvangin, Mau Mahal system hi chu i titawp lailawk rih phawt ang kan ti a ni. Chutiang bawk chuan Hmunphiah pawh hi mitam tak tana eizawna awlsam leh eizawna hmantlak ani dawna a lan avangin chutiang zawnga kalpui chu kan tum dan a ni.

SPEAKER : Awle, zawhna No. 142 - na zawt turin Pu Lalduhawma ilo sawm ang.

PU LALDUHAWMA : Pu Speaker, Trade & Commerce Department changtu Minister zahawmtak chhan atan - Sorkar hmasa in Aieng a chin tirt hralhna tur zawn sak a ni em ?

SPEAKER : Kha kha nichin deuhah khan kan hre deuh nual tawh a, mahsela Trade & Commerce changtu Minister in fiah zawk pawha a lo sawi beisei ila. Pu Lalrinliana Sailo, a changtu Minister ilo sawm ang.

PU LALRINLIANA SAILO, MINISTER : Pu Speaker, member zahawmtak Pu Duhawma zawhna chhanna chu 'Zawn sak mek a ni e' tih a ni e.

SPEAKER : Zawhbelhna, Pu Lalduhawma. A chhan mekah a la lungawi lo deuh em ni ?

PU LALDUHAWMA : Tunah khan Agriculture Minister zahawmtak khanin a sawi tawh bawk a. Kha, khati kha a ni nuai mai a, zawhbelhna chhanna turte pawh kha chinfel a that zia kha a langin ka hria a. Nichina Agriculture Minister zahawmtakin a sawi, Sorkar hmasain agreement a sign puite kha ka hnenah pawh an lo kal ve a. An han sawi an han sawi a, a rate kan han thlen chinah khan keipawhin ka tuina zawng zawng kha a bo nghal a ni. Agreement-ah kan Farmer te interest protest lova a rate engmah sawi chian awm lova khatianga tih kha a fuh thei ngai lo reng reng tih ka sawi duh a.

Tichuan, tunah AMFU hian Aieng market hi an zawng a, Rs. 5/- te hi chuan Silchar-ah chuan kan pe thei mai thei an ti a. Chutianga pe tur chuan hralh loh ai chuanin an hralh duh tho chuanin ka ring a. Chuvangin, an lo chin tawh, kum engemaw zat ramhnuai lo mu tawh hi AMFU te emaw, tu tute emaw kawng daptute hi pui ta ila. Support price tepawh cheng 2/1 pe ila. Chin belh lam chu market a awm hma chuan sawi hmuh tawh lo ila, chin sa na na na hi chu a nam liam sak dan hi Sorkar hian a zawng thei lawm ni?

SPEAKER : Chhang turin Pu Lalrinliana Sailo ilo sawm ang.

PU LALRINLIANA SAILO, MINISTER : Pu Speaker, nia, nichinah kan ngaithla tawh a. Agriculture Minister zahawmtakin a sawi a, Agreement sign na hmasa kha Diamond Ship Kolkatta kha a ni a. Keini pawh hian Kolkatta-ah MAMCO Chairman leh Managing Director te kan zu tir thla a. Amaherawhchu, anmahni ngei a hmuna zu en khan (sawi hi a nuamlo thin a) a rintlak loh hle niin thu an rawn hawn a ni.

Aieng chungchangah hian hun hmasa-ah khan helamah kan thu a, kan sawi nasa a, dik tak a ni a. Aieng thenkhat chu eng manglo, a chi atang kha chuan eng manglo te an ni a. Tuna Member zahawmtak sawi ang khanin kan mipuite chhan kha a tul tho si tiin tunah hian kan dap reng a. Tin, Uttaranchal leh Siliguri atang khuan an lokal a. Pu Speaker, tuna kan Sorkar thar hianin kan Chief Minister zahawmtakin an duh dan dana rate an siam thin leh kut hnathawktute tana harsatna an siam thin kha 'Gate a awm tawh tur a nilo' a ti a. Chuta tang chuan Sawhthing pawh Pathian khawngaihna 'Tuilet hnua to ber a ni ang' tiin kan sawi thin kha. Nikum lamah Kg.ah Rs. 30/- dawn a ni a, Silchar-ah te, Vairengte-ah te an hralh a. Tunah pawh hian Rs. 26/- vel in an rawn report a. Chutiang chuan, Aieng pawh hi kan zawng reng a. Tin, a dry (a ro) hian an duh a ni. A ro hi chuanin kan thenawmah pawh, a hming pawh sawi ila a tha awm e. Pu Chalkaia'n Kg. ah Rs. 36/- in a ro chu a lei zar zar a, kum khatah hian quintal 300 chuante a lei thin a ni. Chutiang chuanin kan zawng reng a.

Hei, tunah hian House ka hrilh duh chu tuna ramhnuai mi la cho loh ang hi quintal nuai li singnga velah kan chhut a. Chutiang chuan Pu Speaker, a dry kha a tul avangin hemi Naturalist Institute of Inter Disciplinary Science and Technology, Trivandrum base hi hengte nen hian nikum lam khan kan inbia a. Chutiang chuanin kan inbia a, 'Hetah lo zin thla ula' an ti a. 'Khawl din ila' kan ti a. Rs. 240/- crore velin, DPR kan siam a, an submit mek a. Khatianga han tih tumte kha a ni a. Tin, MAMCO in theihtawp an chhuah reng a, kan kal dan tur chu kan hotute nen kan la sawi khawm zel ang chu. Chuti ngawta han hralh chuanin lehlamah chuanin a ni bik lova. Amaherawhchu, mipui tana tha zawka kan hriat avangin leh thlai chingtu, thlai ringtute tana tha zawka kan hriat avangin free market system in kan kal a. Hei hi a hlawk hle pawhin kan hria a. Lehlamah chuan kan zawn rawn a ni ber e. Anmahni pawhin an zawng a, society leh group pawhin an zawng a, keimahni pawhin kan zawng reng e tih kha ka chhanna a ni e.

SPEAKER : Ni e, a lawmawm lam a nih chu. Tunah zawhna No. 14 na zawt turin Pu B. Lalhlengliana ilo sawm ang.

PU B. LALTHLENGLIANA : General Administration Department Minister zahawmtak chhan atan Starred Question No. 143 na - Builum Compensation Commission khan report a thehltu tawh em ? tih ka zawt e.

SPEAKER : A chhang turin Hon'ble Minister, General Administration Department changtu ilo sawm ang, Pu Lal Thanhawla.

PU LAL THANHAWLA, HON'BLE CHIEF MINISTER : Pu Speaker, Builum Inquiry Report kha Dt. 29.1.2010-ah thehluh a ni a. Tunah hian Vigilance Department in an kalpui zel dan tur an ngaihtuah mek a. An ngaihtuah zelna atangin action tepawh an la tan tawh nual a ni.

SPEAKER : Zawhbelhna, Pu B. Lalthlengliana.

PU B. LALTHLENGLIANA : Pu Speaker, ka'n zawhbelh lawk ang e. Chanchinbu-ah te kan lo hmuh danin Builum khuaah chhungkaw engemawzat la awm luiin sawi a la ni a. Khang kha an la awm zel em ? Awm zel nise, Sorkar hian engtia tih nge an tum? tih ka zawt a. A chhan chu, Tuikhuah tlingin a chim zel si a, chutih laia awm luih tlat mai tum kha an awmna hmun tur Kolasib Rengtekawn-ah buatsaih sak an nih bawk si laia khatianga awm zel kha sorkarin engtia tih nge a tum ? tih kha ka'n zawt a ni.

SPEAKER : Chhang turin Chief Minister ilo sawm ang.

PU LAL THANHAWLA, HON'BLE CHIEF MINISTER : Pu Speaker, an awmna tur Sorkarin a ruahman a, an awm lui zel anih chuan a chim mai ang chu.

SPEAKER : Lawngleng te an siam mai ang chu. Pu Lalduhawma, zawhbelhna.

PU LALDUHAWMA : Pu Speaker, compensate chungchang a ni a, hemi Chaltlang ram, Vawngawn ram, Aizawl epah sawn, Army in hmunpui rawn din an tum niin sawi a ni a. China nena kan inkarte a that vak loh avang hian. Chutah chuan compensate bawk hi kan buaipui leh dawn tanin, LSC lem te a tam leh hle tawh tih sawi a awm a, hei hi a dik em ? Tin, kha kha Army tepawhin an lo hriat leh chuan kan buai leh ang a, an ti fel leh hleithei lovang a, kan hmingte a chhe leh vak thei bawk a. Hei hi thil lian tak, Aizawl dai bul maia thil thleng leh tur a ni a, hemi chungchang hi thu thangvel hi a dik em? tih ka'n zawt teh ang.

SPEAKER : Builum compensation lam kan sawi a, compensation lam nena inlaichin niin a hria a ni ang e, zawttu member zahawmtakin Vawngawn ram chu, han sawi leh mai teh aw.

PU LAL THANHAWLA, HON'BLE CHIEF MINISTER : Pu Speaker, compensation lam kan sawi a, a vanduai thlakna lai a awm a. Compensation la tur chuan tute mai pawh hi, kohhran hruaitute, tu tepawh kuttlinglo-a sum lak hi kan hnial lo vek niin a lang. Tuna Member zahawmtak Pu Duhawma'n a rawn zawh kha a dik a, sawlaih sawn opinion-a a ram neitute, VC hmasa leh tun amite a inanglo nasa a. Tin, compensation duh vanga diklo taka lokal a awm a ni. Vairengte sipai ram zauhna tur atana Jungle Warfare School diklo tamtak 1970/1980 tir lampang vela mite, Kolasib District hnuai V/C pass kha computer-a nalh taka type a awm teuh ang deuh kha helai pawh hi ani tho mai a. Amaherawhchu, endik turin Revenue Department-ah Minister hian uluk taka en tu tur Committee a din a. Chu chuan an en mek a, chuta tang chuan a dik leh diklo kha a hriat theih ang a. Report pawh an submit tawhin ka hria. Tunah hian chhang turin ka inpeih mai lova.

Engpawhnise, Pu Speaker, compensation vanga kan ramah hian project lian tak tak leh tha tak tak tur te, kan ram asset tur te tih theih loh dawn ai chuan a dik lova claim tute hi dan in a hrem zel dawn a, a hrem tan mek tawh a. Vairengte amite pawh khu hrem tur a ngah in ka ring a. Sorkar chuan hrem kan tum lova 'Phuba la' min tihte a hlauhawm avangin, dan in a hrem mai dawn a.

Chutiangin Mizoram pawh hi sipaiin a interest nachhan hi a ram hrim hrim a ni lova, tuna Member zahawmtakin a sawi ang khan China hian kiltinah min hual vel a. Chumi counter act nan chuan Brigade Headquarters-ah an duh a, keini pawhin rem kan ti a. An neih theih dan tunah hian kan dap mek a ni. Mahse mipui a neitute lungualna a ngai a, chumi chu kan nghak a. Chumi chhung chuan claim diklo bogus claim kha endik mek a ni.

SPEAKER : Zawhna leh chhanna hun a lo tawp leh ta a. Home Minister in Phone in thusawi a duh thu min rawn hrilh a. Amaherawhchu, thil kha a clear cut lo deuh hlek a. Tunah hian a sawi duh rawn sawi turin Home Minister ilo sawm ang.

PU R. LALZIRLIANA, MINISTER : Pu Speaker, ka lawm e. House information atan thil pakhat chauh han sawi lawk ka duh a. Hei, tukin zing dar 2:30 vel khan Guwahati atanga lo chho MST Bus MZ-01/9098 chu Kalyan leh Masimpur inkar kawng chhiat speed breaker avanga motor tlan chak hleih theih lohna hmuna chetla thin suamhmang rual ten an lo suam leh a. Helai hmuna an chet dan hi motor hnunglama lawn in Bus chung a bungrua te chu an thehthla thin a ni. Tukin zingah pawh hian hetiang a an ti tih hriat veleh Bus chu a ding nghal a. Tichuan, anmahni suamtute beih let tum chuan Bus ami ten hmanrua awm awm te insem in Bus chuan misualte awmna lam chu panin a in turn nghal

a. Passengers zingah hian Mizoram Police CID, SB Inspector Laltanpuia Sailo leh Constable Thanzuala te chu an duty haw lam an lo chuang ve hlauh a, heng misualte hi Laltanpuia chuan a silai .38 Special Revolver chuan tumhnih a kap a. Amaherawhchu, motor chelai leh anni an thil lakte an thethlak an chhar a, an tlan laite a nih avangin a kah fuh chiah erawh chu hriat a nilova. A fuh loh pawh hriat ani chiah bawkw lova. Bungrua an thethlak te hi kawngdunga an hmuh let theih zawng zawng te chu an chhar khawm vek a, mahse misual ten an lak bo hman bungrua thenkhat erawh chu an hmu kim thei ta lo a ni. Bungrua bo hriat theihah chuan MBBS zirzo 3 – Lalengzauva Bairabi, Lorrence Lalramenga Bethlehem Vengthlang, Zosangliani Bungkawng Veng te zirlaibu engemawzat a bova. Tin, Pu Rinmawia, Khatla ta Computer Peripherals Rs. 6000/- leh mi hrang hrang bungrua thenkhat Rs. 10,000/- man bawr vel a bo bawkw a ni.

He Bus khalhtu hi Zonunmawia leh Muanthanga te an ni a. Conductor hi R. Dengkhuma a ni. Misualte hi ka sawi tawh ang khan kahhlum emaw, hliam han chhuizui tur emaw kha zan thil ani a, enge an lo neih hriatchian anih bik loh avangin chhuizui hman a ni ta lo a ni. Kha kha House information-ah ka han pe lawk a ni. Pu Speaker, ka lawm e.

SPEAKER : Awle, kan Member te zinga mi Pu K. S. Thanga hi a bial lamah thlichhia tuarte an awm a, a hmunah a va tlawh a, thil awmdan va hmuh pui turin a kal a ni.

Tunah chuan Paper Lay na kan lo hmang ang a, kan House Leader, kan Chief Minister zahawmtakin ‘The Mizoram Road Fund Rules, 2010’ hi House dawhkan-ah rawn lay sela, ilo sawm ang.

PULAL THANHAWL, HON’BLE CHIEF MINISTER : Pu Speaker, i remtihna leh he House phalna in “The Mizoram Road Fund Rules, 2010” hi he House zahawmtak Table-ah ka rawn pharh e.

SPEAKER : A copy sem nise.

Dr. R. LALTHANGLIANA : An rawn sem hi phekk thumna atangin a in tan a, helai velah a hma thu hi a awm lo nge ni ka copy dawn-ah hi chuan a kimlo nasa mai.

SPEAKER : Han thlak sak rawh u. Sem hma-a check vek tawh tur kan tih kha mawle. Check loh a awm leh thin. 2000/3000 sem tur pawh nilo 40 lek sem tur, lo check fel vek tur a ni a. Ngaihdam kan dil leh ringawt a nih chu Office lamin.

An rawn dah ang a, kan Assembly Staff ten in lo check vek ang a, chutah chuan a kimlo leh diklo a nih chuan rawn dah leh rawh u tih mai tur. A kimlo hliir an rawn thawn pheik chuan kir vek tur, kan sem lo mai ang.

PU LALRINMAWIA RALTE : Pu Speaker, a kim kan tihah pawh hian a thu pianzia hi a mak riau. Definition para – 2 na kha han chhiar ila, phek 2 – na han keu phei chiah khan provided that tiin an tan tawp mai a. Tin, small no. in a hnuaiah 12 khan an in chhunzawm leh tawp mai a, engemawni hei hi remsual emawni. Ka din lai la la in page 3 hi a inrem dan hi 2 tur zawk hi a ni.

SPEAKER : Mithiam chin vek in ni bawk a, a section number atang khan a chungga phuahchawpa number an pek mai mai, page no. hi chu a lem lem a ni mai a. Hemi a section no. atang khan lo chhiar chawp mai rawh u. A section no. kha chu a indawt dik ang ka ring.

Dr. R. LALTHANGLIANA : Pu Speaker, phunchiar min ti deuh mai thei a, wawiina kan thil thelhu hi nakin zel atan pawh uluk deuha tih hi tha in ka hria a. Kan Assembly lampang thiamloh kha a ni lova, hei, a phek hnung tepawh hi han en ila, in dawn kha a ni ve deuh fur in ka ring a. A kawm pawh a awm lo, a zialo lutuk a, nakin zelachuan fel zawk deuha tih dan ngaihtuah a tha ang a, tih lai kha ka han sawi belh duh mai a ni e. Assembly lampang pawh an ni vek lo, helaiah hi chuan, an thiam lohah ka ngai lo.

SPEAKER : Department zawng zawngin Member zahawmtakte copy in han pek tur House-a lay tur reng reng kha uluk takin lo check vek zel ula. Chuti a nih loh chuan MLA te hi bengchheng deuh kan nia. Tin, Department kan hmuhdan kha thil ti pawr phing pheng, awmze nei vak lovah kan hmu tleu palh ang che u. Chuvang chuan, Assembly dawhkan rawn thlen tur kha chu lo ti thlap ula, tichuan kan lawm kim dawn anih chu.

Tunah chuan Report Present tur a ni a, Pu B. Lalthlengliana, Member zahawmtak PAC Chairman nibawk chuan heng PAC Report pathum -

- (1) First Report on the Report of Comptroller & Auditor General of India for the year 2005-2006 relating to Health & Family Welfare Department.
- (2) Second Report on the Report of Comptroller & Auditor General of India for the year 2006-2007 relating to Health & Family Welfare Department.
- (3) Third Report on the Report of Comptroller & Auditor General of India for the year 2006-2007 relating to Urban Development & Poverty Alleviation.

Hengte hi House-ah rawn present sela ilo sawm ang.

PUB. LALTHLEGLIANA : Pu Speaker, i phalna leh remtihna in –

- (1) First Report on the Report of Comptroller & Auditor General of India for the year 2005-2006 relating to Health & Family Welfare Department.
- (2) Second Report on the Report of Comptroller & Auditor General of India for the year 2006-2007 relating to Health & Family Welfare Department.
- (3) Third Report on the Report of Comptroller & Auditor General of India for the year 2006-2007 relating to Urban Development & Poverty Alleviation, heng te hi he House zahawmtakah hian ka rawn present e.

SPEAKER : P.A.C Chairman zahawmtakin khang Report pathum te kha a rawn present a. A copy kha han sem rawh ule.

Tunah chuan Financial Business lamah kan lokal leh tawh ang a. Vawiin hian Minister pathum Pu H. Liansailova, Minister zahawmtak Pu H. Rohluna, Minister zahawmtak leh Pu Zodintluanga, Minister zahawmtak te Demand lak tur ani a, kan tih thin angin an pathum hian la kawp leh mai ila tha kan ti em ? Tha kan ti maw ? A lawmawm e. Chuti chu kan la kawp ang a, tunah Pu H. Liansailova, Minister zahawmtakin a Demand No. 13, 31, 32, 33, 35 leh 47 te hi House-ah rawn submit se, ilo ko ang.

PU H. LIANSILOVA, MINISTER : Pu Speaker, on the recommendation of the Governor of Mizoram and with your permission Sir, I move the Demand Nos. 13,31,32,33,35 and 47 for Rs. 194,50,82,000/- for meeting expense during 2010-2011 in respect of the following departments –

Demand No. 13	- Personnel & Administrative Reforms	- Rs. 2,23,58,000/-
Demand No. 31	- Agriculture	- Rs. 84,68,80,000/-
Demand No. 32	- Horticulture	- Rs. 18,60,04,000/-
Demand No. 33	- Soil & Water Conservation	- Rs.18,51,94,000/-
Demand No. 35	- Fisheries	- Rs. 9,91,26,000/-
Demand No. 47	- Minor Irrigation	- Rs. 60,55,20,000/-

TOTAL - Rs. 194,50,82,000/-. Thank you.

SPEAKER : Tunah Pu H. Rohluna a Demand No. 17 leh 36 te House-ah rawn submit ve sela.

PU H. ROHLUNA, MINISTER : Pu Speaker, on the recommendation of the Governor of Mizoram and with your permission Sir, I move the Demand No. 17 and 36 for Rs. 2, 71, 28, 62, 000/- only for meeting expenses during 2010-2011 in respect of the following departments –

Demand No. 17	-	Food, Civil Supplies & Consumer Affairs	-
		Rs.2,30,68,41,000/-	
Demand No. 36	-	Environment & Forests	-
		Rs. 40,28,62,000/-	
Total	-	Rs. 2,71,28,62,000/-.	Thank you Sir.

SPEAKER : Tunah Pu Zodintluanga, Minister zahawmtakin a Demand No. 22, 26, 46 leh 48 te hi House-ah rawn submit sela.

PU ZODINTLUANGA, MINISTER : Pu Speaker, on the recommendation of the Governor of Mizoram and with your permission Sir, I move the Demand No. 22, 26, 46 & 48 for Rs. 1,58,48,31,000/- for meeting expenses during 2010-2011 in respect of the following Departments –

Demand No. 22	-	Sports & Youth Services	-	Rs.20,49,80,000/-
Demand No. 26	-	Information & Publicity	-	Rs.7,30,12,000/-
Demand No. 46	-	Urban Development & Poverty Alleviation	-	Rs.1,24,96,000/-
Demand No. 48	-	Information & Communication Technology	-	Rs. 5,72,00,000/-
Total	-	Rs. 1,58,48,31,000/-.	Thank you.	

SPEAKER : Tunah chuan Minister pathum te Demand kan dawng ta a, kan sawiho leh nghal mai ang a. Member ten minute 10 theuh kan tih dan pangngai khan kan han in pe leh ang a, minute 10 kha a tawk mai em ?

PU K. LIANTLINGA : Pu Speaker, Demand Minister in a rawn sawi kha a tihsual nge ? one thousand fifty eight crore a tiin ka hria. Kha kha correct sela, sawiho hmain a va tha awm em ? one hundred and fifty eight crore niin ka hria.

SPEAKER : Correction tur a awm chuan Minister in rawn sawi tha leh rawh se, a ziak ka lo en a, i sawi dik vek emaw ka ti a.

PU ZODINTLUANGA, MINISTER : Pu Speaker, a chhut ang ang khan ka chhiar chhuak a, ka lo tihsual palh a ni e. Hundred and fifty eight crore forty eight lakh thirty one thousand tih tur a ni e.

SPEAKER : Minute sawm hun kan han inpe leh thliah thliah ang a. Engemaw in dil belh theih kha a ni a, tul zual em em kha chu. Minute 10 kha kan nei tih hria ila, minute 9 ah bell kha kan han ti ri leh ang a. Tunge han sawi hmasa dawn le ?

PU H. ZOTHANGLIANA : Pu Speaker, ka lawm e. Kan Demand hi 12 a niin ka hria a. Minute sawm chhunga han sawi dawn chuan keini ang speed ranglo tan chuan a buaithlak viau mai a. A vaiin ka sawi theilo ang a, a then then chauh hi ka'n lawr mai ang e.

Pakhatna-ah chuan Agriculture Department Demand No. 31 chungchangah hian kan hotu ten pawisa pawh an dah tha thawkhat viau in ka hria a, lawmawm ka ti a. Sorakr thar flagship programme NLUP hmahruaitu, sulsu tu Agriculture Department hi a nih dawn bawk avangin hei hi thil lawmawm tak a ni ka ti a. Chutih rual chuan thil pakhat ka'n tarlan tel duh chu kan Minister zahawmtak, Agriculture changtu hian thlai chi supply lam chi chu tihtawp tum hnaih a ni dawn tih kha ti ti hona-ah a sawi zawk tawh a. A sawi dan chuan hei hi thuneitu thenkhatte tana duh chuan sum siamna remchang tak a ni a, ministry hmasa hunlamah te khan an lo ti nasa angreng a. Helamah hian sum an hmanng nasa a, keini hunah hi chuan kan hlawkpui lemlo nia kan hriat avangin tih tawp kan tum rilru a ni tih kha a sawi a. Tin, a principle kha a tha ka ti a, a fak tlak pawh ka ti a. Chuvangin, ka'n tarlang kher duh a ni.

Chumi rual chuan thlai chi supply zawng zawng hi a hlawk lovin a fuh lova, a fello vek bik lo tih erawhchu ka sawi tel duh a. Kan Minister zahawmtak pawhin Chiangtaka a hriat angin leh kan hotu liante pawhin an hriat a, an sawi ve tawh thin bawk angin entirna pakhat chauh han tar chhuah ka duh chu Phawngpui tlang bula Cheural khua-ah hian a khawpum deuh thawa an buaipui chu Alu hi a ni a. Alu hmun an siam a, an ching nasa a, an thar nasa bawk a. Kan Minister zahawmtakin min hrilh dan chuan nikum leh kum hmasa lam hun bul kan tan tirh vel chhoh atanga Alu chi quintal tam fe mai semchhuah zingah khan a ti tha deuh awm chhun chu Cheural khua chiah hi Mizoram pumah an ni tih min hrilh a, ka bial chhunga awm anih avangin a lawmawm pawh ka ti khawp mai tih ka'n sawi tel duh hram a. Chumi rual chuan Cheural khaw mipuite hian Alu hi inngahna, eizawna bulpui bera an neih tak meuh meuh anih avangin engemaw tiin a special deuha tlem tal a chi ngaihtuah sak hi chu lawmman ang atan tepawh an phu ve lawm ni tih kha nangmah kaltlangin Pu Speaker, kan Minister hi ka ngen duh a ni.

A dang leha chuan Horticulture-ah te Soil-ah te Demand No. 32 & 33-ah te sawi tur a tam a, mahse thiante sawi atan khek leh ngawt mai ila. Demand No. 35-ah hian Fisheries chungchang han sawi kai lawk ka duh a. Report kan

ngaithla a, thusawi kan ngaihtlak tawhte atangin Zoram-a Sangha dil awm zat te, thar chhuah zat te hi kan tun dinhmun ngaihtuah chuan a tha thawkhat viau laiin kan khawp kham tawk lo a ni tih erawhchu a Chiang tih te kan hria a. Chutih karah chuan Sangha chi, Sangha note supply hi tunhma zawng zawnga kalpui thin dan kha chu a fuh lo a ni. Hei hi keima experience atang pawha ka hriatchian a ni a. Lawntlai-ah Sangha dil chhete kan siam ve a, pi leh pu ten an siam bawk a, chutah chuan a chi sangkhat, a note sangkhat, a note sangkhat tling tura ngaihah hian uluk taka han chhiar chuan zali nga lek te, a aia tam hlek te, a aia tlem zawk mah te a ni tlangpui a ni. Chutah an lo kalpuina a thui tham a, a thi duh em em mai lehngal a. Chuvangin, hetiang ang hian Sorkarin tanpuina hi a chhunzawm thei dawn anih pawhin a lawmawm rualin, a system hi enthat deuh a ngai ka ti a. Khaw tinah, hmuntinah Sangha dil neite hi chu a society ang annih chiah loh pawhin formal taka group an din lemlo a nih pawhin engemaw tia inpawhtawn deuh vek an ni a. Chung ho chu ' Society emaw, Association angin emaw lo intelkhawm ula, in hnenah hian pawisa cheng chutizat chu a chi leina tur kanrawn pe ang che u a, kanrawn tanpui ang che u a, nangmah niin in thiam angin leh tha in tih angin lo inngaihtuah rawh u' ti ila. Sorkar senso hniam zawk daih si hian Sangha chi tha zawk hi farmer ten an dawng thei dawn a ni tih hi ka rindan nghet tlut mai a ni a, chu chu ka'n sawi tel duh a ni.

Demand No. 47 – ah ka kai ang a, Minor Irrigation chungchangah hian keimah pawh ina ka sawi ve tawhna-ah khan Land Development-ah te, Water Channel siam kawngah te hma an la nasa em em mai a. A bik takin tun Sorkar thar hunah hian a tak taka an hnathawh hmuh tur a tam a, a lawmawm a ni. Chutih rual chuan Minor Irrigation lamin a an hmalak theihna approach road an tihah hian pawisa a 'per hectare' zawnga chhut a nih avangin a tam mawh em em a ni tih Department Official te atangin ka hria a. Chuvang chuan, kan land development tur te, WRC atan emaw leh thildang atana kan hman tangkai tur te hi a hranpa-a a panna kawng siam ngaite anih tlangpui bawk si avangin scheme dangte nena, programme dangte nena convergence sawi hi a pawimawh hle in leh a tul hle in ka hria a, chu chu kan hotuten an lo chhinchhiah a, bawhzui dan a awm theih chuan lawmawm tak ni turah ka ngai a ni. Hei hi Zoram pumpui tana tangkai thei anih ka beisei

Chutih rualin Minor Irrigation lampang hi tun dinhmunah chuan an establishment hi a lo la lian lo khawp mai a, Mizoram pumpuiah hian project 73 enkawl mek an nei a. 41 dang an hma chho leh dawn a. Tichuan, a vaiin 114 project hrang hrang enkawl an nei chho dawn a, chung zawng zawng enkawl tur chuan E.E.-4, SDO-5 leh J.E-21 thawktu an nei a ni. Chumai bakah chuan Aizawl, Lunglei, Champhai leh Kolasib District 4 te Headquarters tih lohah hi chuan District Headquarters dangah hian hmun mumal an la nei lova. Entirman – Lawngtlai angah tepawh bul tan an tumin hma an han la tan a, a lawmawm em em ka ti a. District dangah tepawh hian a District Headquarters ah chauh tal hi chuan EE thuthmun hi dah ve theih nise a tul mang e aw ka ti a. Chu chu chawplehchilha a la harsa deuh anih pawhin, SDO thuthmun tal hi chu han dahsak an phu in Zoram tan hian a pawimawhin ka hria a ni.

Tin, Demand No. 17 – Food, Civil Supplies & Consumer Affairs chungchangah harsatna hrang hrang a tam theihzia te chu kan hre tlangpui vek hlawm a. Chung ang zawng zawng karah chuan vawiin thlenga Sorkar thara kan Minister zahawmtakin a hma a hruaina kawngah achievement neih mekah hi chuan a lungawi thlak tih hi ka lo hmuh ve dan a ni tih ka sawi tel duh a. Chutih rualin rethei ber atanga hausa ber pawhina kan mamawh buaipui tute min enkawltute an nih avangin tun aia nasa lehzuala thawktute, a bik takin kan official lam te an tan erawhchu a pawimawh hle zel a ni tih hriatsa vek mah nise ka'n sawilang nawn duh a. Tin, Food, Civil Supplies and Consumer Affairs tih lai tak hi kan uar tawk lo niin ka hria a. Helamah hian ngaihtuahna tepawh kan sen tam a tulin a pawimawh a ni.

Tin, hemi kaihnhawiha ka'n sawi duh chu Hnahthial piah lawk, Darzo kan tih Tuipui ferry, marboat a inthiarkai ngai thinah hian Sorkar thar hian kan Chief Minister zahawmtak hmalakna in lei tha tak mai ro tling siam dan tepawh ngaihtuah chhoh mek ani a. Ka lawm a, lawmthu ka sawitel duh a. Hei hi kan Supply thiarna atan a pawimawh em em a ni. A karlakah a stop gap arrangement atan Bailey Bridge an ti emawni, chungte pawh chu DPR siamin DoNER ngaihtuah tura thlehlul tawh a ni tih te kan hre bawk a, a lawmawm ka ti a. Hei hi khilam chhimlam leh Hnahthiah bawr vela kan mite ho zawng zawng tana thu lawmawm a ni ka han ti ve ani.

Sports & Youth Services chungchangah kan Minister zahawmtak hi kan congratulate nawn ve hrim hrim duh a. Zoram thalaite auhla chhangtu a ni chho mek hi chhuanawm ka ti a. Mualpui-ah Stadium puitling thalaiten kan auh thin, kan auh chhuah hleihtheih loh chhanna atan Stadium puitling din turin hma an la a. India ram puma kan hotunu pawimawh ber pakhat, Pi Sonia meuh lungphum phum turin kan Chief Minister zahawmtak te nen tang tlanga an han chah chhuak lehzal te kha. A foundation hi a tha a, a ropui a, a dik bawk a, chuvangin Zoram thalaite mamawh chhangtu, kan hotute an ni chho dawn a, a lawmawm a ni tih kha ka'n sawi duh a.

Tin, kan Sports & Youth Services Minister hmasa, chhuak ta in hma a lo lak laklawh tawh Zoram hmuntina tuthlawh leh bawngtuthlawha a hmelhem tawk vela an lo cheh ran ve riai ruai ho hi a buaithlak a, engpawhnise, a harsa deuh anih pawhin kan Minister zahawmtak hian hengte hi kan mamawh ani tih hria in, a chhunzawmna tur, a zawhna tur a dap mek tih ka hria a. Tun aia nasa lehzual tepawh hian tan theih dan a awm em? tih kha zawhna leh ngenna nipah fawmin ka'n tilang leh duh a ni.

Information & Publicity chungchangah hian thil pakhat chauh Pu Speaker, ka sawi leh zawk ang a, chhimlam ho saw, kan ti leh teh ang, Saiha, Lawngtlai, Lunglei kan District Headquarters/Capital ho tal hi chu a State level advertisement-ah hian, kan chanchinbu mite, kan media hote hi hriat tel ve a, duhsak tel ve ni rawh se tih hi ka ngenna a ni bawk a ni. Awle, Pu Speaker, ka lawm e.

SPEAKER : Tunah hian tunge sawi leh tur kan awm em ? Pu R. Lalrinawma.

PU R. LALRINAWMA : Pu Speaker, ka lawm e. Hei, ka hma-a sawi ang khan, Department sawm pahnih lai a ni a, han sawi vek sen a ni dawn lova, pawimawh zual zual, a dang a pawimawh lo tihna nilovin, han sawi chhuak ila, demand No. 31 – Agriculture ah hian hmasawna leh hmachhawp tamtak Minister in a rawn kalpui a, a lawmawm a. Potential area connectivity hnuai ah kawng thar 26 km leh kawng hlui 20 km cheithat a ni ta hi a lawmawm em em mai a. Hemi rual hian Agriculture Department in an lo enkawl thin Agriculture link road, Sihphir chhemdur ami pawh khi enkawl ngai tak a ni a. Chungte pawh chu an la rawn hma chho zel turah ngai ta ila.

Demand No. 47 na – Minor Irrigation chungchang kha sawi tawh ang khan project 73 lai mai he kumkhat chhungah an han kalpui a. Tin, an project kalpui dante pawh a hmun ngeiah a beneficiaries te nen en tlanga an han ti thei, thawktute indaihlo em em si te hi an inpekna a ropui a. Post ruak an neih, SDO post 5 te hi han fill up chho leh nghe nghe sela.

Demand No. 33 – Soil & Water Conservation hi developmental Department leh Department pawimawh tak thin, kan ramin a mamawh em em, Soil erosion te tlang ram kan nihna angin, hei hi Sorkar hmasa hunlaih khan Department thi lek lek angin a awm tawh a. Kei phei chuan House-ah ngei hian amalgamation Agriculture-ah te hian bifurcate na-ah khan amalgamate leh tepawh hi a tha lawm ni tihte pawh ka sawi chhuak tawh nghe nghe a. Amaherawhchu, Miniser chaktakin a pawimawhna hria a, tunah pawh Department –ah NLUP kan flagship programme kalpui turah an rawn dah chho leh hi a lawmawm ka ti a. Minister chaktak hmalakna a ropui ka ti.

Demand No. 32 – Horticulture-ah hian Green House kan han tihte hi a tangkai hle mai a. Off season-ah thlai te, pangpar te thar theih a lo ni a. Mitam takin eizawna ngelnghet an neih phah a ni a. Hengte hi kalpui chhoh zel nisela. Aizawl khawpui thlaia chawmtu, Pu Speaker, i bial Durtlang te, Sihphir te leh Zemabawk te, hengah tepawh hian heng Green House tih lampang hi uar zawka tih sak ve nise. Tunhmain hetiang ang ngai lova sik leh sa thatak ni thin kha kan boruak lum zelah thlaite pawhin a lo tuar chho ta a. Chuvangin, Green House tepawh hi kan mamawh chho ve leh hle tawh a ni tih kha ka'n sawilang tel ve leh duh bawka a.

Tin, Horticulture in a enkawl heng Iskut-a eizawng tute, a that duhna hmun Sihphir leh Lungdai te, Serkhan thlengin, hengah hian mitam takin eizawn nan an hmang a. Heng hi Technology Mission hnuai atang hian rawn endik in, helaia kan department tepawhin Sihphir lamah te huante entir in, tanpuina lokal hi kut hnathawktute hian Iskut an entir a, khata tana tanpuina lokal si kha, Sapthei leh Grapes lamahte kaltir leh daih nia hriatna an nei a. Hengte hi term hmasa lamah khan anih hmel a, tunhnu-ah erawh chuan ni tawhlo sela. Iskut atana

tanpuina a lokal anih chuan thirzai kan tih ang chite, Sapthei leh Grapes atana divert lova anihna tur ang taka hman ni tawh thin sela a lawmawm hle ang tih kha ka'n sawi tel duh bawka.

Tin, Pu Speaker, Question Hour-ah pawh kan sawi Demand No. 36 na Environment & Forests sawi ruala ka'n sawi lan duh chu Hmunphiah Mahal chungchang hi a ni. Mahal anih avanga a to zawka hralh theih loh tiin chanchinbu lamah te kan lo chhiar in, kei ka rilruah chuan Trade & Commerce Minister zahawmtakin sawhthing te, Grapes te, Hmarcha te, gate kan ti bo a, rate to zawkin kut hnathawktuten an hralh thei tawh a tih a sawia, kan lo lawm hle laia kut hnathawktute hmalakna ve tho Hmunphiah khatianga Mahal a kan ti kha a tha lo mang e ka lo ti a. Mahse, ni 24.3.2010 a Member zahawmtak Pu K. Liantlinga zawhna Starred Question NO. 71 na Minister zahawmtakin a chhanna-ah khan Forest Area ami chauh Mahal ani tih kha chhanna dawn a ni a. A thawven thlak leh huai mai a. Mahse, chutih rualin thil dik tawklo hi official lamah a awm niin a lang a, Minister zahawmtak pawh hian a hre kher in ka ring lo. Mamit Division Mahalder hian ni 11.2.2010 khan Chungtlang pa, a hming pawh Pu Speaker, han sawi ri ta ila Lalzawmliana hmunphiah hi lei a va dil a, a dilna rate kha a tlawm em em mai a, ani in 'hei chu ka buaipui man pawh a man love, hetiang chuan ka hralh theilo ang'a lo ti a. Tichuan, Forest Guard te hruaiin Mahalder hian 'I hralh duh loh chuan kan man sak ang che' an ti a, an man sak ta a ni. An dilna rate-a hralh ai chuan a man tir vek ta zawk a, kan Forests Minister zahawmtak hi ka han hralh a, 'gate-a hralh tuma kaltlang pui a tum anih loh chuan man theih ani hleinem' a lo ti a. Mahse, chuti chung chuan an man sak a, tuna an lak sak kha Kg. 376 a ni a. Tichuan, ni 19.2.2010 – ah lehkha an pe a, chutah chuan Mahalder hnenah chauh hralh tur a ni tih leh an man sakna seizer memo kha ni 19.2.2010 ah an pe chauh ani, ni 11.2.2010 a an man sak kha. Tichuan, a hnu daihah 'I hmuhphiah kan man hi kg. ah Rs. 7/- in rawn khul la, Royalty Rs. 50/- i chawi bawka ang a' tiin lehkha an pe leh a. Heng hi thil diklo tak a niin ka hria a. Ama hmunphiah lak, a huana mite, annina khatia a lo buaipui chuan thenawm khawveng harsate hnenah ka ta pawh hi tia an lo tih ve kha hralh tuma gate-a hralh a phal loh avanga man sak a, vawiin thlenga an la kawl sak hi kan Minister zahawmtak hian min chhuifiah sak sela, khatia rawn la let leh rawh tia Chungtlang atangin Rawpuichhip ami chu la let tur chuan motor hire a ngai ang a, kg. ah Rs. 7/- a khul turin an ti bawka, ama ta kha. Eng rate nge an fix tih tepawh kha khalaiah khan, a dik lo hle a. Chuvang chuan, min enfiah sak a, compensate tepawh kut hnathawk, rethei harsate thingtlang lamah kan official ten hetiang an ching hi a diklo hle a ni tih kha min hriatsak a, compensate-a hmunphiahte pawh pe let leh turin kan ngen sak bawka a ni.

Tin, Pu Speaker, Demand No. 46 - Urban Development & Poverty Alleviation ah hian hei kan hmalakna-ah Aizawl khawpui tui intur hniangnar leh thianghlim zawk hetiang ruahmanna tur atan sum tamtak dah a lo ni te hi a lawmawm a, kan hre tlang theuh a, tuih kan harsa tlang a. A bik takin Aizawl khawpuiin a huam tho Sihphir te, Zemabawka lamte hi tuih hian an harsa em em a, heng ang hmalakna lawmawm tak lo lang hi lawmawm ka ti a.

Chutih rual chuan kan bawlhhlawh paihna hmun neih Tuirial Dumping Ground leh Sakawrhmutuai Dumping Ground hi Pu Speaker, Aizawl East – I huamchhunga awm ve ve ani a. Tin, bawlhhlawh dahkhawmna, ek paihna te leh a sawngbawlina Oxydization Pond te, Dumping Ground-ah hian an awm leh ta a. He bial hi bawlhhlawh dawng khawmtu a ni ringawt mai a. Chuvang chuan, Session hmasa lama kan Minister zahawmtak ka ngen ang in, duhsakna pawh kan dawng tan a, tunah hian UD & PA atangin tender 49 lai mai a chhuak a, step te, retaining wall te an han ti a, kan lawm em em a, lawmthu ka hrilh nghal duh a. Chutih rual rual chuan hmalakna tur tamtak a la awm a, bawlhhlawh chauh nilovin, development pawh kan duh ve ani tih kha ka sawi duh a.

Tin, Demand No. 22 –ah Sports & Youth Services hmalakna chaktak kan hria a. Hei, thalaite pawhin an hmu a. Sports lamah ‘Catch them young’ han tih te, tin, infiam mite incentive cash award tih te, reitak lo pek theih loh kha reilote chhungin kan Minister leh kan Chief Minister zahawmtakte thahnemngaihna mi 578 hnenah Incentive Cash Award te an han pe a. Playground hmun hrang hranga tih tur te, State Level Sports Complex leh District Level Sports Complex te leh Indoor Stadium tihte hmunkua laiah ruahmanna a awm chhote hi a lawmawm a. Khawpui hnai tak, Zemabawk Field te saw khawpui chhung atang pawha va hman tangkai reng a ni a. Sawngte pawh saw cheithat a ngai hle ani tih kha ka sawi duh a ni e, Pu Speaker, ka lawm e.

SPEAKER : Tunge sawi leh dawn ? Pu V.L. Robiaka.

PULALROBIKA : Pu Speaker, ka lawm e. Hei, vawiinah kan demand sawi tur hi a tam khawp mai a. Kan chuk lawr zung zung turah kan ngai deuh a. A hmasa berin kan Agriculture Minister in a demand rawn sawiah khan No. 31 na Agriculture chungchangah khan han sawi ve ka duh a. Kan thar chhuah pung chho han hmuh leh year book atanga han hriatte, nimin piah Times of India-ah khan Mizoram ina a thar chhuah a pun dan te, Chanchinbu-ah khan an rawn ziak a. Mautam avanga harsatna kan tawh hnuah, k um 2008-2009 ah tamtak kan thar tak thu te an rawn ziak kha a lawmawm hle in ka hria a. Chutih rual chuan, hei, kan Agriculture Minister hmalakna te, tin, power tiller han sem mai te, khangte kha a ropui hle in ka hria a. A bik takin Mizote hi hnamdangte ang in Agriculture lama kan hma lak dan hi shifting agriculture niin thing leh maute kan vat chereu zel a, chungte chu a awm loh nan leh kan flagship programme atana peng khat power tiller 8th HP 348 lai mai sem a lo ni te, Mini Power Tiller, 8th Horse Power 46 lai mai chah chhuah an ni te. Tin, a target hrim hrim pawh heti zozai mai, 348 Mini Powr Tiller-ah khan target a ni a. Tin, Mini Power Tiller 109 lai kan han nei te kha a lawmawm hle in ka hria a. Thalaite vawiinah hian hnathawktu han en hian kan ramah hian kut hnathawktute hi a upa zawkte an niin a lang a. Kum 50/60 bawr chho te hi kut hnathawktute zawk ni hial awmin a lang a ni. Chungte chu kan thalai zawkte, kut hnathawha an tuina zawngte, an interest na zawngte, kan khaichhuahna tur, an interest zawngte hmanga Agriculture atana hma kan lakna tur atana kan hotute,

kan Agriculture Minister tena thiam tak maia hetiang hmalakna an han nei hi a lawmawm ka ti a.

Tin, a demand amount-ah pawh khan a tha thawkhat hle in ka hria a. Rs. 84,68,80,000/- lai mai kan han hmute kha, kan hma lamah hian kawl a eng viauin ka hria a ni. Tin, chung mai piah lamah chuan Soil Testing Laboratory, Kolasib-ah leh Mamit-ah te kan han nei thar te kha a lawmawm hle in ka hria a. Hei, Mamit bial, a bikin hnathawk bial kan ni a, chumai piah lamah chuan huan, sum chang thlai ti mi kan ni a. Serthlum te, Serthlum mai piah lamah thil chi hrang hrang ti mi kan nih avang khan helai House zahawmtakah pawh hian ka sawifo thin a. Keini bial 2008/2009-ah te, 2007 lamah tepawh khan serthlum-ah hian sum tamtak kan hmu chhuak a ni. Khatiang te kha kan nih avangin Soil Testing Laboratory, hetiang anga kan han nei leh Static Laboratory, Mobile Testing Unit kan han neite hi a lawmawm ka ti a. Kan ram leiin a mil dan tur te, enkawl dan tur te, thazawka kan neih ve theih tur nia a lan avang hian a lawmawm hle in ka hria a. Khalai kha chu Agriculture-ah duhtawk ila.

Tichuan, Demand No. 13 na-ah khan Pu Speaker, ka sawi duh chu Personnel & Administrative Reforms-ah khan han sawilan ka duh chu – Hei, sum heti zozai hi a awm a. Tin, kan Officer te Sorkar hnathawkte, Sorkar chakna tur leh mipuite tan nasa takin an in pe a. Chungah chuan a bik takin keini District, Mamit District hi min ngaihtuah tur tepawhin ka ngen duh che u a. Tunah hian harsatna tamtak kan nei a, a bik takain Bru harsatna kan nei a, Chakma harsatna kan nei a. Chutiangin minority awmna kan nih avangin harsatna tamtak, tin development-ah pawh harsatna tamtak kan nei a ni. A bik takin, tuna kan district kan D.C. Office-ah khuan D.C hi training in a chhuak a, Additional D.C in a hmui a, tunah hian. Chutiang tih loh chu Officer pahnih an awm a, pakhat transfer a ni bawka, chu chuan Mamit district pum hi a enkawl ani. Ka sawi ang khan Bru harsatna kan nei a, Chakma harsatna kan nei bawka. Tin, issue engemaw thut thut te, ramri hnaih kan nih avangin Hel avanga harsatnate kan tawka thut thut a. Khatiang kha anih laiin kan dan leh thupek enkawltu ber kan D.C Office chu khutiang khuan tlabal takin a awm a ni. Chuvang chuan, helaiah hian kan Speaker zahawmtak hian hma min lak pui a, keini a mamawh zawkte Staff changtlung zawk te, tin, facility tha zawkte min ngaihtuahsak turin ka'n ngen nghal duh bawka a ni.

Tichuan, Horticulture-ah hian han lut leh lawk ila. Horticulture hi Mizoram-ah Department la upa vaklo ni mahsela, Mizo ten kan chhawr tangkai hle a. Tin, Officer te an fin an thiamna hi kan chhawr tangkai hle in ka hria a. Hei, a sum pawh hi a tha thawkhat hle in ka hria a. A bik takin, Horticulture chungchangah te Anthurium waviinah chuan Holland te hmun hrang hrang foreign thlengin kan export tawh a ni a. Khatiang ti thei department an han nite hi waviinah he House kaltlang hian department-a thawk zawng zawngte lawmpuina ka'n hrilh duh a. Chumai piah lamah chuan nichina sawilan anih tak ang khan Green House te an han ti chho a. Heng avang hian a season nilo-ah pawh thil chi tamtak pangpar chang nilo, heng Tomato kan han tih te, Capcicum/Hmarchapui kan han tih te, phaia to taktaka kan lei. Tin, phaiah phei chuan Damdawi te nena an tih, eng ang taka an process tawh nge hriat loh, hlui

tak takte kan lei thin kha tunah chuan nasa takin min chhawk zangkhai tawh a. Heng avangte hian a lawmawm hle in ka hria a. Anni tanna hi thil chi hrang hrang zingah farmer training an han buatsaih thin te, exhibition changtlung tak takte an han buatsdaih thin te hi farmer/loneitute tan chona nasa tak a niin ka hria a, khangte kha a lawmawmin ka hria a.

Tin, a bik takin ka bial Rulpuihlim-ah khuan Israel Company te nen Mandering Orange a tiak sawngbawlina changtlung tak an nei a. Khuta tang khuan nasa takin a khua mai nilo, hmun hrang hrang, abikin kan bial Darlung te, Sabual te, Tuahzawl te, kan zavai mai hian kan sawi senglo ang a. An tui em em a, a chi tepawh hi nasa zawka sem theih tur hian tan rawn la deuh deuh sela ka duh a. Tin, a bikin NLUP hmasa-ah khan kuhva chin kan lo tuipei tawh a, a bik takin kan bial chuan hnuai Silsuri, Marpara, Pukzing, Phuldungsei tih velah khuan a tha duh em em a. Khami NLUP hmasa-a an chin ho kha sum lak nan ber an hmang tawh a ni. Chutiang chu a nih avangin tun dinhmunah pawh hian kan Horticulture lamte pawh hian nasa zawkin kan chin dante min han enpui sela tiin ka phut duh bawk a.

Tin, Fisheries-ah hian an hmalaknate a ropui ka ti a, Fisheries hi intodelhna tur atana tha tak mai niin ka sawi tawh ang bawk in khawthlang lam hi a that duhna hmun a ni tlangpui a. Chungah chuan kan Sangha tamtak te a thang duh em em a. Tin, a enkawl a awlsam bawk nen, Sangha khawi chungah lo neih pawh a hahdam em em a ni. Khatiang kha a nih avangin heng hi nasa zawka tan kan lak theihna turin tunah budget heti zozai hi kan nei a ni a. Hma nasa deuha rawn la tur te, tin, kaikuang khawi chungchangte a lo lang a. Kaikuang lian chi phaiah te an zawrh ang chi hi tunah hian hmun hrang hrangah kan lui lian deuhah tepawh hian tam tak man tur a awm tawh a ni. Chutianga nasa zawka tan la tur te in ka duh a. Tin, Marketing lamah pawh tunah hian harsatna kan tawk lo niin ka hria a. Chuvang chuan, Fisheries Department in hma an lakna te a ropui ka ti a.

Tin, Urban Development & Poverty Alleviation-ah hian han sawi veleh zawk ka duh a. Pu Speaker, tawite in Minute khat lek, hei, UD & PA atang hian kan budget pawh heti zozai hi a ni a, chutih rual chuan demand a sang chho ve zel a, a bik takin khawpui chhung then thianghlim chungchangah hian tan kan lak zual a ngaiin ka hria a. A bik takin Sanitation Wing an ti nge ni, heng hi kan tih chak ngaiin ka hria a.

Tuna an staff neih te sawtiang saw a ni a, hetiangin engtinge Aizawl khawpui an thenfai theih? tih mai turin an hnathawh a tha em em ani. Chutiang anih rualin an staff han enin Aizawl khawpui chanve pawh tifi thei hmel an pu lo a ni. Chung avang chuan thuamthat an ngai a, hmanrua a ni emaw, staff strength tepawh kha a nasa zawka enfiah a, tih changtlun a ngai a ni tih kha ka'n sawi ve duh a ni e, ka lawm e.

SPEAKER : Minute thum vel bak i pelh love, Pu Lalthansanga, chumi dawtah chuan Pu Hmingdailova Khiangte.

PULALTHANSANGA : Pu Speaker, ka lawm e. Hei, information ang deuhin he House ka hrilh duh chu tukin dar 4/5 vel ruah sur khan Leng khuaah In a tichhe nasa angreng hle mai a. Darthlalang pheih chu keh lo a awm lo an ti a. 'Rial hi a khamphai in a rawn sur e' an ti a. Chutiang chuan kan lokal dawn khan V/C hoten assessment la turin an ti tih kha a ni a. He House zahawmtak hi thuhma angreng deuhah ka'n hrilh duh zawk a ni. Engeni hmundangah report ka la dawng chiah lova.

Vawiin hi kan tih tur Department 12 a ni a, 31 na Agriculture hi sawi ta ila, Agriculture hi kan ramah chuan kan inngahna bulpui tak meuh meuh a ni a. Chuvang chuan, hei hi ngaih pawimawh a hlawh hle a, kan Sorkar hmasa-ah kha chuan kan Chief Minister kha a chanvo-ah a la na-a, a kalsan leh daih mai a, an hawi dawha riauin ka hria a. Hei, tunah chuanin Chief Minister em inawlh lo mahsela, a latu hian chaktakin hma a la a ni tih han hriat hian a lawmawm a. Hemi ITC hi 1981 ah Hnahthial-ah din a ni tawh a, tichuan, 2009-2010 khan a budget pawh hi a pung chho viau a. 92.74 lakh velin an chho a, sawtilai hmun saw a ro em em a, a hmun han en sawnin P.C Ministry ina Mizoram Kut hnathawka eizawngte hmasawna tur atan Certificate Course tepawh tih theih tur hiala a lo ruahman a ni. Chutianga farmers hote leh mi tangkaite leh mi thahnemngate, lo training theihna tur atan a hman a ni a. Kumin 2010-2011 ah hianin a budget hi cheng nuai 54.58 velah an ti leh a, hemi hi nikuma heti zat budget hi, hei kumin nen an ni chho leh a, a hnathawh hi hmuh tur a awm lo deuh hlek a. Sawlai saw engtingge mawni hna an thawk rek rek emaw nile? Eng atan nge an han thawh lai te kha hriat a chakawm deuh hlek a.

Tin, hei KVK hi tunah hian pasarih lai a awm a, kan bialah te, N. Vanlaiphai ah tepawh a han awm ve a. Khi khi Demonstrator Unit angin an rawn dah a ni a. Amaherawhchu, tui an nei lova, khawl leh facilities an dah tepawh khi engmah a tih theih chuang lova. He House-ah pawh hian ka sawi tawh a, PHE Minister hnenah pawh. Tikhanin engemaw han ti dawn sela a tih theih chuang lova, tui a awm miao loh chuan. Bawngte leh engemaw farmers te tana entawn tlak leh example leh pillars tur ang kha hma a lak theih loh a ni.

Chuvang chuan, khilai hmunte pawh khi hmalak theih a, tui tepawh hnianghnar zawka neih theih a. Tin, chubakah chuan a topography then hi anmahni purview ah hian a awm thei em aw tih hi, hei hi a pawimawhin ka hria a. A bikin keima bial chhungah tepawh Minor Irrigation-ah hian a demand hi a in relate vek mai a. Hetah pawh hian hmalak hi a awm chho nual a, chutiang chuan he KVK hian topography then hi an buaipui thei ang em? min buaipui sak thei se tih kha kan Minister zahawmtak hian min lo hriat sak se tih kha Pu Speaker, ka'n ngen duh a.

Tin, Minor Irrigation-ah hian tunah hian AIBP 8 na-ah kan lo kal chho a ni a, tunah hian new scheme pawh 45 vel kan han hman chhoh tur hi a ni a. Chutiang chuan, M.I hi a ropui angreng hle mai a. Hei, AIB 4 na-ah leh AIB 6 – ah leh 7 – ah hian 61 vel tih tawh a ni a. A tower tepawh hi a tam angreng hle a. Hemi rual hian ka hma-a Lawngtlai bialtu zahawmtak khan a rawn sawi tawh a, an staff te hi an indaihlo hle a. Engtingge survey hi an neih a, plan project hi

an siam aw tih hi ka rilruah a awm deuh hlek a. Engtingge an hnathawh hi an kalpui dan tihte pawh hi rilru chuan a vei angreng hle a. A chhan chu, kan biala kan hmalakna te, tuna an hmalak lehna tur North Vanva II an tih pawh khi tuna an han tihna turah khian tui a awmlo a ni. Hei, ruah a sur a, tunah chuan tui a awm leh dawn a. Khilaia farmers ho khian a tui awmna laiah khan min tihsak rawh u tia an han ngen deuh pawh khan a harsa deuh ang em aw ka ti a. Hei, Session lai te a ni a, a Department concerned - ah pawh hian va hrilh awm tak a ni a, mahse sawina hun a awm lova. Chu chu hmanni lawka an han kal chuan a contractor te leh khilaia a concerned J.E ho han kalah kha chuan an plan danah kha chuan a awm si a. Mahsela, tui a awm silova, anni tan khan tangkaina tur a awm dawn tlat lo a ni. Chuvang chuan, North Vanva II khi chu a farmers tena a beneficiary tena an duhdan ang lai khi min ngaih pawimawh sak thei se tih kha Pu Speaker, ka'n ngen tel duh bawk a. Chu chu ka sawi leh duh a ni a. Kha kha Minor Irrigation a ka sawi duh a ni a.

Demand No. 31 na-ah hian ATMA chungchangah hianin hei ATMA hi hetiang hianin a rawn awm ve a, D.C te Chairman na hnuaiah Agriculture DAO te Secretary na hnuaiah hian a awm a. ATMA ah hian sum hi engtingge a kaldan tih hi ka rilruah a awm deuh bawk a. Chu chu hei hianin a thawh dan tur lai leh engtingge niang, a hnathawh hi keini bialtu te hian kan hriat theih ang tih tepawh hi ka rilruah a awm a. Tin, Agriculture hi a veiawm viau mai a, 31 - na ah hian han let leh lawk ta ila. Hei, tunah hian Agriculture Department hi bifurcate nasat em em mai a ni a, hetiangte hi tunah hian crop husbandry leh R & E angte hi enge amalgamate tum lehna te hi a awm em? An lo bifurcate tawh lai hi tihte pawh kha kan hre chak deuh mai mai bawk a. Chumi anih loh chuanin lehlam pangah chuan a lehlam a mawm viau lai hian a lehlam kha a mawm lova, tikhan a hnathawkte kha phurna rilru pekna an neih loh kha chuanin khatiang khanin a awm thei a ni a.

Tin, Demand No. 32 na Horticulture-ah hian han ti leh ta ila. Hei, Horticulture hi Aieng te kha an tihluai mai a, Aieng ching turin an ti a. Mahselangin, a marketing te hi an ti ta lova, chuvang chuan marketing-ah wawin chuanin deparment hma daih a ni a, hemiah hian nichin khanin an han sawi tawh a. Hemi Inter Departmental relation hi tun aia han tih that hi a tul angreng hle a. Engemaw project han siam reng reng leh tunah pawh NLUP trade-ah hian engpawh han thlang ta sela, chumi an thlanah pawh chuanin a market awmsa te hi ti sela. Tin, khami a department concerned kha chuan A - Z kha la mai thei sela tih lai te, anih loh pawhin chumi chu anih loh pawhin Secretary tepawh hianin khatiang anga concerned deuh lai kha Secretary pakhat pawh hian a ti thei mai lawm ni aw tih angte kha rilruah a awm deuh a.

Tin, Soil hi chu midang sawiah dah ta ila. Demand No. 35 na Fisheries-ah hianin han ti leh ta thin ila, zawhna hi ka zawt zeuh zeuh a, hemi Sangha dil neitu ho hianin dilna an han siam a, Central-ah dilna siamtur a ni an ti a. Khamiah khanin dilna an rawn siam a. V/C passed engilo vel reng reng kha hnawl vek a ni a, LSC leh Patta ang chauh kha a ni a, a ziaka Mizotawng lo tih avang khan hnawl a tam em em mai a ni. Keiniah hi chaun dil han neite leh ram nei thingtlang mite hi an tan a harsa em em a. Kan Minister chaktak hian a

hmunah anmahni tuikhuah tepawh hi LAC siamtur hian department revenue te hi a auh sak thei ang em ? Vawiinah hian a mamawhtute hnen a thleng tam thei dawn a ni. Chumi anih loh chuan anmahni level-a ko tur hi chuan an tlin mang lo a ni. Chu chu tuikhuah chungchang Fisheries a ka sawi duh lai ani a. Tin, a chi supply-ah chuan tha turah ngai ila.

Hei, Food, Civil Supplies & Consumer Affairs-ah hian Pu Speaker, MLA te kan ration quota hmuhte pawh hi a tha vak thin lova. Hengte hi rilruah ka vei deuh hlek a. Tlemin tha deuh thei se. Tin, tunah hian kan PDS system te hi tlem tih that a ngai em aw ? tah hian rawtna ka han siam duh chu APL leh BPL tepawh hi thla khatah Rs. 35/- per head angin per month a lo ni ta a. Heta kan hmuh hi en ta ila, BPL ah hi chuan 1470 tonne emaw vel alo ni ta a. APL hi chuan 3260 tonne bawr vel alo ni ta a, AAY-ah hi chuan 910 tonne emaw te, economic cost a lei tho a ni a. Hemi economic cost a lei hi engahnge other agencies-ah hian kan ti thei lawm ni? FCI atangin kan lei a, kan leina hi tunhma kha chuan 2140 per quintal a ni a, tunah chuan 1137 emaw velin SDO atang chauhin kan lei a. Hemi economic cost-a kan lei reng reng hi khuta tang khuanin a phurh man pawh hi kan bill thei mang lo a nih hmel a. Chu chu Sorkar hian kan han tum leh zel a ni. Chu chu 950 hi emaw tihian kan han pe ta ani a. Kan lei hnem angreng a, Arham an han tih ang chite hi Rs. 2000/- vel tepawh hian Zarkawt velah hian lei tur hi a tam mai a ni. Chuvang chuan, engatinge khata tanga kan zuk lei kher ? A aia tlawm, tui leh thazawk leitur a tam hmel si a. Chuvang chuan, kan Minister zahawmtak hianin hemi hi agency atangte hian zawn dan hi a awm em le tih hi ka sawi ve duh baw k a.

Tin, Forests-ah hian VFDC report hi MLA te pek tur tih hi kan dawng khat deuh hlek a. Tin, Wildlife bikah hianin hei Protection of Wildlife-ah te MR angte pawh hian lak a ni a. A bikin Wildlife te ang hi kan ngaipawimawh a, vawiinah chuan khawlaia Silai han pu ut ut pawh hmuh tur a awm mang ta lova. Hetiang tepawh hi ramhnuaiia han duty leh turte hian MR angte hian, MR hi a lak theih ang em ? Employment a lo generate bakah leh kan ramah hianin endanger pieces hi tamtak hi a la awm a. Chutiang angte pawh chu kan lo protect theih dawn avangin tih kha a ni a.

Sports & Youth Services ah hian Demand No. 22 –ah hian Pu Speaker, a lawmawm, ka lawm hle a. Sports & Youth Services-ah hian kan Minister hi fakawm hle in ka hria a. Pykka angte kan han ti chho a, Pykka te pawh hi kan tih hianin thingtlangah pheih chuan nasa takin kan naupangte rilruah kawng engkimah zirna lampang pawh an ngaihtuah phah in ka hria a. Discipline hi a tel avang hianin Sports hi vawiinah chaktak maia an kalpui policy hi ropui ka ti hle a. Pykka hnuaiah te field te min han siam rual hianin engmaw dang hi a la ngai thin a ni. A chhan chu, hemi field kan siam ringawt hian a sirah te tui luankawr te a awm siloh chuan tui a tling ta reng mai a ni. Harsatna kha khan a siam a, field kal chak lohna a awm a, hetiangah hian tun aia nasa lehzualin a enna tur gallery tepawh hi han tih leh theih den den nise, chu chu ka sawi duh a.

Demand No. 26 na Urban Development & Poverty Alleviation-ah hian sub town a kan han puan ang chi hi khawi khawi nge tih a ni e. Ka bialah chuan Biate te, N. Vanlaiphai te an lo ni ta a. Engemaw field leh engilo te siam tur, Keitum-ah pawh chutiang chuan keini Sports Complex kan siam ang tih te kha an rawn ti a. UD & PA atangin a ni a, an ti mai baw k si a. Town hova min rawn tih te, town a declare tur te in kan chhawp chhuah lai hi kan hre duh leh baw k ani tih kha ka sawi theih nise, Pu Speaker, ka lawm e.

SPEAKER : A rei love, pahnih pual tan kha chuan, Tunah Pu Hmingdailova ilo sawm ang.

PU HMINGDAILOVA KHIANGTE : Pu Speaker, ka lawm e. Session mood tinuam vak lo tur boruak ka tawng tam angreng a, thiam taw k tawkin ka'n ti ve ang e.

Demand No. 31 na – Agriculture hi Mizoram changlo-ah pawh, India ramah majority in a kan inngahna a ni a. Agriculture lam buaipui lo mihring pawh hian agriculture product hi kan inngahna tho a nih avangin a pawimawh tawp theilo a ni. Thui tak sawi dawn chuan hunin a daih dawn chuang lova, Agriculture hnuaiia ka sawi duh ber chu NLUP a ni a. NLUP hi ka hrilhfiiah teuh ai chuan Chinese thufing atangin ka'n tarlang teh ang. Pu Speaker, Chinese thufing chuan ' I thenawmpa sangha i pek chuan vawikhat emaw a daih ang a, a nilo berah nikhat. Amaherawhchu, sangha man dan i zirtir erawh chuan a dam chhungin a daih tawh ang' a ti a. Chu chu NLUP hi kan hotuten an buatsaih chhan leh miharsa zawktena damchhunga eizawna tura bul an tanna niin ka hriat avangin a pawimawh hle a ni. Tichuan, NLUP kha hrilhfiiah zel tawh lo ila, kan chiang tawh mai awm e.

Pu Speaker, a dawtah Demand No. 32 na – Horticulture kan sawi ang a, hetah pawh hian sawitur a tam a. Zoram hian Agriculture aimah hian Horticulture hi kan hlawhtlin pui thei dawn emawni chu le, tih theih khawpin hma an la in, kan thang a. A bik takin, tunhnaia an rawn tihchhuah Israel Serthlum, kha kha tunah hian Zoram pumpuiaah singhni h awrh an siam a, an phun tawh a. Tuirial bialah, Kawnpui-ah 6,000 zet kan phun ve a. Vawiin thlengin a la tha tih report ka hmu a. Hei hi kan Horticulture department-ah kan staff te, kan officer te hian an Israel thiamna ngai lovin an zawm thei a, an siam thei a. Priority pe sela, Pu Speaker, kan Minister zahawmtak hi ka ngen duh a, phun kan chak vek si a. Tin, phun anih thleng a, a buatsaih chhung hi a rei phian tih officer hote titi puina-ah ka hre ve a, chuvang chuan priority pe sela. Tin, sum pawh hi Central atanga lokal chauha inngat lovin, kan budget tam em em lo nimahse heng atangte pawh hian pek dan awm thei se a tha lawm ni? tih kha Pu Speaker, ka sawi duh a ni.

Tin, chulo leha h chuan, kan hriat angin Lungdai atanga Bukpui thleng khuan a bik takin chhuah lampangah Iskut tha taw k takin a chin theih a, an ching mek a, tunah hian Nisapui thleng hian an ching nasa hle a, Nisapui pawhin

kumin khan sum an la tha hle a, an tui hle a. Horticulture Department hotute pawhin an recommend bawk a, khulai khu. Chuvang chuan, an tui hle a, mahse harsa te te an nih avangin an mamawh ber chu Pu Speaker, kan Minister zahawmtakin min lo hriatpui tur atan chuan thirzai leh leitha hi englai pawha an mamawh hunah nei thei sela chuan tunai khu chuan an hlawhtling lehzuai in ka ring tih kha ka sawi deuh a ni.

Tin, M.I project Demand No. 47 ah hian sawitur tlem ka nei a. He, Minor Irrigation Project hi kan lo hre ve vak lo nachungin, tlai khawhnu-ah kan han hrechiang a, Zoram atan hian alo tangkai hle mai a. Zoramah Serthlum te a tam nasa a, tin, rah thei dang dang Zawngtah tepawh a tam nasa bawk a. Tin, khulai bial Tuirial bialah khuan MI project hi hun hmasa zawk atang khan khaw hnihah a lo awm ve a, amaherawhchu, khaw dangah pawh hian MI project hi a buatsaih theih deuh vek avangin rualkhai deuhin min han buatsaih sak sela, development dang hi a vang si a. Pu Speaker, an rethei si a, thingtlang mite, hills terracing-a NLUP an han thlang duh tepawh hi an thlang ngam chiah lova, an rilruah chuan a awm a ni. Chuvang chuan, MI project hi khawngaitakin Tuirial bial mai lovah tepawh, hmun dang dangte pawh khawtinah hian he project hi a take up theih deuh vekin ka hria a, min ngaihpawimawh sak turin Pu Speaker, ka ngen bawk a ni. Tin, a hna thawktur hian a khua a mi ngei hian thawk se a tha in ka ring khawp mai. Hlawhtling se titute an huan ram neitupa ngeite hian han thawk sela. Tin, an khua amite ngei hian han thawk sela, khaw dang daih in an thawh hi chuanin sum leh pai it in hna an thawkte pawh a ang deuh. Chuvang chuan, a khua a mi ngei hian MI project tepawh hi han thawk thei sela chu a tha awm mang e aw ka ti deuh a ni.

Tin, kal zung zung ila, Sports lamah kan kal hmanlo palh ang tih ka hlau deuh a. Sports Demand No. 22 na-ah hian sawitur a tam hle a, mahse kan sawi senglo ang a, a tlangpui sawi ila. Tun kan Sorkar thar kum khat leh thla nga chhungah hian Mizoram pumpuiah Games & Sports in kawng tinrengah hma a sawn nasa tih he House zahawmtak pawh hian a hria a. Tin, public zawng zawng pawh hian an hria a, a lawmawm a ni. Chuvang chuan, kan Minister zahawmtak Pu Zodintluanga leh kan Chief Minister zahawmtak Pu Lal Thanhawla hnenah pawh a bik takin lawmthu ka sawi a, ka awm ve reng a, inthlan dawn hma-a campaign kan tan tirh pawh khan Zo-Sports in interview na an neihah khan kan Chief Minister zahawmtak, khatih laia kan President kha 'Sorkarna chang ta la, Sports Stadium hi i sa ang em' an ti a, 'Sa ang', engtikah 'thlaruk chhungin'. Kan hriat angin thlaruk a ral hmain khu Sports Stadium, Mualpui ami khu an sa tan a. Chumai nilovin, hmundang dangah pawh an sa chek chuk mai kan sawi seng lo. Ka sawi duh chu kan intiam vena district tinah Sports Centre kan siam ang tih te, kan pu berin a commit Boxing Ring District tinah ka pe ang tih te kha Kolasib leh Saiha-ah an dah tawh a, District dangah pawh hian dah theih tho a ni nachungin, a infrastructure an dahna tur kha la peih loh vang mai a ni a, peih veleh dah theih vek a ni. Khatiang khan hmuntinah hian hma kan sawn nasa a, kan Sports Minister zahawmtak Pu Zodingtluanga'n 'Catch them young' policy a rawn tih chhuah atang hian namen lovin discipline zawng zawngah naupangin he policy hi hrilhfiah fe emaw tih ang maiin an hrechiang a. Tun hunah pheih chuan discipline zawng zawngah hian hma kan sawn a, hmanni

te phei chuan team champion te pawh kan nih kha, Chennai-ah, Wushu-ah, a lawmawm hle a ni.

Tin, ka'n sawi leh duh chu Hockey khelh tuimi ten Mizoram-ah khelhna tur hmun an hmu zo lova. Tournament a awm dawn pawhin tihna tur hmun an hmu zo lova. Amaherawhchu, kan Sports Minister zahawmtak, Pu Zodintluanga'n namen lova a tuipui avangin Chite lui Ground an buatsaih mek pawh khu Hockey Ground atan a pe dawn mek a, an siam fel khat tawh a. Tin, chhimlamah Zobawk-ah pawh a awm dawn tih kha amah ngei pawhin a sawi tawh bawk a. Tin, kan Chief Minister zahawmtakin Boys Hockey Academy, Kawnpui-ah a hawng tawh bawk nen, kan pute pahnih Pu Zodintluanga leh kan Chief Minister zahawmtak chungah hian Hockey lovers leh Association pawh an lo lawm hle tih kha ka sawi duh bawk a ni.

Tin, Forests lam Demand No. 36 hi han sawitur a tam rualin, sawi tepawh thiam a har a. He Department hian nikum lama Zoramin kang nasa tak a tawrh avang khan hma an la nasa hle tih kan hria a. Chu pawh chu a lo la tawklo fo a, chuvang chuan ka rilruah chuan hei ai hian awareness beih nasat a ngai a. Tin, department ten theihtawp an chhuah chungah mimal la fimkhur lo, mawhphurhna neilo an tam tawh a. Heng ho tepawh hi hriatchhuah dante pawh zawn a, awareness hi hei aia nasa zawka beih leh a tul a ni awm mang e tih rilru te ka nei a, ka lawm e, Pu Speaker.

SPEAKER : Hun in hmu vek a, dar khat thleng khi kan nei a, amaherawhchu, kha Member zahawmtak kha a inthlahrung hle a, han dil belh se chuan ka'n phal dawn tehlul nen. A dil belh ta lova, engpawhnise, midang han sawi lehna hun a ni tawh lo bawk a, kan chawl rih ang a, dar 2 ah kan chhunzawm leh dawn nia.

2:00 PM

DEPUTY SPEAKER : Kan chawhnu inkhawm kan tan leh ang a, chawhma khanin panga in insawi tawh a, sawi hi nghak lovin sawi deuh zung zung ila. Chair atangin tunge sawi dawn kan ti a, ding tur awm tawh lo maw? Minister kan ko mai dawn em ni? kan ti a, Chair lam pawh kan hrilhhai lek lek dawn hnuah in rawn ding leh tham tham a. Chuvang chuanin, innawr luih a, inphut chhuah ang deuh lo ang khanin phur deuhin i han sawi teh ang u le. Tunge tunah sawi ang le? Heti lam atang hian i tan ang. Pu C. Ramhluna aw.

PU C. RAMHLUNA : Ka lawm e, Pu Deputy Speaker. Demand a tam si a, kan detail hman dawnlo tawp mai a, sawi zung zung ka tum ang e. A hmasa berin Demand No. 1 Agriculture-ah khan sawi ka duh a, ka sawi duh hmasak ber chu Organic Farming hi tih chhunzawm zel nisela a tha in ka hria a, a detail lam kha chu sawi lo mai ilangin, kan Minister in a hre tho a. Hei hi a tha a, kan thlai hi a value a sang dawn a. Tin, chubakah mipui

hriselna atan a tha dawn a, hei hi a tam thei ang ber tih chhoh nise a tha in ka hria a.

Tin, chubakah chuan kumina kan buhthar hi a tam viau mai a, 68917 metric tonne lai mai kha a ni a. Helaia ka sawi duh chu Pu Deputy Speaker, kan requirement 25% vel chauh kha kan meet thei tihna a ni a. Hei hi tihpun a tulin ka hria a, kan tihpun theih dan tur nia ka rin chu, kawng dap ta ila, FCI te nen hianin kan thlai thar, kan buh thar hi in link up thei ta ila, FCI hote hnenah hian a hralh dan ngaihtuah ta ila. Hei, a procurement rate pawh ka nei vek a, ka sawilo mai ang a. Hei hi thil tha niin ka hria a. A chhan chu, tunah hianin kan leileta kan buh thar hi a tam zawk hi chu vairamah hian a kal lut niin kan hria a. Hmar lampang amite ho phei hi chu. Chuvang chuan, FCI nena kan in connect chuan, keimahni lama kan buh thar hi keimahni ngeiin a hlawkna kan tel thei dawn niin ka hria a.

Tin, a dang lelah chuan kan rama leilet atana siam theih ho hi rice bowl-ah siam theih hram nisela a tha in ka hria ani. Hei hi Minor Irrigation nen hian connect ta ila. Tuilak tur tha tak takte a awm a, khangho kha enkawl dan ngaihtuah tlang ta ila a tha in ka ring a. Hei, ka bialah pawh khuan hectare sang tel kan nei a ni, Lawngtlai West-ah khuan. Khungho te khu tuilakna tur tha tak tak vek an ni a. Ngaihtuah a, Minor Irrigation te nena link up a siam theih a ni a, kum 4/5 ah chuan tihhlawhtlin theih vek an ni a. Khung laiah khuan inconcentrate thei phei ilang chuan a tha viau in ka ring a, chu chu ka'n sawi duh a.

Tin, kan ramah hian ram kang a tam em em mai a, a chhan chu engvang nge kan tih chuan Shifting Cultivation hi a ni a. NLUP kan sawi fo a, tihhlawhtlin a chakawm hle in ka hria a. Permanent Farming hi kan hun tawhin ka hria a, hmalak dan tur chu kan Sorkarin a kal chhohpui mek a ni a, hei hi tihhlawhtlin thuai a tan a chakawm hle in ka hria a.

Demand No. 31 –ah hian ka'n kal leh duh lawk a, Anthurium hi kan tilar hle mai a, a lawmawm ka ti a. Mahse, hei, ka'n enchhin a, Anthurium atang hian par nuai 9 leh singruk vel hi Zopar ho hian an hralhchhuak thei a ni. Zopar hi kan sawisel hauh lova, mahse thil tul nia ka hriat chu competition an nei tlat lo. Chuvang chuan, Sorkar hian a compete tu tur, market compete tu tur hi kan ngaihtuahpui chuan kan Anthurium pawh hian value a nei sang zawkin ka ring a. Chu chu kan ngaihtuah a tan a tha in ka hria a.

Tin, chubakah chuan Champhai-ah leh khawchhak lamah khian, Hnahlan velah khian Grape an ching nasa a, Sorkar hmasa lamah khan Grape hi a process na tur atan khawl tepawh an leisak tawh a, loan tepawh an pe a. Mahse, tunah hian kan hriatsual loh chuan Delhi based firm te hnenah pek tumna a awm hi niin kan hria a. Hei hi chu tihloh a tan a tha in ka hria a. Kan Minister zahawmtak hian hei hi ti lo sela a tha in ka hria a. Tin, loan an lo pekna chhan pawh hi Sorkar hmasa khan an intention chu grant a convert an tum a ni a. Mahse a tira grant a han tih ngawt hi tha in an hriat loh avangin loan a pe kha

an ni a. Chuvang chuan, hei hi chhawm chhoh a, tha taka an tih hlawhtlinna atanah hma kan lak pui a tha in ka hria.

Tin, Demand No. 33 –ah khan, Soil & Water Conservation-ah khan han sawi duh ka neih chu - Soil & Water Conservation hi activity a ni a, tunah hian Department angin kan kalpui a, a tha tho a, Assam atangin kan lakluh a ni a. Chuvang chuan, Soil & Water Conservation Department hian an tih tur awm taka ka ngaih chu Soil Conservation Manual te hi siam ta se, hand out te hi siam ta se, Department hrang hrang hian an hnathawhna ah hian soil conservation measures hi ti tel thei sela a tha in ka hria a. Soil & Water Conservation Department in anmahni ringawta Soil Conservation Activity an tih hi a tawk lo, kan ram atan hian. Chuvang chuan, department hrang hrang hian an follow atan Manual feltak thatak an siam hi tulin ka hria a, chu chu ka sawi duh lawk a.

Tin, Demand No. 35 Fisheries-ah hian kal ta lawk ila. Mizorama Fisheries enkawl dan hi a tha tawklo hle in ka hria. Hei, fish pond tamtak kan nei tawh a, mahse Mizoram-ah kan fish product hi market hi a la thleng tak tak lo, engemawlai khan an han zuar ve na a, mahse regular market hi kan fish production hi a la thleng lovin ka hria a. Hei hi a management system hi a felloh vang niin ka hria a. Kan tih dan tur niawma ka rin chu dan feltak siam a, hei dila sangha sah huk chi nilovin, hei lenkhang-ah a mana man chi ang hian kalpui ta ang ni ila, dil hi sah huk nilovin, sangha kha lenkhangte khan man ta zawk ila, han sah hi chuan a te te pawh kha kan man fai vek thin a. A kum lehah khan Sangha kan dah leh thin a, hei hi a hlawkin ka hre lova. Chuvang chuan, khatiang zawng khan kalpui thei ila a tha in ka hria a. Minor Irrigation kha ka sawi tawh a, hei Sumsi luiah te, Damluiah te, Pugnasury ah te, Kau lui te, Pandawng lui te leh Khawprawp lui te, ka bial chuanin la enkawl loh ang a ni a, tanpuina pawh an la hmulo reng reng a, an leilet khu tumah la hmuhsak loh a ni a. Tui khu an nei tha si a, hengte hi 2000 hectare te, 1000 hectare te awm theihna vek a ni a. Khunglai khu rice bowl a kan convert hi a tul riau in ka hria a. Chu chu kan Minister zahawmtak hian min lo enpui sela a tha in ka hria a ni.

Tin, Demand No. 17-ah khan kal leh ta ila, Food, Civil Supplies and Consumer Affairs ah hian – hei, ka sawifo a, ka sawifo dawn a. Min lo ngaithiam sela a tha in ka hria a. A chhan chu, kan head loaders te khu ka kawmngaih a. Khaw 16 in vawiin thleng hian an buhfai phurh man hi an la la lo reng reng. Hei hi ka sawifo tawh a, nimirah pawh ka sawi chhuak a. A ninawm fu thei a, Minister zahawmtak tan hian. Nimahse, miin buhfai an kailawna an ei theih lain anni chuan 7/8/10 km. vel atangin an eitur buhfai an phur a, cheng khat mah an pe lo hi a na ka tihpui tlat a. Chuvang chuan, hei hi khawngaihtakin kan Minister zahawmtak hianin ning deuh mahsela, min lo enpui sela a tha in ka hria a ni. A chhan chu an tihlawhtlin loh chuan ka sawifo dawnin ka hria a. Chuvang chuan, min tihlawhtlin pui ngei sela a tha in ka hria a ni. Anih loh chuan retailer hovin anmahni khua-ah ngei khan buhfai kha thlen rawh se. Engahnge mi kha an phurh tir? Amah ngei khan a khua-ah khan thlen sela a tha in ka hria.

Tin, chubakah chuan kumin chhungah pawh hian nuai 326.3 kha LOC an pe tawh a, buhfai phurh nan khan. Hemi atang hian 15% emaw, 25% tal emaw

hi chu head loaders ho hnena thleng tur hian instruction felfai takin pe ve ta sela. DCSO pawh khan kha kha a lo regenerate ve ang a, a lo pek tir mai tur a ni a. Chuvang chuan, hei hi chu khawngaihtakin kan Minister zahawmtak hian lo ning deuh mahsela min lo ngaih pawimawh sak sela a tha in ka hria a. Chu chu wawiinah hian ka han sawi duh anih chu.

Tin, a dang lehh chuan Demand No. 30-ah hian kan kal leh ta lawk ila. Environment and Forests department-ah hian kal leh ta ila. Ka han sawi duh chu hei hi a ni a, kum 2006 atang khan 12th Finance Commission a lo chhuak ta a, khamiah khan India ram pumpuiah a ni mai ang chu, post creation kha a harsat em avangin mi 186 lai mai kha 12th Finance Commission hnuaiah khan Forests Protection leh Maintenance of Forest tih kha a awm avangin khami hnuaiah khan mi 186 appointment pek an ni a, chu chu Co-terminus a ni a. A chhan chu, an appointment-ah pawh khan Co-Terminus tih a ni a. Kan tihna chhan chu 13th Finance Commission-ah hian hetiang lampang hi alo kal dawn leh dawn loh kha kan hriat loh avanga ti kha kan ni a. 13th Finance Commission hi alo chhuak ta a, 13th Finance Commission Award hi a sang va mai a, Rs. 171.20 crore for five years a ni a, chuvangin, an thil tum pawh kha Forests Protection leh Maintenance tho kha anih avangin tunah hian 186 ho kan lo lak tawh ho kha khawngaihtakin ban mai lovin, chhonzawm theih nisela tih kha ka han ngen pui a ni e.

A chhan chu, training te pawh pek an lo ni tawh a, anni ho kha an hlu em em mai a ni. Anmahni tello khan R.O te leh D.F.O tan tepawh khan Forest Protection kha a harsa viau an ti tawh a. Chuvangin, heng ho hi ban mai lovin, lo chhonzawm sak thei hram sela tih kha wawiinah ka han ngen pui ngawih ngawih a nih chu.

Tin, Pu Deputy Speaker, Sports & Youth Services-ah hian thil pakhat han sawi duh ka nei a. Football te kan dawng a, kan lawm khawp mai a, kan dawn leh pawh kan beisei a. Ka sawi duh pakhat chu Talent Search hi nei ta ilangin, ka bialah pawh khuan hmanni lawkah Football Tournament an nei a, tlangval tha tak tak thiam deuh deuh mai an awm ve a. Aizawl level-ah pawh han khel ta se, hniam bik lo tur an awm a. Khang ho kha zawng chhuakin Mizoram leh hmundangah tepawh training te pawh pe a, eizawna tling khawpa hma kan lak pui theih chuan a tha khawpin ka hria a, ka lawm e.

PU T. T. ZOTHANSANGA : Pu Deputy Speaker, ka lawm e. Kan bialtu hmasa, kan Chief Minister hmasa khanin a ngaih pawimawh ber Horticulture kha ani a. Sorkarna an chan khan a'n la deuh chat mai a, 'kum thum chhunga intodelh nan ka'n la chat mai ang e, min lo thlir reng rawh u' a ti a. Tichuan, Horticulture a Sapthei kha kan han uar a, Champhai, Ruantlang, a sawina takah phei chuan 'Tin khat hmun in neih chuan garrage pawh lo insiam nghal rawh u, pum 3 Rs. 2/- in kan hralh ang a, in han thar chhuak ang a, Delhi-ah kan keng thla ang a, nula hmeltha deuh mai T.V-ah kan lan tir ang a, an ei vel ang a, min chah sup sup mai ang' a ti a. Chu chu Sapthei chungchang kha a ni a.

Kan Session hmasa khan kan Minister zahawmtak pawhin hei arawn sawi a. Grape-ah kan hlawhtling hle a, Passion Fruit-ah pawh kan hlawhtling arawn ti a. Amaherawhchu, hei tun tum report angreng, achievement-ah hianin arawn tel leh ta tlat lo mai a, helai tak te hian ka rilru a ti khingbai deuh hlek a. Khawchhak tlang khi a prone area, a that duhna a ni a. Amaherawhchu, helai ruahmanna arawn tello hianin ka rilru a ti khingbai a ni. Tin, Grape te, Green House te, Rose te, Kiwi te kha chu khilai area-ah a that duhna vek a ni a, ka sawi tel lovang a.

Demand No. 31 na Agriculture-ah khan han lut ila. Hei, Farm Mechanization an ti a, hmannah Champhai-ah Power Tiller 54 zet anrawn sem a, kan lawm khawp mai a. Champhai khi Mizorama zawl zau ber kan ti a, lo neia inngat lian tak mai khi kan ni a. Tunhma chuan Lawi leh Bawngte kan vulh a, kan veng thin a, kan thlah leh mai thin a, ramhnuaiyah. Amaherawhchu, mimal thil tithei leh mihausa ten ram an lo nei zo ta a, Bawngvulh a rem tawh lova, Lawi vulh a rem tawh bawkw silova. Chumi thlakna tha tak mai hetiang Power Tiller kan Sorkarina subsidy sang tak nena minrawn pek avang hian kan lawm khawp mai a. Hei hi a tawpna nilo thei hram sela, tunah khian min han pek khi a thahnem viau anga kan ngaih laiin kan mamawh khi a la puhruk lo nasa ani, ti kal zel ang u ka han ti a ni. Tin, Tractor pawh tunah hian an ti kal zel dawn a niin kan hria a, kan lawm viau a ni.

Tin, hei Soil Testing Laboratory te kan han ti a, hei hi chu nakinah Soil chungchangah hian karawn sawi ang a. NLUP-ah hian ka'n lut zawk ang a. Hei, Champhai hmun khi khawpui hmelpu kan ni ve tawh a, ti mai ang, ram khi kan nei hlei thei tawh lova. Thingtlang ang tho hian NLUP-ah hian min treat deuh hlekna kan hotute hian an la neiin kan hria a. Khawpui chhungah Speical Development Scheme te kan ti anih chuan Lunglei te, Champhai te leh Kolasib te pawh an ni ang. Hetiangah hianin remchang taka mi in ei an zawn vena tur, bul an tanna tur, hemi ram va tuk kher lova an tih theih dan kawng kha min zawn sak thei hram sela a tha khawpin ka hria a, chu chu ka'n sawi tel duh bawkw a ni.

Tin, Fisheries Department Demand No. 35 na – Hei hi ka'n zawn chianna-ah chuanin Mizoramah hianin hectare 24,000 vel hetiang han tih theihna tur hian ruahmanna awm thei niin department lam chuan an hria a. Chutah chuanin 3890 hectare chauh siam la niin tuna siam belh tur hi 21010 hectare a ni a. Kan mamawh ang hi kan la siam zo lo nasa a ni. Tin, kan Sangha mamawh hi 13290 metric tonne a nih laiin, kan thar chhuah hi 3200 metric tonne chauh a la ni a. Metric tonne singkhat chuang hi thar chhuah kan la mamawh a ni. Hei, Sangha bikah hian ka sawi duh chu phailam Sangha hi kan ei nasa khawp mai a. Zirlai tamtak ram pawnah kan thawn chhuak a, kan sum a luang chhuak hum hum ang deuh hian he chawhmeh Sangha avang hian ram pawnah hian Zoram sum hi a luang chhuak hnem lutuk hian kan hria a. Keimahni ina kan tih ve theih anih avang hian chak lehzualin kan hotuten hma anrawn lak chuan kan intodelh ve theihna kawng hi a awmin ka hria a, chu chu a pawimawh ka ti khawp mai.

Tin, a hrim hrimin Sangha hian min lo tihlim khawp mai a. Lungngaih mangana te mihring hian kan tawng thin a, an sawi dan tak chuanin ‘Luih han kal ila, Sangha han man ila, ngaihzwangte pawh kan theihngihl vek mai a ni’ an ti a ni. Chutiang khawpa mihring min tihlim chu an lo ni ve a. An hlu ve khawp mai. Fishery hianin a hranpa hian District hi an lo insiam a, chulaiah chuan Champhai hi kan han tello ve hlauh mai a. Champhai khi kan han ngaih pawimawh ve danah chuan buh khi tunah kan han tuh a, kan han phun a, tahchuan a hnuaiah Sangha kan han dah a. A chung buh changrum, a hnuaiah Sangha kan ti ve thin a ni. Tichuanin, khitia fur thala sangha an awm khian sangha hi kum khatah tamtak hi kan thar ve thin a. A pawisa-a han chhut chuanin buh aiin sangha man khi a to daih zawk a ni. Kha kha kan hotuten min lo hriatpui ve ula ka duh khawp mai.

Tin, helaiah a headquarter level-ah Fisheries Department te hi miin luahin an awm tihte kan han hre belh zel a. Hetianga an han awm ve takah chuan hotute pawh khanin department in, a building han ngaihtuah ve theih dan kawng awm sela tha ka ti khawp mai. Kan Minister khanin kan Session hmasa-ah khan a sawi a ‘Zobawk dilah Lunglei District tumtute chu Sangha chi kui tir dante kan han ngaihtuah ang a. Tin, Aizawl District tumtu tur Champhai lam tepawh, mimal a nei tha deuh te kan han dawr ang a’, tiang deuh hlek khanin Session hmasa khan a sawi a. Enganga thui chiahin nge hma an rawn lak ka hre chiang chiah lova. Kha kha min rawn sawifiah sak theih ka duh khawp mai. Tualchhung leh Society rintlak te, a chi siam tir tur ang hawi zawngin kan rilru kan siam a ni a tih kha, a taka hmuh kan lo chak em em a ni.

Tin, Demand No. 47 na – Minor Irrigation kha a hranna a la reilo a, kum reilote chauh a ni a. 2003/2004 vel chauh a indang kha a ni a. Tunah hian keimahniah chuan Mizoram Department-ah hian kan tangkaipui ber pawl ami alo ni ta reng mai a. Champhai zawlah khianin (a bul vel chhehvel khi a kawlh deuh nual tawh avang khian) tui khi a cham rei thei tawh lova. Chumi avang chuan Irrigation Canal khi mumal taka kan siam loh chuan kan tui mamawh khi kan nei hleithei tawhlo a ni. Tunah khian chaktakin hma an la a, kan lawm tak meuh meuh a. An hmalakna avang khian mitam takin beiseina thar kan nei a. Champhai zawl khi thalah pawh, hemi bial tlemte-ah pawh hianin a sing chuang chuang khi Antam leh Chana- ah hian kan thar chhuak tawh a ni. Chuvang chuanin, Fur laiin, thal laiah kan thar chhuak hnem tawhin kan hria a ni. Chulaiah chuanin, Irrigation hi part pawimawh tak la tu an ni a. Keini chuanin, an hma rawn lakna-ah hianin lawmthu kan sawi mawlh mawlh a ni.

Tin, Demand No. 33 Soil and Water Conservation chungchangah khan Session hmasa khan ka sawi teuh tawh mai a. Hei, Mizoram leitha luangral hi ka ui khawp mai a, lei chunglang, a thlai cheubawm i ti mai ang, heng hi a luang ral nasa lutuk a. Hei, Sawhthing te kan han ching a, a leichung lang hi a lian zung zung mai a. Tin, Shifting Cultivation te kan han ti a, hemi a chunglang lang thlaiin a mamawh tur hi a luang ral nasa lutuk a. Chuvangin, tunhma-a kan lo tih deuh ang khan, Terracing-ah hianin priority han pek leh kha tha in ka hre deuh bawk a. Kan ram a bua tawh a, kan lei a fe a, kan thar hlawk bawk si lova, chumi leithat nan chuan terracing han siam ila, hetia terracing a kan siam chuan

leitha hang a a liam lova. Chutih rualin tui kha a lut thuk bawk a, khalai kha pawimawh ka ti khawp mai.

Hei, ruahtui tepawh an tlem tial tial a, Mizoram – ah hian average in 2500 ml. ni thin kha tun kum sawm chhung hian a lo tlahniam ta khawp mai a. 1940 ml. kha kum sawm kalta chhung kan dawn dan kha a lo ni a. Thal a na tawh a, tuihna a kang chat a, tichuan ram kangte pawh hi a nasa tawh khawp mai a. Hemi tui harsatna tamtak hi Soil & Water Conservation hmalakna avang hianin kan revive leh thei a ni tih hi kan rilruah lo awm sela. Ruah vantla keinin kan lo store theih dan kawng hi kan zawn hram hram kha tha ka ti a ni. Polical & Administrative level-ah policy matter lian taka kan nei a nih loh pheih chuan kan ramah hianin beiseina a sang lovang tih te pawh hi a hlauhawm a ni. Chu chu leilung leh tui riral tur venghim turin hma kan lak tam a ngai a ni.

Tin, Demand No. 36 na - Environment & Forests Department-ah hian concurrent list a ni a, hei hi Central leh State in a sawiho ang chi Central-ah hian kan innghat tlat a. Nikumah khan sum hmu tam ber pathumna - ah kan awm a, vaibelchhe 38 kan hmu a. Chumiah chuan Village Forests Reserve leh Community Reserve-ah hma kan la thei viau in ka ring tiin Minister khan a sawi a. Kha kha ka beiseina a sang khawp mai a. IFS 19 awm theihna Mizoram a ni a, engzat chiah nge tunah hian kan neih ka hre lova, Staff kan indaih lohna nasa lutuk leh MR rawih a Fire Prevention thleng hian tih theih tam tak a awm a, chu chu min lo hriatpui se ka duh khawp a ni.

Sports & Youth lamah nasa takin hma kan sawn a, Tuanga Ar vulh ang mai in kan thanglai hi kan hmu lo chauh a ni. Chuvang chuan, helaiah hian kan hotute fak an phu a. Tin, Urban Development –ah mirethei in sak kan tih te, khawpuia miharsa te kan han chhawm nung tur te hi lawmawm ka ti a, sawitur tamtak a awm a, kha kha ka sawi theih ni mai se, Pu Deputy Speaker, ka lawm e.

DEPUTY SPEAKER : In han sawi tha duh lova, in han sawi hi chuan in khamlo tlangpui chu a ni zel e. Pu John Siamkunga a phar rei deuh tawh a, ko leh phawt mai ang. In koh chhawk tur khan in in tam hleih si a, chuvang chuan a chhawk hleithei lo, a hmasa sa kha i ti mai ang u.

PU JOHN SIAMKUNGA : Pu Deputy Speaker, ka lawm e. Hei, kan Demand han sawi chhoh Demand No. 22 na – Sports & Youth Services Department hi tawitea han sawi ka duh a. Hei, kan Sports Minister hi a chak a, hmel thar kan hmu chho mek a, a lawmawm khawp mai a. A zawng aza sawi lo ila. Tin, hei Artificial Grass hi kumin chhunga A.R. Lammuala siam an han tumte hi a ropui a. Khu rum ruma kan han hmang thin leh engemaw nikhua, puipun nikhua-a inchei taka kal pawh a, paw phuka kan hawng thin kha a lo reh tawh dawn a.

Tin, chubakah infiammi te tan thil thlakhlelhawm tak, infiam mite chawikang tur a ni dawn a, a lawmawm takzet a. A tam em avangin ka han kal diat diat ang a. A zawng aza ka sawi hmanlo ang a. NCC lamah te Scout & Guides lama hmalakna te, Sports Adventure lama an hmalakna te chu ka sawi vak lo ang a, hma an la tha a.

Information & Publicity department ang hian Mizoram Department hrang hrangte hian an Website-ah hian en theih reng sela, a lawmawm awm mang e aw ka ti a. Information & Publicity hi an Website an update reng avang hian chanchinbu la lemlo emaw, Internet han en nikhua te ang hian Zoram thil thlengte kan thlir thin a, hengte ang hian min ti bengvar duh khawp mai.

Hetih lai hian Information & Communication Technology lam Demand No. 48-ah hian, helama hmalakna tur alo lang a. Department tamtak kha Computerised tum a ni a, mahse ram changkangte en a kan kal mekna-ah hian eng Department pawh hi Computerised mah ila a awmzia kan man loh chuan kan chhawr tak takin ka ring lova. Sum hi kan seng nghek nghek ang a, a tak ram hi kan thleng lovang tih ka hlau a. Amaherawhchu, Department lamin an rawn tumna hi chu tha ka ti a. Kan Website han neih ve te update lova reitak tak han awm te, engang nge ni he department hian hma a lak dan tih emaw, engang proforma te nge an neih tihte kan han en dawn thin a, tih theih a awm lova.

Tin, Central lam atanga fund kan hmuh ang chi khang Department lo dawngsawngtu te pawhin Utilization Certificate an pekna thleng pawhin kan hmuh theih kan lo beisei ve thin a. Amaherawhchu, an Website hi thi ang tlat a dah a tam em avangin kan tangkaipui lo hi ram than tum tan chuan a pawh khawpin ka hria. Chuvangin, Department tinte hian an Website te hi update sela, online in dawn theih sela. Chutianga hma latu kan Minister zahawmtakin a tum hi a lo puitlin theih nan a Department lam pawhin helamah hian tan la ila tha khawpin ka hria.

Tin, Demand No. 84 na - Urban Development & Poverty Alleviation hi, hei, Aizawl Greater Water Supply Scheme Phase-I hi renovate an tum niin a lang a. Hemi atan hian cheng nuai 1681 lai kha hman turin a awm dawn niin a lang a ni. Hei hian tui intur lama hma an lakna a rawn tilang a, a lawmawm tak meuh meuh a. Hei, tunah Phase-II te kan han bei chho a, kum 2/1 maiyah hian kan peih ang a, chutih hunah chuan Aizawl khawpui tuihal hi a reh ve tawh dawn a ni. Khawi hmun pawh hi tui a nawm loh chuan hmun nuam a tlinglo a. Tui kan harsatna te hria a, UD & PA lamin hma a la hi a ropui ka ti a. Tin, hei traffic jam a nasa a, kan buai a, tihtak meuhin kan Police lam traffic ten an han bei a. Chutih laiin helaia Multi Labour Car Parking Hunthar veng a tih tuma hma an la hi a ropui a, ram tana rotling a la ni dawn a ni.

Tin, Solid Waste Management Project lian tak crore 17 lai atana hma an la hi chhinchhiah tlak tak a tlingin ka hria. A vang chu, mi kan changkang tial tial a, bawlhhlawh kan ngah tial tial a, ram a changkang tial tial a, bawlhhlawh hi buaipui tham a tling thin. Chumi anih avang chuan heng bawlhhlawh tuihal theilo

te sawngbawl hna hi he UD & PA hnuai atanga beih alo ni dawn hi a ropui tak meuhin ka hria.

Tin, Oxidation Pond kan tih hi kan ek paih leh thil rimchhia paihna khulaia an siam puitling ta te hi a lawmawm tak meuh in ka hria. Chubakah mirethei in an sak hi Aizawl khawpuiah chuan hmun tamtakah vawiina Unstarred Question chhanna-ah hian alo lang a. Chu chu Lawipu-ah te, Chite-ah te, Durtlang, Rangvamual-ah te min 1096 lai chen theihna tur tunah hian an ti chho mek a. A puitlin hunah chuan chhawr nahawm hle dawnin a lang a. Tin, chubakah Lunglei-ah te, Kolasib-ah te, Champhai, Serchhip, Mamit-ah te chutianga mirethei awmna tur in chu sang chuang an buatsaih dawn bawk a ni. Helama an hmalakna hi a chhinchhiah tlak a, a zawng aza in ka sawi hman dawn lova.

Helaiah Demand No. 13 Department of Personnel & Administrative Reforms-ah hian MCS hi an indaihlo hle a, lak ngai hi 30 vel laiin an indaihlo niin ka lo hria a. Kan Minister hmalakna hi ropui ka ti a, tunah hian 30 lak tawp tum lovin, engemaw zat lak hmasak a tum niin ka hria a, hei hi chhinchhiah tlak tak niin ka hria Hun hmasa lamah khan kan la vak a, quality thalo kan la thin nge ka hre lova. Vawiinah chulai hmunah chuan chumi khami chu a awm a, chumi khami helamah hian transfer nise, kan han tih hian ani hi chu quality a tha a, tihte a awm thin a ni. Competitive exam a through theuh hun hmasa lamah khan kan la vak a, quality thalo kan la thin nge ka hre lova. Vawiinah chulai hmunah chuan chumi khami chu a awm a, chumi khami helamah hian transfer nise, kan han tih hian ani hi chu quality a tha a, tihte a awm thin a ni. Competitive exam - a through theuh theuh kha chu tha bik an awm turah ka ngai lova, a inthlauhna pawh a tam turah ka ngai vak lo a ni. Chumi avang chaun Pre-ah an tlang a, Main-ah an tlang bawk a, Interview chu personality en na tak tak a lo ni tawh a, khang thlanchhuah zinga a tha bik thlanchhuah te kha chu tha viau turah ka ngai ani. A nilo deuh a niang, tunhma-a kan lak danah khan.

Hei, tuna kan Minister zahawmtak DP & AR changtuin awmze neia hma a lakna hi thangthar zirlai MCS nih tum tan chuan chhenfakawm tak a ni dawn a. Regular Interval-a hetiang hna hi lak a nih bakah tuna senior te an pension a, post a lo ruah zel kha chuan Education-ah hian quality kan siam theih phah dawn a ni. Chumi thlira DP & AR changtu Minister zahawmtakin hma a lakna hi fakawm ka ti a.

Tin, Demand No. 31 na – Agriculture ah hian han luh leh zawk ka duh a. Hmana sawlai bial Hnahthial South Tuipui-a ka va din khan ka fang chipchiar angreng a. ITC (Integrated Training Center) Mizorama awm chhun hi ka han tlawh a, a lo laktlak lo hle a. Building tha a lawi hi a awmlo a ni. An class kalna thinte kha bang lo tla in, engmah lak tlak a awm tawh lova, han en reng reng khan an hlamchhiah a ni tih a chiang a ni. Agriculture Minister zahawmtak hian theihtawpa hmala in, tunah hian Administrative Building sakna turin nuai 55 lai dahin hma ala chho mek a, saw saw tih changtlun nan hna a thawk mek bawk a, tunah zirlai 45 lai awmin class mumal pawh nei lovin an kal mek a ni.

Tin, a tlang chung internal road kan tih mai saw bitumen carpeting an ti dawn a, chumi atan chuan nuai 20 lai an dah a. Chuvangin, Zoram kan neih ve chhun, mithiam training chhuak thei tur, Agriculture a ni emaw, Vety lam ani emaw, Integrated Training Centre kan neih chhun hetiang a ngaihsak hi a lawmawm ka ti tak meuh meuh a ni.

Horticulture lamah hian han luh leh hlek ka duh a. Soil testing chungchangah hian – kan soil hi alkaline nge nia acid soil tih te kan hriat a ngai hle in ka hria a. Mizoram-ah chuan thlai engpawh a tha duh kan ti thin a, amaherawhchu ka ka a diklo nge ka hre lo. Phailam ami ai hi chuan thur ngei hi chuan ka hria. Ka a han ei hian a quality a thalo deuh hlek thin in ka hria a. Heng Acid Soil te a lo nih chuan a neutralized dan hi kan lonei mite hrilh hriat nisela. Tin, slaked lime kan hman dan tur tepawh hi hrilh chian nisela, chuti chuan kan thlai thar chhuah quality hian ramdang quality a phak ve thei dawn a ni. Chumi nilova, engkim a tha thei tih ringawta thar kha a quality en chuang lova kan tih ringawt hian kan loneitu ten market-ah harsatna kan tawh phah thin niin ka hria a, helam pawh hi kan mithiam ten chik zawka an en a ngai awm mang e aw ka ti a.

Tin, Demand No. 33 na – Soil & Water Conservation hi ‘Back bone of Agriculture’ tih a ni a. Hunrei tak kha ngaihsak lem lovin a lo kal chho ve tawng tawng ani. Chumi hriatna chu Hnahthial-ah pawh sawn Divisional Office hi a awm ve thin a, mahse hun hmasa lamah khan sawlai hmun ami saw tihbo a lo ni tawh a ni. Khatilo zawng deuha kal a, sawlai hmunah pawh sawn tih thar leh a, hma thar la leh tur hian ka duh em em a. A vang chu, Soil & Water Conservation hi a pawimawhna kan hre lova, khawvel a awm zel a, Global Warming kan tih lai hian Afforestation hi kan ngaipawimawh ani. Afforestation chu ramngaw siam belh zel a ni. Chutiang bawkin tunah kan ram vah chereu alo nih tawh avang hian leilung luangral a lo tam ve tawh bawka. Khami anih chuan Water Conservator hian a preserved hi a ngai tawh a. Soil erosion hi a ven a ngai tawh a ni, conserve a ngai tawh a. Chumi a nih avang chuan Department pawimawh tak, a pawimawhna kan lo hriat loh thin, wawiina Sorkar tharin a pawimawhna a hriat avanga a rawn chawi nun tak hi a ropui ka ti a. Chuvangin, hei hi fak tlak niin ka hria.

Tin, Fisheries chungchangah hian, tunah hian Dil nei hi 7469 kan awm a. Hetiang teh meuh awm hi chuan metric tonne singkhat dawn hi chu thar chhuah ve awm tak ka ti thin a. Engatinge kan thar theih loh? Thenkhat hi chuan enjoyment atan mai mai kan ti niin a lang a. Mi awm thei deuh te phei chuan han feh nikhua-a man tur atan deuh chauh kan ti a. Mahse record-ah a lang si a ni. Chu chuan thil a ti pawi em em a, kan Dil tam ang hu-a kan thar chhuak tam lo erawh hi chu ennawn a ngai viau in ka hria.

Tin, Demand No. 17 – Food, Civil Supplies & Consumer Affairs - ah hian, hei, buhfai tihchingpen hi, hmanni lawka chanchinbu-a kan hmuh khan digital weigh bridge hi Serchhip-ah an hmang a, privatized a ni tih a ni. Chanchinbu-a lo langah chuan khalai hmuna buhfai dah turte khan khami an hman avang khan dah ngam lovin an intlar tuar tih a awm a ni. Chumi anih chuan mipui chan tur

kawng laka lo tih chingpen hi a tam hle tih a chiang a. Food & Civil Supplies Department ina mipui tana a lak duh hi chu a tha tawng a. Amaherawhchu, kawngbo hi a tam a niang tih a rin theih ta a ni. Chumi anih avang chuan helamah hian Sorkar hian hma la tha sela. Chutiang ang zawnga tih chuan misual tamtak, mahni ram thanmawhbawkte kha a thianfai thei ang tih ka ring a ni. Awle, sawitur la awm mahse, ka duhtawng rih mai ang e, ka lawm e.

DEPUTY SPEAKER : Vawiiin chu a nuam hle mai, an phar sap sap mai a. Awle, Pu B. Lalthlengliana.

PUB. LALTHLENGLIANA : Pu Deputy Speaker, ka lawm e. A hmasa bera ka sawi duh chu Food, Civil Supplies & Consumer Affairs, Demand No. 17 hi ka sawi ang a. Hemi chungchangah hian Pu Deputy Speaker, kan Supply Minister hi a fakawm hle in ka hria a. Ni 15.2.2010 ah Ngaizel kham pheiah buhfai hralh ruk a awm tih report dawn ani a. Chu chu umzuiin Director leh DCSO tlan pheiin, Aibawng Godown-ah an tlan khalh a, a shortage zawng zawng nen. Tin, tunhma-a an lo tih chingpen tawhte va hai chhuakin hmalak a ni a.

Tunah ka hriat dan a sual loh chuan kan Official te leh kan Minister te hmalakna avangin a tisuatu te chungah action lak ani a, a lawmawm hle in ka hria a. Nimin piah lawkah Lengpui khaw pelh lawk, Dialdawk kawng-ah hralh ruk lai man a ni a. Khangte pawh kha enzui nise, Inspector ten an sawi danin heng buhfai ti chingpentute man an nih hian hrem loha ngaihnhiam mai thin nia a lan avang hian rin aain a sawt mawh niin sawi a ni. Hengah hian tuna kan Minister in a thawhpui Official lam ten hetiangah chak deuh maia hma an lak ang hian hma han la zui zel sela a lawmawm hle in ka ring a. Tin, chutih rual chuan Gas a black-a lei tur la awm reng maite, Diesel pawlhdal avanga Motor neitu ten an tawrhna te, petrol pawh chutiang tho chu a ni. Hengte pawh hi chak zawkin hma han la leh sela. Tunah a vaviiin an ti reh vek ang tih chu beisei lo mah ila, engemaw chen tal chu hma han la sela a sawtin ka ring a, hmannah diesel chhia kan thun avangin keipawh ka Scorpio Nozzle a chhe vek a. Singli chuang man daih a ni lehngal a, khatiang kha mitam takin kan tawrh anih avangin hengah tepawh hian kan Minister chaktak hian hma han la zui zel sela a tha in ka ring a.

Tin, Demand No. 26 na - Information & Publicity tihah hian thil sawi duh ka nei a, ka vuah fuh em ka hre lova. Engpawhnise, kan Minister zahawmtak khan min lo ngaihthlak sak sela, Film and Music Industry tih hi ka sawi ve duh tlat a. Tunlai hian kan thangthar thalai te zingah lemchan te, zai lama eizawna talent nei tha tak tak an lo awm chho zel a. Amaherawhchu, Film te an han chang a, hla te an han record a, piracy avangin thenkhatin an CD te copy siamin an lo hralhruk sak a. Talent neitu ten a hlawkna tel lovin an awm thin a. Hemi chungchangah hian kan Sorkar chaktaka hma lak hi a tha dawna ka hriat avangin hei hi ka han sawi duh a.

Films & Music Industry hi Industry Unit pakhat anga pawm ve a, hmalak sak hi an phu in ka hria a. A tawi zawngin Central-ah chuan Ministry of Information & Broadcasting hnuaiiah Film Division a awm a. Tin, chu chuan Films hmasawna tur lam hna a thawk a. Chubakah, National Film Development Corporation a awm a, chumi hnuaiiah chuan State tina Film Development Corporation leh Society leh Board an inthlung lut a. Chuti chuan hna an thawk a. India ramah chuan Mizoram leh Arunachal Pradesh chiah chutiang Corporation emaw, Society emaw, Board emaw la nei ve lo awmchhun kan ni a. Hemi chungchangah hian kan Sorkar hian tan han la se, kan thalai talent nei tha tak tak te, film an chan tepawh enawm tak tak a ni ve tawh a, chungte tan chuan incentive tha tak a nih theihna turin hma la se tih kha ka ngen duh a.

Tin, Cable T.V hian merits leh demerits a nei a, churang chuan dan tha taka kan inhung a pawimawhin ka hria a. Chumi atan chuan 'An Exhibition of Film through Television Act, 2000' a Mizoram Sorkarin a lo siam leh dan, 'Cable T.V Regulation Act, 1995' Central in a hman mek hi adopt a, hmanzui ve nghal nisela. Chutiang chuan kan thalai talent nei tha tak takte hi humhalh chhoh ni thei se a va tha dawn em tih kha ka rawt ve nisela.

Tin, Pu Deputy Speaker, Sports & Youth Services Demand No. 22 -ah hian hmanni lawk khan Rajiv Gandhi Stadium ka va tlawh ve zawk a, hna an lo thawk viau hman tawh a. Mahse, approach road tur hi khawiah nge an rel dawn ka hre lova. Salvation School lamah ka tlan a, kawng a lo awm lova, ka tlan let leh a. 3rd Battalion MAP kawngah, 3rd Bn. Parade Ground paltlang a ngai a lo ni a. Hengte hi kan Minister zahawmtakin a wind up na-ah approach road engzatnge siam tum anih tih te min hrilh thei sela. Tin, a thawktu khawl a lo tlem hle mai a, contractor hi khawl mamawh tun aia tam nei turin nawr nise a tha in ka hria a. A chhan chu, working season a ral leh mai dawn a, tun working season-ah ground level tura ruahman chin saw zo hman ngei tura tan lak nise a tha in ka hria a.

Sports Complex, Pitarte Tlang ami, hmannia ka sawi, Society pakhat Pigfed Office kha theihngihl lova, thil tih dawn pawha lungtiawi tlang taka tih tlan a an office hmun pawh thataka siamrem ngei ni thei se a lawmawm khawp ang.

Tin, 'Catch them young'. 2005 hi kum 2005 MNF Sorkar lain SSA hnuaiiah introduced a ni a. Hei, thlalak ka rawn keng a, 2005 tih a ni a, kan Minister hi a fakawm viau in ka hria a. MNF bul lo tan te a chhonzawm chho zel hi a fakawmna ani. Tunah hian SSA hnuaiia naupang talent tha tak tak nei, discipline hrang hranga talent nei tha tak takte lak chhuah zel an ni chho hi a lawmawm ka ti a. Kan Minister a la tlangval tha bawk a, hma a la chak a, lawmawm ka ti khawp mai.

Tin, Fisheries Department Demand No. 35 hi ka sawi leh duh a. Fisheries Department hi Mizoramah chuan kan intodelh theihna Department pawimawh tak pakhat ani a. Kum khat chhunga kan thar chhuah theih thil a nih avangin hei hi Congress Sorkar hian chaktaka kalpui ni thei sela. Tin, Director tanglai hian tun

thla chauh a nei tawhin ka hria a, thla thar atang chuan a chawl dawn niawm tak a ni. Director tha tak, sum hailut thiam tak, hnathawk thei tak ngaihtuah a, dah theih ngei nise a va tha dawn em tih ka ngaihtuahna-ah a awm a. Chu chu ka sawilang duh a.

Zofishfed hi tihchak nisela, Fisheries Department in Farm kan neih kan enkawl sen loh Zofishfed kuta kan dah kha enkawl puitling turin tih chak nisela. A market hmanni khan kan sawi tawh a, a market hi Trade & Commerce hian harsatna siam lovin Mizoram khawpui deuh deuh market tinah hian Mizo Sangha thar zuartute thutna tur hi lo siam sak zung zung nise a tha in ka hria a. Sangha tura hrai hi ka sawi duh a. Hmanni-a Serlui 'B' Hydel Project-a Sangha an hrai kha ka hriat danin a thi an lak khawm kha TMB trip hnih an paih tih report a awm a. A uiawm hle in ka hria a.

Hmanni lawkah Tut lui Sangha pawh an hrai leh a, nimin lawk chanchinbu-ah khan Langkaih pawh hrai anih thu hriat leh ani a. Vawikhat man a eitur tlemte lak a, tamtak tih thih hi kan ram tan a that loh avangin hetiang thilsual titute hi chu man an nih chuan nataka hrem nise tih ka sawi duh a.

Member thenkhat ten an sawi Horticulture Demand No. 32-ah Israel atanga Serthlum Mizoram mithiam te leh Israel ram mithiam ten an siam chhuah kha mitam takin kan phun ve theih turin hei hi nasa zawka hmalak ni thei sela a tha in ka hria a. Japan ram ami kha chu kan han phun chho ve a, a that pawh a tha dawn viau in a lang a, hei hi tam tham deuh tih theih nise.

Minor Irrigation-ah hian zawl leh tlangram tuipeka lo neihna atana hman tur tamtak Mizoram-ah a la awm a. Hemi pe tur hian Minor Irrigation hi tunaia tih chak deuh deuh ni sela. Tuna an hnathawh avanga Mizo in Horticulture-ah leh Agriculture-a kan thil thar pun nasat zia han hmuh hian heng Department Minor Irrigation te hi hlamchhiah chi niin ka hre lova. Hei hi kan Sorkar hian duhsak takin han enkawl chho sela, kan ram tui awmlah avanga kan neih theih loh tamtak hi tipuitling turin hma han la se tih ka sawi duh a ni, ka lawm e.

DEPUTY SPEAKER : Pu Nirupam Chakma a phar na a rei ta deuh a, Pu Nirupam sawm phawt ang aw.

PU NIRUPAM CHAKMA : Pu Deputy Speaker, ka lawm e. A hmasa bera ka sawi duh chu Department of Personnel & Administrative Reforms chungchangah a ni a, Administrative Reforms Commission hi din ang kan ti a, din thuai sela ka duh a. A chhan chu Sorkar tha, Sorkar fel zawk, Sorkar efficiency kan duh chuan Administrative Reforms hi a pawimawh a. Hei, District te kan siam a, Sub-Divison te kan siam a, Department tinte pawh anmahni District-ah Administration siama tih danglam a ni a. Chuvangin, kan awmdan tur diktak need base in Sorkar hian a kalpui a ngai tawh a ni. Tin, man power atangin personnel, tuna kan work force Sorkar hnathawk kan neih zat hi a mamawh azirin siksawi

tepawh a ngai a ni a. Chuvang chuan, Demand sawiturah khan reform kha ka ngai pawimawh a. Tin, vacant post tepawh hi hnawh khah dan a awm lawm ni tih te ka sawi duh a. Tin, Sorkar hnathawk lak dan a awm lawm ni tih ka sawi duh a. Engti zawngin nge kan Sorkarin a kalpui dawn ? Minister zahawmtak mai tlema indication pek theih sela chu kan bengvar theih nan a tha khawp ang.

Tin, Agriculture chungchangah NLUP kan implement dawn a ni a. Ka sawi duh pakhat chu Agriculture Department hian kumtin heti chenin improvement paper-ah chuan a lang ve a. Amaherawhchu, lehlamah Food and Civil Supplies Department requirement a pung zel a, buhfaite kan lak a tam a, kumtina kan requirement hi a pung a, a pung zel a. Lehlamah Agriculture Department hian an achievement tepawh an tarlang zel a. Hei hi a taka chantir se, chu chu ka duh a ni. Agriculture chu tunah a bik takin WRC awmdan hi. Keima experience ka'n sawi teh ang - Kan Agriculture ram hi atam zawk chu mihausa kutah a awm a, Officer te kutah, Sorkar hnathawkte kutah a ni a. NLUP-ah pawh engvangin nge WRC thlang thei lo mi, thlang thei mi kha an tlem si. Mirethei te kutah Agriculture ram hi a awmlo a ni. Pu Deputy Speaker, kan bialahte pawh a chiang a ni kha kha. Kan land tenure system hi adikloh avangin tunhma atangin kan ngaihtuah loh avangin kan ramte chu a tha tha kha mihausa kutah a awm tawh a ni. Chuvang chuan, WRC abik takin NLUP programme-ah pawh a tam thei lova. A chhan chu a neitu chu NLUP-a thlan theih loh, Sorkar hnathawk an ni tlat a ni. Mihausa anih chuan thlan theih ani lo, chuti anih chuan WRC hi, a dik tak chuan tlemte kan develop thei ang. Chu chu ngaihtuah a ngai, lehlamah Sorkar hnathawkte WRC neitu chu Sorkar tanpuina kan dawng thei lova, hemi point hi ngun taka kan ngaihtuah a ngai.

Vawk vulh te, Ar vulh te an thlang a, WRC lam ringawt a nilo, huan siamna tur pawh ram an neilo a ni, a tam zawk chuan. Kalkawnga ka kalin ka zawt thin a, 'Engvangnge vawk vulh in thlan? ka tih in 'Ka pu, ram kan neilo a lawm' an ti mai ani. Chuvang chuan, WRC ram ringawt nilova Horticulture garden siamna tur pawh ram an nei lova. Chuvang chuan, hemi thilah hian ram distribution chungchangah hian kan Sorkarin Chief Minister level-ah pawh hemi thil hi chu sawifel a ngai. All concerned Department telin nguntaka ngaihtuahin policy decision chu siam a ngai a ni.

Tin, Horticulture Department-ah hian Pu Deputy Speaker, seeding tha kan duh a, mahse kan department hian seed farm siam a ngai a ni. Quality seed pek tur anih chuan anmahni certified ngei engatinge department hian hei chen a kalpui hnuah pawh seed farm tha a siam theih loh ? Pawnlam atangin Silchar vaiho siam kan lak zel? Hei hi chu ngaihtuah a ngai a ni.

Soil & Water Conservation Department hi hmana ka enkawl department a ni a, a important chu sawi a ngailo, Soil & Water Conservation a ni. Tunah global warming khawvel pumpuiin a ngaihtuah laiin keini Mizoram ground water pawh a tlem telh telh a ni. Mizoramah khawi hmunah pawh kal ila ' Tui kan harsa' tih ri kan hre thin a ni. Chuvangin, Water Conservation hi a pawimawh a, hei work programme ah pawh Pu Deputy Speaker, chiangtakin an ziak a, chu chu sawi ngai lovin a pawimawh zia kha ka sawi duh a.

Tin, Erosion chungchangah hian phai angin Mizoram chuan flood kan nei lova. Mahse, Tlabung lamah te, luikam - a cheng ten flood an tuar thin a ni. Flood vang hian Soil Erosion a tam hle a. Soil Department hian Hill Terracing hmangin leh Soil Conservation Utilization of Terraced Land, Controlled Bunding, Soil Erosion, Controlled Qork, Erosion Control, Gully Control. A awmzia chu a budget hi a tlem a, budget hi a tam loh chuan heng hnate hi a thawh theih loh. Chuvang chuan, budget tihpun a ngai a ni. Chutilo chu kan ram leitha hi Bangladesh-ah a kal vek ang.

Ginger te hi a tihchi loh reng reng, keima duh dan chuan Mizoram-ah chintir ka duh lova. A chhan chu every year they harvest, the top soil goes down to Bangladesh. Kum 10 hnuah chuan kan leilung chu it will be very dry, there all be nothing. Chuvang chuan, ginger tepawh terrace zawngin ching ila. The present practice is very destructive. Soil department hian tan la se.

Fisheries chungchangah point 2 chiah ka sawi duh. Fish seed farm department kan siam a ngai, NLUP-ah pawh fish farming tamtak kan pe dawn a. Amaherawhchu, Sangha note kha department in a pe thei dawn silo. Chuvangin, siam rawh se. Vai pakhatin a siam theih chuan engvang nge Mizoram Sorkar meuhin a siam theih loh ang? Tin, feed chungchangah khan fish feed tepawh ngaihtuah a ngai. Kan Vaimim te tha deuhin hmang tangkai ila, Sangha feed chu kan siam thei ang.

Minor Irrigation chungchangah sawitur dang a awmlo. An hnathawh a tha si, an mamawh chu pawisa a ni, a tlem tunah chuan. Tin, man power an mamawh, Chawngte bialah Irrigation Project an han siam a, a tha ka ti a, a hlawhtling dawnin ka hria, khawiah pawh a hlawhtling ang.

Tin, Food, Civil Supplies and Consumer Affairs chungchangah thil pakhat chiah sawi ka duh. Delivery system hi hei aia improve a ngai. Chu chu khaikhawm nise, Minister in tih dan chu a thiam ang, Delivery system a ni. Tin, retailer bill, carrying contractor bill, what is the use after giving it two or three years? He system pawh hi improve a ngai a ni. Leakage a tam a, sawi tam pawh a ngai lo. Chuvang chuan, cent percent in khap theih dan awm se chu ka duh a, loh theih loha tih tlem a ngai bawk a ni. Chuvang chuan, delivery system ah attention pe sela, department hotute pawhin.

Tin, Sports chungchangah Minister in a hmalakna tamtakah ka appreciate duh a, kan hriat tawh angin, minute hnih vel min pek belh la, hei, tawng ka harsat si a, Pu Deputy Speaker, catch them young programme hi uar nise tiin ka hria. Aizawl lamah chauh catch nilovin, keimahni lamah pawh catch rawh se. Heta hman ringawt a nilova maw, hmundangah tepawh hman a ngai. Tin, hei Football Ground pakhat min pe dawn a, Football material te, kan lawm viau a.

Tin, Information & Communication chungchangah khan he department hi Mizoram thalaite lekhathiamna atan the educated person atana tangkai department ani a. Would you please allow me to narrate one incident when Dr. Manmohan Singh come here. He was the Finance Minister at that time. There

was a dinner programme at Chaltlang in his honour unemployment chungchang hetiang hian a sawi a, 'It is not difficult to solve the problem of the educated unemployed' a ti. But it is difficult to solve the problem of the uneducated unemployed. Chuvang chuan, Mizoram hi zirna-ah kan sang a, literacy percentage ah kan sang a, kan unemployment problem solve chu a har lo a ni. Chumi atan chuan he department hi hmang tangkai ila. Silicon Valley angin kan siam ang chu mawle, chu chu ka sawi theih tawk nise, ka lawm e.

DEPUTY SPEAKER : Tunge sawi leh tur kha ? Pu Lalrinthanga.

PU K. LALRINTHANGA : Pu Speaker, ka lawm e . A hmasa-a ka han sawi duh chu nimin piaha thli tleh khan Kolasib District a nuai ve a, Fax in hei lehkha kan dawng a. Tah chuan, in 65 completely damaged a ni a. Tin, in 185 partially damaged a ni a. Chumi atan chuan Kolasib D.C atangin tanpuina tur engmah kan nei lova. Chief Secretary-ah report pe in tanpuina an dil nghal a. Chuta an dil zat chu cheng nuai 437000 leh Silpauline 400 a ni a. He thu hi House in min hriatpuia mawhphurtu ten min tih hlawhtlin sak theih chuan a lawmawm hle ang. Tanpuina pakhatmah an nei silova, an mangang hle a, kha kha a hmasa in ka tarlang duh a.

Pu Deputy Speaker, Mizoram mipuiin change an mamawh a, chutianga an mamawh rual chuan tun hunah hian a tha lamin, change kan nei nasa ta hle in ka hria a, lawmawm ka ti a ni. Thil tul sawitur dangte chu awmlo se, lawmthu ringawt hian minute sawm hi hmang mai ila tha in ka hria a. Amaherawhchu, tuldangte a awm ve si a, khatiang lamah khan hun kan hmang thei lo turah ngai ta ila.

Demand No. 31 na – Agriculture Department-ah khan, ka han tarlan duh chu Power Tiller 48, Mini Tiller 109 leh Tractor 55 zet an sem thei kha lawmawm ka ti a ni. Subsidy a pawisa zat kha chu kan sawi hmanlo turah ngai ta ila. Chumi chuanin keini Serlui bial a awm, potential area (Agriculture tan) te chuan tangkaina nasa tak a rawn thlen a. Mitam takin lo enkawl na atanah vai an ruai thin a, tunah chuan Mizo ten mahni lo WRC te an lo enkawl chho ve ta mek a. Tichuan, sum chang thlaite buh an chin hnuah an thlak a. Chutianga chuan rotation in a kal chho mek a, lawmawm ka ti a. Hei hi tarlan loh theih loh niin ka hria a. Tunah hian a dangte pawh la sem leh zel tumna thinlung a awm niin ka hria a. Chutianga atanah chuan chumi a lo thlen hunah chuan heng potential area awmna hmun zau deuhah hian pek tam theih deuh ni ta ang se a lawmawm ngawtin ka ring.

Tin, thildang leh pakhat chu Crops Insurance chungchang hi tun Sorkar thar hian ruahmanna a siam chho ta niin ka hria a, lawmawm ka ti bawka ni. Mitam tak huante kumin chhungin a kang nasa a, a mual mual a kang a. Kum engemaw zat eizanna tur atana an lo hman ve tawh te a kan chhiat sak a. Chungte chu kutbengin an lo awm ta a, Crops Insurance Scheme hi tunhma atang khan lo

kalpui tawh chu ni selangin, kutbengin an awm lo tur tih hi thinlung in a ngaihtuah a. Tun huna Sorkar in Crops Insurance Scheme a han ruahman hi lawmawm ka ti a. Chaktaka hmalak chhunzawm nise tha in ka hria.

Tin, thildang pakhat Soil Testing Laboratory kha kan Member zahawmtak te khan an sawi tawh a, Kolasib hmunah kan han dah ve kha lawmawm ka ti a. Khulai Kolasib District huamchhungah khuan Agriculture Department tan hmalakna tur hmun zau tak kan nei a. Leilet mai bakah a ram (phai ram) khu Kuhva atan te, Lakhuihthei atan te, Rubber atan te, thildang tamtak atanah a tha em em hlawm ani. Chung a that em em rual chuan, a lei dinhmun kha hmun thenkhatah Rubber lo tha ta se, thenkhatah Lakhuihthei te lo tha ta ang se, thenkhatah Kuhva te lo tha ta se, a ram san leh hniam dan azir te, khumi a lei awmdan azir khuan thenkhat khu chu ngeih loh nei ve te an lo ni tlat mai a. Tianga Laboratory, District hmunah a awm thei hi lawmawm ka ti a, ka han tarlang duh a ni.

Demand No. 32 na – Horticulture Department hi sawi leh tha in ka hria a. Horticulture Department hi Department naupang te a ni a, ka ngheng ve viau in ka hria a. Huante kan siam ve avangin, lawmawm ka tih em em chu Department hotute hi an hnathawh - ah an tui a, huan nei an tanpui tur reng reng hi officer in ahmunah an ensak vek a. ‘Chumi khami - ah chuan kan rawn kal dawn a, ilo awm thei ang em’ tiin Phone in an be thin a ni. Tui neia insawite an neih leh neih loh te an chian sak a, ram an neih that leh that loh te an chian sak a. Chutianga chiang taka an ensak hnu chuanin Department atanga tanpuina pek theih kha an process chauh thin a ni. Chu chuan hlawhtlinna a siam sak in ka hria a. Tin, Department in mipui tana project implement tur ngaihtuahna kawngah hian an fakawm bawkin ka hria, Foreign-ah Israel te, Holland te, Africa ramahte an kal a. Zorama introduce tur hi a zawng an zawng tak meuh meuh a ni, an chungah lawmthu sawi tul in ka hria a, he House-ah hian ka sawiduh a ni.

Chutih rual chuan an tanpui tawh te, kuminah Anthurium Shade Net an pek tawhte kha a kang ve teuh mai a, chungte chu tanpui nawn leh dan kawng awm thei sela a tha in ka hria a. Department Director ka phone a, ani chuan tanpuina kan neih awm chhun chu subsidy in lei tur kan nei a, a ti a. Thenkhat la lei thei lote pawh an awm thei mai thei a. Pu Deputy Speaker, sawitur ka nghah hle mai a, khawngaih takin min lo hrethiam deuh turin ka ngen che a ni.

Fisheries Department-ah hian Session hmasa lampanga ka sawi, Cachar ramri bula loneite khu chu Sangha khawina atana siam ni vek se tih ngenna ka siam kha Ministerin min lo ngaihthlak sak a, chutiang atanah chuan ruahmanna an siam niin ka hria a. Ramri siamna nghalte pawh a ni a ng a. Tiang khan lawmawm ka ti a. Chutih rual chuan Zoramah 20,14000 zet mai Department in Sangha chi an siam tih kan hria a. Amaherawhchu, chutih rual chuan Serlui bialah khuan mimalin nuai chuang chuang Sangha chi siam an lo awm ve a. Khangte kha recognized a, nakina Sangha chi supply hun a awm hunahte hriat sak ve a tha ngawtin ka ring. Mithenkhat Sangha chi nei lemlo supply te pek ai

chuan a that viau ka ring a. A neitute tanah pawh phurna a siam chhoh ka ring a, chu chu ka han tarlang lawk duh a.

Sports Department-ah hian ka sawi kan deuh daih mai ang a, Sports Department-ah hian Session hmasa-a Resolution ka han putluh ve kha kan han passed kha a ni a. Hma an lak dan kan hmu a, lawmawm ka ti a. Reiloteah Sports Stadium puitling tha tak mai kan nei dawn niin ka hria a. Chutih rual chuan ka tarlan duh chu ka han belhkhawm ve danin kumin 2009-2010 chhung khan Mizoram-ah Gold Medal – 36, Silver Medal – 47, Bronze Medal – 37 zet a lut niin ka hria a, lawmawm ka ti a.

Tin, ka sawi leh duh chu Mizo figure ina a phak ve tawk, khawvela kan lan theihna awm chhun lian ber nia ka hriat chu Table Tennis hi a niin ka hria a. A man a tlawm a, a hahthlak ve a, khawvel-ah kan figure in Champion pui theihna tur atan a phakin ka hria a. Hei hi uar ila, khaw tinah dah theih nita ang se a lawmawm ngawtin ka ring. Pu Deputy Speaker, ka lawm e.

DEPUTY SPEAKER : Pu S. Laldingliana, ani hi a pharna a rei tawh a. I ko leh phawt ang aw.

PU S. LALDINGLIANA : Pu Deputy Speaker, ka lawm e. Hei, Demand-a ka luh hmam ka bial chhung Mualcheng ‘S’ –ah pawh tun tum thlipui leh ruah leh rial avang khan in 16 zet mai a tlu a. Tin, in 10 chuang thiah ngaiin a awm a ni tih he House zahawmtak hi ka hriattir ve a. Tah hian tanpuina awm thei ang angte kan thawn chho mek a ni.

Hei, Demand a tam hle mai a, kan sawi zo hman dawn lova, a tlangpuiin ka han sawi pawr pawr ang a. Demand No. 46 na – Urban Development and Poverty Alleviation hi tlemte sawi ka duh a. Kan hriat angin he Department hi Department naupangte, department thar a ni a. Mahse, chuti chung chuan kan Election Manifesto-a tarlan angin Election Manifesto No. 10 a kan tarlan ang khan he department hian hna a thawk chho mek a. Aizawl khawpui ina a buaipui, kan mamawh em em, tui thianghlim in tur chungchangah pawh hei nasa takin hma a la chho mek a ni a. Tin, Aizawl chauh pawn nilovin, JNNURM hnuaiiah Lungleiah te, Serchhip-ah tepawh tunah hian tui supply na tur pawh ruahmanna an siam chho mek a. Hei hi thil lawmawm tak niin ka hria.

Tin, Aizawl khawpui ina kan buaipui lian tak mai Traffic Jam chungchangah tepawh a tih rehna turin he department hian nasa takin tan a la a. Hunthar vengah leh Khatla vengah tunah hian Multi Level Car Parking tur a buaipui mek ani a. Hengte hi tihhlawhtlin a nih hunah chuan kan problem hi engemaw chen chu kan solve thei dawn niin ka hria a.

Tin, Pu Deputy Speaker, bawlhhlawh chungchangah hian he department hmalakna hi lawmawm ka ti a. Hei, kan hriat angin Mobile Garbage Trailer kan tih kha tunah hian hun sawn vek a ni ta a. Khalai vela bawlhhlawh paih tur ang

chi reng reng kha tunah hianin PPP Mode in V/C te hmang tangkaiin hmalak a ni a. He hmalakna hi a hlawhtling chho a ni tih hi a hre Chiangtute kan ni a. Hei hi thil lawmawm tak niin ka hria a. Tin, kan khawpui hrim hrimte a lo fai ta hi a lawmawm ka ti a. He department hian nasa takin zirtirna a pe mek a, tunah hian naupangte te-ah te, zirlai School-ah te, College-ah te, a mipui a mimir-ah tepawh hian kan fai ve thei a ni tih hi a zirtir chho mek a. Tlem lai deuhah khan kan notice em ka hre lova, Aizawl-a kan paper lar tak takah hian Aizawl khawpui laili tak mai a fai lai hi arawn tarlang a, khangte kha awmze neia mipui zirtirna niin ka hria a, thil lawmawm tak mai niin ka hria.

Tin, faina chungchangah hian kan hriat angin hei, kan kawtchhuaha kan Airport kawngte, khulaia Sairang panna thla te khua tunhma te kha chuan bawlhhlawh satliah nilo, mihring ek tepawh kan paih a ni. Tin, chumi piah lamah hcuan bawlhhlawh chi hrang hrang hi a khat tawka hmuh tur a awm reng mai a. Hei, hmun hrang hrang atangin Tourists te an lo lut ve a. Tin, official pawimawh tak takte an lo kal a, khulai khu kan kawtchhuah pawimawh tak mai a ni si a. He Department hian helaia kan ram darthlalang pawimawhzia hria hian khulaia bawlhhlawh awm zawng zawngte khu tunah hian nawr bo vekin, paih bo vekin a han ti thianghlim chho ta a. Bawlhhlawh paihnate pawh awmze nei zawka an siam thei ta te hi hmasawna ropui tak niin ka hria a, a lawmawm ka ti a ni.

Tin, chubakah chuan Pu Deputy Speaker, Aizawl khawpuiah hian kan Septic Tank hi a tha taw lo. A siam dan hi a dik taw lo anih ka ring a, a septic hleithei lova, chungkaw tamtakin harsatna kan taw a. Heng hria hian he department hian tunah hian khulaia Tuirial-a kan dumping ground -ah khuan oxidation pond te pawh hman theihin kumin March thla-a hman theih khan an siam ta te hi thil lawmawm tak a niin ka hria a ni.

Tin, chumi bakah chuan hemi JNNURM hnuaiiah hian mirethei in sakna, Aizawl – ah chauh pawh nilovin, District hrang hrangah te kan han nei chho ta mek te hi thil lawmawm a niin ka hria a ni.

Tin, Sports & Youth Services Demand No. 22 – ah khan thil pahnih chauh han sawilan duh ka nei a. Pakhatna-ah chuan NSS chungchang hi a ni a. Hei, National Service Scheme chungchang hi kan hria a, he scheme kan kalpui dan hi a lawmawmin ka hria a. Tunah hian college hrang hrangah te, Higher School hrang hrangah te, Volunteer 10,000 chuang kan nei a, tunah hian. Heng kan volunteer te hian hna tangkai tak tak an thawk a. Afforestation chungchang thuah te pawh thingtiak nasa takin kumtin an phun thei a. Hengte hi a lawmawmin ka hria a. Special Camping te neiin hmun hrang hrangah Bus Waiting Shed te an sa a. Tin, chumi piah lamah chuan Zunin tih te, thil tangkai tak tak public tan an siam a ni. Tin, chumi piah lamah chuan Mizoram hmun hrang hrang, Hospital hrang hrangin kan mamawh em em, kan tlakchham chang phei chuan kan buaipui thisen chungchangah tepawh hian he NSS volunteer te hian 2009-2010 chungah ringawt pawh khan thisen unit 3441 an pe thei a ni, tangkai hle in ka hria. Heng NSS chungchang thu, an hnathawh tepawh hi tarlan tha in ka hria a. Theih phei chu nise NSS te hi thiam that ni thei sela kan ram tan a tha ngawt ang.

Tin, NCC Air Wing chungchang te hi tarlan tha in ka hria. Hei, kan hria a, tuna kan Manifesto-a kan tarlan ang khan kum 2010 chhung hian NCC Air Wing hi tihpuitlin tuma tunah hian hmalak mek a ni a. Pilot zir hautakzia chu a hretute kan ni a. Chhungkaw tam berin kan zirtir thei lova, kan fate. Amaherawhchu, he NCC Air Wing hi tihpuitlin theih a lo nih chuan Pu Deputy Speaker, kan thalaite hian sum sen tlem zawkin thlawhna khalh hi an zir thei dawn a ni, hei hi thil lawmawm niin ka hria.

Tin, Sports lamah han lut leh ta ila, Demand No. 22 na thoah khan. Hei, Sports Infrastructure kan siam chungchangte hi a lawmawm ka ti a. Tin, chumi piah lamah chuan he department bik hi a lawmawm em em na chhan chu inthlan laia mipui hma-a kan intiam ang ngeiin ‘Kan thalaite tan khawvel thar kan siam ang’ kan tih ang ngeiin he department hian hna a thawk chho a. Tunah hian thalaite tan khawvel thar siam chhoin Sports infrastructure hrang hrang tunah hian siam a ni ta a. Member tam zawk ten an sawi tawh a, ka sawi vek tawh lo ang a. Rajiv Gandhi Stadium sak mek a ni ta te hi a lawmawm a. Hemi chungchang thua ka tarlan chak chu, hei Sorkar hmasa khanin A.R Lammual-ah siam tuma lungphum tepawh kan Governor khu phum tir tawh kha a ni a. Mahse Pu Deputy Speaker, hemi chungchang thua hian thil mak deuh chu, helai hmunah hian lo siam thei ta tehreng dawn pawh ni ila, A.R atangin a phalna pawh kha a awm bawk silova. Chuvangin, kan Sports Minister chaktak hian awmze nei takin hma a la chho ta a. Sports Association hrang hrang hruaitute leh biakrawn ngai hrang hrangte kawmin/bia in, tihian Mualpui-ah min han sawn sak a, awmze neia hma an han la te hi a lawmawm ka ti a ni. Hemi piah lamah hian hmun hrang hrangah, khawthlang lamah te, Kolasib-ah te, Sairang-ah te, Kawnpui-ah te, Sports Academy Football Academy, Hockey Academy te siam chhoh a ni a. Tin, chutiangin Thenzawl-ah Women tan bik, Hockey Academy changtlung tak siam chhoh a ni ta a. Heng atangte hian a bikin hmeichhe Hockey-ah te phei chuanin National Player kan han nei ta a, a lawmawm hle in ka hria ani. Tin, hemi in a ken tel, hemi rual chiaha kal tura infrastructure lama kal turah chuan a Sports policy ‘Catch them young’ tih awmze nei deuha kan han kalpui thei te hi a lawmawm hle in ka hria a.

Nichinah khan Pu Deputy Speaker, i veilama Member zahawmtak sawi ang khan ‘kan hunlaia tih a ni a, an chhunzawm thei a ni’ a rawn tih kha thil mak tak a niin ka hria a. Sorkar hmasa khan ‘Catch them young’ policy kalpui ani tih hi Zoram mipui khan kan hria in ka hre lo. Tin, an lo ti anih pawhin tuna awmze nei taka kalpui hi a nilo hrim hrim tih hi ka sawi duh a ni. Tunah hi chuan a sports infrastructure kan kalpui laiin kan buaipui lai laiin a tak taka hman thei turin kan naute, kan thalaite, abikin naupangah kan han tan ta a. Catch them young tih hi helaia thlalak tar ang mai mai hi a nilova. Hei hi thil ril tak mai a ni a, naupang te te atanga awmze neia systematic-a sports zirtir hi he policy hian a tum a ni zawk a ni.

A nihna dik takah chuan Pu Deputy Speaker, Sports lamah hian kan sang ve hle kan ti thin a. Tunhma lamah khan National Level-ah tepawh han lanna kan nei zeuh zeuh a. International-ah tepawh kan lang zauh zauh a ni. Mahse, khang kha chu a nihna takah chuan by change a ni ka ti a ni. Tunah erawh chuan

awmze neiin naupang te te an tuina zawnah duh kan thlan tir ta a, chung duh thlangte chuan an duh thlanna zawnah mithian, Coach thiam tak tak te, Foreign Coach te hial ruaiin tunah hian systematic in kan zirtir chho ta a. Hetiang anih chuan nakin lawkah heng kan thalaite, naupang te tak te te training hmang hian infrastructure hmang tangkai hian kan thalaite hian Zoram hi khawvel tukverh-ah an pho chhuak dawn a ni tih a chiangin ka hria a. Chuvangin, he 'Catch them young' policy hi a lawmawm ka ti a, a ril em em a ni tih ka sawi duh a ni.

Tin, hemi piah lama ka sawi tel duh chu kan hriat angin kan ram chu lekhathiam tamna ram a ni kan ti a, ziak leh chhiar thiam kan tam kan in ti a. Amaherawhchu, a nihna tak takah chuan eizawna tling khawpa thiam kan tam vak lo a ni. Pu Deputy Speaker, nidanga ka thusawiin ka hun ka hmang zo lo deuh ziah a, tun tum chu ka hmang tam a nih chuan tlem chu min pek belh la ka duh a ni.

Hei, Sports hi a bikin eizawna tlak a tling tawh a ni tih vawiinah hian House zahawmtak-ah hian ka sawi duh a. Kan Sports Minister zahawmtak hmalakna hi awmzia a neih zia heta tang hian a rawn langchhuak dawn a ni. Hei, tunah hian kan thalaite han ti ta ila, lekhathiam BA/MA/B.Sc. tamtak te hi hna hmulo in an awm teuh a ni. Tunah hian singli chuang an awm a ni. Chutih lai chuan Sports-ah chuan tih tak taka tite tan chuan eizawna a awm a, tunah hian kan thalaite India rama Football Club hrang hrangah 200 chuangin eizawn nan an hmang a ni. Heng 200 chuang Players te hi a nihna takah chuan 80% hi thingtlang atanga lokal an ni. Chuvangin, Education tluang pangngaiyah chuan eizawna tak tak a awm tawh loh laiin, mithiam chungchuang bik tan chauhva Sorkar hna hmuh a nih lai hian, Sports-ah chuan tih tak taka kalpui chuan he 'Catch them Young' policy hnuaiah hian thalai tamtak te India ram hmun hrang hrangah India ram pawn lamah, International level-ah pawh eizawna puitling hi an hmuh sak thei dawn a ni tih ka tarlang tel duh a ni.

Hmanhmawh deuhin Pu Deputy Speaker, Minor Irrigation work chungchangah hian sawi duh ka nei a. Amaherawhchu, thildang vak nilovin, lawmthu a ni mai. He Department kaltlang hian Zoram hmun hrang hrangah huan nghet, chhungkaw tamtakin an neih phah a, a lawmawm ka ti a. Ka bial chhungah Serthlum te, Bualte-ah te, Thaizawl-ah te, Tawipui-ah te he department kaltlang hian chhungkaw tamtakin eizawna nghet an nei a, a lawmawm ka ti a ni. Tin, ka bial chhungah Thingfal-ah te leh a piah lamahte project siam tur tamtak kan nei a. Amaherawhchu, he Department-a thawktu an indaih lo lutuk avang hian duh angin a kal chak thei lova, department hi thumthat a tul a ni tih ka sawi duh bawk a ni.

A tawpna atan Pu Deputy Speaker, Forests hi a ni. Kuminah hian kumdang zawng zawng aiin Sorkarin kang ven chungchangah hma a la nasa a kan hriat laiin kang tam em em hi chhui chian tulin ka hria a. Hmun tamtakah phei chuan kang a chhuah hian report kan dawn danin hmun 2/3 atangin a rualin a chhuak a, thelh theih miah lohin a awm a ni. Mitam tak rin danah phei chuan he Sorkar leh a changtu Department te tihmualpho tumtu tepawh hi misual an awm emawni chu aw tih theih turin thil a kal mek a ni. Chuvangin, hemi

chungchangh hian chhui chian deuh tulin ka hria. Ka bial chhungah chuan Pu Deputy Speaker, unau 2 an kanghlum a, an kanhlum hnu atanga ni 3 lekah an nu a boral zui lehngal a. Chuti khawpa chhiat tawk chu an ni a. Hmanni-ah ka sawi tawh a, R.R atang khan a tanpui theih em ? ka ti a, 'A theih loh' an ti bawk si a. Forests atangin a tanpui theih em ? ka ti a. 'A theih loh' an ti bawk si a. Hetiang khawpa kang tuar chhungkua te chu khawi emaw atang tala tanpui theih dan kha a awm lawm ni tih kha ka sawi duh a.

A tawpna berah Pu Deputy Speaker, kang chungchang thua hian nasa lehzuala hma kan lak a tul a, NGO tepawh hi tun aia nasa zawka kan thawhpui theih hi a tha in ka hria a. Tin, Awareness Campaign tepawh hi tun aia nasa lehzuala kan tih te hi atul a nilo maw, anih loh chuan kan ram zimte hi min kangral mai dawn a lawm mawle, tan kan lak chu a tul a ni. Pu Deputy Speaker, ka lawm e.

PU K. LIANTLINGA : Pu Deputy Speaker, ka lawm e. Vawiinah hian Demand No. 12 lai mai, Minister pathum chan sawi a ngai dawn a. Minute sawm chhung chuan sawi sen rual a nilova, kan Minister pakhat chan hi paruk lai a ni a, ka'n sawi tan deuh ngal mai ang e – Agriculture te, Soil & Water Conservation, Fisheries, Minor Irrigation te, heng Pu Liansailova chan hi thil pakhat ang deuha ngaih theih ni tepawh in ka hre deuh a. Nikum khan crore 100 an han dah a, NLUP-ah khan. Amaherawhchu, hman a ni lemlo a, thingtlang miten an lo beisei leh an lo ngaihven kha an ti lemlova. Amaherawhchu, Selection te chu an lo nei a, kumin tur leh nakum tur atan khan Selection Board te pawh khan an han ti a. Khangah khan engzatnge an dah dawn kan hre lova. Amaherawhchu, kumin sum kha chu cheng vaibelchhe 95 vel lai kha thildangah sem ral a lo ni ta a, a pawihle in ka hria a, han ti hram thei sela a nghahhlelh awm tehreng nen.

Thil pakhat Pu C. Ramhluna'n a zawhna kha hei hi tihsual nge tih chian chu a tha awm mang e aw ka ti a. Thlaichi leina-ah khanin avai chuan ka sawilo ang a, Sl. No. 1-22 thlai chi an lei a, 14 na sweet corn tih hi quintal 4.80 kg. a ni a, cheng nuai sawm leh sang riat a ni a, a man hi. Quintal khat hi cheng nuai 2 leh singkhat vel man a ni pha tlat mai a ni. Kg. khat nita se cheng sang hnih leh za a la ni ang a. Hei em em a sweet corn chi man a lo to a nih chuan enfiah deuh a ngai a ni awm mang e aw ! tih kha ka rilruah a awm deuh a. French Bean chi tepawh hi quintal-ah Rs. 9000/- a ni a, hengte hi chu awm lo pawh ka ti vak chuang lova. Amaherawhchu, helaite pawh hi mipuite tana thawk tur anih avang hian enkawl ngun a ngai hle in ka hria a.

Heng Horticulture leh Fisheries te, thildang hi sawi kawp mai loh chuan a harsa in ka hria a. Ka sawi kawp duhna pawh a bul berah chuan Demand No. 33 na – Soil & Water Conservation hi a pawimawh em em mai a. Tunhma kan naupan laia kan hriat dan chuan Agriculture department awm hma-a department awm hmasa ber niin ka hria, Soil Conservation Department hi. Chung atanga Directorate hrang hrang hi lo piang a ni a. Soil hi a pawimawh em em mai a, heng Agriculture leh Horticulture leh Fisheries te, Minor Irrigation tepawh,

khatianga lokal anih avang khan 'Backbone of Agriculture' dan han ti a. Agriculture Engineer te leh Forestry lama combined technique ah pheh chuan Soil Conservation hi chu 'Soil & Water Conservation Measure' tiin an dah a. Khang ang khan hemi Soil Conservation hi tih pawimawh a nih loh chuan heng NLUP han tih leh Department pariat lai ina an hmalak turte pawh hi a hlawhchham thei mai awm mang e tihte ka ngaihtuah a. Nguntaka ngaihtuah a ngaiin ka hria a.

Kan ram ruahtui tlak dan hi Monsoon area kan ni a, tunhma khan ruahtui tlak dan hi kum khatah 2500 ml. vel a tla a, amaherawhchu, tun kum 10 kalta chhung hian Berawtlanga an tehna, 2000-2009 chhung hian 1940 ml. chauh a tla tawh a ni, 560 ml. velin a hniam tawh a.

Tin, Serlui 'B' khuah pawh khu kum khat leh thla li vel, tuna an khuah belh hnu khuan a tlangpui chuanin 8 mt. velin a la chim pha lo a ni. Chuvangin kan ramah hian tui hi tlem em em tawh a ni. Khawvelah hian Global Warming han tih chhoh-ah pawh hianin khawvel ram hrang hrangah pawh hian tui a tlem a, House-ah hmanni lawk pawhin sawi a nih tawh kha. Chuvang chuan, hemi Ground Water Charging tihte hi kan ngaihtuah chian a ngaiin ka hria a. Kan ramah hian Earthen Dam te siamin Fish pond te heng contour trends tihte check dam tepawh hi kan siam tam a ngai a. Kan ram hi a ro tan a, ruahtui kan neih loha kan ram chhungah hian tui a awmluh chuan khang ang plantation leh thildang tamtak kha kal mahsela, a hlawhchham dawn a ni. Chu chuanin tui tlachhamin kan thlaite, kan thei kungte pawh kha a riral leh thei a. Chuvang chuan, hetilaia Development mumal tak ngialnghet taka awm tur chuanin Minister pakhat khai a ni bawk a, co-ordination feltak awm in, heng NLUP han tihchakna turte Agriculture plan leh thildang tamtak han tihchakna tur atante hian tan lak a ngai a. Mumal taka khaikhawmah heng Soil & Water Conservation atanga hmalak chhoh a, ruahmanna siam a ngai in ka hria a. Tin, heng department hi tunhma chuan Minister hrang hrang ten an enkawl thin a, kha khan harsatna tepawh a siam a, Mizoram-ah hian ei leh barah pawh kan intodelh loh phah niin a lang a, khatiang tur chuan politics chakna te hman a ngai a. Tin, Administration feltak leh policy mumal tak neia kalpui a ngaiin ka hria a. Heng department panga te hi Minister pakhat enkawl leh khaikhawm a ni bawk a.

Kan ramah hian kan Soil Erosion chungchangah te, tui indaih loh chungchangah te hian khatianga hmalakna a awm loh chuan ruahmanna a fellow chuan harsatna kan nei thei dawn a. Water Resources Development-ah te, Land Recarvation chungchangahte, Water Shed Management chungchangah te, Soil & Water Conservation Department-ah hian budget-ah kan han en chhin a, 83 lakh chauh a awm a ni. Heng angte hi tunah hian department enkawltu Minister pakhat an nih chuan chak zawka kal a, nuai 300/400 tepawh han dah a, khang atang khan tuna a ruahmanna thar mai nilovin, mi huan/lo ram tepawh kha Ground Water Recharging leh thildang atan hian tan lak tepawh kha tul hle in ka hria. Ruahmanna feltak siam chhoh a nih chuan kan rama thil kan tih turah hian hamthatna tepawh kan neiin ka ring a.

Chutiang anga kan kal lo a nih chuan a hrang hrang anih chuan harsatna nasatak kan thlang thuai dawnin a lang a. Tin, Fisheries -ah pawh hian metric

tonne 2890 kan thar tih kha vawiina ka zawhna chhanna kha a ni a, kg. ah Rs. 50/- in chhut ila, crore 14.45 ang vel a ni a. Amaherawhchu, helaiyah pawh hian Central Fishery Development Board-ah hian mi 1637 in dilna an thehluh laiin, an reject teuh mai a. Pass mumal lo leh thildang vangin. Hengah tepawh hian department in chakzawka hmalak pui hi a tul awm mang e tih te ka zuk ngaihtuah a.

Tin, Minor Irrigation chungchangah pawh hian ngaihtuah ngun a ngaiin ka hria. Performance Budget leh Work Programme chu siam tha ber niin ka hria. Tuna department zawng zawngah hian henga an hmalakna tepawh hi a tha a. Amaherawhchu, Fisheries-ah tepawh hian kan Sangha dil tepawh kha sah lovin Ground Water Recharging a tan, a kam vel te chei zawk a, sah lova a man dan mumal taka man te pawh nise. Kan tui hi kan chhuah loh a ngai nasa em em a. Tin, khawvelah tui leh power awmna-ah chuan nuamlo a awm love tih a ni a. Khatiang khan ruahmanna feltak siam tepawh kha a tha hle in ka hria a. Sangha man dan mumal taka len nena tiha man inzirtir tepawh an ngai niin ka hria a.

Tin, Demand No. 17 – Food, Civil Supplies and Consumer Affairs Department chungchang hi ka sawi duh a. Gas agent te hian tan an lak a ngai hle in ka hria a, Gas agent te hian connection hi 6600-8700 cylinder inkar nei deuh vek an ni a. Amaherawhchu, hetah hian MIZOFED hian sing an kai a, mipui mamawh hi han en vang vangin a lungawi thlak loh hle a ni. Tun tum zawhna leh chhanna atanga han en pawh hian MIZOFED hian a phur tlem ber a, engeni aw! tih a ngaihtuah theihin ka hria. Private firm aiin Sorkar firm hian connection ngah zawk si, Gas cylinder hi a la tlem zawk a. Hetah hian sum leh paite pawh hi a dah belh sakin, an harsatna te hi a chin fel theih mai em? tih kha kan Minister pawhin lo hre ta sela a tha awm mang e aw! tih te ka sawi duh a. Chungah chuan ruahmanna fel deuh siam se, a chhan chu Essensial Commodities enkawltu tak tak an nih avangin Food & Civil Supplies hian tan lak an ngai hle a.

Miharsa deuh te pawhin min han ti a, chini/atta/buhfai/gas tiin kan han zia k a, MLA tamtak pawhin in ziah ka ring a. Keipawh zia k nasa pawl tak ka nih ka in ring hial a. Khang atana mipui mamawh, an hnathawhna atan hian a tha thawkhat viau chuan ka hria a.

Environment & Forests chungchangah hian Pu Speaker, tlem chu hun min pek belh ve ang chu. Ka hma amite i pek belh hnem deuh baw k a. Demand No. 36 – Environment & Forests –ah hian ka sawi duh chu Hmunphiah chungchangah hian a ni. Hmunphiah chungchangah hian District 8 velah Mahal a ni a, hetah hian Rs. 36,000/- vel a ni, heti laia thil pawl viau nia ka hriat chu kan thingtlang lampang unaute, he order-a pass nei thei tura ziahna-ah hian LSC te, land lease te leh periodic patta te an ni a. V/C pass hi tel ve sela chuan tuna Mahalder te laka harsatna an tawh tur zawng zawng hi an taw k dawn lo a ni. An Village Council ten an pek theih chin huamchhung ami an lak pawh khan harsatna a lo awm si a. Kan mirethei zawk leh thingtlang harsa zawkte hi Rs. 32,00,000/- lek Sorkar hian harsatna kan siam sak ang tih a hlauhawm a. Helai hi chu Trade & Commerce te nena sum leh pai, a chhiah lam tepawh lak ve theihna tur ngaihtuah in ruahmanna fel zawk siam nise a tha awm e.

Bamboo Mahal erawh hi chu Mahal loh kha kan House Leader khan a sawi tawh a. Mahal nilova a mumal taka ruahmanna siam a sah reng hi tha zawk awm mang e. Rivereign Forests Reserve hian harsatna tamtak a siam hi siamthat nise. Tlang chip hi forest reserve nise, a hnuai awih tlan hi Horticulture area-ah rivereign reserve an tih zawk hi chu luipui kam hi chu ruahmanna fel tak awmin Agriculture area-ah te siam tumin Central lamah nawr sela. Mizoram in Mizo District Council hunlaia an siam avanga Central in dan a ziak lut mai an nih avang khan harsatna awmlo turah ngai ila a tha awm e.

Demand No. 22 – Sports chungchang thu hi han sawi lawk ka duh a. Sports Stadium hi India ramah hian keini State chiah hi neilo kan ni. Tunah hian kan han nei ve dawn a, a lawmawm a. Sum leh pai tepawh a lo tam a, heng Mizoram State Sports Council pawh hi a technical lamah E.E level pawhin han tihchak theih nisela a tha awm mang e. Sports chungchang thua chuan hei, ka bial chhungah tepawh Pitarte tlangah te an han dah a, sanction pawh hmuh kim niin, zawh mai theiha ruahman a ni tawh a, a lawmawm hle in ka hria a ni.

Minute 2/1 lek. Tahchuan hemi Mizoram leh Nagaland hi a tirah khan neilo awm chhun kan ni a. 2002 vel atang khan Nagaland chuan an nei a, tunhma khan midangte kha demna nilovin, thalaite chanvo tur Sports & Youth Services lamah hian hmalak hi a awm tam lo hle a. Tunah erawh chuan lawmthu sawi mai loh chu tihtur dang tehchiam a awm lo a.

Information and Publicity Demand No. 26 na hi ka'n sawi duh a. Journalist te pension hi siam tumna kha a awm deuhin ka hria a, hengte hi siam theih hram nisela. Tin, Journalist Welfare Fund a Rs. 10,00,000 (10 lakh) an dah kha evidence leh natna khirkhan te, refer case leh natural calamities ah te henga ruahmanna an siam thar hi a tha in ka hria a. Tin, Journalist ho facility hi sawi ringawt Group 'A' facility pek tur te kha a ni a. Hengte pawh hi sawi tawh leh tihtur kha niin Sorkar hmasa-ah khan ka lo hria a, a sawitu kha chu tuna Sorkar chiah chu a nilo. Amaherawhchu, Sorkar hmasa ten an lo tih tawh hi chu tihhlawhtlin sak nisela a tha awm mang e tih kha ka sawi duh a.

A tawp berah chuan NREGS hi kan nei ve pha lova, khawpuiah bialtute chuan. Mipute nena kan thawh ve theih nan leh Central lama DPR te kan siam ve theihna turin he dan Community Participation Law hi kan han sawi thin a. Kum khat vel dawn lai kan siam ang tih reng mai a ni a. He bill hi tih ran theih nisela a tha awm mang e tih hi ka sawi duh bawka ni.

Tin, hmanna ADA chungchanga ka thusawiah khanin insak phalsak 576 chauh ka sawilang khan mi thenkhatin an rawn sawi a. Amaherawhchu, khalaiyah khan sawi soal a awm mai thei a, heta record ka neihah chuan an phalsak te kha 1276 a ni a, a chhan chu stay ho kha 600 vel tih kha a nih zawk avang khan, khalai kha a nih ka ring deuh a.

Tin, a tawp berah chuan Urban Development & Poverty Alleviation hnuai atangin ka bial chhungah Rs. 100,000,00/- chuang man College Veng-ah Hall sak tur min ruahman sak a, tuna kal mek a nih avangin a lawmawm kan ti a. Minister

chungah pawh lawmthu ka sawi duh a. Tin, tuna kan Demand neih anga kha sawikim vek senglo mah ila, khang ang kha ka'n sawi theih a ni e, Pu Deputy Speaker, ka lawm e.

DEPUTY SPEAKER : Kan tuah tlang hle mai, a tha e. Engpawhnise, kan inpek belh deuh, minute 10 tur khan a tirah kan ti a. Sawmpanga kan kai deuh zel a, a tha-ah ngai phawt mai ang aw! Pu P.P. Thawla.

PU P.P. THAWLA : Pu Deputy Speaker, ka lawm e. Demand No. 22 na atangin ka han tan ang a. Sports & Youth Services changtu Minister zahawmtak leh kan Sorkarin min hriatsak atana ka sawi duh chu Mizoram nasa takin Sports lamah hma kan sawn tawh tih kan hria a, thil lawmawm tak a ni a. Chumi rualin keini District kil ber, Saiha District lam atang pawhin hma kan lo sawn chho ve zel a. Chuta ka han tarlan duh kher kher chu kum 3/4 kalta-ah khan Mizoram Sorkarin U-19 Football thiam thlanchhuahna-ah Saiha tlangval pahnih an thlang chhuak ve a, an hming ka tihsual loh chuan Rona leh Khokhai an niin ka hria a. Vawikhat chu Saiha-ah an lo haw a, Evangelist ropui tak hnenah hian rinna thlai chi an rawn phun/thlak a 'Min tawngtai sak rawh' an ti a. 'Enge ka dilsak dawn che u?' a ti a. 'International Football Player nih kan duh' an ti a, a dilsak a. International Player chu an ni ve tawh mai a. West Bengal Team lar takah an tel a, Bangladesh-ah tepawh an kal tawh a. Hmun dang dang ka sawi seng lova. Chutiang chuan an lo lang chho a, kuminah hmeichhe lamah Mizoram aiawhin nula pakhat Hropawngia, Serkawr khua ami chu Mizoram aiawhin Punjab-ah a kal ve a. Harsa tak karah Aizawl a lo thleng a, ka nupui in a ngamtlakte hnenah a khawnkhawm sak a, tichuan a liamthla ve tawp mai a. Chutah a lo haw lam chu Mizoram aiawha kal kha Bronze nen a rawn haw ve a. Hma kan sawn ve hle in ka hria a. Sports lama District kilkhawr lampanga talent lo nei tha viau te hi sum leh pai leh khawsak phunga rualban lohna avangin hmasawn vak theilo hian an lo awm a ni tih hi kan Minister zahawmtak leh Department hotuten min lo hriatsak a, beng min chhit sak ka duh a, ka han tarlang duh a ni.

A dawt lehah chuan Tuipang hi British hunlai atanga hmun pawimawh tak mai a ni a, Saiha District kilkhawr bera awm a ni a. Palak Constituency a ni a. Tuipang hmunah hian standard field pakhat hi chu Sorkar hian min siamsak ve ngei se tih hi ka ngai pawimawh hle a. Chu chu tihpuitlin anih hma zawng chuan sawina hun ka neih chuan ka sawi zel dawn a ni tih kha Pu Deputy Speaker, ka han sawi tel duh bawk a ni. Thingtlang bial ka fan laia ka zin tinuamtu ber thin chu Sports Minister ten Football leh Volley Ball leh Net min ken tir ve a, a lawmawm ka ti hle a. Ka hriatsual loh chuan nikum lamah khan kan Minister khanin Football 20, Volley Ball 20 leh Net 20 vel kha min sem theuh niin ka hria a, a kum hnihna-ah chuan 40 theuh min sem tawh turah kan beisei a. Ka bialah khaw 40 an awm a, 20 chu a laklawh khawp mai a, a daihlo deuh a ni. Lawngtlai bialah phei chuan khaw 60 an awm a ni awm e, chu chu ka han sawilang leh duh a ni.

A dawt lehah chuan Urban Development ka han tarlan duh chu veng dang dang ka sawi seng lo ang a, Tuikhuahtlang, Sikulpuikawn vela Sanitation Office a thawktute nuhote, paho te pawh an ni a, mirethei te te, a then chu naupawm tepawh an niang, zing vartian-ah hian an duty an veng theuhah leh hmun theuhah hian fai takin kalkawng leh tual an lo phiat a. Tichuan, chaw eiin an tin a, chawei khamah office-ah an kalkawm leh a. Duty an pek ang ang kha an tih zawh leh vek hnuah an duty kha darkar 2/3 chhung chuan an zo vek mai a. Office-ah an kal a, an hawtir ta mai lova, tlai dar 2 a rik hma chuan nu rual kha engemaw zat office-ah playing card te in an intihlim ve mai mai thin niawm tak a ni. Chutiang chuan nileng hun an hmang a, in lamah an fate hovin nute lo ngai hman pawh an awmin ka ring. Chutiang chuan hun an hmang thin a. Chuvang chuan, hei hi an tih tur an tih zawh hnu hi chuan dar 2 a rik kher loh pawhin hawtir theih mai lawm ni tih kha a changtu Minister leh Department hnenah ka han sawi duh a.

Tin, Khatla kawn leh Sainik Rest House inkar bawr vel te hi chawlhni a inkhawm tur kan chhuk chhohna junction pawimawh tak a ni a. Chawlhni, kan inchei fai ve ni a sawlai tawp zawng zawng kan hmu thin hi chu a hrehawm riau in ka hria. Veng dang ka sawi seng lo ang a, heti lai veng tifaitu hi a hranpa in a ruat theih mai lawm ni tih kha House –ah hian ka han sawilang ve duh a ni.

A dawt lehah Demand No. 26-na ah hian Sorkar hmasa-a thil lawmawm tak ka hriat chu keini thingtlang bialtu tan chuan Information Minister ten Phillips Radio te chi 4/5 theuh min sem te hi kan zin pui hi chuan an inchuh luai luai mai a. A lo tangkai nangiawng baw a, tiang te kha kan Minister hian min la pe chhunzawm thei hram lawm ni tih leh Television kha bial khatah 10 theuh kha min sem tir a, vawikhat chu. Khangte pawh kha information rawngbawlna atan chuan thil pawimawh tak, kan Zoram Sorkar hmasawn dan te, House zahawmtaka kan sawi zawng zawng tepawh hi Doordarshan in an chhuah a, khaw hrang hrang atangin an lo hmu thei ve vek a. Thil ropui tak niin ka hria a, hengte hi a la tih theih hram lawm ni, tun kan budget pass tur atang leh CSS lam atangin tih hi kan Minister hriat atan leh kan Sorkar in min ngaih pawimawh sak atan ka han sawi duh a ni.

Demand No. 31 – Agriculture lamah hian, hei Zoram tana mumang lama lo hmutu ten Chhimlam-ah hmasawna kawngka a ni tawh ang a, Betsury saw Zoram buhzem tur a ni. Chuvang chuan, Akyab lawngchawlhna tepawh hi kan la hmang tangkai viau dawn a ni tia alo sawi lawk tawh te kha a takin a lo thleng chho mek zel a. India Sorkarin ‘Look East Policy’ a ti a, keini pawh hian programme, chhimlamah hmasawna kan tawlh chho mek zel baw a. 1975 vel atanga ‘Phurra Pilot Project’ kan tih hi duhthusam in hma a sawn lo lutuk a, a chhan chu kawngpui tha kan neih loh vangte a ni a. Tin, Aizawl center atang hian a han hla deuh baw a. Kan hotuten an hmuh zin loh vang leh an tlawh tam loh vangte pawh a ni mai thei a ni. Heng hi tun Sorkar chaktak hianin min ngaih pawimawh sak hram sela. Phurra zawl leh Saiha lui zawla leilet hmun tha awm zawng zawng te hi potential area, Mizoram pumpui tan pawha hmun tangkai tur anih ang takin ngaih pawimawh hlawh hram sela. Tuna vaibelchhe sawmriat pali, nuai sawmruk pariat singriat bawr vel sum kan neih atangte, CSS kan hmuh belh

tur atang hian a changtu Minister zahawm tak hian Agriculture lamah tunaia chaka hma min laksak tulin ka hria a. Chutah chuan Phura Headquarters bulah hian Vathlo lui an tih hi a awm a, fur-ah chuan a chet a chhe ve angreng khawp mai a. An leilet tamtak hi a nawr chhiat sak a, May thla velah chuan a kang mai emaw tih tur a ni leh bawk si a. A luan kawr mumal lo lutuk lai hi Agriculture lamah nge Irrigation sum lam atangin nge, hemi luikawr hi flood control mumal tak siam ni hram sela. Tichuan, ram neituten nasa takin an lo tangkaipui ang tih ka han sawi duh a ni.

Tin, Horticulture-ah hian hmanni lawk khan Minister zahawmtak Pu S. Hiato bial leh ka bial inrina (ramri) lampangah North East lamah ka han zin a. Chuta an mamawh em em pakhat an sawi chu Alu chi hi a ni a. A ram leilungin a lo ngeih bawk a, anmahni maiin Alu chi an chhuah thei bawk si lova. Tin, mirethei ram ngang kan ni a, Sorkarin alo tih tawh thinte a ni a, beiseina in kan lo nghak thin bawk nen, Alu chi hi he budget kan pass tur atanga kal chho-ah, nakum chu a huntaka khinglai vela lo siamtu tena duhtawka an chin tur hi ngaihtuah tam ni hram sela tih a duhawm hle a, chu chu ka rawn tarlang leh duh a ni.

Tin, Soil & Water Conservation kan ngaitthla nual tawh bawk a. Keipawhin he Department hi reilote ka lo enkawl ve tawh a, Saiha-ah Soil Division kan dah tawh a, Office sak fel vek a ni tawh a. D.O quarter te sak a ni tawh a. PHE E.E Office la awmlo pawh tunah hian an function tawh a ni. Chuvang chuan, Soil Division pawh hi a takin function tan tawh hram sela.

Tin, nikum Budget Session laia ka sawirik tawh, in sawm bawr vel sak belhna tur atana a cheque bo ta tepawh kha Planning Department atangin an chhui an chhui a, tunah chuan an hmu hnai tawhin ka hria a. A tak a lo thlen hunah chuan a insak hmabak tepawh kha a ranglama hmalak nise tih leh Division Office hi function tawh ngei nisela a lawmawm hle in ka hria a, ka'n tarlang duh a.

Minor Irrigation-ah tlem ka han tarlan duh chu Pu Speaker, Irrigation hi ram hmasawna atan Department pawimawh tak a nihna angin Saiha-ah hian Irrigation Division, Executive Engineer, Irrigation hi kan Sorkar hian min dahsak ve ngei sela. District pathum chauh kan neih laia Undivided Chhimtuipui District Headquarter lo ni tawh, Irrigation Department pawh awm tawh hi E.E awmna ngeia min siam sak turin ka han ngen duh bawk a ni.

Tin, Demand No. 17 – Food, Civil Supplies and Consumer Affairs-ah hian, keini chu a hmun hla bera awm kan ni bawk a, chuvang chuan nikum lam atangin kan Sorkar chaktak lakah hian kan pangchang tlang a. Lo tepawh kan siam tawh vak lova, Sorkar chawm hi kan nghak ringawt mai a. Chuvang chuan, kuminah pawh hian fur te alo tlak chhiat a, kawngte a lo pin hma hian kan Sorkar hian Supply Center tinah hian buhfai te hi harsa lova kumtluana kan lo ei chhunzawm theihna turin min stock sak hram turin ka han ngen duh bawk ani. Pu Deputy Speaker, ka lawm e.

DEPUTY SPEAKER : Pu R. Selthuama, khi minute 7 vel a la awm a, han ti phawt mai teh.

PU R. SELTHUAMA : Pu Deputy Speaker, ka lawm e. Hla siamtuin ‘Lawmna tur hliir a lo ni e’ a tih ang deuh a ni a. Vawiina kan demand sawiturah te hian lawmna tur deuh hliir niin ka hria a, a lawmawm khawp mai. A hmasa berin Demand No. 46 na – Urban Development and Poverty Alleviation. Kan Minister zahawmtak leh viak tha tak hian tunhnaiah veng hrang hrangah hnathawh turte min rawn pe hlawm a. Kan bial chhungah pawh hna 30 dawn lai min rawn pe a. Chuvang chuan, a chungah lawmthu ka sawi duh a. A bik takin kan vengah sawn step kum 30 lai nitawh siamthat ngailoh a awm a. Chung siamna tur te chu min rawn pe a, a lawmawm hle a ni.

Hman deuhah khan Aizawl-ah tui harsat thu hi kan sawi chhuak a, chutah chuan kan thian pakhat chuan ‘Ngawi teh u, Phase-II ringawt hi in sawi a, tunah hian hlauhawm zawk chu Phase – II hi kan la hmang hman silova, Phase-I khawl hi kum 30 a ni tawh a, chhe ta thut sela PHE hian tui min pek ngaihna an hre lo reng reng. Chu chu a hlauhawm a nia’ a ti a. Mahse, hei a la chhe em lova. Chumi hrerenga hei UD & PA in Phase-I renovation atan nuai 1681 ngawt mai an han dah te hi a lawmawm ka ti a, lo chhe lo bawk sela a lawmawm ngawt ang. Hetiang anih chuan tunah Phase-II pawh kan beisei bawk a, tichuan tui tepawh hi kan hnianghnar tan dawn in ka hria a.

Tin, chumi lo lelah chuan hei tunhma atangin ka dam chuan zingah tual hmun hi ka phiat ve thin a. Kan thian ten min fiamna-ah phei chuan ‘Hmunphiat atangin MLA-ah i kai a’ te min ti ve a. Chuvang chuan, Aizawl khawlai ka kal tepawh hian bawlhhlawh awm ho hi a ngaimawh awm ka ti thin a. Chung zingah chuan Garbage Trailer, a thenah chuan a ke awm tawhlo te, a then a ke la awm te, kal theilo tura siam Aizawl khawpui ah an ding thup hlawm mai a, bawlhhlawh tam tak mai an awm khat hung mai a. Chubakah a liam a, a sirah tepawh a awm khawm kan hmuh hian tih dan a awm em aw tih ka ngaihtuah fo thin a. Chu chu kan Minister hmalakna zarah an han paih ta vek mai a. Aizawl khawpui titawp zualtu kha a awm ta lova, a lawmawm ka ti a. Hemi bawlhhlawh paih chungchang-ah hi chuan tan han la zual sela tiin ka ngen duh a ni. Tin, chutih lai mek chuan kan hriat angin Aizawl khawpui hi Septic Tank tih te kan siam tha tawk lova. Chuvang chuan a paih pawl an awm ang a. An paih tir a, hmun hrang hrangah duhdah takin an paih thin a. Hman deuh hlekah khan Lawipu-ah hnaiteah an paih a. Chu pawh chu a rim chhe khawp mai a. Chutiang ang tepawh chu Oxidation Pond siam in, khatianga paihna tur hmun tur an han siamte kha Mizo mipui tan, a bik takin Aizawl khawpui tan kan Minister zahawmtak hnenah hian lawmthu sawi kan ba in ka hria a. Sawi ngei tur pawh kan ni.

Tin, chutih rualin JNNURM hnuai ah hian mirethei in tamtak an sa a. Aizawlah te leh hmun hrang hrangah. A bik takin Lawipu-ah leh Chite-ah. Chite leh Lawipu tih hi hmunkhatah Lawipu-ah an bawk khawm a, tunah khuan in 408, chhungkaw 408 lai luah theih turin an siam a. Khu khu ka bial a ni a. Khungte khu nakinah han luah ta ang sela, a luah tu hote khan a petu Sorkar-a lawmthu

sawi nachang an hriat phei chuan chhungkaw 400 chuangin an han luah a. Chhungkaw pakhtah voter 4/5 vel an han awm phei chuan voters 1500 vel khan an belh nghal mai dawn tihna ani. Khulai khu chu bial himah an siam reng mai dawn niin ka hria, a lawmawm hle in ka hria. A lehlamah chuan MLA dangte hian an thik ve ang a, ka bialah an ti vek mai awm mang e aw tih tepawh ka hlau deuh rum rum a. Mirethei, miharsate tana khung ang an han ti te, hmun remchang tak mai kan bial chhungah a lo awm hlauh khu a vanneih thlak hle a ni.

Tichuan, ka'n sawi zung zung ang a, Demand No. 22 – Sports & Youth Services chungchangah khan kan Minister zahawmtak hi a viak a tha a, a la naupang bawk a, kan nei fuh hle in ka hria a. Tichuan, policy tha tak 'Catch them Young' tih tepawh kha an rawn introduce a. Nichin khan Pu Deputy Speaker, I veilam amite khan hei hi kan tih chhuah a ni e an ti a. A lawmawm khawp mai, an tih chhuah a nih pawhin. Mahse, a rawn sawi danah khan Education Department hnuaiah SSA hnuaiah khan 'Catch them Young' tih kha an lo ti a. Sports & Youth Services hnuaiah hi chuan an tilo a ni tih kha a chiang in ka hria. Chuvang chuan, Sports & Youth Services hnuaia rawn tantu chu tuna kan Minister zahawmtak hi a ni. Hengte hi a tangkai hle dawn in ka hria. T.V-ah te kan lo hmuh danin, hma kan sawn hle dawnin ka hria. Chumai bakah Lammual-ah pawh Artificial Grass kumin chhung ngeia phah te an han tum a, sawngte saw kan beisei phak loh a ni a. Kumin chhunga an tih hlawhtlin phei chuan a lawmawm hle dawn a ni.

Tin, Mizo mipuiten kan lo awh ngawih ngawih, Rajiv Gandhi Stadium kan neih tur te hi a ropui a, hmanni lawkah a hawnna ropui tak kan nei a. Hengte hi rangtaka min tihlawhtlin sak turin ka ngen duh a. Tin, hmun hrang hrangah hma an la nasa a, Hockey-ah phei chuan tunhnai lawkah kan Mizo hmeichhia tepawh Indian National Team-ah an tel a, India ai tepawh kan awn thei tawh a. Chuvangin, Mizote International-ah pawh min phochhuak ve thei tur khawpa tan an han la hi a lawmawm tak zet zet in ka hria a. Chutih ruala han ngen ve ka duh chu kan bial chhung Lawipu-ah kan Director ten hma an lakna-ah Field thatak mai an siam a, an la zo lo a ni. Mahse, tuna an laih chin pawh khu han tihfel that chu nisela chuan Lammual-a an inkhelhna pangngai ai chuan a lian mah tawh a ni. Chuvangin, khung ang khu sum tlem han sen belh leh theih se chuan Civil ho kuta awm Aizawl-ah phei chuan a tha ber ni thei mai tur a awm a. Chuvangin, khungte khu min lo hriatsak a, khumi atan khuan hma min lo lak sak turin nangmah leh he House hi ka ngen a ni. Khu khu tihlawhtlin theih a nih chuan Aizawl-ah National Sports hrang hrang tepawh awm sela, khulaiah khuan a phuhruk ve theih ang a, a ziaawm ngawtin ka ring.

Tin, chubakah chuan Mini Sports Complex Pitartetlanga an siam te, Thenzawl a mite, tamtak a awm a, chuvangin kan Minister zahawmtak chungah hian lawmthu sawi senloh kan ba in ka hria a.

DEPUTY SPEAKER : Khawngaihtakin lo ngawi lawk la, khi kan dan ang chuanin dar 4 khi kan ban hun a ni a. Amaherawhchu, wawinah hian kan Business kan zo hman dawn lova, kan chhonzawm zel mai dawn lawm ni ? A

nih chuan, kan chhunzawm zel ang a, Member zahawmtak Pu Selthuama minute hnih i la nei a, i sawi zawh hunah kan chawl lawk dawn nia.

PU R. SELTHUAMA : Ka hmang reilo ang e. Demand No. 36 – Environment & Forests chungchangah sawi duh ka neih chu nichinah kan Member ten an sawi tawh a. Tui tepawh a harsa tawlh tawlh dawn an ti a. Tun ang renga kan awm chuan Mizoram hi phula a chan hun hi kan nghak ringawt a niin a lang a. Kan ngaw neihchhun hi phulah a chang zel si a, chuvang chuan kan hmalakna hrim hrimah pawh hian ngaw siam hi kan chak lova. Chuvang chuan, awlsam deuh hleka ngaw siam dante hi a ngaihtuah theih em aw, kan Minister te hian ngaihtuah chhuah dan a nei em aw tihte ka rilruah a awm a. Chung ang atan chuan hei thingtlang khuaah chhungkaw 2,00,000 vel kan awm ta a, a vai thuah chhungkaw 1,00,000 vel hianin a bik takin thingtlangah te thing phunna hmun siam ta sela, chhungkaw tinin kum khatah thing 5 pawh lo phun ta ila, thing chi hrang hrang teak te, ngiau tih angte leh Tei te, chung aia thanguang chi Thingdawl tih ang chite pawh hi phun ta ilangin. Chutiang chu kan phun chuan chhungkaw pakhatin 5 theuh kan phun chuan 5,000,00 vel a lo ni tawh dawn a. Chung puitlin hun chu kan nghak dawn a ni. Mi fate lehkhazir leh mi huan siam hi chu duh lo mah ila, kan nghahpuitlin pui tho tho an ti a. Chuvang chuan, kan dam phawt chuan khang puitlin hun kha kan nghak dawn a, chutiang anga a lo puitling thei anih chuan ramngaw nuam takah Mizoram tepawh hi kan siam leh thei dawn ni ten kan beisei a. Chutiang ang zawngte chu a tih theih chuan min lo ngaihtuah sak sela tih ka sawi duh a.

Tin, Food & Civil Supply chungchangah khan Gas te kan harsa viau a, kan Minister zahawmtak hmalakna azarah kan harsat dan pawh hi a ziaawm deuh a. Helaiah hian sawi ve ka duh chu kan department hotute an awm bawk a, keini a bik takin tlema vengthlang deuh bialtute chuan harsatna kan tawh ve thin chu mitthi te an awm chang hian vengchhungah te leh veng hnai deuhah te hian Gas kan nei miah lova, ‘Hei, tihngaihna a awm miah lo’ an ti a. Gas te hi min han puk sak leh mai thin a. Chungah te chuan emergency quota atanga kan neihte hian pahnih tal hi pe thei se, pakhat an lo pek chuan an puk rulhna an neilo a, pahnih tal hi in pe thei em? ti ten ka ziaak thin a. Hei, tum 2/3 ka ziaak tawh a, pakhat bak hi an la pe lova, kum khatah wawi 3 vel bak chutiang hun chu a awmin ka hre lova. Chuvang chuan, khang hun emergency deuhah hi chuan tlemin a department te hian min lo hrethiam sela tih hi ka ngen duh a ni.

Awle, Pu Speaker, sawi duh vek kan ni a, hun ka hmang tawh lo mai ang e, ka lawm e.

DEPUTY SPEAKER : Awle, kan chawl ang a, dar li leh a chanve-ah kan tan leh dawn nia.

4:00 PM

SPEAKER : Pum puarna lam te, taksa fit na lam te kan buaipui bawk a, kan phur tlang a niang. Mi sawmpanga in kan sawi tawh a, tunge han sawi leh dawn le ? Pu Joseph Lalhimpuia.

PU JOSEPH LALHIMPUA : Ka lawm e. Demand No. 31, 32 leh 47 kha tawite a han sawi ka duh a. Tin, chumi ka sawi hmain Pu Speaker, kumin February thla vel khan S. Vanlaiphai te, Muallianpui te kan kal a. Chumia kan kalna-ah chuan loneitute nena kan inkawmna-ah kum 2003/2004 vela Serthlum, Horticulture Departmenta atanga a chi an pek atangin kung 3000 bawr vel an phun a. Tunah chuan a puitling vek tawh a. Amaherawhchu, a rah hi kutzungpui hmawr bawk tiat vel, te tak te te, thur deuh deuh in a rah a, an ti a. Tunah chuan a rei tawh deuh bawk a, fiamthu ti tak deuhin an sawi a, a hunlai chuan a thinrim thlak ngawt mai an ti a.

Pu Speaker, wawiina ka han sawi duh chu loneitu/huan neitu engemawzat tena Serthlum kung 3000 vel enkawl nana an tha leh zung an sen kha ka ngaihtuah a. A thlawna an sen hi a nasa takzet a ni. Chuvangin, hetiang thil hi thleng fo tawh lo se ka duh hle mai tih kha ka han sawi duh a. Nangmah kaltlangin, Minister zahawmtak pawhin hun lokal leh zel turah hetiang thil, kut hnathawktute tana chhiat vek na, an rilru leh an sum leh pai hun tamtak an channa tur hi thleng tawh lo se tih hi ka duh a, ka han sawi a ni.

Tin, Demand No. 31, 32, 33, 47 – ah hian tawite ka han sawi duh chu – nichinah kan thian thenkhat ten an sawi tawh a, Minister chaktak pakhatin min enkawl bawk a, convergence hi tunaia nasa leh zuala hmalak a pawimawhin ka hria a. Pu Speaker, approach road, Agriculture Link Road kan tih te, Soil Erosion chungchangah te leh Water Harvesting-ah te, Seeds supply chungchangah tepawh hian, heng department inkaihnawih tak tak te hi allocation fel tak chu nei turah ngai ila. Amaherawhchu, intawm deuh engemawzat hi an nei a, hei hi ennawn a tul anih chuan kan Minister zahawmtakin min ennawn sak sela, mumal leh an kalphung dik zawnga an kal hi ka duh khawp mai a, nangmah kaltlangin ka'n ngen nisela.

Tin, Irrigation Department kha wavi tamtak an sawi tawh a, sawitur engemawzat chu ka nei na in, ka sawi lo ang a. Amaherawhchu, ka lawmthu tawite ka sawi duh chu ka bial han tih hi a mawi loh angreng viau na lai chu a awm a, amaherawhchu, ka bial enkawl ve chhungah sawn Irrigation hmalakna hi pakhatmah a la awm lova. Amaherawhchu, hei, kuminah Work Programme te kan hmu a, hma min laksak ve dawn a ni tih ka hria a. Minister te leh a thawktu te hnenah bialtu ka nihna ang pawhin lawmthu ka sawi a ni.

Pu Speaker, Demand No. 17 – Food, Civil Supplies & Consumer Affairs chungchangah hian tawite ka sawi duh chu- T.V kan en a, News kan ngaithla a, Delhi-ah te, Kolkata, Guwahati, Shillong-ah tepawh a ni, Gas harsat zia te, a man to zia tepawh an sawi thin a. Hemi chungchangah hian kan Minister zahawmtakin

theihpatawpin hma a la a, kan ram hi a panna a hlat ngaihtuahin, India ram khawpui lian tamtakte aiin vawiinah hian kan nuamsa in ka hria a. Gas-ah te, Petroleum product leh kawng dangahte hian kan indaih khawp kan hmulo a ni tih chu kan zavaia hriat a ni. Chuti chungin a thahnem ngaihate leh Department te thawhrimna te pawh a ni ang a, vawiinah hian India ram khawpui lian te ngaihtuahin kan nuamsa em em in ka hria a, lawmthu ka han sawi a.

Tin, Demand No. 36 – Environment & Forests chungchangah hian thil pahnih ka han sawi duh chu - Ramngaw humhalhna leh venhimna atan hian CSS atang te, Tribal Sub-Plan kan tih atangte in pawisa tamtak kan la chhuak thin a. A hmanna diktakah kan hmanglo a ni tih chu kan hriat tlan a ni a. Hei, tunah rainfed area project tamtak siam leh a ni a, heng Central sorkar atanga pawisa kan hmuh leh turah hi chuan tun sorkar ah hian hmanna diktakah hman ni tawh sela. Chung chuan ramngaw kan humhalhna-ah a bik takin thingtlanga chengte tan hamthatna tamtak a siam sak bakah ramngaw humhalhna-ah hma kan sawn ka beisei a.

Tin, Pu Speaker, Wildlife Protection chungchangah hian hma kan sawn khawp mai a. Sorkar chauh pawh nilovin, NGO tlawmngai pawl ten hma an la nasa a. Kohhrante pawhin hma an la a. Chungte chu a niang a, tunah hian kawngdunga silai pu ngawk ngawk hmuh tur pawh an vang ta viau mai a, a lawmawm hle in ka hria a. Khawpui chhungah pawh a chang chuan thing awmna concrete in tamtak awm kara thingbuk pahnih khat lek a awmna-ah pawh hian zingkarah te, tlaiah Sava lawi tur engemawzat hi Aizawl khawpui hian hmuh tur a awm ve tawh a, a lawmawm hle in ka hria a.

Helaiah hian thil pakhat nangmah kaltlanga Minister ka ngen duh chu Lunglei District-ah sawn Thorang leh Khawnglung Wildlife Sanctuary a awm a. Hei hi vawiin thlengin Aizawl Wildlife Division in a enkawl a ni a. A hlat em avangin kawng hrang hrang in harsatna an nei ang tih chu kan hre vekin a rinawm a. Ramngaw humhalhna-ah hian a bik takin harsatna an nei ang tih kan hre vek a. Hengte pawh hi tunah hian Lungleiah Wildlife Division rawn dah tumna tepawh ruahmanna a awm mek niin ka hria a. Kan Minister zahawmtak hian chaktakin hma min laksak sela. Thorang leh Khawnglung Sanctuary enkawltu tur atan a Lunglei Wildlife Division ruahman hi min bawhzui sak sela tih hi nangmah kaltlangin ka han ngen a.

Tin, Demand No. 22-na kha sawitur tamtak a awm a, kan thiante ang thovin lawmthu sawina tur hlir niin ka hria a, ka sawi tam lo ang a.

Tin, Demand No. 48 na, Pu Speaker, Information and Communication Technology –ah hian thil pakhat chauh ka sawi leh duh chu – Central Sorkar atangin project tamtak kan hmu a, kan la hmu zel ang a. Pawisa tamtak kan hmu tawh a, chumi hmuhna leh report chungchangah pawh chuan Information Technology kaltlangin monthly te, weekly te in tunah chuan report pek a ngai tawh a.

Tin, Mizo thalaite hi Information Technology atan kan fit in ka hria a. Information Technology - ah hian resources tamtak kan nei theiin ka hria a, talent tamtak nei kan ni a. Hei hi kan Minister zahawmtak hian nasa takin hma min lak chhunzawm sak sela. Kan hnar per deuh te, kan chawn ping deuh mahsela, kan thluak hi a tha a ni. Member zahawmtakte sawi ang khan, India ram mai nilovin, khawvel hmundangah pawh kan thalaite, kan zirlaite hi hemi kawngah hian kan thawnchhuak theiin a rinawm a. Chu chu kan Minister zahawmtak hi ka ngenna nisela.

A tawp berah chuan Demand No. 46 - Urban Development and Poverty Alleviation-ah hian lawmthu sawina tur tamtak a awm a. Pu Speaker, thil pakhat chauh ka sawi duh chu – Central Ministry-ah hian Ministry 3/4 tih lohah hi chuan North East tan hian an budget atanga 10% hi North East tan an earmark a ni tih kan hre theuh a. Chutah chuan Mizoram Sorkar atang hian UD & PA Minister zahawmtak hmalakna avangin he 10% GDS kan tih atang hian pawisa la chhuak awmchhun deuh thaw leh a tam ber lawt lak an ni a. Hetah hian kan Minister hi a fakawm hle in ka hria. Nikum – ah khan MLA tharte training kan zuk neih khan Secretary thenkhatte leh Union Minister thenkhatte hmu in kan kal a, chung Secretary kan hmuh zingah khan DoNER Secretary kan hmuhna-ah 10% GDS atanga North East tana pawisa an pek hi min hrilh rawh ka ti a. A hnuah lehkha in min rawn hrilh a, Ministry 51 atangin North East tan 10% GDS chhung atangin pawisa tamtak an pe a ni. Hei hi wawinah hian UD & PA Minister in nasa takin hma a la a, chuvang chuan Aizawl leh hmun tamtakah 10% GDS atangin project lian pui pui pawisa kan hmu mek a, kan hmu zel dawn bawk niin ka hria a, lawmthu ka sawi a. Chutih rual chuan Pu Speaker, Department dangah pawh hemi la chhuak ve tur hian tan lak ngaiin ka hria a. Kan Department Officer te hi tang sela, an allied Ministry atang theuhin budget tamtak kan la chhuak thei dawnin ka hria a. Hetah hian lawmthu ka sawi a ni, ka lawm e.

PULALRINMAWIA RALTE : Pu Speaker, ka lawm e. Demand No. 22 – Sports and Youth Services ah hian ka kal nghal ang a. Discipline hrang hrangah hmasawna duhawm tak kan hmu a, nichina Member zahawmtak ten an rawn sawi tak ang khan Medal duhawm tak, thahnem tawk tak kum kalta chhungah pawh khan an lo hawn a ni. Chungte avang chuan lawmawm ka ti a.

Tin, Incentive Cash Award chungchangah te, Promotional Fund inpek chungchangah tepawh kan Sports Minister zahawmtak hian ngaihtuahna a hmang hle in ka hria a. Infiammite, infiamna ngainatu te an lawm tlang viau niin ka hria a. Thildang promote leh hetianga tanlakna kan neih lai te thulh phahna tur ni miah silova thil pakhat rawt duh ka neih, infiamna kan tih ve hun chhung zawng zawng pawha ka ngaihtuahna a reh thei miahlo, kan Minister zahawmtak hnenah hian a inah pawh, a office-ah pawh kala ka rawt theih tho, mahse ka ngaihpawimawh ve tlat leh ngaihdan ka neih ve tlat thil pakhat a awm a. Chu chu he House zahawmtak kaltlang hian han rawt ka duh, kan ram, tlangram chhukcho tamna, kan pianzia, fuke chak mi kan nihna nena inmil, Sports Infrastructure hautak lutuk ngai ve miah lo, sports good hrim hrim hautak miah lo, kan pianzia hrim

hrimin a zawh ve tho, Mongoloid stock an tih ang chi, Mongolian thlah tepawh ina khawvel ropuina an lo khum theihna thin, “long distance running” hi tih takzeta promote hi Mizote kalna tur leh kan ropuina tur niin ka ring tlat a. Hei hi kan Minister zahawmtakin min lo chhinchhiah sak se.

Demand No. 26 – Information & Publicity chungchangah hian Journalist Welfare Fund, a hma-a dah lo awm tawh kha, inralna ang chi niin a hriat a. Tunah hian siamthat niin harsatna bik, chhiatna bik leh natna khirh bik an tuar chungchanga Journalist te tanpui theihna tur zawngin a dan hi siamthat a lo nita hi a lawmawm hle in ka hria. A changtu Minister leh Department te chungah lawmthu kan sawi a. Hetih rual hian he Department in a khawih tur ni maw, tunhma kha chuan ‘Information, Public Relations & Tourism’ an ti deuh duah thin a. Tourism hi a lo indang ta si a, ka sawifuh ang em ka hre lova, ka rawt duh mai pakhat chu – Hman deuh khan Birmingham atangin pitar pakhat alo kal a, kan quarter-ah a lo leng a, kan ti ti a. Chuta thil mi zawh chu post card ‘Hei in ram a mawi si a, hetiang hi ka la hmuh ngai loh lam a ni a, hmuhnaawm ka ti lutuk a, post card tepawh a ram hmun pawimawh lai thlalak tamtak hawn tur a awm ka ring a, min ngaihtuah sak thei ang em’ a ti a. Ka lo hriat loh vang nge ka hre lova, post card lampang hi kan uar lo khawp mai a. An han hawn tur lam chi han kawhmuhtur kha ka lo hre mang reng reng lo mai a. Heng ang chite hi Information & Publicity atangte hian ngaihtuah chi a ni ang em? Ngaihtuahna min lo hman sak turin ka ngen duh bawka ni, lawmthu sawi rual in.

Tin, bawlhhlawh enkawl dan chungchangah khan, Member zahawmtak tak ten an sawi tawh a. Ka thual nawn kher lo ang a. Oxidation Pond tih te, thildang tamtak, thil thar kan hmu a, a lawmawm em em a. Kan Garbage Trailer han bo duak tepawh hi a thawven thlak ve hrim hrim a. Lawmna tur a tam viau lai hian kan Sorkar hmun pawimawh, mipui tena kan belh nasat em em, New Secretariat Complex-ah khuan han hawi vel ila, a tlangpang awih remchang apiang bawlhhlawh paihna emaw tih tur khawpin a var chia chuai mai a. Khu khu kan hotute, Motor-a tlan thuk thuk thinte chuan in hmu tam lo ang a. Khulaia Secretariat Complex a cheng a, morning walk te ti a, muangchanga kal thinte chuan kan hmu Chiang Khawp mai. Khu khu a zahthlak a, a thawpik thlak lutukin ka hria a. A Secretariat Complex chhunga quarter-a cheng hote hi kan ni ta zawk mai em ni ka ti a. En chian atan tha viau in ka hria, ka sawilang duh hrim hrim a ni.

Demand No. 31 – Agriculture ah ka’n kal lehnghal ang a. Kan Minister zahawmtakin kan dam khaw chhuahna atana kan chaw pui ber mai thar tam tura tan a la a, department officer ten an thiamna hmanga buh thar tuma an enchhinna, System of Rice Intensification (SRI) tih hi ropui hle in ka hria a, fak loh theih niin ka hre lova. Ka bial chhung, Hachhek Constituency, Zawlnuam-ah te zawl zau tak tak a awm a. Tunhma atanga WRC lo neihna hmun a ni a, mahse SRI hmang hian an han ti chhin a. Hmanni khan buh kan va seng a, (Tv. Zarzokima kahhlum anih tuma bial ka fan tum khan) keini ang mimawl pawh hian han en ila, ‘Helai bial leh helai bial chu a va inthlau em em ve’ kan ti nghal thei ringawt mai a ni. A vui pawh hi han khai ila, a in that hleihzia keini ang pawhin kan hrethiam nghal mai. Agriculture mithiam nilo mah ila, a that zawk zia kha a lang Chiang hle a ni,

mimawl ber mit-ah pawh hian. Tuna conventional method let thum ai hian a thar tam thei dawn an ti a. Hetianga kan mithiam ten an han enchhin a, hlawhtlinna an nei hi a enkawltu Minister leh Department-a kan mithiamte hnenah hian lawmthu sawi a ngaiin ka hria a, kan thatpui dawnin ka hria.

Demand No. 33 – Soil & Water Conservation tih leh Demand No. 36 – Environment & Forests tih hi thil sawi fin rem deuh niin ka hria a. Amaherawhchu, ka'n sawi hrang lawk ang a, 1985-ah khan India ramah hian khaw 750 chuan tui tlan tur reng reng an neilo an ti a. Amaherawhchu, 1998 kum 13 hnua an han zirchian khan, khaw 65,000-ah a lo lawn ta daih mai a ni. Hei hi ruahtui tla a tlem tak vang pawh ani ang a, mahse ruahtui a tlem tak vang pawh nilovin, lei chhung rila tuihna insiam theihna te a chhe zo a, leiin hnawng a pawm theihna te a chhe zova, ruah a surin lei chunglangah chaktakin tuihawk a liam zur zur ringawt a. A cham rei hman lo reng reng a ni tih kha a chhan lian tak a ni.

Hei, 'Desertisation' an ti a, 'Thlaler hmasawn' hi chu kan tan chuan a hlauhawm lova, 'Desertification' tih erawh hi chu a hlauhawm chiang khawp a ni. Siamchawp thlaler hi a thlen theih. Cherapunji khu tunhma chuan Oak hmunpui thin an ti a. Nauban chi hrang hrang leh Phengphehlep chi hrang hrang pawh a za tel a awm tih thin a ni, khamchawi chungah khuan. Amaherawhchu, tunah chuan khawvel ruahtui tlak tamna ber pahnihna ni chung si in, thlaler ang a ni deuh tlat ta mai a, khawvela thlaler hnawng ber tih hming a pu ta tlat a ni. A ram leilung ina hnawng a pawm theihna zawng zawng a chhe zo ta nge, Scientists te ngaihndan pawh a inang lova, a hnuaia Limestone Deposit hian a hip thin nge te an ti a. Engapawh nise, thil chiang deuh chu a hma-a ngaw thin zawng zawng kha a chhe vek tlat a ni. Chuvang chuan, tuihna an nei tawh lo chu a ni ber a. Cherrapunji tui harsat zia chu hrilhfak tling a ni a, tunlai te hian enge an an ka hre lova. An MP, nula Agatha Sangma nena kan sawina-ah chuan Meghalaya te chu ruah atanga hmingthang ngat kan ni a, mahse tui kan harsatzia hi tiin hahip in a sawi ve tho a. A dik ka ring a. A ram leilungah ruahtui a chambang thei lo a ni ve chek tur a ni.

Keini-ah pawh hian Aizawl ruahtui tla hi lo hniam hret pawh nise, engvangin nge Chite lui khu a tet tak em em ? Pu Rokunga te hunlaia Zawlkhawpui sir a luang del del Chite luiipui kha chu a ni tawh bik lova. Chuvang chuan, kan ngaw lo chhe zel te, kan leilung kalral te, ruahtui chambang thei ta miah lo te hian lu a ti hai em em a ni. Chuvang chuan, Soil and Water Conservation Department hi tihlen leh tihchak a tul hle in ka hre ve a ni.

Environment & Forests chungchangah hian thawktuten nungcha an hmangaihna hi a thuk hle tawhin ka hria. Tunhma kha chuan DFO sava veh tihte sawitir a tam khawp mai a. Thudik ani nge nilo kan hre lova. Amaherawhchu, tunah chuan Game Watcher te, Wildlife Guard kan tih ang te hian hmangaih tak te in an hmangaih hian ka hria a. Mamit District ah kan hriat angin Tiger Reserve sq. Km. 500 laia zau kan nei a, an thawh dan khu kan hmu in kan hre ve phak a, lawmthu ka'n sawi duh a. Pu Speaker, thil hote anga lang, helaiah pawh hian han rawt leh duh ka neih chu - Tun March, 20th kha kan hre theuhin

ka ring a, 'World House Sparrow Day' a ni a, 'Khawvel Chawngzawng Day' a ni a. Kha kha khawvela Wildlife lam buaipuitu pawl lian pui pui engemawzat in an buaipui in 'Khawvel Chawngzawng Day' an puang a ni. Chawngzawng hi a lo ropui khawp mai a, miten an lo ngaisang khawp mai a. Mizoram hian kan lo ngah hle mai si a, hei hi han humhalh tha tak tak ila, han tipung ila, chawngzawng ngainatu, saprama chawngzawng lo tlem ta avanga mangang hote tan chuan ram nuam deuh a lo ni mai dawn a. Khulaia Sai vang tawh tak mai kha humhalh a that tho laiin, kan bathlara thlawk nuk nuk hi humhalh tha ve ta ila, hei hi Tourist attraction pawh tling thei a ni tih hi a lang tlat in ka hria, World House Sparrow Day a an thuziak vel han en khan. Chu chu ka sawi duh a ni, Pu Speaker, ka lawm e.

SPEAKER : Tunge sawi leh dawn? Pu Lalduhawma.

PU LALDUHAWMA : Pu Speaker, nichinah khan kan hotute khan 'Catch them Young' ti hmasatu nih kha an inchuh deuh lek lek a. Eden huan atanga tun thleng hian zu leh drugs –ah a ni emaw, hmelma pa Setana hian Catch them Young hi chu alo hmang hmasa angreng tawh khawp mai a. Inchuh vak chi pawh a ni emaw chu ka ti a.

Demand No. 17 – ah hian ka'n tan ang a, ka zawnha chhanna ah khan 'BPL leh IAY buhfai hi engzatnge an pek' tih a ni a, '35 Kg. in' tia chhan ka ni a. Amaherawhchu, 2008 February khan Retailer Association ten Meeting an nei a, chuta an meeting thuchhuak ang chuan an President leh Secretary te ve ve, Aizawl East and Suburb leh Aizawl West and Suburb Joint Meeting a an chhuah kha retailer zawnzawn ah hian an circulate a. An buhfai lak chhuah a buk a dik loh lutuk avangin kg. 35 a an sem chuan an chawibelh nasa a. Chuvangin, kg. 35 a sem lo tura inhriattirna a ni a. 'DCSO atanga Minister thlengin hei hi kan hriattir dawn a ni' an ti a. Kan Minister zahawmtak hian hei chen hi he Department hi a enkawl tawh a, khatianga min lo chhang kha mak ka ti deuh hlek a. A mimal tal chuan an hre tawh turah ka ngai a. Tunah hian Kg. 35 in an sem lo Chiang khawp mai a. Khatianga an lo tih than tawh kha a ni a. Tihngaihna a awm tawh lo anih chuan a nihna ang tak khan chhan mai nise. An chanpual tur heu ta reng mai hi tun atang hian a siam that theih ang em? an dawn tur ang zat diktak hi kan pe thei tawh ang em? tih hi ka sawi lang duh a.

Gas chungchangah hian Distributor te an area-a household awmzat leh an quota an lak zat figure min han pe a, khata tang khan an area-a connection neih zat pawh nilo, chhungkaw awm zawnzawn aia tam fe kha cylinder an la vek a ni tih kan hre thei ang, a tlangpui thu in. Chuti chung chuan kan indaih lo em em reng mai hi engeni? He figure hi a dik a nih si chuan kan indaih tur ani. Tin, cylinder tih chingpen hi a la awm reng a, a tih chingpena bul hnaia awm te hian an tan em em a ni. Man chhuah pawh an har khawp mai. A chhan chu, hla taka va in chuh ai chuan hnaivai te a tlema phai deuh pawh lei mai tura a awm phah avang khan an tan ve tlat a ni. Keipawhin chutiang hmun chu ka hria

a ni. Hengte hi a van avanga heng thil hi lo thleng a ni a. Hniahngnar hian an lift zat ang chiah hi a takin dawng ni ilangin, hetiang anga a ruka lo sawngbawl hi a hlawkna awm theiin ka ring lova. Thil kal diklo engemaw tak inphum ru a awm a nih ka ring. Tin, State Consumer Protection Council hi 2009 May thla-ah khan din a ni a, kum 3 term a ni a, keipawh member ka ni a. Pu Speaker, vawiin thleng hian meeting kan neih hi ka la hre reng reng lo mai a, ka lo hre ve lo thin nge ni? Thil tangkai lo anih chuan din loh mai tur a ni a, Consumer te hi venhim an ngaih tehreng nen, Agenda tur te hi a tam khawp hian ka hria a. Hengte hi a ding anih rau rau chuan hman tangkai nise tih ka rawt duh baw k a.

Tin, Demand No. 31-ah ka'n kai ang a, 2009 Budget Session-ah khan zawhna ka zawt a, min chhanna-ah chuan Macro Management of Agriculture hnuai-ah hian Farm Power and Machinery Directory hi an siam thin a, chu chu State tinah hian an thawn chhuak a. State te chuan khami atang khan an lonei mite mamawh tur hmanrua an chahchhuak mai thin a ni a. Tin, Macro Management of Agriculture Plan atangin Subsidy pawh an pe thin tiin min chhang a ni. Tunah hian chuti anih chuan kha directory kha a copy min pe ve thei em? eng eng te nge inchah chhuah ve ?tih kan zawt a, 'chuti-ah directory a awm kan hre lo, engmah kan chahlo' tiin min chhang leh daih mai a. MLA thuhmunin zawhna thuhmun a zawh a chhanna a hma a mi leh a hnu ami a in ang lo lutuk mai a han inchhan te hi kan va fimkhur love ka ti a. Engpawh nise chemkawm technology ngawt maia inkalpu hi a hun tawh lova, implement hrang hrang a awm tawh a tunah chuan. Hnim samna te, hlo thlawhna khawl te, petrol emaw diesel emaw hmang khingkhata han khai mai theih chi te, tuthlawh, fung phir hnih phir thum nei te, thlai phun sawn tur zuk karna tur tuthulh pum chi a hmawr hriam si, ke a zuk rah pil a, him taka a zung nena phawh mai theihna ang chi te, sponge brush te, thingzaina khawl tih te, thinglawna hmanruate, tin kuta nawr mai theih Tractor te chi te, a dang pawh tam tak a awm a. Hengte hi kan rama kut hnathawk tute tan hian chahchhuak ve ila. A awmna hmunte pawh dapve ila. An hmanruate pawh hi thlak sak tum ila atha hlein ka hria a. hemi kawngah hian hma kan sawn deuh a tha hle in ka hria.

Tin, Demand No.32 -na Anthurium chungchangah hian kan lut leh ang a. Hei, Anthurium par an hralh hian Zopar hian a man a batsak rei thei em em maia. Nikum November a an pekna kha, tun thlaah hian a man an dawng chauh a ni. Chupawh chu session hi awm dawn lo se chuan engnge an an ang ka hre lo. Miin a tlachawpin pawisa hmuhve an duh a, khati chen chen mai an batsak thin hi chu a fellovin ka hria a, hlauh hi an neilo tual tual deuh em aw ka ti a ni. Tin, achangin cheque an pek pawhin cheque kha va draw chhuah an tum a, pawisa anlo deposit baw k silova. Tichuan an hun an seng thlawh a, khatiangte khanin mi tamtakin harsatna an taw k mek a, nichina kan member zahawm tak ten an sawi ang khanin monopolise ringawt a kan kal hi chuan a buaitlak chin a awm a. A agent te hi pahnih pathum awm ve sela, tih tak taka dap chu nise an hmuh ka ring a. Hmanah khan agent dang leh a hralhna dang leh a lei duhtu dang zawng tur khanin sawrkar in a tir tawh a, chuta an hruaitu pa chu Zopar hotupa tho a ni. Ama hova zawn kha chuan zawn hmuh a har awm mange aw ka tia. Khatiang lo deuh te khanin tihdan a awm lawm ni tih hi kan sawi duh a ni.

Tin, Agriculture - ah kan lut anga NLUP hi kan sawi ve teh ang. Inthlan dawn hnaiah kha chuan mipuiin kan pawmdan ber leh kan hriatdan ber chu cheng nuai khatin kum 5 chhunga sem zawh tur tih kha impression kan neihdan leh kan inpekna ber a ni a. Kan haiin ka ring lova, tichuan, azat hi engzat chiah tur nge tih lai hi hriat thiam a har ta em em mai a. Hei kan ruling party election manifesto phek 24 naah khan cheng nuai khat tal, a tul chuan a aia tam pawh ti khan a inziak a, nuai khat kha kan thilungah awmlo chi pawh ani lova. Tin, "NLUP khawpui chhunga tana ruahmanna," tih bu an siamah khan 'Zokhaw dawn zat cheng nuai khat tho khawpui chhunga mi pawhin an dawng ve ang' tih hi ziakin hmuh tur a awm bawk a. NLUP manual an siam bung 6-na ah khan, "Nuai khat ang vela ruahman ani a, a tul chuan a aia tam pawh," tih kha a inziak bawk a, ziaka behchhan tur pathum chu a awm ta phawt a nuai khat chungchangah.

Tin, Zo-talk interview na ah khan kan Chief Minister zahawm tak hian "Hmana kan hun hmasa a kan tih khan 5% la pawhin kan ti thei a, tunah chuan pawisa atam em em tawh a, hei hi chu nuai khatin kan sem thei zan dawn ani," tih a sawi bawk a, hei a CD te pawh a awm vek a.

Tichuanin, khatiang ngaihdan kan neih lai khan nikum March Budget session kan neih a Sorkarin-a proceeding in rawn tihchhuahah hian, phek 107-naah hian a awm a. Kan Chief Minister zahawmtak hian cheng nuai khatin kan sem ang tih hi a policy siamtute chuan kan sawi ngailo, a thahnemngai ten an lo sawi anih chuan an thu nise," kha a ti leh si a. Keini chu kan buai tan deuh hlek ta ani, a ziaak hi nge pawimawh zawk ang a, a sawi hi, a eng zawk hi nge lal ang tih kha. Khatiang khan Zoram mipui hi kan buai tan a. Flagship programme ber anih avangin a tu a te pawh hian kan buaipui lo thei lova, kha kha a amount ah nise la. Tin, engtik chhunga sem tur nge tih ah hian Zo-talk ah kha chuan kan Chief Minister zahawmtak hian," Kum li chhung" a ti a ni. Tichuan, an han Sorkar a, Action Plan an han siam ta a, Action Plan - ah chuan kum nga chung tura ruahman alo ni ta a, 2009-2014 thleng hei a bu kan nei a. Tin, kumtinin chhungkua 24000 kum nga chungin 1,20,000 pek tura ruahman kha a lo ni ta a. Manual an han siam leh ta a manual bu bung lina - ah khan kum sawm chung Mizoram pumpui hi tuam zawh tur anga ngaih a ni" tih hi a rawn inziak leh ta a. Tichuan, ziaka awm ve ve, Action Plan in kum 5 a ti a, Manual in kum 10 a ti a. A eng zawk hi nge kan rin ang tih hi hriatthiam a har ta khawp mai a. Tin kan C.M. zahawm tak thusawi nichina ka sawiah khan tiang hian a sawi bawk a,"NLUP hi kum nga chungin kan zo vek ang tih a policy siam tu te hi chuan kan sawi lo ani, kum 5 chhungin a zawh theih loh tih hi kan hre ve in kan in hria," a ti bawk a. Chuvang chuan in a awih ber tur leh a zawm ber tur a hi ziaak leh leh sawiho hi inkalh a tam lutuk tawh a. Hei hian kan lu a ti hai lo thei tawhlo ani. Tichuan tuna kan kal pui danah hian Action Plan in a sawi dan chuan kumin tun Financial year ah hian chhungkua 19640 hnaena sem tur a ruahman a ni a, vaibelchhe 100 kan passed a nih kha. Amaherawhchu chhungkaw pakhat hnenah pawh chengkhat pawh pek la ni lovin hei kum a liam dawn a. Heta tang hian nuai 9552 chu Department 22 hnenah sem ral a ni a. BAFFACOS te pawh kha a ang tan tlat tawh hian ka hria a. Tichuan a la bang nuai 448 an sem na kha hei kan han hmu leh a.

Officer ho hlawh atan te, Muster Roll ho hlawh-ah te, Coterminus Employee hlawh-ah te, medical a inenkawl nante, T.A a tan te, khatiang khan nuai zali leh sawmli leh pariat kha a ral ta a. Kumina chhungkaw 19640 hnena sem tura ruahman ni si kha cheng khat mah tumahin an dawn loh laiin tikhan thildangah a kal ral ta vek mai a ni. A bul kan tan dan hi heti anih si chuan engtin nge kumtin chhungkua 24000 cover tura ruahman hi an cover theih tak ang le? MLA bial tin ah chhungkaw 600 vel theuh angin kumin a sem tur a ruahman a ni si a. A kum khatna atang pawhin kan fail sa a ang tawh a ni si a, a va huphurh awm awm ve tih kha ka rilru ah a awm deuh hlek a.

Tichuan, hmana an sorkar lai khan Pu Speaker, vaibelchhe 194 chuang kha NLUP ah an sem tawh a. An sorkar chhungin cheng sing 3 in kan sem ang an ti kha a nia mahse community block 8 - Aibawk, Darlawn, Hnahthial, Bungmun, Chawngte, Sangau, Tuipang leh Lawngtlai te hian an term pumpuiah khan cheng khat mah an dawng lo a ni. Khatiang kha thil lo kal tawh leh min lo hruai tawh dan a ni a, Chuvang chuan tunah hian kumin a dawng tur pawh pakhatmah in an la dawn loh hi chuan a bilh ah hian a tho lo deuh dawn a ni awm mange? Nu te pawn nau an pai rei lutuk a, thla hlei an han pai hi chuan a paitu te pawh hi an bawrhsawm duh angreng khawp mai a.

SPEAKER : Group Leader nihna angin hun ka pek belh tawh che chungin hun a kal leh ta deuh hret a, minute thum vel neiah han inngai phawt teh.

PU LALDUHAWMA : Ka'n sawi leh duh chu a Selection chungchang hi a ni a. A Beneficiaries Selection hi Village Level Implementation hian YMA ten a base line survey an tih zawh khan an han thlang ve bawk a. Prominent Citizen te an han thu ve a, kohhran upa te pawh an ni duh tlangpui khawp mai, Village Level-ah hian. Chu chuan a dawng tur an han thlang ve bawk a, chumi hrulah chuan Unit in list hran an lo thelut leh a, Unit list kha a lal leh zawk fo mai si a. Chvuang chuan, pawm tur a nih loh chuan he Committee hi din lo mai ila, 'Party in kan select dawn' ti lawng mai sela. Thlan tir si, an list kaltlang tir leh siloh, luahlan leh tur si a Committee in din tir hi khawchhunga prominent leader te rilru pawh kan ti na tam mai mai a, hei hi thil tullo niin ka hria a. Tin, Manifesto-a a inzhiah dan khan manual leh board leh dan te reng reng hi Legislative Assembly-ah pass a ni ang tiin manifesto-ah khan an ziak a, engmah hi kan pass ka la hre lova. Tin, 'Farmers Commission kan din ang' an ti bawk a, manifesto-ah khan, chutiang chu a ni a.

Chuvang chuan, a tawpna bera ka sawi duh chu khatiang anih laia an la dawn siloh lai hian a hremnate hi a sang angreng si a, khawdanga pem awih loh tih te, Sorkar tanpuina reng reng an dawng ngai tawh lo ang tih te, a pawisa pui leh a pung 5% nen an rul leh ang a, an rulh theih loh chuan Public Recovery Act, 2001 hmangin rulh tir an ni ang tih te, Bungrua anih chuan tuna a thar man in an rul ang han tih te kha a ni hlawm a. Hmanni lawkah a hmahruai MIP sum bang, party hruaituten an sem chiam tawh a, khang pawh kha action kan la la

chuang bawk silova, anni heti em em a dawn pawh chakawm loh rawih khawp maia kan han vau thaih tepawh hi a ni lutuk bik em ni le tihte hi ka rilruah a awm a. An ei zawh mai mai kan hlauh avanga kan han strict a, kan han vau thaih deuhthe hi chu a awm ka ti em em a, a enkawl na lam leh a umzuina lamah hian kan chak ve tho a ngai a. Chuti anih loh huan he flagship programme hi a bul kan tanna atang hian tlemin kan zuai tan deuh hlek a, khatiang kha a nih avangin, sem ngei a nih a, a inziak ang ngei hian he budget thar atang hian mipuiin an dawn theihna turin, a dawngtu chu Congress vek pawh lo ni rawh se, a tha hrim hrim. Chutiang kalpui anih theih nan chuan heng harsatna awmte hi ka'n tarlang duh a ni e, ka lawm e.

SPEAKER : A lawmawm e, tunah Dr. R. Lalthangliana.

Dr. R. LALTHANGLIANA : Pu Speaker, ka lawm e. Hei, tun term kalchho mek hi kawng lehlamah chuan ka ngaihtuah a, ka veilama mi, tuna thusawitu pawl vel nih lai tak hi a nuam awm mang e ka ti a. Anni hi an la Sorkar ve lo a, keini kum sawm kan lo Sorkar tawh, khalamah in tling tam si a, a hmasa hunlai tia in han ti tak tak hi chu awihawm deuh hian mipui hian an lo thlir ve lo thei silo a. Keini kan hunlai ami tia han sawi dawn khan kan tlem angreng si a, Pu Speaker, Pu Duha te pawl hi tun House velah hi chuan ni ila thusawi hi a nuam dawn riau hian ka hria a, ka awt angreng khawp mai te ka'n ti deuh a ni.

Hei, kan Sorkar hi in vannei hle in ka hria a, sorkar hmasain Department a lo din, vawiihah UD & PA te phei chu sawi hlauh ber Department-ah an lo tang a. Sum lo dawn khawmna tak tak nia in lo hmang tangkai hi a lawmawm ka ti khawp mai a. Tin, chubakah Information Technology and Communication Department Sorkar hmasain a din ang tepawh kan hmang tangkai chho zel a, a lawmawm khawpin ka hria a. Pu Speaker, i dinglama mite hian kum sawm Opposition-ah khan an awm ve a, ka hrethiam khawp mai, kawng lehlamah chuan. Helam atanga a hmasa han khak tel hi thusawiah hian a lo awl dawn viau in ka hria a. Keini lah hi Pu Thlenga te ho nen hian Minister hlui kan ni a, thu kan han sawi hian kan la ruling deuh roh a, han fak mai che u hi nuam kan ti angreng riau mai a. Nichinah pawh khan ka hnunglama mite hi chuan an fak deuh tliar tliar mai che u a, khalai mentality rilru sukthlek kha kan la pu a. Kawng lehlamah chuan tun Session kalchho te leh kalchho zel tur tepawh hi a nawm phian hi mawle tih te ka ngaihtuah vel a. Hmanni khan patling 30 vel bawr awmkhawmna-ah ka awm ve a. An sawi pakhat chu 'In Session neihna-ah hian tuna Sorkar mek te hian Sorkar hmasa thiltih hi a tha zawnga comment hi an va hreh ve' an ti ve deuh che u a ni. A har ve deuh pawh a ni mai thei. Puitlin hi a har viau a, mi rilru in phawrh chhuahna ka'n sawi mai a ni a. Hei, kan vannei a, Aizawl khawpui kan en pawhin Millenium building tha tak han ding luah te, Capital Complex Secretariat hmunpui te, Ch. Saprangna Truck Terminal tih leh Ch. Chhunga Truck Terminal tih te, District Headquarter tin maia Market Building tha tak tak te, Lunglei tih lovah phei chuan kan han nei thei te hi kawng lehlamah chuan a ropui ka ti a.

Tin, kan Central Service te Quarters tur saw Capital Complex-a a han tlep tuar kan han hmuhte pawh hi kawng lehlamah chuan a lawmawm ka ti a. Khatiang thil engemaw han sawi ve hlek hianin mipui hian a in balance hle mai a, an thil sawi chu an ti ve dawn tepawh hian ka'n hre deuh a ni.

A hmasa berin Demand No. 36 – Forests & Environment hi kan Forests Minister leh a thawhpui, a bikin kan IFS Officers te congratulation ka pe duh a. Kan IFS officer 10 bawr vel, (a zat chu ka hre chiah lova) a then Additional PPCF ah te an kai in ka hria a. Tin, CCF a kai tharte an awm a, kan DFO engemawzat Conservator of Forests-ah an kaichho a, a lawmawm ka ti a. Kan hunlai khan Central Minister Pu Raja te kan hmu thin a, heng chungchang hi kan theih ang angin kan lo buaipui thin a, a sawt thei vak thin lova. Amaherawhchu, tunhnaiah chanchinbu lamah te a hlawhtlinna te kan han hmu hi a lawmawm takzet a, congratulation kan pe duh hrim hrim a ni.

Tichuan, ka sawi leh duh chu Forests-ah hian Pollution Control Board hi, hmanna Kolkata University-ah training kan nei a, an lo ngaipawimawh khawp mai. Environment issue thil kan sawina-ah chuan Mizoram-ah chuan kan hmang tangkai tho na chungin, zau zawka hman tangkai dan hi kan ngaihtuah a pawimawhin ka hria. Chip chiarin ka sawi hman lo ang a, kumtin pawisa kan in pe a, mahse an hnathawh tur kan bithliahna-ah pawh zau deuh zawka kan tih ve hi a ngai deuh a nih hi maw le ka ti a. Kolkata khawpui atanga Km. 50/60 bawr velah field trip kan va nei a, Pu Speaker, tah chuan Kolkata khawpui mihring tam lutukin a an tui tenawm an paih dante chu a lo turu hle mai ka ti a. Tlawng lui ang khu hmun 5/6 velah khuan khawpui tui an lo siakchhuak a, Km. 40/50 bawr velah chuan kha tui uih em em mai, dum nguk mai kha Sangha dil 1000 tel chawm nan an lo hmang a, ei erawh chu a chakawm lo khawp mai. Kha kha sangha in an ei duh tih kan hria, kaikuang lian chi te, tiang kha an lo chawm a, thil tamtak hi Pollution Control Board in an ti e ka tihna nilovin, a ngaihtuahna hman hi chu a awm tawh khawp a ni. Mizoramah pawh hian tlemin tunhma ang lova tunlai deuh hianin hengah hian terms of reference te kan enfiah leh hi tha in ka hria.

A dang leh ka sawi leh duh chu Pu Speaker, in vannei ka tih em em na chhan chu khalama thu te, kan hun ve lai kha chuan Integrated Forests Protection kan ti a, IFP Scheme te hi 75:25 Matching Share a ni a, North East Ministers ho kan in ko khawm a, 'I nawr ang' kan ti a, kan zuk nawr a. An lo fel khawp mai a, 90:10 in min han restore ti mai ila, min han siam sak ta a, vawiin thlengin, a lawmawm khawp mai. Tunah khang kan tihfel hnuah in Sorkar a, khulamah a lo ni bawk a, thil a awlsam lai denchhen hianin thil hi Sorkar hmasa in a lo tih tawh ang chite hi entirnan – 12th Finance Commission in Forests Protection a tulzia Supreme Court te leh Govt. of India in a ngaih pawimawh avanga interview leh written test leh khatianga Employment Exchange kaltlang veka hna kan han lak, (hmanni-ah Pu Ramhluna nen lehkha kan han siam nghe nghe kha). Hengte hi chu 13th Finance Commission-ah sum vaibelchhe 171, in hmu tam ber, in vannei bawk a. Heng hi chawl lova an chhunzawm zel hi kan mamawh dawnin ka hria a, chu chu ka ngen sak a. Lehkha-ah khan ngenna kan siam bawk a.

Tin, chumi rual chuan Pu Speaker, thil sawi hlawh lo angreng deuh mai Sorkar hmasa hunlai khan a awm ve a. Engeni an kalzel dan ka hre lova. Dampa Tiger Reserve Forest khu 500 sq. km. bawr vela zau a ni a, a pawimawh khawp mai a. 2007 bawr vel, 2006 bawr vel atanga kan buaipui, India ramah paruk chiah hemi bio diversity conservation for rural livelihood improvement project hi World Bank atang khan rawn finance an tum a. Kan inchuh nasa em em mai a, North East-ah Mizoram chiah in kan hmu a. India ramah paruk zinga pakhat kha kan ni ve tlat mai a. Hei hi, a pawimawh si a, Tiger Reserve hi, India ramah a tlem tawh a ni, avai hian 28 emaw lek a awmna-ah Mizoram in kan la chang ve a. Chutah World Bank atanga State 6 chauh an thlan a, Assam Chief Minister te phei chuan min hek ve deuh char char, Sakei Mizoram in an nei tawh lo te kha an ti a ni. Khalaiia kan han hmuh kha kan han enkawl chhunzawm zel dan hi kan Minister zahawmtakin min han hrihl thei se tih hi ka duh a ni.

Pu Speaker, kumin hi ram a kang nasa em em mai a, a rapthlak a ni. Wild Wide Fund for Nature in kum 2007 ah an tarlan dan chuan Brazil rama Amazon ram ngaw ropui khawvel pawhin hriat laih tham hi 2030 ah chuan a ramngaw 55% a neih that hi a chereu vek dawn a ni tiin an sawi lawk ani. Chu chu kawng lehlam panga ngaihtuah chuan a rapthlak a ni. India ram pawh nichina kan ngaihthlak ang khan kan Forests pawh hi Pu Speaker, a chhiat leh a thatah thil pawimawh em em a ka hriat chu khua leh tui tha kan nih tlan hi a pawimawh a ni. Hemi atanga bul kan tan loh chuan kan ram hi kan veng tha dawn lo, a tikang tute hi foreigner an nilo, Thailand atangin an rawn hal kang lo, Mizoram atanga chhuak a ni. Kan Sangha, tura hraitu te hi tute nge kan tih chuan kan ram khua leh tui an ni tlat. Tichuan, inzirtir fe a ngai a, khua leh tui tha nihna tak tak kan Kristianna pawhin rilru tha a ken kha engtinngge kan inzirtir ang tih kha ngaihtuah a pawimawh hle in ka hria a. Kan NGO te kan associate bakah hian School Education a naupang zirilaibu ah tepawh hian Environment Awareness te, force nei Home Department te nen engtinngge kan tan theih ang tih te, heng zawng zawng pawh hi kan ngaihtuah a pawimawhin ka hria a. Kan hunlai khan kohran secretary chhiar chhuah tur thuchah tepawh i siam ang u tih te kan han rawt a, kan ti ta pawhin ka hria a. Hetianga kawng tinrenga kan tan loh chuan kan ram hi kan tichereu vek dawn tlat. A chhiat chuan a tuartu tur hi vawiinah hian Nagaland amite, Assam amite an nilo, nang leh keini hi kan ni dawn ani tih hi hriat a pawimawhin ka hria a, hei hi ka ngai pawimawh em em a ni tih hi Pu Speaker, ka sawi leh duh a ni.

Pu Speaker, Demand pakhat han ngaih pawimawh deuh hlek ka neih chu 26 leh 46 a kawp hian ani a. Helaiiah hian kan Information Department hmun vel bawrah khian hun hmasa lamah khan State Information Facility Centre & Vehicle Parking Lodge DPR kha Urban Development Ministry lamah khan kan thehluat a. Hei hi vanneihthlak takin kan Minister hian a changkawp ta bawk a, Information nen, a pawimawhin ka hria a. Thil tamtak multiuse tur ang chi thil kha a ni dawn a. Ram a vang tawh si a, helaiia kan neih ram hi tangkai taka hmanna tur ang chi vaibelchhe sawm bawr vela ruahman kha kalpui leh theih nise tih hi ka chah duh a. Tin, IPRO post 2 ruak kan la neih kan la fill up loh hi fill up ran dan awm sela, tul leh thildang awmsa vek a ni a.

Tin, sawi tawh fo angin Information Department a pawimawh a, keini kan chan lai pawhin a sawitute pawh kan ni hengah hian (**SPEAKER** : Minute thum ila nei e aw) Motor mamawhna ang chi thil hi en a tha in ka hria a, remchang leh changlo ten a chang chuan kan han lei thin a, tun term-ah pawh hian. Officer lo pung chho zel karah leh hna tamtak karah hei hi an mamawhin ka hria a. Tin, kan chanchinbu ten advertisement -ah harsatna an la tawk fo mai hi hei hi kan hunlai pawh khan tih tak tak chu a har khawp mai. Head of Department te, Secretary te, Directors te kan han ko thin a, an budget allocation ah hian tihpun hi a har ngang nge ni, hei hi chawl lova hmalak leh tha in ka hria a. Anni tello chuan Sorkar hi a kal thei bik tak tak lo, media hi an pawimawh tlat. Chuvang chuan, helamah hian tan lak a pawimawhin ka hria a. Tin, chumi rualin an bill tang rei lutuk ang chite hi ngaihtuah a pawimawhin ka hria.

Tin, Sports lamah hian Rahsi vengah kan bialah sawn Playground kha sum awm leh awm lovin kan han ti ve nawk nawk a. Hei hi kan Minister hian min lo chhinchhiah sak sela, hmalak tha in ka hria a. A practice ground atan pawh a tha, Dhubi mual LDSC ground No. 1 bul lawka awm a ni bawk a, a pawimawh in ka hria a, ka chah ni ta ang sela.

Ka sawi leh duh chu DP & AR ah hian Pu Speaker, kan Delhi R.C kha Pu Duhawma niin ka hria a, han zawt vel tu kha. Sawn tawh ang deuh te khan chhanna kan hmu thin a, mahse a la awm reng tho mai a. A harsa ngang a nih chuan a order kha engeni a dinhmun kha kan DP & AR Minister hian min hrilhfiah thei se. Delhi-ah awm tur atana in duh ngawih ngawih anih chuanin keinin lo object teh bur ngaihna pawh a awmlo, mahse anih dan ang kha erawh chu waviin hian inhriattir theih sela a tha mang e tih kha ka sawi duh a ni.

Tin, chumi rual chuan Adminstrative Reforms hi kan mamawh khawp mai in ka hria a. Kan DP & AR Minister hian hma a lak a pawimawhin ka hria a, lak pawh a tum turah ngai ta ila.

Tin, Pu Speaker, thil pakhat chauh Organic Manure chungchang hi tukin zing lamah tepawh khan kan sawi a, an lo ngaipawimawh khawp mai, Agriculture Scientist ho te hian. Dik tak chuan, han ti ta pawh ni ila, kum 1-2 chhung chu kan la hrethiam vak lo ang a, a hlawkna pawh kan la tel dawn lo a ni. Amaherawhchu, long term-ah erawh chuan kan ram leh ramdang angah tepawh thil tha ni turah hian an ngai a ni. Chuvang chuan, hei hi Sorkar hmasa pawh khan a ngai pawimawh a, mahse a huntawp lampangah te a lo ni a, thil tih zung zung a harsa tepawh a lo ni ang. Tun Sorkar hian heng hi kan chhunzawm chhoh zel kha a tha in ka hria a. Tih tak emah chuan Sorkar hmasa ina District Headquarters 5 a thar a puan engmah an la tih hmanloh kan han chhunzawm ve te pawh kha a ni a. A bat te pawh hi a ba ve deuh in ka hria. Chuvang chuan, heng a hmasa in hma kan han lakna tha tur awma langah hi chuan tlanche lovin hma la se tih hi ka duh khawp mai, ka chah duh a ni, ka lawm e.

SPEAKER : Awle, kan duh tawk.. E khai! Pu Piana a la phar ve mai a, Pu Piana'n thu han sawi se, ani chu thusawi thiam minute sawm pawh a hmang kher lo mai thei a, tunah Pu R.L. Pianmawia ilo sawm ang.

PU R. L. PIANMAWIA : Pu Speaker, ka lawm e. A hmasa in lawmthu ka sawi duh a, chawlhni tlai dar 3-4 inkarah ka bial khaw 7 te ruah leh thli leh rial ten kan mite in leh lo nasa taka a tih chhiat chungchangah i remtihna a min kaltir avangin lawmthu ka hrilh duh che a. Tin, kan House Leader in kan chhiat tawhna min hriat sak a, he House-ah report engkim a lo pe a, a tul ang te min lo ruahman sak avangin kan House Leader chungah leh he House chungah lawmthu ka sawi duh a.

Hei, vawiina ka sawi duh ve chu Demand No. 31 - Agriculture chungchang-ah ka biala hmun kan neih ve na chu Darlawn-ah SDAO Office leh Quarters vel ani a. Khi khi a chhe tawh em em mai a, kan Sorkar hmasak lama sak tawh kha a ni a. Chuvangin, a chhe tawh lutuk khi min siam that sak a, a thara min sak sak theih hram a tul hle in ka hria. Tin, link road chungchangah hian hmalakna a la tlem em em a, a bik takin Zohmun mipui ten an ei lakna ber Danlak ram panna kawng hi link road a min tih sak ka duh tak meuh meuh bawk a. Tin, sawlam hmar lam tak tak enkawl tur sawn Agriculture - ah pawh hian Sub-Circle te a ranglama min dah sak kan duh hle bawk a ni.

Tin, NLUP a huam nghal bawk a, sawi ang leh duh ang hian thil hi a kal thei lova, NLUP pawh in sawi kha a ni a. Lehlamah chuan inthlan campaign laia Deputy Chief Minister tur ina Department chan tur heng Agriculture, Horticulture tih kan sawi pawh kha a la thleng bik lo a ni a. Chuvang chuan, hun te pawh hi alo ngai ve thin ni ngei tur a ni. Chuvangin, NLUP chungchangte pawh hi duhthusam angin la kal lo mahsela, a tak ram chang turin engkim ruahmanna kalpui a ni a. Hei hi alo thlawn dawn lova, chatuan daih tura he ram tana ruahmanna tha anih avangin a puitlin theih nan hian thui tak hun leh ngaihtuahna, ruahmanna a ngai a. Entirnan – thil puitling tak tak tur chuan MBBS tepawh an zir puitlinna tur chuan kum ruk a ngai a ni. Kum ruk an zir chhuah hma kha chuan Doctor- ah kan chhawr duh lo ani. Chuvang chuan, thil puitling tur leh thil tha turah chuan hun mamawhna a lo sang thin a ni tih kha ka han sawi duh a.

Tin, Horticulture Demand No. 32-ah hian a hma-a ka sawi ang bawk khan building, office leh quarter te sak a ngai em em a. Hei hi a thawktute awmna tur kan siam phawt loh chuan a awm hleih theih si lova, hna an thawk thei lova, bial in hma a sawn theih loh phah a ni tih ka sawilang duh a.

Tin, Soil & Water Conservation Demand No. 33-ah khan nikum lam, kum khat chhunga an hna tura Coffee 5 kgs. chiah an pek mai kha rilru a na lutuk a, sa tahchhuak pek tih ang vel kha ani a. Hemi chauh R.O pakhatin bial khata hmalakna tur a nih kha chuan bial in hma a sawn thei dawn lova. Chuvangin, nasa lehzuala khi bialah khian hma min lak sak turin ka ngen duh a.

Tin, Demand No. 42 na – Minor Irrigation-ah khan, ka bialah khianin lo belthleng leh Tuiphu project hi ruahmanna-ah khan min telh sak a, kum lo kal turah khan. Khimi bakah khian Kani phai mi sawmthum vel ina eizawna atana an thawh mek khi min telh sak turin kan Minister, nangmah kaltlangin ka ngen duh baw a. Tin, Sorkar hmasa-a hma lo lak tawh, Sakawrdai-ah khian sum tam tak sen a ni a, Minor Irrigation hnuai-ah hian. Hei hi vawiin thlengin a la hlawhtling lova, khi khi tihpuitlin theih a nih hram chuan khilai mite tan a pawimawh dawn si a. Chuvang chuan, khilai khi min enfel pui leh deuh kan duh a ni.

Tin, Demand No. 36 – Darlawn ah DFO Office tur sum Forests Department in PWD a an hlan tawh, tun thlenga hman theih lova awm mai hi engtizia nge ni ? Hei hi sum leh pai harsa tak chung a lo dah tawhsa kha a tihfel dan hram ngaihtuah theih nise ka lawm khawp ang.

Tin, Demand No. 17 – Supply chungchangah Khawnvartui hi tunhma khimi bial ina quota kan neih thin kha hun engemawti atang khan lak then niin, hemi khawpui DCSO ‘W’ ah niin ka hria a. Chu chu khimi bialah khian Khawnvartui hi kan hnianghnar lo ta em em mai a. Litre 2 te card pakhtah pawh sem a ni thin a, chuvang chuan hei hi a ngaia a kal leh theihna turin hma Department in min lak sak se tha in ka hria a.

Tin, Gas chungchangah hian harsatna kan tawh nasa em em a. Khimi hmartawp lampangte phei chuan Sumo in bur 1 Rs. 100/- rawn phurh thlakna a ni a. Haw lam Rs. 100/- tho a ni leh a, a phurh man ringawt pawh hautak tham a ni a. Helai-ah card an rawn neih kha khawpuiah a lo in remfel si a, VC ten card no. an lo chhinchhiah a, khatianga tih kha a ni si a. Khatianga khan a lak ve theih si lova. Black hi awmlo sela khawsak ngaihna a awmlo a ni mai si a. Chuvangin, black-a lei tur an han hmuh te kha thil tangkai tak a ni. Chuvang chuan, khinglai kan bial amite tana remchan dan tur zawk pawh hi Department hian min ngaihtuah pui tul hle in ka hria a.

Tin, a tawp berah chuan kan Minister lo ni tawh Pu Thangtea khan min fak lo em mai a ti a, han fak ve ka duh deuh a. Hei, a vanneihna pawh hi kan sawilang law law ang e. Tunhma Opposition kan nih lai khan, Central-ah pawh Congress Sorkar loh lai khan India hmarchhak Block President ho Guwahati-ah min ko khawm a. Tahchuan, Pi Sonia Gandhi hnena ka thu lo thlen chu hnam inpumkhat nan Primary School atanga High School thlengin Hindi Teacher min pe vek ang che kan Sorkar hunah chuan ka ti a. Chu chu ka lo sawi kimlo deuh a niang, keimahni Mizorama kan Sorkar hunah tih kha ka lo sawitel kher lova, MNF Sorkarah Pu Thangtea khanin a zar a zo ta mai a. Hindi Teacher a rawn ti chhuak ve ta mai a. Lehlamah chuan kan kuhmum-ah a lo par ve a, a lawmpui awm hle in ka hria. Tin, huan thlam leh in leh lovah an chhuanawm hle a, an hun chhungin hma an sawn nasa a, kha kha kan ram tan chuan keini ho tan pawh lawmthu sawina tur niin ka hria. Chu chu ni mai teh se, Pu Speaker, ka lawm e.

SPEAKER : A lawmawm hle mai, hun a hmang thiam a. Awle, kan sawihona kan duhtawk ang a, tunah Minister zahawmtak Pu H. Liansailova, a demand te wind up turin kan sawm ang a, pass rawn dil nghal bawk sela.

PU H. LIANSILOVA, MINISTER : Pu Speaker, ka lawm e. Hei, vawiinah kan department hrang hrang atana Demand kan neih te sawihona-ah kan Member zahawmtakte mi 20 lain thu an sawi a. Tin, keima chan bik anga lang, Department ho mi 18/19 zet in min sawipui a. Tin, an thusawi zawng zawngte kha a department a thawktute leh kan programme kal meka lawmthu te, fuihna thu tha tak tak te a ni a, a lawmawm hle in ka hria a. Min chillh hrep ang tih inring deuh in vawiin chu zing atangin ka boruak a zanglo angreng riau mai a. Amaherawhchu, kan hotute, ram tan thil tha ngaihtuah tak tak an ni a. Mi an tling emaw, tling lo emaw, hna an thawhna-ah te, heng ka department ho chungchang tak an han sawina ah te khan mipuitling ram hruaitu an nihzia a lang hle in ka hria a. Chuvang chuan, an zavaia chungah lawmthu tih tak zetin ka sawi a. Tin, hei hi tih takzeta kan tihna hmun tur pawh niin ka hria a. Chuvang chuan, a theih chinah chuan a dik tawk nia kan hriat te kan sawina tur hunah pawh ka ngai a.

Tin, ka department enkawl ve te chungchangah thurawn tha tak tak min pe a, min fuih bawk a. Chuvang chuan, rei tak sawi loh tepawh ka tum ang a, ka sawi tawi hian ka lawmthu sawina ka khilai che u ni mai selangin a tha awm in ka ring a. Amaherawhchu, thil thenkhat han sawifiah deuh ngai erawh chu awmin ka hria a. Pakhatna-ah chuan, Pu K. Liantlinga'n Sweet Corn chungchang a han sawi kha, a man kha chuti takin ka lo bihchiang lova. Amaherawhchu, hei hi France ram atanga (foreign atanga) lakluh anih avangin a man a to a ni kan ti a. Chuvang chuan, helai India ram atanga kan hmuh theih mai loh ramdang atanga harsa taka lakluh a nih avangin a man kha a lo to ta a ni awm e, chu chu ka'n sawifiah theih dan a ni a. Tin, chulovah chuan, Pu P.P. Thawla, Member zahawmtakin Saiha Soil Conservation Complex Building sakna tur cheque bo a tih chungchang a rawn sawichhuah pawh kha tunah chuan a bo kha indemnity bond te signed in tihfel tum mek a ni a. Khang kha signed fel a nih tawh avangin a bank hian cheque kha a duplicate issue leh mai thei tura beisei a ni a, kan nghak a, tihfel mai theih kan beisei a ni.

Tin, chulo chu Pu Joseph Lalhimpuaia'n Darzo te, S. Vanlaiphai te, Muallianpui ah te Serthlum tiak an han phun a, a rah alo chhuah takah chuan Serthlum taklo deuh nia a sawi kha a pawh hle mai a. Serthlum te, thlai tiak reng reng mai hi a tiak leh a kawlawm anih lai hian eng chi nge a nih tih hriat hi a har hle mai a. Hei hi kan Agriculture-ah pawh hian kan hmingchhiatna leh harsatna kan tawh chhoh reng a ni thin a. Kan Officer hote hian hetiang Agriculture input hi chu a that lohzia kan hriat kha, kum 5/6 hnu te a lo ni chauh a, a tha a han thlak leh turin kum tam nghah leh a ngai si a. Chuvang chuan, thlai chi leh a tiak sumdawanna ang deuha kan kalpui luai luai hi chu tihbo i tum ang u an ti a. Helamah hian fimkhur takin kal kan han tum a, a har khawp mai. Kan lo tih than dan thui tak a awm a, mahse kal hram hram

kan tum a. Kan ti tha vek ang tih chu a har khawp a, chumi tumna chu House-ah pawh ka sawi duh a. Chumi avang chuan Serthlum tiak hi chu a tam mai a, lei mai tur pawh a tam a. Kan hotute leh hruaitu thenkhat zing atang pawhin lo ti thang tawh tepawh an awm a, mi han nawr viau tepawh an awm a. Nimahse, tihsual kan hlauh avangin chung pawh chu ti lovin kal hram hram kan tum a. Keimahni siam chhuah ngeia tha nia kan hriatte-ah hian hma ila ang u tiin kan hotute leh kan Department-a kan Officer te pawhin min kalpui an tum a. Chuvang chuan, Horticulture lamah Israel Serthlum kan tih, a technology kha hmannah zawhna chhannaah pawh ka sawi tawh a. Kan Agriculture Scientist ho hian an thiam ve vek a, anmahni tluk khan an thiam a. Chuvang chuan, kan siam chhuak a, mahse duhthawh deuha in han sawi kha in duh anga kha kan tlin sak mai thei lo ang tih ka ring. A chhan chu a root stock kha India ram hmun hrang hrang ami kan han vai a, kan lakhawm a, kan Officer te, kan Director te leh kan Joint Director, an hmehhriat leh an lo zirpui tawh leh anmahni zirtirtute, khatiang lama thuneituten an lo duhsak a, an han lakkhawm pawhin kuminah hian singnga chu kan tlin thei ang a, nuai khat kan tlin ang em tih kha a ni leh a.

Tin, khami a root stock kha nei mah ilangin, a budding (mit) kha Serthlum hrisel atanga lak a ngai a, chumi atan chuan kan rama Serthlum hrisel te kha zawn leh a ngai a. Chuvang chuan, 'han siam teuh tawh u' han tih ngawt hleihtheih pawh hi a nilo deuh hlek a. Amaherawhchu, hmalak kan tum a ni tih ka sawi duh a. Darzo, S. Vanlaiphai leh Muallianpui amite pawh kha a that loh hrim hrim ai mah hian a enkawl danah pawh hian thiam loh palh a awm thei a. A chhan chu, a root stock zawk, paih tur zawk kha zuah hlauh khan a budding chawr chho tur kha an paih hlauh chuan, a rah lo zawk tur kha rah tir theih a ni a, chutiangte pawh chu a ni ve thei ang tih ka'n ring deuh a. Chu chu kan mithiamte pawhin an ngaihdaan a nih ka ring a ni.

Tin, Pu Lalthansanga, MLA zahawmtakin a bial chhung ami Vanva Minor Irrigation Project chungchang, Kawrte lui tui a ro der a han tih kha a survey hi a hma kum hnih velah emaw te an lo nei tawh a. Tin, vanneihthlak takin tuna Minor Irrigation a kan C.E te leh a hote leh a thawhpui te zawng zawng hi Agriculture a lo awm reng tawh mithar an ni lova. Chuvang chuan, Irrigation atana tha tur leh a potential area hi chu hma la thei vek lo mah ilangin an hre deuh vek a ni. Tin, chulaiah chuan tui a tha a, tih te, hei chu a tha lo deuh ang tih te, hei hi khilaila lo neituten an lo en a, nikum lamah kha chuan he kawrte ro ta mai a an sawi hi tui kha a tha viau a ni. Amaherawhchu, kuminah hian nikum a ang ta lo a ni, duhthu a sam lova. Chuvang chuan, a loneitute nen pawh han en hovin, Varhva lui atanga lak dan hi a awm em tih hi tuna an hmalak dan a ni a. Engeni an an dawn tih hi lo ngaichang ta ilangin, mithiam Engineer ten an en dawn a.

Tin, tlem tlemin kan hotute thusawi kha han sawi chho ta ilangin, ka'n sawi hmasak duh chu NLUP chungchang hi kan ram hian a mamawh a, mitin mai hian kan bengvar lo thei lova, a ngaipawimawhtu pawh an tam a, a nghakhlel pawh kan tam a. Chutih rual erawh chuan politics platform a kan sawi ang deuh a khawi lai laiah emaw chuan la sawi zui zel ngaihna pawh a awm thei

a. Chung chu thil awm chho zel tur a ni tho a, amaherawhchu hmannah zawhna kan in zawhna-ah pawh khan ka chhang tawhin ka hria a. NLUP atan hian pawisa a awm a, a dawngtur pawh kan survey vek tawh a. Tin, keimahni lamah kan inpuahchahna tul ang ang chu Apex Board feltak din fel vek a ni a. Vawi engemawzat Board Meeting pawh an nei tawh a. Tin, Implementing Board Technical Committee a ngaihtuah tur pawh Office luahin kan Sorkar hnu reilote atang khan hma an la char char a. Rampum puiah base line survey pawh an nei chhuak vek a, record te pawh an siam tawh a ni.

Tin, Committee pawh vawi tam an nei a, chutihruah chuan nikumah kan plan-a tel turin NLUP hi kan zuk thlen a, DPR kan thelut a. Amaherawhchu, min han enpui a, nikumah pawh kan Budget Session, October thla-ah khan ka sawi tawh a. Duhaiin duhthu min lo sam thui pui ta a. Chuvang chuan, kan pung chho kan pung chho ta a, tunah hian a kalhmang pawh min enpui a, an belhchhah zel a. Dik tak chuan, State DPR atana Prime Minister Office atanga Committee koh ka hre ngai lova. Tin, Cabinet Secretary meuh ina Ministry hrang hranga Secretary a koh kan hre ngai lova. Chutiangan, Planning Commission remruatin Inter Ministerial Deligates ti mai ila, team hial lokal in Mizoramah min ngaih pawimawh leh hlawhtlinpui ngei min duh avanga an lokal tepawh kha kan la hriat ngailoh a ni a. Chutiangan taka min duhsak avangin helaia kan local concept kan lo neih, NLUP kan tih hmasak zawka kalpui kan tum dan kan lo tlangaupui pawh kha, kha Planning Commission te, Central Sorkar tea min tuipui tak em em leh min belhchhah sak a, a idea tepawh min lo thawhbelh thin te pawh a awm ta zel a. Khatiang anih avang leh 'nangni hian tihian in DPR in NLUP hi a tha hle in kan hria a, India ram model tur deuh entawn tur ang deuh te pawhin mawle' tih kha khulama kan lam kal Senior Officer ten an rawn sawi bawh avangin he duhsakna hetiang kan hmuh takah hian keimahni lamah pawh hian kan local concept ang tea kalpui kan tum dan ai khan a lo lian ta deuh a. Chuvang chuan, kan in buatsaihna pawhin a zo ta lo deuh a nihna chin chu a awm bawh a ni.

Tichuan, a bul tanna atan 100 crore kha min han pe phawt a. Chanchinbu pakhatat pheih chuan Agriculture Minister in dawt a sawi ti tawpin an rawn chhuah kha. Englai khan nge ka lo sawi tiin keimah pawh ka in ringhlel lek lek a, mahse ka zawhna chhanna te kan en a, politics thil taka duhthawh thil taka an tih dan pangngai chu a ni na a, 'Dawt a sawi a ni' tih kha chu a mak ka ti deuh a. Hmannia zawhna ka chhanna ah khan kuminah hian 2009-2010 ah hianin avaiin nuai 448 hi sanction, a board atangin an rawn dil a, hei hi kalpui mek a ni tih ka sawi kha a ni a.

Tin, a dang nuai 955 vel erawh chu pawisa hman lohva khatia awmtir ngawt thu a awm lova, chuvang chuan, Planning Department ten department in ram tana hmasawna tura thawhna atan tangkai leh a gap hnawhkhah tur atan an hmang dawn a ni tih kha ka sawi tawh a. Dawt ka sawi lovin ka hria.

SPEAKER

: Crore nilovin nuai zawk em ni ?

PU H. LIANSILOVA, MINISTER : Aw, nuai 448 a ni, nuai. 995 erawh kha chu Planning Department atanga Department tina an sawi kha a ni a.

Tin, kan Deputy House Leader khan kan Member zahawmtak Pu Lalduhawma pawh kha a list kha min pek theih chuan a ti a, a pe nghe nghe a. Chuvang chuan, dawt kan in hrilh lovin ka hria a, chanchinbu lama lo lang kha engtia lokal nge ka hrethiam vak lova. Tin chutih rual chuan, chanchinbu pakhatat khan Rajya Sabha - ah zawhna zawh a ni a, tah chuanin R. D. Ministry changtu, Minister of State in a chhanna-ah chuan 'NLUP atanah Mizoram pawisa pek a awm lo a ti' tih kha chanchinbu-ah a chhuah a ni. R.D Ministry ah hian kan NLUP hi kan kalpui lo hrim hrim a. Chuvang chuan, R.D Minister hian a lo chhan ve ah hian a hriat loh na na na chu pek an tum loh thu leh pek tur an neih loh avangin sawi mai awm tak a ni a.

Kan sawi tawh angin NLUP atan hian Planning Commission-ah DPR kan theh lut a. Hmanniah Governor in min address na-ah pawh khan a sawi tawh a. Chuvang chuan, Planning Commission in min kalpui zel a, nichina ka sawi tawh ang khan, Prime Minister Office atangte in Committee min koh sak a, zau taka thlir turin Cabinet Secretariat atangin Cabinet Secretary in a ko baw k a. Chuvang chuan, Agriculture leh a align Ministry atanga he kan NLUP hi ngaihsak leh ngaihtuah sak a, Planning Commission in bul min tum sak anih avangin RD Ministry-ah hian kan kal lo hrim hrim a. Hriatsual palh nge a zawhna zawttu hian remchangah a pe lo tur ngei Minister kha a va zawt ve hrim hrim nge phe chu ka hre lova. Chu chu thil awmzia chu a ni a. Tunah hian Planning Commission in min pek tur a final a, lehkha phe chu kan la hmu zui thuai ang a, vaibelchhe 234 a ni, 2010-2011 atan. Chutiang chu ka sawifiah duh a ni.

NLUP hi tunah hian kan tih mai loh takna chhan hi a trade kan tih, activity an han thlan diat diat-ah khan kan mithiam ten an han en a, kan technical committee atang pawhin heti anih chuan NLUP kan kal hmasak a kan awmdan pangngaiyah khan kan lut dawn tho niin a lang a. Chuvang chuan, hei hi chu kan in en that leh vek a ngai e an tih avangin kan Chief Minister hian kumin atanah hi chuan Planing Commission lam nen in dawrna a kal reng baw k a, tuna crore 100 hi chu hmang rih lo mai ang u hmiang, kumtharah thahnem tham kan hmu dawn a, a tak taka, tih takzeta kan tih loh chuan kan hlawhchham palh hian a pawisa inpek ringawt a, keinin hlawhtlinga kan inngaih emaw, politics takah chuanin 'In in tiam a, nuai khat emaw, a aia tam emaw, tlem emaw in pe tur a ni' tih hlawhtlin tumna ringawt mai hi kan ram tan a kan commitment a ni lo e tih anih avangin kan nghak ta a. Kumtharah hianin mumal tak, hlawhtling ngei tura kan hotu mithiam zawk tena an buatsaih thar leh dan anga kalpui hi tum a ni a. Chuti chung pawh chuan rilru tak taka kan ram hruaitute hian he thilah hian ngaihtuahna kan hman ho loh chuan kan thatpui lutuk chuang lo mai awm mang e.

Thil thleng pakhat, incident ka'n sawi lawk ang a. Hei, tunah hian kan member te khanin power tiller 340 lai kan sem te kha lawmthu sawiin in han

sawichhuak kha a ni a. Kan rama kut hnathawktute kan han en a, kum 50 chunglam vek an ni. Thalain lo neih lam – leilet emaw, terrace laih emaw an tuipei tawh lo. Tin, pahnhna-ah chuan tuthlawh leh bawngtuthlawh ringawt maia eizawn hi a hrehawm lutuk deuh a, chubakah chuan kan leilet emaw, kan terrace te hi kumtluana buh kan thar bakah thlai thar thei tura kan inbuatsaih hi a tul a. Chumi avang chuan power tiller tepawh mechanization programme ang deuhin kan han sem a, a tha viau dawn emaw kan ti a, a tir atangin NLUP ah pawh intiamkamna, invauna na lutuk han tih kha a dik khawpin ka hria a. Amaherawhchu, khatiang deuh kha kan kalpui loh chuan tunah pawh kan tawp tan ti tih mai a ni. Kan power tiller pek takte hian engemawtia an hralh thuai mai kan hlauthawng a. Chuvangin, affidavit hmangin intiamna kan sign tir vek a. Hei hi min pek chhan anga ka hman loh emaw, kum 5 hma-a ka tihral chuan a man hi ka pe let ang tih kan intiamtir vek a. Chuti chung chuan, hei, nimin lawk maiah khan power tiller kan pekte zinga pahnih chu hralh an han awm nghal ta pang mai a ni. A paw ka ti khawp mai a, mi chungah hetiang na deuh hleka hma han lak hi, mahselangin a tha kan duh si a, mi pangngai tak pawh anni mai thei, mahse hemi kawngah hi chuan an ti dik lo a ni. Chuvang chuan, police hnenah FIR kan thelut a, an la a, an chungchang hi chutiang chuanin ngaihtuah zui ngaiin a awm a ni. Chuvang chuan, an tana thatna tur ngawih ngawih leh chhawr tangkai tur, Sorkar ina han ngaihtuah pawh kar khat kar hnih pawh kawh hman lova han hralh leh duh mai kan neih avang hian invauna hi tlema kan tina deuh a nih pawhin, kan mamawh tawh a nih hi mawle tihte pawh kan inhriatthiam a ngai chuan ka hria a. Tin, Legislation lamah pawh a tul angin hma kan la ang tih kha, a tul dawn awmin a lan avangin kan Law Commission lam hianin Land Allotment chungchangah te, hemi hremna kan han tih mai ang chungchangah tepawh eng ang chen hi nge remchang ang tih min lo thlitfim sak mek a ni tih kha ka sawi duh bawka ni.

Tichuan, Pu Speaker, kan department chan hrang hrangah khan, a bikin vawiih hian kan lawmna em em pakhat chu Soil & Water Conservation a pawimawhna leh kan ram tana a mamawhzia, kan ram hruaitu ten hria a, an han sawichhuak kha a lawmawm hle in ka hria a ni. Dik tak chuan, mimal atanga dawn tur kan neih lohna department hi chu engahvak hian kan ngai mang lo deuh tlangpui a ni thin a. Tin, Soil Conservation pawh hi department senior tak a ni chungin, ngaihsak hlawh lem lo, nichina kan ngaihtlak tak ang khanin hmun tamtakah chuan coffee 5 kgs. vel kha kan buaipui emaw han tih mai tur kha ani a. Chutiang avang chuan fund allotment-ah pawh hian an lo chhe em em thin a. Kan hmuhma tepawh tunah hian kan enkawl thei tawh lova, kan chhuahsan a, mipui lamte pawhin min zuam ve bawka, keini pawhin kan enkawl zo lo tih kan hria a, kan chhuahsan kan chhuahsan ve bawka ni. Amaherawhchu, kan hotute thilungah khatiangah ngaih pawimawhna thar a awm chuanin tunah hetiang hian la awm rih mah ila, kan ram tan hian hna ropui tak kan thawk thei ang tih ka ring a. Tin, kan Officer tepawhin chumi rilru pu chuan hma an la dawn a ni. Nakumah chuan beiseina thar neiin fund allotment lamah pawh, tin, a thawktu lam han chevelah pawh thil thar hmuhawm deuh beisei ila a tha awm e.

Tin, ka sawi leh duh chu Irrigation-ah hian kan hmalakna hi a zau ang chuan a sawi theih a, mahse mihring kan indaih rih lova, kan district zawng

zawngah division kan la hawng thei rih lova. Amaherawhchu, kan mamawh tawh leh kan dinhmun kan en zel a ngai a. Chuvang chuan, tuna kan phak tawh anga kan kal zelah hian kan hotute pawhin min lo nghak peih deuh ulangin, min hriatthiam deuh pawh kan ngai a. Tin, leilet zawl tha mai nilo, tlangram leh huana siam theih pawh tunah hi chuan hmalakna-ah hman turin ngaihtuahna-ah kan hman a, chutiang chuan hma pawh kan la tan zel a ni.

Tin, chulovah chuan nichina in sawi Agriculture Crop Husbandry te, Research and Education Wing te, heng hi Directorate pahnih angin awm mahse pakhatin rual takin kan thawk hova, harsatna a awm lova. A bikin ka sawi duh chu KVK leh ITC hi Research and Education lam hian an enkawl a, tunhma aia hmasawn deuhna chu a langin ka hria a, KVK kan hawn tawhna zawng zawngah tha takin an function a, an tihur diktakah an lut thei ta a. Thlaite an enchhin a, an enchhin hnuah exhibition te an siam pui a. Tin, training hrang hrang leh nichina kan ngaihthlak tak SRI tepawh kha anni pawh hian thingtlang lamah lonei mite an zirtir a. Chutiang chuan tul takin kan officer ho hian anmahni hmun theuhah hna an thawk a.

Vanlaiphai bik harsatna pawh kha kan hria a, mahse anni khi la hawng thar deuh an ni a, tin, sum indaih lohna te a nasa a, an tui mamawh ang khi kan la tuamhlawm thei rih lova. Tin, an hnathawh zelna leh demonstration an tihna atanah pawh tui an mamawh tih kan hria a, kan Directorate lamin an lo en zel ang a. Tin, chuta ka sawi duh tak chu, heng department hrang hrangte hi Agriculture and Allied Sector annih angin a Minister hote, tin, Parliamentary Secretary level ah te leh Principal Secretary level ah te, co-ordination tha zawk a awm theih nan kan hnathawh kan in hriat tlanpui a, helai ruamah hi chuan kan vaiin i lut khawm deuh ang aw, hma langsar deuha lang turin i han thawk ang aw tiin kan han in hruai tan a, kan phur viau a, kan Officer te, Department hrang hrang angin awm mahselangin, thawhhona-ah kan hlim hle mai a. Chung chu kan ram hruaitute hian min lo hriatpui ulangin ka duh a.

Tin, chulo chu Organic Farming tih lai kha kan kalpui zel ang a, mahse chutih rual erawh chuan Chemical Fertilizers hi hlauhawm angin kan sawi ve lo ang, a mamawhna hmunah chuan kan hman tho ang a. Tin, Organic Farming-ah hian tunah hian Vermi compose hmangin hma kan theih ang tawh tawkin keimahni State Fund leh Central fund atangin hma kan la a. Tunah hian kan hmalakna lang tham deuh te chu a awm nual na a, ka sawilan duh chu Chhingchhip-ah MIFCO hovina Sapthei leh Lakhuihthei an sawr na, a fe, kawnga bawlhhlawh lo luang nuai khi khi vermi compose-ah a vaia hman vek kan tum a. Quintal sing chuang lai a ni maithei a. Amaherawhchu, tunah khian a in kan sak belh a, reivaklo-ah chuan kan hman theih ka ring a. Sapthei te, Pineapple te her tur a tam poh leh vermi compose an siam tam thei dawn a ni maiah kan inngai a. Chu chu organic lama kan hmalakna a ni a. Tin, mimal ti thei an lo tam tawh a, Kolasib-ah te, Saikhamakawn ah te, S. Hlimen-ah te, Sihphir leh Lungdai angah te pawh mahni intodelh leh hralhchhuak thei engemawzah an awm tawh bawh a ni.

Tin, Anthurium chungchang kha, Monopoly Trade ringawt maia a kal hi chu a tha lo khawp mai a. Amaherawhchu, competition a awm theih loh avang hian harsatna, a hralhtu lamah pawh han tlan tauhna tur kha a awm lova. Helai hi engtia tih tur nge kan hre chiah lova. Kan ramah hian sumdawngmi te hian hetiang lam venture hi kan nei hleitheih reng reng lo mai leh contract emaw, khawilai hna han thawh hrim hrim ah hi chuan kan che na hle angreng si a, supply / contract tih velah te hian. Hetiang lama kal tur hian penchhuak hleitheih kan awm lo hi a pawia. Amaherawhchu, a hun ten a la hril ang a, Association lam te leh a Growers te nen pawh kan department hotuten lo ngaihtuah in, rilru an hmang chho zel turah ngai ila.

Green House chungchangah pawh khan a hlawhtling tan chho viau in ka hria a. Tihpun deuh deuh pawh kan beisei a, a bikin thalai lam lehkha thiam ten eizawna atana an hman theih nan. Mahse, kan han enchhin hmasa lamah hian kan Director leh Officer ho ten an zawngchhang vak lo tlat mai hi lehlamah chuan a pawl ho anga min han dawrtu hian sum siamna atan hian an duh ve tel tlat zel mai nite pawh hian a lang a. Amaherawhchu, mimal tumruh taka hetiang ti tan chuan hlawhtlin theihna a ni a. Chutiang mitha leh entawntlak turte erawh chu kawng hawn sak a, a tlawm deuh hlek, low cost a kal kha kan tum a. Pangpar chin nan te, tomato chinna atan leh thlai dang chinna atan tepawh tih kan tum a ni.

A tawpna ber atan ka ti tawh mai ang e. Pu Speaker, kan hotute hrem hrep lo deuh ila a tha in ka ring a. kan sawi duh chu buh leh bal, ei in chung chang hi a ni a. Kan ramah hianin leilet atangin buh hi Metric tone 24,000 vel kan thara, tin thingtlang lo nei atangin Metric tone 44,000 vel kan thara, chu chu kan rama buh kan thar chu ani. Ti hian kan thla thum thla li ei vel emaw kanthar chhuak chauh tihna a ni a, chutih lai chuan leilet lamah hian hmalakna tur chu a la awm zel a, Pu Ramhluna kan member zahawm takin a bial lam a sawi te, Pu Thawlan a bial lam a sawi te leh Lunglei leh Aizawl District te leh Champhai District te Kolosib District te leh hmun hrang hrang ah kan han survey in belh chhah tur a la tam ani. Chutih rual chuan thingtlang kan buhthar tamna kha tihrala tih bo kan tum bawksa, chutih lai chuan lo neia eizawna hi kan tinsan hi ani ta deuh vek mai a. nichin kan sawi tawh ang khan in buhthar tura eizawng lo nei kan tih pangngai hi thingtlang ah hian han zawt ila kum 50 chunglam leh tlangval hnathawk pawh Aizawl lama chhungte nei lo, zinna tur nei lo leh belh tur nei lem lo, awm lo thei lo a hminga lo neihna a telve mai mai kha an ni deuh ber mai a, chuvang chuan kan ramah hianin buhthar tam hi a pawimawh kumkhua in ka ring.

Tuna Punjab atang a kan buhfai leidan hi kan tlin reng in ka ring lo. Tunah pawh hian kum khatah vaibelchhe za chuang hi mi hausa pui pui leh sawrkar hnathawk lian pui pui pawh an buhfai leina turin michhia keini ang lek pawhin kan chan ang kha an chang a, cheng 22/-a kan lei kha cheng 10/- in an lei ve ta vek mai ani. Hetiang renga kan kal hi chu a rem lovin ka hria. Heihi kan ram thanmawh bawksa tur ani. Chuvang chuan, buhthar lamah tan kan lak angai a, chumi atan chuan a technology nichinah khan kan sawi tawh a, pakhatah chuana ram kan expand ang, extension in kan kal ang kan ti a, chu chu kan policy ani. Chubakah chuan a awmsaah hian extensive in kan kal ang chu chu SRI kan tih ang chi te, buh double cropping tur te in kal ila kan ti a, pahnih khat vel chuanan bial ah an ti laklawh si a, min tauh min tauh mai a, engtin emaw kan

tih dawn ni ? a tlai lak lawh bawk si a, chuvang chuan mini power tiller kan pek te, power tiller kan pek te leh tractor kan pek tur te pawh hi chutiang lam hawia kan kalna tur a ni. (**SPEAKER** : Trek lui kamah te ti ve mai se a ni mai, Hnahchang lui kamah te) Ni e ti raw.

Chulovah chuan FCI hian Mizoram buhfai hi a lei thei ve lawm ni tih kha Mizoram hi deficient State kan nih avangin FCI chet theihna a ni lova. Surplus State-ah an che deuh ber a ni a. Amaherawhchu, chuti chung chuan keini hian target nei deuhin hetah kan Sorkar nen kan Food and Civil Supply Minister te nen, kan Chief Minister in min pawt khawm a. Kuminah chuan helai bialah hian heti zat thar tum ula, chuti zat chu supply buhfai rate in lei ila tih hun a awm maiin kan ring a. Chutiang hunah erawh chuan khawilai pocket area-ah emaw hi chuan intodelhna kan neih ka ring a. Chutianga hmalakna rilru chu kan nei a. Amaherawhchu, chu erawh chu a la sang deuh a. Chuvang chuan, ringtakin kan sawi ngam vak lova, vawiinah hian duhthawh deuh hlekin kan sawi ta anih chu.

PU LALDUHAWMA : Vaivakawn-ah te, Chaltlang-ah te, Khatla-ah te, a par han lei ve hi an awm thin a ni. Amaherawhchu, miin Zoparah an pek zat leh an pek tam dan azirin tanpuina pek an ni tlat a ni. Chuvang chuan, midang hnena an hralh chuan Zopara an pek kha a tlem dawn, tanpuina kha an dawng ve dawn tlat lo mai a ni. Chuvang chuan, heta competition rawn siam ve tur kha indirect khan an dang tlat mai a ni. A ngaihna a awmlo reng reng, monopolise anih chuan a that lohzia te hi kan hre vek a. A lei duhtu dangte tan hian Sorkara dil kher pawh a ngai em ni? Free commodity a ni a, a in advertise ve ang a, min an dawr ve mai tur kha a ni lawm ni? Chutianga midang lei ve tur dan tlat kha a dik lo, khami tal kha chu thiah sak ve hi chu nise a ziaawm ka ring a.

PU H. LIANSILOVA, MINISTER : Pu Speaker, a lawmawm khawp e. He thu hi opposition lamah kan thut ve pawh khan sawifo tawh thin a ni a. Pu Lalduhawma hian a lo hmu chiangin ka hria a, kan lo zir zui ang a, a tha thei tur anga hmalak kan lo tum dawn nia.

Tichuan, Pu Speaker, ka Demand No. 13 – Personnel & Administrative Reforms – Rs. 2,23,58,000/-, Demand No. 31 – Agriculture – Rs. 84,68,80,000/-, Demand No. 32 – Horticulture – Rs. 18,60,04,000/-, Demand No. 33 – Soil & Water Conservation – Rs. 18,51,94,000/-, Demand No. 35 – Fisheries – Rs. 9,91,26,000/- leh Demand No. 47 – Minor Irrigation – Rs. 60,55,20,000/-, a vaiin Rs. 194,50,82,000/- te hi he House in min pass pui turin ka'n ngen a ni e.

SPEAKER : Awle, Minister in a Demand te a rawn wind up a, pass a rawn dil bawk a. Demand No. 13 – Personnel & Administrative Reforms – Rs. 2,23,58,000/-, Demand No. 31 – Agriculture – Rs. 84,68,80,000/-, Demand No. 32 – Horticulture – Rs. 18,60,04,000/-, Demand No. 33 – Soil & Water Conservation

Rs. 18,51,94,000/-, Demand No. 35 – Fisheries – Rs. 9,91,26,000/- leh Demand No. 47 – Minor Irrigation – Rs. 60,55,20,000/-, a vaiin Rs. 194,50,82,000/- te hi pass remti apiangin ‘remti’ ti rawh ule. Remtilo kan awm chuan ‘remtilo’ ti rawh ule, remtilo kan awm lova. Pu H. Liansailova, Minister zahawmtak Demand, Demand No. 13 – Personnel & Administrative Reforms – Rs. 2,23,58,000/-, Demand No. 31 – Agriculture – Rs. 84,68,80,000/-, Demand No. 32 – Horticulture – Rs. 18,60,04,000/-, Demand No. 33 – Soil & Water Conservation – Rs. 18,51,94,000/-, Demand No. 35 – Fisheries – Rs. 9,91,26,000/- leh Demand No. 47 – Minor Irrigation – Rs. 60,55,20,000/-, a vaiin Rs. 194,50,82,000/- te chu House in lungrual takin a pass ta a ni.

PU H. LIANSILOVA, MINISTER : Pu Speaker, ka lawm e.

SPEAKER : Tunah chuan Pu H. Rohluna, Minister zahawmtak wind up turin sawm ila, pass rawn dil nghal bawk selangin.

PU H. ROHLUNA, MINISTER : Pu Speaker, ka lawm e. Member zahawmtak tak ten Food, Civil Supplies and Consumer Affairs chungchangah ngaihndante min sawi sak a. Hei, mipui eibel kan inti thin a, chhungkaw tin choka khawih kan nih avang hian min han hau deuh bawrh bawrh mahse an thiamawmin ka hria a. Mahse, chutiang awm lova thahnemngaihndate leh a thenah pheih chuan member thenkhat pheih chuan min han fak der te hi kan lawm takzet a ni tih ka sawi hmasa duh a.

Ni e, a reilo thei ang ber hun lak ka tum ang a, Pu Speaker, amaherawhchu, rin ai hian hun hman rei hi a awl mai thin a. Dawhthei taka member ten min lo ngaihthlak sak ka duh hmasa a, ka ngen bawk a ni. Nia, Member tena an han sawi hrang hrangah khan member hming mal te te chuan ka react lo ang a, amaherawhchu, a point ka lo chhinchhiah ang angte hi chu a theih ang ang ka han react ang a. Tin, hei kan officer te, Department lam hotute an awm a, annin a pawimawh umzui tur ang chi kha chu uluk takin an lo chhinchhiah a ni tih kha ka sawi hmasa duh bawk a.

MLA Ration, VIP Ration hi a quality a tha tawklo tih kha sawichhuah a awm a. Mipuiin an ei ang ang hi MLA te, Minister te pawh hi kan inpe a ni tih kha ka sawi hmasa duh a. Chu chu keini pawhin kan ei tho a ni. Keini pawhin kan VIP Ration dawn ami kan ei a, a tui loh deuh chang hi chuan kan neih ang angin Bazar ami buhban faite kan lei a, kan han pawlh a. Chutiang chuan mipui ei ang hi keini pawhin kan ei tlan a ni tih kha ka sawi duh a ni.

Tin, BPL leh IAY quota kg. 35 hi a tlem lutuk deuh a, tihpun theih dan a awm lawm ni tih kha, hei hi Central in min pek dan ang bak hi chu kan pe thei lova. Tunah pawh hian APL tepawh hi 35 kgs. a pek vek tur a ni a, Central in min pek dan chuan. Amaherawhchu, kan chawei dante nen hian a inmil lo em a tiin BPL te, APL te khamlo an lo awm pawha puhruk nan, tin,

APL card neite pawhin chutianga an lo puhrukna turin Sorkarin sum tamtak a subsidized in economic cost te, ONSS atangte pawhin kan lei belh a. Chutiang chuan kan inpe hram hram zawk ani tih kha Member ten min lo hriatpui ka duh a. Helai hi nakinah a chipchiar deuh hlek zawkin kan la sawi leh ang a.

Tin, economic cost manto hi private firm atangte pawhin emaw, mimal atangte pawhin a lei theih lawm ni? tih hi hei hi Sorkar hmasa pawh khan a ti chhin tawh a, mahse a sim thlakin an hria a, chhunzawm a ni ta lo a ni. Harsatna hrang hrang a awm ang a, kan sawi vek senglo ang a, a quality te control a lo har a. Tin, chubakah bulky a tam tak taka lei duh kan nih avangin kan duh ang hi mimal hi chuan min supply zo lo a ni. Chuvang chuan, FCI atanga lei mai hi a awlsam ber ani tih hi ka sawi duh a.

Tin, head loader chungchang hi Pu C. Ramhluna'n a sawilang thin a, Session apiangin a sawilang thin a. Hei hi a bialte a lo kilkhawr a, kan duh angin keini pawhin kan enpui phak lo deuh hlek te pawh a ni ang a. Amaherawhchu, hei hi amah pawhin a bial a fan hunah tunge retailer, amah retailer in a buhfai a phurh tur phur lova mipui emaw, chhungkua in emaw, an ei tur an phurh a, a phurh man a retailer bill latu in a pek siloh an awm anih chuan chu chu min han hriattir sela. A retailer te pawh dan angin a tul angin action kan la ang a, ban a tul anih pawhin kan ban ang a, thlak a tul anih chuan kan thlak mai ang. Chutiang chuan, thil diklo, mipuiin an chanvo tur ang an chan loh hi kan duh lova, an chan theihna turin theih tawpin tan kan la a ni. Amaherawhchu, hemi chungchang hi ziakin kan la dawng chiahlo a, he House chhunga kan sawi bak hi chu a awm chiah lova. A theih hram hi chuan Office lamah tepawh hian la sawi dun ila ka duh a ni. Hei hi chu a solve dan a vei a, a ngaipawimawh a, la solve hi a tha khawpin ka hria.

PU C. RAMHLUNA : Pu Speaker, ka rawtna kha khami LOC an pek atang khan 15% emaw, 20% kha chu instruction deuh hlekin hei hi chu head loader hnenah lo pe rawh u ti ang deuh khan DFO hnenah khan Directorate atang khan a hriat tir theih lawm ni ?

PU H. ROHLUNA, MINISTER : Pu Speaker, kha kha dan kalh a ni tlat mai a, dan bakin Department kan kal thei lova. Department hi chuan retailer hnenah bill hi kan pe tur a ni. Head loader hnenah khan pawisa kha kan sem ngawt thiang lova. Chuvang chuan, retailer hnenah hian a bill neitu hnenah bill kan pe ang a, chu chuan a khua leh tui, a card holder, ama area chhung amite buhfai head load a phur an awm anih chuan a pe chhawng ve leh tur a ni a. Chu chu anih avangin direct in Department in kan pe thiang lo a ni tih kha ka'n sawi duh a ni.

PU C. RAMHLUNA : Pu Speaker, lawk, khatiang a tih tlat dawn chuan a buaithlak mai thei a. Chuvang chuan, DCSO leh DC tepawh ka sawipui tawh nghe nghe a, hetianga LOC an pek hian carrying contractor hian an chuh chak em em a. Chuvang chuan, engemawzat hi chu kan sawi fo tawh bawk si a, heng ho hi chu chutiang atan lo reserved nise a tha e ti a hrih chuan dan pawh nilo mahse an chang silova, khalai kha a tih theih dan a awm lawm ni?

PU H. ROHLUNA, MINISTER : Pu Speaker, ka sawi tam tawhin ka hria a. Sorkar hmasa atanga leiba kan rochun a tam lutuk avangin hei hi tih mai theih a nilo, Department sum neih in a daih lo a ni tih kha min hriatpui se ka duh a. Session hmasa-ah pawh ka hrih/sawi tawhin ka hria a. 2004-2005 amite bill pek loh kan rochun a, annin buhfai a thlawna Disaster Management atanga an dawn laiin carrying bill an lo ngaihsak si lova. Vawinah hian leiba min rochun hi a tam lutuk a, kan pek theih loh avang hian harsatna kan tawk a ni tih hi Member zahawmtak in min hriatpui se ka duh a. A theih ang ang erawh hi chuan tan kan la a. Hei, kan Chief Minister zahawmtak pawhin min ngaih pawimawh pui a, tun tumah tepawh LOC tepawh (interruption)....

PU P.P. THAWLA : Pu Speaker, khawngaihin zawhna. Bill hi carrying contractor tamtak te bill hi Supply Department a Account Branch ho hian an bill hi an lo leisak thin a. Lei tir ve lo ho te bill hi a tang rei bik tih te hi report kan dawn dan a ni a. Chung pawh chu khawngaihin min lo watch sak deuh se a tha ang tih ka rawn ngen e.

PU H. ROHLUNA, MINISTER : Pu Speaker, kan Member zahawmtak ten an hria anih ngat chuan keimahin a thawktu te emaw, khawngaihin min hrih sela, dan angin action kan lo la em em ang. Chutiang chu kan remti lova, tunah pawh hian bill reng reng hi 2004 ami te, kan sorkar hma lam ami pawh kha seniority in kan pe vek a ni. Chuvangin, tuna kan lo sorkar ve tawh hnua kan retailer tepwah hi tawngkam mawilo nilo se, kan party mi retailer a tang ve tepawh hi duhsak pawh hi kan duhsak theilo a, a hma ami seniority in kan pe vek a. Chuvang chuan, hei hi strict deuhin kan kalpui a ni tih hi min lo hriatpui se. Chutianga diklo taka thil ti an awm anih chuan min hrih sela, hei hi chu a tul angin action kan la em em ang. Kan inhuam khawp a ni tih kha he House zahawmtak hi ka hrih duh a ni.

Tin, weigh bridge chungchang hi Serchhip-ah te, Zuangtui-ah te hman a ni tawh a. Heng hi an hman hi chuan bukna hi a dik tawh a, chuvang chuan kan hmang tan a ni tih hre lova buhfai phur, godown a va phur thleng ho khan buk ngam manglo an awm a ni tih kha Member thenkhat in an sawi chhuak a. Thudik tak a ni in ka hria a, mahse tunah hi chuan ngamlo thei pawh anni tawh lova, dik takin Serchhip godown-ah chuan a lut tawh a, Zuangtui godown-ah a lut tawh a, a chhuak leh bawk a. Chuvang chuan, hemi godown pahnih atanga la chhuak retailer te bik phei chu strict takin an buk dik ngei tur ani tih kan kengkawh thei leh zual a ni. Tunah hian department in sum nei phei ila chuan kan

godown center pawimawh zawng zawngah hian digital weight bridge hi dah vek thei ila tih hi department in kan duhthusam a ni a. Mahse kan neihin a daih baw si lova, kan la install thei lova. Hemi kan tih theih hun hi kan nghakhlel hle a ni. Chuvangin, dik zawkin mipui ten an chanvo an neih theih pawh hi kan beisei a ni.

Hmanni-ah zawhnaah khan a bukna man kha ka sawi mai thei lova. Tunah erawh hi chuan ka'n sawi lang thuak ang a, Heavy Vehicle-ah trip khatah Rs. 150/- a buk man a ni a, weigh bridge-ah. Tin, medium-ah Rs. 100/-, Pick up, 207 kan han tih mai, a te chi-ah hian Rs. 50/- trip khatah hian kan la a ni.

PU LALDUHAWMA : Pu Speaker, retailer tena an phurh chhuah ve tur kha, weigh bridge ah khan an buk ve tho ta em? Chuti anih chuan Pu Speaker, tunhma lama BPL quota 35 kgs. hisapa an lak tir, official a record lamah chuan 35 kgs. ang kal si, a taka an khuaa 35 kgs. a an sem tak siloh kha a tih dik theih tawh dawn lawm ni? A tehna ber a dik loh avang khan kan sem dik chuan 'kan loss dawn' an ti kha a ni a. Tun atang tal chuan a va theih mai awm ve.

PU H. ROHLUNA, MINISTER : Pu Speaker, kan Member zahawmtakin a sawi kha 2008-a Retailer Association Meeting khan a tiin ka hria a. Keimahni Sorkar hnu 2009-ah kha chuan khatieng chu a awm lovin ka hria a. Tin, a theih chin chinah hi chuan hei hi tihdik pawh kan duh a. Sem dik tur pawhin tan kan la a, bukna tepawh hi Legal Metrology lam hian kan retailer te bukna te hi a khat tawkin an endik reng a ni.

Tin, tunah hian weigh bridge han install a, hman a lo nih takah hi chuan retailer te pawhin an lak chhuah dawn pawhin a point out a hi an bill-ah an thil tel ngei tur a ni kan ti a ni. A chhan chu weigh bridge kaltlang lo kha chuan godown atangin an la chhuak palh ang tih kan hlau a. Chu chu kan insist tlat a ni tih kha ka sawilang duh a.

Tichuan, tunah hi chuan Aizawl khawpui chhung ami te hi chuan Zuangtui godown atangin buhfai an la chhuak a. Chuvang chuan, kan retailer zawng zawng tepawh hi bukna dik hmang turin kan inbeisei a, hmang tur pawhin thupek an ni a. A diklo hria kan awm anih chuan Department lamah min han hrih thei ula a lawmawm khawpin ka ring a.

Tin, buhfai chingpen chungchangah hian a Department pawhin theih ang angin tan an han la a. Tunah hian Buhfai bag 28 tihchingpen chungchangah tunah hian Bawngkawn Police Station-ah FIR thehluh tawh a ni a. Tin, mi 8 hi buhfai bag 209 an tihchingpen avangin an case hi tunah hian process mek a ni baw. Tin, LPG (Gas) chungchangah pawh hian cylinder 32 tihchingpen avangin mi 5 hi FIR thehluh tawh a ni a.

Tin, Aizawl West I bialtu zahawmtak khan a tichingpentu kha hria niin a insawi in ka hria a. Kha kha chianguang takin min han hrih thei sela, a tul angin Department in kan lo bawhzui ang a, hetiang a tihchingpen hi kan hriat chu

kan unzui zel a ni. Tun inrinni maiah pawh kan Home Minister zahawmtakin hmunkhat ami a rinhlelh min hrilh a, chu chu buhfai ani thung a, motor inmawngzawm lai a hmu a, chu chu kan Inspector te, kan Director te kan hrilh a. Tichuan, an umzui nghal a, bag 100 lai an va man a ni, an tichingpen lai.

PU LALDUHAWMA : Pu Speaker, keimahni thahnemngaih thu thu in man tepawh kan lo tum ve a. An fimkhur angreng a, tanpuitu an lo ngah khawp mai a, Department hi chuan hre ve awm tak pawh niin ka hria a. Khilam pang Tuivawl lam bialtu pawh khan kan tangkaipui a tih kha a dik chiah mai a.

PU H. ROHLUNA, MINISTER : Pu Speaker, a har khawp mai a. Department lam hotute hi chu an lo hre thin a, an lo intithiam khawp mai a. Mutia takngial pawhin min hria an ti, Inspector ho hian. Mutia pawhin min hria, an inveng tlat mai a ni an ti. Han blame deuh kan tum pawh kan ti hleitheilo an ti a ni. A theih ang ang hi chuan tan chu kan la khawp mai a, a result pawh a lang chho zel a ni.

Tin, Retailer Carrying Contractor ho bill tang rei chungchangah hian Department sum harsatna vang hian bill hi tang lo theilo ani a. Amaherawhchu, tunah hian Finance Department lamte, kan Chief Minister zahawmtakin min duhsakna avangin thui tak kan in clear tawh a, 2009 pawh kan in clear thui tawh a. A theih ang angin hei hi chu sum awmdan azirin bill tang rei te hi chu in clear chhoh zel kan tum ang tih kha ka sawilang duh a. Tin, buhfai hi hmun kilkhawr zawka kan member zahawmtak ten an sawi, mipui mangan lohna turin Stock lawk theih nise an tih hi Department in kan neih ang ang FCI atanga kan leichhuah leh stock a buhfai kan neih ang ang hi chu kan stock a, mipui manganna thlen loh hram turin theihtawp kan chhuah a ni tih ka sawilang duh a ni.

Tin, Retailer Association Meeting hi chu kan sawilang tawh a. State Consumer Protection Council Meeting chungchang hi nikumah kan nei a. Kan Member zahawmtak Pu Duha hi Member a la nih leh nihloh ka sawi thei mai lova. Nikumah khan hun rei tak koh loha awm tawh kha I & PR Auditorium-ah meeting kan nei tawh a. Khatah khan a lo tello anih ka ring a, Member hi kum hmasa lama ruat anni maithei a, nikumah member inruat thar a ni a, tunah hian remchang mai a awm ta lova. Hei pawh hi a hmalamin tih leh kan tum turah ka ngai a. Chu chu a tlangpui thua kan Member zahawmtak tak tena Food & Civil Supplies Department lama an sawilan a ni a.

PU B. LALTHLENGLIANA : Pu Speaker, Petrol leh Diesel chungchang kha kuthlakna an nei em? In umzui lo em ni?

PU H. ROHLUNA, MINISTER : Pu Speaker, kha kha ka lo hmaih palh a, Member zahawmtakin min hrethiam sela. Diesel leh Petrol hi nia, a theih ang angin Legal Metrology Inspector tepawh an hah khawp mai a. Pump-ah te an check nasa a, tan pawh an la a. Tin, a quality an hmuh ang angte pawh hi hmantlak loh awm angte pawh chanchinbu, media lamah te pe in chutiang chuan tih nise te pawh kan in ti a. Tin, tunah hian Tankers an check tawh hi tunhnai maiah hian Petrol Tanker-ah hian 708 Legal Metrology lamin an check tawh a. Tin, Diesel hi 892 an check tawh a. Chutiang chuan, a hmantlak loh tepawh Chhiahtlang lamah tepawh an man a. Amaherawhchu, rinai in a hrem dan vel hi a lo buaithlak khawp a, an ti a. A Tank Lorry a han dah hian han phurh bo dan hi Police Station-ah emaw, khawiah emaw han dah ila, kan mai te pawh a lo hlauhawm a, bakah thil a buaithlak khawp mai an ti thin a. Amaherawhchu, hemi a hralh tlak loh ang ngau ngau hi chu helai Mizoram chhunga hralh lovin, thawn kir tir an ni thin a. Tin, a theih ang angin henge te pawh hi dan ang pawhin hrem pawh hi an nei bawkin ka hria a. Kan Legal Metrology lama kan Inspector te leh thawktu tepawh hi an hah ve khawp a ni. LPG phei chu hei an check hnem angreng khawp a, bur nuai 77598 daih mai kha.....

PU B. LALTHLEGLIANA : Pu Speaker, kan Minister zahawmtak khan min lo ngaihthlak sak lawk sela. Neih chhun chhuna Motor kan lei te a ni a, Petrol leh Diesel kan hman dik loh hian motor in a tuar em em si a, a ti diklo tu tanker ho kha a dan kan nei famkim lo anih chuan Amendment te siam a, a hrem theih dan kawng zawn kha a tha lawm ni ?

PU H. ROHLUNA, MINISTER : Pu Speaker, kan lo enzui ang a, a dan phei chu kan nei a, amaherawhchu rinai hianin action han lak fak hi a harsa riau thin hi a buaithlak lai chu a ni deuh thin a, a theih ang angin kan lo in enzui ang a. A check te phei hi chu an checked viau a ni, hman tlak loh tak tak, reject tur tak tak erawh hi chu a tam lutuk lova, quality erawh hi chu duhthu a sam lova. Kartin hian an hmalakna report hi min pe turin kan in ti a. Kar tin hian an hmalakna LPG lam a ni emaw, Ration dawr lam-ah a ni emaw, anih loh pawhin POL lamah a ni emaw, khang kha ka hnenah pawh hian report an lo theh lut zat zat a ni. An activities hi ka hriatpui thawkhat viau a ni tih hi ka sawi duh a ni.

Forests Department han sawi ve leh ila. Hmunphiah mahal chungchang member zahawmtak ten an han sawi chhuah kha – Chungtlang khua man sak chungchangah khan hei hi ama huan atang pawh in a la chhuak a, chutih rual chuan midang ta pawh kha a lo leikhawm sak niin alo lang a. Chuvangin, Mamit Division-ah hian Pu Lalngengpuia, Chhinga Veng ami Mahalder-ah tender dan ang thlap in pek a ni a, Rs. 18000/- hi a deposit a, Department-ah. Chutiang chuan hma a la a, mahse khatianga parralel-a lo lakhawmtu hmundang ami an awm kha kan mahal rules anga ani hi operate tur a nih avangin ani kha dan anga mahaldar a nih si kha chuan midangin an lo tih kha remchan lohna a awm avangin tikhan thil a awm a ni a. Tin, hei hi a mahaldar kha a hun chhung a la nih hrim hrim kha

chuan harsatna department lam pawhin a dan angin hma an lo la a ni tih ka'n sawi duh a.

Tin, LSC leh Land lease, periodic patta mai nilovin, VC pass te hi hengah te hian hman theih nise, phalsak ni sela tih hi ni e, VC pass te hi a nihna takah chuan Forests Reserve chhungah tepawh an lo in pe mai thin bawk a. Tin, chumai nilovin, thildang, ram palaileng deuh tepawh hi a VC azirin an lo tih mai tepawh hi awm a ni a. Democracy ramah hi chuan rin aiin thil hi a har khawp a. Chuvangin, mi in pass a neih si chuan rin aiin a harsa a. Ama chin loh pui, a ram chhung ami, ka ram chhung ami kha tih ve theih zel dan kha a awm ve leh bawk si a. Chuvang chuan, LSC leh Land lease leh Periodic Patta neite chuan record an neih chuan, record sak a, anmahni chin ngei a ni tih hriat anih hi chuan mahaldar hian thuneihna an chungah nei lovin, hei hi an duhna lai laiah, Mizoram chhungah a ni emaw, pawn lamah a ni emaw, hmunphiah chingtute hian an hralh thei a ni tih kha he House hi ka hriattir duh a ni.

Tin, VFDC report sanction kan hmu khat tih chungchang report a ni emaw, anih loh pawhin sanction kan hmu khat tih chungchang hian kumin hian engati teh reng nge mawni Central lam atangin VFDC /MEFDC lamah sanction kan hmu tlai em em a. Hmu khat tur reng pawh an ni a. Kumin Sorkar kum tawp dawn hnaiah khan sanction hi Central lamin min rawn pe chauh a. A sanction copy hi MLA te tan pawh a awm mai loh avangin hmu khat lo theilo dinhmunah kan awm a. Central lam atanga sanction hi lokal a ni a, keimahni State Plan anih loh vang a ni.

Tin, ramkang nasa chungchang hi ni e, hei, ram kang a ziaawm dawn emaw kan ti a, mahse March ni 10 hnuah hian ram hi a kang zual ta sauh emaw tih tur hian a awm a, a buaithlak hle a. Hetah nunna chan hialte pawh an awm a, a department ang pawhin pawikan ti tak tak a. Amaherawhchu, theihtawp chhuah ni hian kan in hria a, a department pawhin awareness chungchangah tepawh hian media lama kan tih bakah pawh campaign te leh thildang danga kan tih piah lamah, mobile thleng tepawh hian kan bei ve a ni. Kan theih ang ang hi chuan kumin hian tan kan la a, lo te pawh hal hma deuh turin kan in ti a. Mahse, March ni 10 hnulama thupek zawmlo khua apiangah hian ram kang hi a nasa ni tepawhin kan hria a. Kha mai nilovin, ram kang hi hmun hrang hrangah hian a nasa a, tu ten emaw hal luh ni te pawh hian a lang a ni. Chuvangin, helamah hian tanrual pawh a ngai tak tak a ni. Mipuite pawh hi helamah hian kan harh thar a ngai a, a department ang pawhin tan hi kan la leh zual turah ka ngai a. Tin, nakumah phei chuan member zahawmtak ten min hriatpui atan Committee in a la ngaihtuah tur phei chu a ni ang a. Lo vah hun atang hian lo hal hma tur a ni tih hi kan inhrilh lawk a, hunbi pawh hi kan tih chian hma tha in ka ring a.

Dr. R. LALTHANGLIANA : Pu Speaker, khalaiah khan ram kang kha a pawimawh riau mai a. Thil pakhat chu – Hei, thingtlangah te kan han zin veivahna-ah te an thil sawi pakhat chu Forests Officer te, kan C.F tepawh anni ang a, DFO te, Forests Officer an nihna ang hian an bial chhungah thingtlang leh khatiang thilah khan an lang tam lo lutuk a, hei hi kawng lehlahmah nasa taka

tan an lak a ngaihna lai a ni tih hi kan hnenah hian an sawi tam khawp mai a. Chu chu a pawimawh riau a, chu chu department dang leh NGO te kan han tihruah khan, Forests Officer annihna anga anmahni Division chhungah a kilkhawr deuhte pawh han tlawh ve sela, Aizawla taptawm mai lo deuh leh an Headquarters-a taptawm mai lo deuh hian a sawt deuh mai awm mang e tih hi kan dawng a ni. Chulaiah chuan commitment te a awm thei em ?

PU H. ROHLUNA, MINISTER : Instruction pawh kan inpe a, kan ti viau emaw kan tih hi mipui lamah hi chuan duhtawk hi a har khawp mai a. Staff indaihlohna avangte, kan Officer tepawh an indaihlo viau a ni tih hi member zahawmtak kha min hriatpuitu chu a ni chiang mai a. Chuvang chuan, khatia an zinkual, anni zin reng emaw an tih pawh hi a hmutu tan chuan vawikhat hmuh emaw kha a ni a, khat lo thei pawh a nih lohna lai a awm a. Amaherawhchu, tunaia tan la leh zual tur chuan kan theih ang angin keimahni capacity in a phak tawkah hi chuan kan lo hrih leh ang e.

Tin, hemi 12th Finance Commission hnuiaia Contract Employees chungchang hi kan member ten an ngaipawimawh em em a. A bikin Dr. Thangtea leh Pu C. Ramhluna ten application te an rawn thehluh sak a, an dinhmun hi anmahni hlawh lakna 12th Finance Commission hi tun March, ni 31 naktukah hian tawp mai tur anih avangin an hna, a sanction a tawp miau kha chuan kan chawltir lo theilo a. A lokal leh tur, 13th Finance Commission-ah khan han hmu tha viau mahila, enganginngge guideline te an rawn siam ang a, kan chhawr zui leh thei dawn nge dawnlo, helaiiah hian provision, an hlawh tur te a awm dawn nge dawn lo tih pawh hi waviinah kan hre lova. Chuvang chuan, kan la chhunzawm tir mai thei lova, an dinhmun chu kan hrethiam khawp mai a.

Dr. R. LALTHANGLIANA : Pu Speaker, khalaiah khanin 13th Finance Commission-ah khan detail taka han en chuan a kalphung ang deuh chiah kha hemi Forests Protection leh thildang an ngaipawimawh thu leh thildang kha a awm vek a, chuvang chuan a danglam lo a ni. Employment Exchange kaltlang leh uluk taka thildang nena ti kha kan ni a. DP & AR te leh Finance leh Planning through veka tih chhoh anih avang khan, khalaiah khan dan diktaka tih kha awmah kan....

PU H. ROHLUNA, MINISTER : Dan lo deuha hetia fawmchawp mai tur kha chu a ni lova, Sorkar atanga hlawh la tur an nih avangin dan anga tha taka an lo la kha an fakawm pawh ka ti a.

SPEAKER : MLA pawh term a tawp hi chuan mipui in min re-instate loh hi chuan ti laiah kan thu pha chuang hleinem maw le.

PU H. ROHLUNA, MINISTER : A term a tawp miao hi chuan tawp tur a ni a. Amaherawhchu, an chungchang hi nupui fanaute neia eizawwna-a hmang anni a. Ngaihtuah theih dan chin chin erawh hi chu hotute nen inrawn tlangin kan la ngaihtuah tlang turah ka ngai a.

Tin, Additional Central Assistant chungchangah hian hei pawh hi sawilan a awm a. Kuminah Planning Commission in Ministry kaltlangin vaibelchhe sawmthum pariat chuang min han pe a. Amaherawhchu, a tak takah chuan hun a lo chep tawh avangin tunah hian vaibelchhe li leh nuai sawmthum hi sanction (ACA) Additional Central Assistant atangin tun kum kal mekah hian nimin maiah kan hmuh tur thu kan hria a ni.

Hei hi Safety Reserve te, Supply Reserve te siam thatna atan member zahawmtak ten an rawn sawilan ang khan hman tur a ni a. Tin, Riverine Reserve chungchangah hian mimal ram te, LSC nei te tamtak an awm a. Tin, a hmun hi tlangram lamah thlak thleng dan a awm lawm ni tih hi hei hi thil thatak a ni a. Amaherawhchu, tun dinhmunah hian han tih mai dawn hian a kawng hi a thui tawh em em a. Kan reserve neih ang angte hun kal tawh lamah Supreme Court-ah Affidavit a lo dah vek tawh te, lo record vek tawh te anih avangin keima thuin a kal mai theih loh chin a awm a. Tunah pawh hian heng zawng zawng hi siksawi dawnin tidanglam dawn ila, Supreme Court phalna lo hi chuan kan che mai theilo a ni. A theih ang ang erawh hi chuan kan bawhzui a, nikuma Forests Minister Conference Delhi-a kan neih pawhin heng chungchang hi sawi pawh kan lo sawilang tawh a ni.

Tin, Bio-Diversity Livelihood Project, World Bank hnuiaia Dampa Tiger Reserve a hma an lo lak tawh, Minister hmasa ten, Member zahawmtak ten an sawi chhuah kha, hei hi awareness lam hian a Phase-I ah hian Tiger Reserve hi an telh theih loh avangin tunah hian a umzui hleihtheih lova. A Phase-II lamah chuan kan telh theih kan beisei a. Hei hi a theih ang angin hma kan la in, kan umzui reng a ni tih kha ka hriattir duh a. Tun dinhmunah erawh chuan beiseina a Phase-I ah chuan a la awm thei rih lo a ni.

Darlawn DFO quarter sak tur chungchang hi chu PWD kut lamah a awm a. Hei hi keimahn kutah a awm tawh lova. Chu chu member zahawmtakin min lo hriatpui sela ka duh a. Chu chu member zahawmtak tak ten in han sawilan department enkawl hnuiaiah niin ka hria a. Ka react kim thawkhatah chuan ka ngai a. A mal te te ai chuan hun a hek lo turah ka ngai a.

PU LALDUHAWMA : Division 10 ah mahaldar ding laite list kha zawhna chhanna-ah kan hmu a. Kan House Leader zahawmtakin kan ti tawp lai lawk tih kha wawinahn khan a sawi bawk si a. A la tawp lo em ni kha kha ?

PU H. ROHLUNA, MINISTER : Pu Speaker, Bamboo/Mau-ah a ni a, kan House Leader in a sawi kha. Tin, hmunphiah ah hi chuan a tello a ni. Hei hi chu dan angin kan lo kalpui laklawh tawh a.

PU LALDUHAWMA : 13th Finance Commission sum a lo kal hunah tuna hna tawp lai lawk, lak leh an tum kha an in chuh deuh in ka hria a. Anni hi chu lo Sorkar tawh ve ve an ni a, ZNP tan hian engemawzat chu min dah sak zawk thei lawm ni ?

SPEAKER : Minister in chu chu a hria in ka hria.

PU R. LALRINAWMA : Pu Speaker, mahaldar chungchangah khan department lamin an hrih dan kha mam deuhin an hrih anih hmel a. A dik lo tak chu hralh tura gate-a an phurh tlang kha gate-ah an lo man anih chuan thudang nise. Ani hi a hralh tur nge, a hman tur tih hriat loh, a man tuten an duhdan ngeia an ziah sakah hian Pu Speaker, (i phalna in kan chhiar lawk ang a). “Heng hmunphiah te hi ka huan amite leh lamlian kawng ko vel a mite leh chul hmun ami, a hrang hrang ami a ni” a ti a. Chuti anih chuan an dilna rate-a a hralh phal loh avanga man sak tak a ni a, tlawm deuh khan an dil si a. Hetianga thingtlang mirethei te, an man dan hrim hrim kha, in ami an man bakah an man chhan kha a hralh phal loh vang a ni a, a tirah chuan. A hnu ni 19.2 ah ni 11.2 a an man sak kha ni 19.2 ah lehkha pe in, mahaldar ruat an ni a. Mahaldar lo chuan hetiang a lo tih ve phal a ni love an ti chauh a. Tahchuan, memo pawh hi an pe chauh a ni a. Chumi hnu lehah diklo dang thleng leh chu hemi hnu daih hian rawn khul rawh, kg. ah Rs. 7/- in an ti a. Ama hmuhphiah kha kg. ah Rs. 7/- a khul turin an ti leh a. Khang kha a ni, min enfiah sak tura ka ngen duh chu.

PU H. ROHLUNA, MINISTER : Pu Speaker, nichina kan sawi lai kha.

PU K. LIANTLINGA : Forests Department in a land base leh periodic patta leh LSC chauh mai an tih kha a fel tawklo deuhin ka hria a. A chhan chu, Village Council pass hi a nun tho avangin Village Council pass kha chu pawm sak sela chuanin khatiang khanin tamtak kha tihbuai lohin an awm dawn a. Tuna Village Council Pass pawm loh vang kha ni deuhin a lang a. A chhan chu, khawtinah Village Council in pass an pek theih avangin LSC leh land lease leh periodic patta te chu DC ten emaw awlsam.

PU H. ROHLUNA, MINISTER : Pu Speaker, member zahawmtak hian a hresual deuh a ni maithei a ni. Revenue lamah hian lo zawt chiang sela, huan lo ram pek theihna dan hi Village Council hian an neih leh neih loh hi.

SPEAKER : Village Council in a neih loh bakah Town Area a pui hi kan tam tawh khawp mai a, Mizoram chu maw u, Town-ah hian kan inpuang zung zung mai a, a lar ho deuh zawng zawng pheih chu an town area deuh vek ang.

PU K. LIANTLINGA : Tunah hian kan ram hi Village Council in pass a lo pek leh hi a ni deuh fur mai a. Khalai tak kha tuna harsatna zokhawlman, thingtlang lam ten an tawhna chhan kha niin a hriat a, khata an order siamin a huam loh vang kha....

PU H. ROHLUNA, MINISTER : Pu Speaker, Food & Civil Supplies lamah hian buhfai hi member te sawilan tawh angin, BPL leh IAY - ah te a theih ang angin, allotment Central atanga kan hmuh ang hi chu thla tin hian leiin mipui hnenah semchhuah a ni a. Chutihruah chuan, APL allocation hi kan duh angin Central in normal allocation-ah min pek theih loh avangin thla khatah quintal 30,950 hi min pek dan a ni a. Chu chu kan khamkhawp loh avangin, economic cost, a man to in quintal khat cheng 2140 in lei thin a ni a. Chu chu Finance lam atang pawhin thla tin hian pawisa awm ang angin min leisak thin a. Chumi chuan kan mamawh zual kan indaih lohna a phuhruk thin a ni. Chutiang chuan mipuite hmakhua ngaiin kan Chief Minister zahawmtakin a sawi tawh angin, mipuite Sorkar a ni a. Mipui Sorkar anih angin mipui ten zangkhai leh awlsam zawka ei bar an hmuh theihna tur ngaihtuah in, he Sorkar hian kum khat chhung hian a subsidize ringawt pawh hi 92,51,83,311 a ni. 2009 April atanga tun March thla thleng hian a niin ka hria a. Chu chu mipui tana kan Sorkar a inpekna hi Zoram mipui ten min hriatpui se ka duh a. Hemi hi mipui Sorkar anihna tilangtu a ni.

Kan sorkar hi sum leh paiah a harsat thu chu kan hria a ni. Amaherawhchu, mipuiin ei an nghei emaw, harsatna an tawh lutuk hlau in kan Sorkar zahawmtak hianin hei hi mipui awlsamna zawk turin development te phei chu hnathawh nan hmang ila, vaibelchhe 92 te phei chu a tam hle a ni. Chuti chung chuan, chulamah pawh kalpui lovin, ei leh barah mipui kan harsat lutuk hlauvin kan Sorkarin vaibelchhe 92 chuangin mipuiin man tlawm zawka buhfai an lei theihna turin sum leh pai a seng a ni tih hi vawiinah House member zahawmtak takte pawhin min lo hriatpui ka duh a.

Tin, ONSS atang hian, hei hi tlemin economic cost aiin a man a tlawm hret a, quintal khat hi Rs. 1,614.68/- a ni a. Hei hi quintal 35490 hi October atanga December thlengin nikumah lei a ni a. Tin, Atta allocation ONSS ah tho hian 44400 quintals hi kan hmu baw a, hei hi a rate tlemin a hniam leh hret a, Rs. 15.37 kg-ah a ni ve leh thung a. Chutiang chuan hetianga a to-a kan lei pawh hi Rs. 9.30/- in retailer-ah pawh hian Sorkarin a leitir thin a ni. Chutiang chuan Sorkarin sum tamtak mipui tena awlsam zawka eitur an neih theihna turin sum a seng a ni tih hi ka sawilang duh a ni. Pu Speaker, a detail lutuka sawi pawh ngaiin ka hre lova, kan hre tlang vek tawhin ka hria a, nitina kan mamawh anih hlawm avangin. Wheat hi 6240 quintals thlatin hian kan hmu thin a, hei hi a raw a ni a, Floor Mill-ah Maida -ah te, Atta-ah te leh Wheat Brand-ah te chantir thin a ni.

Tin, Godown lian hi capacity 3000, Champhai leh Serchhip-ah hian sak mek a ni a. Serchhip ami phei chu zawh tep tawh a ni a. Tunhnai maiah Lunglei leh Mamit leh Aibaw-ah hian a sakna tur Central lam atangin kan hmu a, chu

chu Lunglei-ah hian metric tonne 1,000 capacity a ni ang a. Tin, Mamit leh Aibawk-ah hian metric tonne 500 ve ve a ni ang a. Chumi atan chuan vaibelchhe khat leh nuai sawmriat paruk leh singruk leh zathum leh sawmnga kan hmu a, hei hi PWD-ah hian an hna hi deposit tur a ni.

Tin, Muanna Godown-ah leh Serchhip-ah hian kan sawi tawh ang khan weigh bridge hi install tawh a ni a. Hei hi tunah hian a function mek a, privatize a ni a, private in an enkawl a, a thawktute pawhin tunhma-a rinhlelh kai thin, an tichingpen deuh thin a ni awm e tih tepawh hi ziaawm chho deuh turah kan ngai a. Vairengte ami hi kan la repair hleithei lova, tunah hian sanction kan nei dawnin kan hria a, hei hi a rang thei ang bera repair a, maintain kan tum bawk a ni.

Tin, Chini hi thla khatah hian quintal 6660 hi kan hmu thin a, hei hi 2001 census population based a pek hi kan ni a, buhfai tepawh hi a ni vek tho a. Mipui duhthusam ang hian mipui lamte pawh hi kan pechhuak hleithei lova. Tunah hian han semrual phei chuan gram 400 vel hi kan sem daih theih dan tawk a ni. Chutiang vel chu tunah hian kan dinhmun a ni a.

Tin, LPG lamah hian Pu Speaker, LPG hi choka tin mamawh anih avang hian kan indaih tak tak hleithei lova. Amaherawhchu, kan tan lakna te, Department lam tanlakna te, company lam leh distributor lam te tan lakna avangin tunah hian North East State-ah phei chuan a dawng tha ber pawl kan ni a, chutiang chu tuna kan dinhmun a ni. Tin, tunaia tha lehzuala kan neih theihna turin Borkhola-a bottling plant kha manual ni thin hi tunah hian upgrade mek a ni a. Electronic Filling Machine tunah hian install mek ani a, June thla-ah an zawh theih kan beisei a. Mualkhang Bottling Plant pawh khu an General Manager phei chuan January thla, kuminah hian a bul tan thei turah min tiam kha a ni a. He House-ah pawh ka sawilang tawh nghe nghe in ka hria a. Amaherawhchu, an tum angin anni pawh an chechang mai thei ta lova. Borkhola erawh chu an rawn ti mai a. Mahse, Mualkhang zawk hi a install tura khawl an neih khu khawl hlui a ni a, chuvangin, 'In awmna hi a kilkhawr si a, khawl thar zawk law law in ti ang' an ti a. Tunah hian quotation an ko leh mek a, hemi hi an final a, a khawl an tihfel hunah hi chuan alo thleng chho ang a, kumin chhung hi chuan hei hi install theih neig kan beisei a, a capacity pawh hi tun ami let a ni dawn a ni.

Tichuan, POL chungchangah hi chuan harsatna kan neilo viau a. Kan dealer te, Oil Pump neitute chungah pawh hian lawmthu sawi kan ba hle in ka hria a. Nikuma Minister anga charge ka lak hnuah hian thla hnih khat a hmasa in a lo nghawng, Rel lokal theilo in a lo nghawng tih lohah kha chuan vawiin thlengin control pawh ngai miah lovin kan kal chho thei a, a lawmawm hle in ka hria a. Gas chungchangah hian niminah pawh Luangmual-ah Zothan Indane Gas Agency, Distributor pakhat niminah pawh kan va hawng a. Tin, Khatla-ah khan M&B Indane Gas Agency hi thla hlui khan kan hawng tawh bawk a. Tunah hian Seling-ah thla thara kan hawn hman loh pawhin a lehpekah hian hawn leh mai turin buatsaih mek a ni bawk a. Kulikawn-ah hian advertisement tih tawh a ni a, amaherawhchu a titu tur company lamin an la thlang fel lova. Chu chu tunah hian hmabak kan la neih a ni a. Tin, hei bakah hian tunah hian Rajiv Gandhi Gramin LLPG Vitruk Scheme hnuaiyah hian khaw sawmpariat company-ah kan

propose a. Amaherawhchu, tunah hian 8 vel hi an process ta a. Chung chu khaw lian deuh deuh leh consumer tamna deuh an ti a. Chungcho chu Saitual te, Darlawn te, Ngopa, West Phaileng, Kawnpui a ni a. Tin, Thenzawl a ni baw k a, Chawngte, Sangau an ni ta in ka hria. Chu chu tunah hian process mek a ni a.

PU B. LALTHLEGLIANA : Pu Speaker, ka bial chhunga proposal siam thehluh mipui convenience avang zawka Bungtlang-ah dah nise tih kha kan Minister zahawmtak hian.....

PU H. ROHLUNA, MINISTER : Chu pawh chu company lam hi ka hrilh tawh e. Bungtlang-ah zawk khan bialtu in a duh zawk avangin keinin Khawbung kan lo propose kha Bungtlang a center zawk e, a tih vang khan Bungtlang tan chuan kan han ti a. Amaherawhchu, tunah first phase-ah erawh hi chuan a population lam kha an en deuh avangin a tel thei dawn ta lova. Mahse, second phase rawn ti harlo turah kan ngai a ni. Tunah a distributor pangngai nilovin UPA Sorkarin a mipui tam zawkin Gas connection kan neih theihna tur scheme thar an rawn siam a ni a. Hei hi chu tunah a distributor pangngai tur ang lo deuhin a te deuh dawn ta a. Mahse, thingtlangah hi chuan a tawh turah kan ngai a ni. Chu chu beiseina sang tak tunah kan nei a ni tih kha ka sawi duh a.

Consumer Affairs chungchang tepawh sawitur a awm a, Pu Speaker, mahse hei hi chu kan hre tlangpui deuh in ka hria a. Consumer Help Line te tunah hian kan nei tawh a, zawhna zawt duh tan tepawh toll free in Consumer Union Office-ah install a ni a, a thawktute pawh an awm a, an thawk rim a ni tih ka sawi duh a.

Tin, Legal Metrology lam tepawh hi chutiang tho chuan nichina ka sawi lan tawh zawk angin Staff indaihloh chungchang leh district tinah tepawh office nei thei lovin tunah kan la awm a. Chuti chung chuan kan thawk hah ve hle a ni tih chin kha ka'n sawilan theih ni mai sela.

Forests lamah hian helaiah report lawmawm deuh mai kan nei a. Forests Survey of India Report, 2005 –ah kha chuan kan Zoram pum atanga teha hnim hring, Forests covered hi 88.23% a ni a. 2009 a Forests Survey of India in an Report-ah chuan tunah hian 91.27% ah kan kai chho ta a ni. Hei hi a lawmawm khawpin a lang a. Amaherawhchu, thil lawmawm lo deuh ve thung erawh chu very densed forests an tih, ramngaw puitling tak tak hi hei hi kan nei chhe hle a, .064% chauh a ni. Tin, Open Forest an han ti a, ram bua tawh hi 69.71% lai mai a ni a. Chuvangin, kan ram ti ngaw tha leh tur chuan tan lak a ngai hle, tih hei hian a tilang awm e. Tin, 2005 aia kan report a kan han thatna chhan deuh tura kan ngaih chu hemi kan Jhum Cultivation a ram kan tih chereu te, lo hring ta deuh te pawh a ni thei a. Tin, kan mau tam nasa lutuk tepawh hi a lo thangduang leh tawh a, a lo puitling leh deuh tepawh a ni thei a. Chu chuan a tilang hring deuh tepawh a ni thei e.

Tin, working plan leh working scheme chungchangah hian Kawrthah Division-ah chiah hian working plan approved kan nei a. Tunah hian Kolasib leh Thenzawl working scheme hi Ministry approve turin kan theih ang angin tan kan la a. Mahse, hei hi kan la tifel thei lova, a nawr phei chu kan han innawr viau zel a. Hei hi mipui awlsamna tur atana Supreme Court in a tih anih avangin working plan emaw, working scheme emaw awmlo hi chuan kan thingte hi kih mai theih anih loh avang hian hei hi a pawimawh hmasa a ni. Tin, 13th Finance Commission pawhin a ngai pawimawh a, 12th Finance Commission pawh in a ngai pawimawh em em a. Chuvangin, a chak thei ang bera hmalak chhoh hi Department in kan tih tur a ni tih hi ka'n sawilang duh a. 2009-2010 chhung bikah hian thing hi cubic 1983, cubic meter Rel Wagon 124 in State pawn lamah thawn/hralh chhuah a ni. Tin, Constitution of State CAMPA hei hi NPV (Net Present Value) leh Compensatory Afforestation atanga pawisa tling khawm hi hemi enkawltu tur a ni a. State CAMPA kan han tih mai, Compensatory of Afforestation Management and Planning Authority hi State tina din turin Ministry lama thupek a awm a, chu chu heng Forest reserve area chhungah te, Development Project emaw, eng project emaw kan han thawh a, khami ina NPV emaw, CA Compensatory Forests Station emaw a pawisa an chhunluh tlinkhawmna a ni a, hei hi State-ah a Steering Committee emaw, Governing Body in emaw, Executive Committee in emaw tha an tih angin Central in a rawn release hunah hman tur a ni a.

Tin, Wildlife humhalhna kawngah hian Department lamin theih ang angin hma kan la a. Mipui lam pawhin awareness an nei sawt viau in kan hria a. Member te pawhin an sawi chhuak a, hetah hian tan la leh zual tur pawhin Department pawhin hma kan la chho zel a. Tunah hian Sq. Km. 1240.75 hi Wildlife Sanctuary a ni emaw, National Park a ni emaw, hei hi kan enkawl mek a ni a. Tunah hian National Park leh Wildlife Sanctuary belhkhawm hian 10 kan nei a. Chu chu kan ram State zau zawng atanga tehin 5.89 % hi tunah hian Sanctuary leh National Park-ah hian enkawl mek kan nei a ni. Tin, heng kan enkawl na zawng zawng hi Central Sponsored Scheme hnuai vek atanga enkawl kan ni a. Chuvang chuan, Central atanga sum kan hmuh ang angt e hian hei hi kan enkawl a ni.

Tin, Forests Protection leh hemi a venhimna leh Wildlife Prevention chungchangah hian thil hautak tak a ni a. Chu chu Member tepawhin min hriatpui a, Staff kan indaih lo hle a, chu kan indaih lohna chu min hriatthiampui in, kan House Leader leh Cabinet-a Minister-a ka thawhpuiten Cabinet Meeting-ah hian Foresters 10 leh Forest Guard 30 recruit min phalsak a. Hei pawh hi a rang thei ang bera ti tura hmalak mek a ni a. Hei hi a hma thei ang bera recruitment tih hi kan tum dawn a ni.

Tin, Additional Central Assistance hi kan sawilan tawh ang khan hei hi India ramah a hmu tha ber pawl kan ni a, a target-ah hi chuan vaibelchhe 38 leh nuai 17 hi Central in min pek kha an tum a ni a. Mahse tunah hian a hun a chep tawh avangin vaibelchhe li leh nuai sawmthum hi sanction kan hmu ta a. Amaherawhchu, hei pawh hi Department tan a hmanna tur dik taka kan hman

chuan Safety Reserved te, Supply Reserved te leh Forests Reserved te chei thatna atan hian thil tangkai takah kan hmang ang tih hi ka beisei a.

Tin, State Development Agency (SDA) kan ti a, heng kalphungte hi Central in an rawn tidanglam hret a. Revised Operational Guidelines 2009 of Forests National Programme hi an rawn duang chhuak a. Hemi ang hian State Forests Development Agency hi society anga in register tur a ni a. Chumi ang tur chuan tunah hian a Bye-law te leh a tul kha Law Department in an vet turin a kal mek a ni.

Tin, 13th Finance Commission-ah hian Pu Speaker, kan vannei em em a, Forests Department in 12th Finance Commission-ah khan vaibelchhe 25 an hmu a. 13th Finance Commission-ah hian vaibelchhe 171 leh nuai 20 hi Forests Department hian 2010-2015 a hman turin kan hmu thei dawn a. Hei hi kan Leader te thahnem min ngaihpuina leh hma min lakpuina avang a ni tih ka hria a, an chungah lawmthu ka sawi duh a. Hei hi kumin tuna kum lokal turah hian, 2010-2011 ah hian vaibelchhe 21 leh nuai 40 a ni ang a. Tichuan, a kum lehah pawh chutiang zat chu a ni ang a. 2012-2013 atang phei chuan vaibelchhe 42 leh nuai 80 a ni ang a, chutiang chuanin kum 3 chhung a kal chho dawn a ni a. Hei hi working scheme, working plan te, Central Ministry lam duhdan anga tha taka kan kalpui theih nan chuan a sanction kan hmuh that leh that lohah a la innghat chho dawn a. Department lam erawh hi chu tha min bat hnem viau a ni tih chu ka'n sawilang tel duh bawk a ni.

Tichuan, Pu Speaker, sawitur hi chu han sawi zel dawn hi chuan a tam khawp a. Mahse, ka duh tawk dawn mai ang a. Demand No. 17 - Food, Civil Supplies & Consumer Affairs Department - Rs. 2,30,68,41,000/- leh Demand No. 36 – Environment & Forests - Rs. 40,60,21,000/-, avaiin Rs. 2,71,28,62,000/- hi he House zahawmtakin min pass pui turin ka han dil e. Ka lawm e.

SPEAKER : Pu H. Rohluna'n a Department chante a wind up a, pass a rawn dil bawk a. Demand No. 17 - Food, Civil Supplies & Consumer Affairs Department - Rs. 2,30,68,41,000/- leh Demand No. 36 – Environment & Forests - Rs. 40,60,21,000/-, avaiin Rs. 2,71,28,62,000/- hi pass remti apiangin 'Remti' ti rawh ule. Remtilo kan awm chuan 'remtilo' ti rawh ule, awmlaw maw?

Awle, Pu H. Rohluna Minister zahawmtak Demand No. 17 - Food, Civil Supplies & Consumer Affairs Department - Rs. 2,30,68,41,000/- leh Demand No. 36 – Environment & Forests - Rs. 40,60,21,000/-, avaiin Rs. 2,71,28,62,000/- te chu House in lungrual takin a pass a ni.

PU H. ROHLUNA, MINISTER : Pu Speaker, ka lawm e.

SPEAKER : Tunah chuan Pu Zodintluanga, Minister zahawmtakin a chan hote, a Demand te wind up turin sawm ila, pass rawn dil nghal bawk sela.

PU ZODINTLUANGA, MINISTER : Pu Speaker, ka lawm e. Kan demand te ka sawi hma in, tukina kan Unstarred Question zawhna Member zahawmtak Pu Lalduhawma zawhna Unstarred Question No. 14 na hi, tah hian diklo a lo awm palh a. Housing No. 6 na-ah khan Kolasib Housing, Kolasib – II ah khan 50 chauh tiin a lo inziak palh a, 250 tur a ni a. Kha kha kan Member ten waviinah kan dawng vek si a, nakinah official chuan correction chu kan la rawn dil leh thovang a, amaherawhchu kan Member te hriat atan, kha kha figure chhutsual palh a ni tih kha ka rawn sawi hmasa duh a ni.

Pu Speaker, Demand No. 26 na - Information and Public Relation atangin kan tan ang a. Member 8 in thahnemngai takin an rawn sawi a, chumi hmian waviinah kan Chief Minister zahawmtak kaihhrainain hei, kumkhat leh a chanve Department te zo lo takin kan han enkawl a. Chutah chuan, Pu Speaker, kan fellohna te, kan thatlohna te ensan in, waviinah kan Member zawng zawng ten an thusawina-ah kan phu lohin fakmawina leh lawmpuina te an sawi avangin he House zahawmtak chungah hian lawmthu ka rawn sawi hmasa duh a ni.

Kan Member zahawmtak takte khan Information and Public Relations chungchanga an thusawi zinga react tur awm ang ang ka'n react hmasa ang a. Pu B. Lalthlengliana, kan Member zahawmtakin a sawi, Music, Film leh Industries te, Cable T.V chungchanga a ngaipawimawh thu kha a rawn sawi a. Khami chungchangah khan Central Cable TV Regulation Act, 2005 kaihhrainain-ah kha chuan a kengkawhtu te kha D.C leh Police lam an nih avangin keimahni hi, I & PR te hi khami Committee a Member chauh kan ni a. Member zahawmtakin i rawn ngaipawimawh kha Committee na-ah pawh a aia nasa leh zawkin hma kan lo la ang tih kha ka rawn sawi duh a.

PU B. LALTHLENGLIANA : Pu Speaker, lawk, kha kha D.C tena lekkawh ngawt lo khan Nodal Department siam a, kalpui tha-a ka hriat avanga rawn sawi ka ni a. Khatiang lo deuh khan Minister zahawmtak hian ngaihtuah dan a awm lo maw ?

PU ZODINTLUANGA, MINISTER : Pu Speaker, hei hi Act a ni a, helai House-ah sawi mai theih a ni lova. Central Sorkar atanga dan lo kal te a ni a. Nakinah kan lo ennawn leh ang e.

Tin, Lunglei West bialtu zahawmtak Dr. R. Lalthangliana'n Multi Level Building a sawi kha, khatih hunlaia DPR an thehluhna kha 10% Lumpsum Grant hnuaiia tih a ni a. Amaherawhchu, an rawn sanction hmian Mission City kan tih JNNURM hnuaiia kan tih atang hian 10% Lumpsum Grant hi phalloh a ni ta vek mai a. Chuvang chuan, 10% Lumpsum Grant lakna ang tur kha chu notified

town kan tih, District Capital-ah te tih ang anih avang khan DPR kha tunah DoNER – ah emaw, JNNURM hnuaiyah a hranpa-a tih that leh turin hma kan la mek a ni tih kha ka sawi duh bawk a.

Tin, kan hriat theuh angin, Information and Public Relation Department hi Department te takte anga lang si, Department pawimawh tak a ni a. Sorkar policy te, programme leh ruahmanna hrang hrang a hlawhtlinna tura mipui zirtir te, Sorkar hmalakna te mipuiin an lo dawnsawn dan Sorkara thlen let leh te a ni a. Sorkar leh mipui inkara inkungkaihna tha siam te, mipuite hnena thu hriattir zirtir nana media hrang hrang hmante a ni a, an pawimawh em em mai a. Chi leh chi inkar buaina-ah te, harsatna khawtlang leh khawtlang inkara buaina awmah te pawh media te hmangin kan department hianin buaina lian zawk a thlen loh nante hma nasa takin a la thin a. Chutiang kawngah chuan wawi tamtak Press Release hmangte, Monthly Bulletin hmang te, booklet te leh leaflet te siamte khan an thawk thin a.

Tin, nichina Member zahawmtak ten an sawi, Journalist Welfare Fund tepawh siamthat a ni tawh a. Journalist Welfare Fund, a hma-a kumkhata nuai 10 kan dah, hman zawh loh anih avanga a tul lem lova hman zawh tak Journalist tana Freetrip emaw, khawiah emaw kal thin ang kha tunah chuan khami dan kha siamtha in, khami Journalist te kha an thih a, an chungte chauhin Welfare Fund kha an dawng thei thin a. Tunah chuan kan Journalists ten harsatna, natna khirh bik te an neih emaw, khatiang atan tepawh khan a hman theih tawh dawn a. Chumi anih chuan a society te vawinah chuan din mek a ni a. Kha pawisa pawh kha lapse tawh mai lovin, a kum leha hman theih turin Pu Speaker, siam mek ani tih kha ka sawi duh bawk a.

Tin, thingtlang lama kum upa bik tawh te, Aizawl khawpui la hmu ve ngailo te, Aizawl khawpui hmun hrang hrangte hmu turin kumtin mi engemawzat Aizawl khawpuite kan hmuhtir a ni tih kha ka sawi duh a.

Tin, tunhnai mai khan Information Service Member kan indaihloh zia te hi House-ah hian kan sawi thin a. Sorkarin 6 lak phalna min pek kha MPSC kaltlangin lak an ni tawh a ni. Chutiang chuan Department hian a theih ang tawkah hma a la ve a. Kan ram leh hnam tan theihtawpin Department kaltlang hian hma kan la a ni tih kha kan sawi duh a. Kha kha duhtawpawh mai ila.

Tin, a pahnhna atan chuan Demand No. 48 ICT-ah hian Member an participation a tha lutuk lemlo a. Department ang hian kal tha tawkah min ngai ni turah ka ngai mai a, lawmawm lamah ngai ta ila. Member 3, Pu John Siamkunga, Pu Nirupam Chakma leh Pu Joseph Lalhimpua ten he ICT Department pawimawhzia nasa takin an rawn sawi a. Kan Member zahawmtak Pu Nirupam Chakma phei chuan he Department atanga Mizo thalai tena hna kan hmuh ve theihna tur atana Silicon Valley anga siam theih a nih thu a sawi a. Chutiang ang khawpa Department pawimawh chu a ni a. He Department atanga Pu Speaker, kan thalai hna hmulo tamtak tepawhin hna an hmuh theihna tur atan tan lak mek a ni a. Chung ti tur chuan connectivity kan neih that a ngai a ni. Kan thalaite hian he

IT hmang hian internet kaltlang ten online ticketing te tiin sumdawna tamtak an ti a ni.

Amaherawhchu, company liante a aia lian zawk thalai tena inhlawhna tur han siam tura hma la turin connectivity a tha lova, kan hman tam ber chu BSNL te a ni a. Hengte hi Sattelite kaltlang in V-SAT hmangin a ni tlangpui a. Connection te, internet speed te hi a chaklo em em a ni. Chutah chuan kan mamawh ber chu Optic Fibre Cable kaltlanga Aizawl khawpui thlun a ni a. Chu chu India ramah chuan Power Grid Corporation of India (PGCIL) an ti a. Chu chuan State tamtak chu an thlunzawm tawh a. Hetah hian kan Chief Minister zahawmtak hian hma la in, Central a Power Minister hnenah lehkhah min thawn sak a, chu lehkhah hmang chuan Central Minister chuan chhanna pawh a rawn pe tawh a.

Chumi hmang chuan Pu Speaker, Mizo thalai leh Mizoram tana thu lawmawm deuh mai chu, nimin mai khan PGCIL General Manager te an zuk biaktlang chuan he Aizawla Optic Fibre Cable an rawn thlen theihna tur atan hian survey an zo tawh a. A bid process pawh an zo tawh a. Tun kum chung hian rawn thlun thlen hman an tum thu an rawn sawi a ni, a lawmawm khawp mai. Chutiang ang kan neih chuan kan thalai tamtak ten eizawna kan tih Call Centre kan tih ang chi te, hetiang lampang atana hmalakna tur tamtak hi a rawn inhawng dawn a ni tih kha Pu Speaker, ka'n rawn sawi duh a ni.

SPEAKER : Ngawi lawk rawh aw, ZENICS kha Industry in nge chang ta ?

PU ZODINTLUANGA, MINISTER : Pu Speaker, ka rawn sawi chho dawn nia, khami kha. Tin, ICT Department hi vawiinah department te takte pawh ni mahsela, hma nasa takin a la ve a. Chung an hmalakna te atang chuan kan ramah corruption te alo tlem zawk theihna turin Paper Works te a lo tihtlemna tur atan Notional E-Governance kaltlangin hma a la a. Chung a hmalak zingah chuan State Wide Area Network kan ti a, heng hi Aizawl leh District khawpui, kan Block Headquarters te Internet kaltlanga inthlunzawmna tur a ni. Chu chu vawiina kan Sorkar, Sorkar tharah hian hemi khawih tur hian ZENICS Corporation hi a hma a Industries a awm hi vawiinah ICT Department hnuaiyah a awm ta a. Tunah Tender Process te an khawih mek a, hemi tender hi an zawh chuan tun kumah te kan inthlunzawm hman chuan Pu Speaker, vawiinah District hrang hrang atanga kan Sorkar Department a inthlunzawm tawh chuan hna te awlsam zawkin a thawh theih dawn a ni. Chumi dawta rawn kal leh chu Data Center kan ti a, chu chu Aizawl, helai kan Assembly kawt mai ICT Department Building-ah hian din tur a ni a. Hei pawh hi a tender chhuah turin hma kan la mek a. He State Data Center hi kan zo anih chuan vawiinnia Department tinin anmahni Office-a Computer-ah te an data an dah te hi dah tawh lovin, chu Data Center-ah chuan dah luh a ni ang a, chuta tang chuan Mizoram pawh nilo, khawvel hmun hran hran atangin kan mamawh te kha kan lachhuak thei tawh dawn a ni. Chutiang ang chuan common service center hi Mizoram khaw 136 ah din chhuah tur a ni a. Hei hi thingtlang khua a ni. He Common Service Centre hi

din turin Jhoom Developer Limited tih hi tender hmanga thlan an ni tawh a. Chungin an hna te an zawh tawh chuan thingtlang atangte in khawpui a kal ve theilo tepawhin internet kaltlang khan awlsam takin engkim an ti thei tawh dawn a ni.

Kan Health Minister zahawmtakin a sawi thin, Telemedicine kan tih ang chi tepawh kha, heng hi a thlen tawh chuan Aizawl atangin thingtlang atangin awlsam takin Doctor te a rawn theih dawn a ni tih kha ka rawn sawi duh a. Tin, E-District kan ti a, chumi atan chuan E-District ah chuan a Pilot Project ah Aizawl District hi kan thlang a, hmanni lawkah khan tender kaltlangin Teledata tih company pakhat kan thlang tawh a. Chumi in a tum chu khawpui chhunga DC Office atangte, Form chi hrang hrang pek chhuah chite pawh hi computerize na tura hmalakna tur a ni a.

Tin, chumi piah lamah chuan Pu Speaker, he Department hian vawiinnia DPR tamtak a siam zawh tawh, anmahni line Department a thawn chhuakin pawisa sanction hmuh theihin a awm tawh a ni. Chungte chu – pakhatna atan chuan Computerisation of Commercial Taxation Department tih ani a. Hemi hi 9.30 crore a ni a, hei hi an line Department-ah kan thawn sak a, an line Department, nichina kan Member zahawmtak tena an sawi Central Ministry-ah khuan 10% Lumpsum Grant for the North East including Sikkim tih hi pawisa a awm a, chunga kan hman ban te chu kan hriat dan chuan DoNER-ah te an chhung lut leh a, hei hi kan inchuh leh a. DoNER a thlen hma khan pawisa tamtak hi line Department atangin lak chhuah theih a ni tih hi kan hriat dan a ni a. Tin, Computerisation of Land Revenue Department tan 10.56 crore DPR siam zawh tawh a ni a. Hei hi anmahni line Department atanga sanction turin vawiinah hian kan nghak mek a.

Tin, Food, Civil Supplies & Consumer Affairs Department tan pawh siam zawh tawh a ni a, 27.43 crore a ni a. Food & Civil Supplies Department tepawh nasa takin kan sawi a. Heng hi Computerise anih chuan kan retailer ten an buhfai lak zat te, phai atanga rawn thleng zat te awlsam takin a tih theih tawh dawn a ni.

Chutiang chuan Planning Department tan 7.9 crore, Finance leh Treasury Department tan 10.75 crore, District Computer Training Programme for Employability of Rural Youth in Mizoram tih hi 2.96 crore a ni a. Hei hi chu NEC kaltlanga dil ve thung a ni a. Tin, State Service Delivery Gateway and State Poter kan ti a, 8.61 crore, hei hi chu keimahni Department, Department of Information Technology a kan dil a ni.

Tin, chutiang chuan hmanni lawk khan ICT Department ten State Level Meeting kan nei a. Department hrang hrang, khami member rawn kalten an la tih ve loh thu an hrih a. Tunah hian DPR 8 la siam zawh loh siam mek kan nei e. Chung chu Computerisation of Rural Development Department te, Computerisation of Health and Family Welfare Department te, Tourism, Transport Department, Agriculture, Education Department, Social Welfare Department leh

Labour and Employment Department te hi Pu Speaker, vawiinia kan project kallai mek DPR kan siam sakte chu an ni.

Chutiang chuan hma kan la a, kumin chhunga kan thawh tur zinga kan beisei chu Mobile Communication Power hi kumin chhung hian 33 hi tih chhuah hman kan in beisei a, tunah hian 71 din tura hmalak a ni a. Chutah chuan 28 zawhfel a ni tawh a, kumin chhung hian 33 hi bun zo turin kan contractor te kan nawr nasa a. Hei hi a pawimawhna em em chu Central Sorkar Scheme a ni a, Central Sorkar in thingtlang kilkhawr ber berte pawhin Mobile facilities Communication hi an hman ve theihna tur atana hma an rawn lak a ni a. Mizoram chhungah Mobile Tower 71 din tur a ni a, chhunga chuan Mobile Operator hrang hrangte dahkhawm theihna tura ruahman a ni tih kha ka sawi duh bawk a.

Tin, GIS kan ti a, Geographical Information System kan ti a. Hei hian leilung pianhmang leh a chhunga resource awm te hriat zung zung theihna tura GIS based Land Resources Information System hmanga Department hrang hrangte School Building te, Water Pipe Road leh Power Transmission line te, khatiing thil pawimawh zawng zawng te khami atang khan Department hrang hrang ten an mamawh te an rawn la thei ang a. Entirnan – Power Department chuan anmahni line bik kha an zuk hmet ang a, khawinge tha, khawinge tha lo tih kha an en thei dawn a ni, chu chu a ni a. Tin, ZENICS hi, Pu Speaker, ICT Department hnuaiah a awm a, vawiinah Chairman thar thatak, mawngzang tak kan nei a. Anni hi he IT Department tih hmasawna tur atan vawiinah chuan mi tangkai tak anni tih kha ka sawi duh a. Tin, ICT hi Sorkar hmasa kha kan demna ni lovin, a hma khan a lo buarchuar angreng a. A then Industry Department hnuaiah, a then Planning Department hnuaiah a awm a. Chuvangin, vawiinah Software Technology Park kan tih hi Industry Department hnuaiah te a awm a ni. Chutiang chuan hmalakna tur tam tak a la awm a. Chungte chu a hlawhtlin hunah chuan Mizoram thalai te, Mizo tan inhlawhna tur tamtak kan siamsak bakah, a thawhdan kan Sorkar Office kalphung tepawh hi a transparent zawka a lan theihna tur atan te, Sorkar leh Sorkar indawrna atante pawha chakzawka hma a lak theihna atan hmalatu a ni tih ka han sawi duh a.

Demand No. 46 – Urban Development and Poverty Alleviation-ah hian (**SPEAKER** – Kan bang tlai tawh sa sa, engemaw i ngaimawh sawi hman lo khawp chuan hmanhmawh duh suh, member te hi an fel khawp a nia) Pu Speaker, ka tawng a rang ve hrim hrim a. A lawmawm hle mai. Urban Development and Poverty Alleviation hi Department la upa lo tak a ni a. Amaherawhchu, vawiinah hian hmasawn chak ber pawl a ni a. Khawpui chhung hmasawna chi hrang hrangte, khawpui chhung vawnfai leh vawn thianghlim te, khawpuia cheng chhungkaw harsa leh retheite dawmkan hna te a thawk chhuakin hma nasa tak a la a. Chubakah kan Member ten an sawi, thingtlang khua khaw 22 hi a huam tel a. Chu chu kum 2001 census ina Urban Area, khawpuia a puan chin kha ani a, khami a puan tel loh Lawngtlai Town hi vanneihthlak takin tel min phalsak hlauh a. Chutah chuan khaw 23 hi hemi Urban Development Department ina a enkawl theih chhung a ni a. A khaw list pawh kan nei a, mahse tuna chhiarchhuah a tul lemlo a.

He Department hian hmalakna tamtak a nei a, chung zingah chuan hmasawna ruhrel tha, infrastructure te, nichina kan sawi ang tui thianghlim hnianghnar taka khawpui chhunga pek te, khawpui chep lutuk ti ziaawm tura hmalakna te, khawpui nuam, thianghlim, felfai a siam te, tuihawk luankawr leh luikawr siamthat te, tui chhia leh ek thli te, bawlhhlawh thenfai leh a paih te a ni a. Tin, tualchhung inrelbawlina municipality din chungchanga in sak dan phung fel leh him kan neih theihna tura kaihhruaina siamte kha a tel a.

Tin, Department hrang tamtak te hnathawh ang te hi kan thawk tel ve a ni tih kha ka sawi duh a.

Urban Development & Poverty Alleviation-ah hian Pu Speaker, member sawmpakhat (11) in an rawn sawi a. Chung zinga a tam zawk chu lawmthu sawina a ni a, react tur tlem a awm ve a. Chunga kan ngaihpaawimawh deuh deuh tur chu ka'n react ang a. Ka sawi hmaih palh a awm anih chuan min hrilh ula. Kan Member zahawmtak Pu Robiaka, Pu P.P. Thawla ten Sanitation Department tihlen a tulzia te an rawn sawi bakah a thawktute zinga an thawh bakah an thawk rei lutuk tih chungchangte an rawn sawi a. Sanitation Department-ah hian post ruak hnawhkhah loh 47 lai mai kan nei a, kan indaihlo em em a. chuti chungin vawiini-ah hian Aizawl khawpui leh khawpui hrang hrang hi khawvelah pawh khawpui fai ber ni thei turin hma an la nasa em em a. Vawiinah kan Sweeper te hi Sorkar hnathawk an nih ve avangin, Sorkarah chuan darkar 8 chu hnathawk tur an ni si a, zingah an kal bakah, chaw eia an kal zawhah an lo let leh a. Roll call na te kan nei leh a. Zinga an tihfai bak engemaw emergency tea tihfai tur te a awmin office-ah an duty thin a. Hmanni pawh khan kan hmu a, helaiyah thlipui in hnah tamtak a rawn chhem a, khawi atangin nge an rawn chhuah tih pawh hriat lohin kan Sweeper ten an rawn phiat fai nghal zung zung a nih kha. Chuvang chuan, Pu Speaker, an fate in a awm te an ngaihtuah awm rual rualin, Sorkar hnathawk annih angin darkar 8 an thawh theihna tur atan khan Department ten felfai takin ruahmanna an lo siam a. Tlai dar 2 kha an awm thlen ve a ngai a ni tih kha ka sawi tel duh a.

Aizawl South bialtu zahawmtak Pu K. Liantlinga'n Community Participation Law chungchang a rawn sawi kha, nikum lampang khan kan peih tawh a. Amaherawhchu, kan Municipal Act kha siamthat a lo ngai ta a. He House zahawmtakah kan siam tha a, kha kha siam that anih chuan Community Participation Law Bill pawh kha siamthat a ngai tawh a. Vawiinah chuan a draft bill hi kan peih leh tawh a. Hemi kan peih leh tawh a hi dan angin Law-ah te, vet tir a nih hnuah he House zahawmtakah kan rawn pulut dawn a ni tih kha kan Member zahawmtak kha ka'n hriattir duh a.

Kan Member zahawmtak Pu Lalrinmawia Ralte in a sawi, New Secretariat Complex a bawlhhlawh awm saw kan ngai pawimawh khawp mai a. Amaherawhchu, bawlhhlawh te hi paihna tur Sorkar in a siam a, chumi a paih loh chu dan kalh an ni a. Tah hian mipui leh Sorkar ringawt in khatiang kha a tih vek theih loh a, kan inhriatthiam a tulin ka hria a.

Vawiinah Sorkar leh mipui te, NGO te faina chungchangah hian kan tanrua a ngai a ni. Chutiang tur chuan vawiinah pawh Sorkar chuan hma a la a. NGO te hmang tangkai in, PPP Mode kan ti a, he Aizawl khawpui chhunga bawlhhlawh bawm garbage trailer kan tih, zing atanga tlai thleng bawlhhlawh, tho nen, tawphnawk chi tinreng nen khawpui lun lai a awm kha kan han paih fai a, Public Private Partnership tiin VC te nen thawk hovin, khawtlang hruaitute nen, Sorkar Department nen thawk hovin hma kan la a. Vawiinah chuan Aizawl khawpui chhung pawh hi hmuh theihin a fai tawh a. Tin, chumi piah lamah School naupangte pawh Sorkarin a hmang tangkaiin, hnatlang te School naupang te pawhin min neih pui thin a. Hemi faina chungchangah hian hma kan sawn nasa em em a, motor atanga bawlhhlawh paih te, Taxi leh Bus atanga bawlhhlawh paih te, khatiang ang chite kha vawiinah hmuh tur a awm ta lo hi Sorkar Department changtu nihna ang pawhin kan lawm zia hi sawi a tulin ka hria a. Tin, hemi chungchangah hian kan media lam ten min tanpui nasa bawh a, media te chungah pawh lawmthu ka sawi tel duh bawh a ni. Kha kha kan Member lampang atanga an rawn sawi, an ngaih pawimawh zawng rawn sawi kha ka'n react theih chin chu ti mai ta ila.

Tin, hei kan Department chungchang hi tawite in sawi ka duh chu he Department hi Directorate hi a kungpui ber a ni a. Directorate hnuaiiah hian Centralised Sponsored Scheme chi hrang hrang JNNURM hnuaiia submission 2, Urban Infrastructure and Governance kan tih te, Basic Service to the urban poor kan tih te hi Integrated Housing and Slum Development Programme te, UYDSSMT te, SJSRY kan tih ang chi te leh nichina kan sawi, 10% lumpsum grant te kha Directorate hian a khawih a. Tin, State Investment Programme Management and Implementation Unit kan ti a, hei ve thung hi chuanin Ministry of Urban Development hnuaiia North Eastern State Capital te cheina tura Asian Development Bank, tuna Loan min pek atanga an hnathawhte buaipui turin SIPMIU hi din ve a ni a, anni chuanin Aizawl Water Supply hi Trance - I, trance - II, Trance - III tiin project siam a ni a. Aizawl Water Supply kha 2009 leh 2015 chhunga tih tur a ni a. Trance II - ah chuan 2010 atanga 2015 chhungin Solid Waste Management a ni a. Trance III - ah chuan 2011-2015, hei hi Aizawl East a ni hrih a. Ka'n sawifiah lawk duh chu, Aizawl East lampang hi SIPMIU lampang hian an hmui a, chung chu sewerage ina a tum chu a ni.

Pu Speaker, kan ek te, kan bawlhhlawh, kan tui zawng zawng hi vawiinah chuan awmze nei lovin kawr-ah te, hmun hran hranah a luang a. A luanna mumal loh avangin leimin te, chhiatna nasa tak kan tawh thin a ni. Chutiang ti tur chuan sewerage system hi chuan in tin atangin kan bawlhhlawh, kan ek emaw, kan tuichhe paih zawng zawngte pawh kha pipe-ah kal in, pipe lian a zuk zawm ang a, khutah a thlangah chutiang tih thianghlimna hmun chu a lo awm ang a. Tiang chuan hma kan la ang a. Tin, keimahni Directorate lamin Aizawl West lampang hi hma a rawn la ve dawn a. Tin, chumi chhungin Directorate lam pawn, Aizawl khawpui chhung atan storm water drainage, ruahtui nasa lutuk, kawrpui lian siamthatna tur hi DPR an siam a, chungte pawh chu vawiinah hmalak mek a ni a.

Tin, hemi Department hnuaiiah tho hian heng body lian pawimawh tak tak Aizawl Development Authority kan tih te, Aizawl Municipal Council kan tih te, State Election Commission tepawh hi a awm a ni tih kha ka sawi duh a. Tin, nichina kan sawi, kan Member tepawhin an sawi, a Sorkar anga kan inchhuan ve em em na pakhat chu Pu Speaker, kum kha leh chen kha Aizawl khawpui chhungah kan Member te sawi ang khan, kan septic tank siamdan te alo mumal tawh lova, kan septic tank ten soakpit te an nei lova, a lo khat thin a. Chung paih tur chuan motor hmangin zanah te, thenawm khawvengte tibuai in an siak chhuak a, paihna hmun mumal awm lovah, lui kawrah te, kawng sirah te an paih mai mai thin a. A thianghlim lo em em a ni. Septic tank atanga ek kan phurh chhuahte hi zantin hian trip 20/30 te a ni thin a. Chutiang chu thianghlim taka treatment nena paihna tur hi waviinah Tuirial Dumping Ground-ah khuan siam a ni a, Oxidation Pond an ti a, khuta tui chhuak tawh khu chu 80% khu chu a thianghlim tawh a ni tiin mithiamte chuan an sawi a ni.

Tin, nichina storm water drainage kan tih, Aizawl West tana kan tih hi DPR hi nuai 955 siam a ni a. Waviinah hian a appraisal te tih mek a ni a, sanction pawh hi kan hmuh thuai kan inbeisei a. Tin, kan election manifesto-ah tepawh kan sawi, Mizoram Town Sanitation Rule, 1980 hi waviinah chuan a tawh tawh lo a ni, tawphnawk kan paih te, a hmun lova bawlhhlawh paih hremna dan te hi a tha tawh tawhlo a ni tiin waviinah chuan he dan hi siamtha turin, tidanglam turin Department in hma kan le mek a. Hun reilote chhungin dan thar thatakrawn duan chhuah kan inbeisei bawh a ni.

Tin, Aizawl khawpui mai nilo, nichina kanrawn sawi tawh ang khan khawpui dangah tepawh bawlhhlawh paihna tur atan hma kan la a. Tuna kan hmalak laklawh lai chu bawlhhlawh paih chungchangah chuan Lunglei khawpui tan Model on Municipal Solid Waste Management for Lunglei Town an ti a, DPR tan nuai 673 siam a ni a. Mizoram Pollution Control Board kaltlangin siam a ni a, Central Pollution Control Board te pawhin an lo enfiah vek tawh a, a hlawhtlin ngei kan beisei a. Kum 2010-2011 chhungin Serchhip leh Champhai khawpui chhungah tepawh hei hi hmalak sak lehngal kan tum bawh a ni.

Tin, nichina kan member te sawi angin, Aizawl khawpui chhungah te, District Capital – ah tepawh mirethei tamtak an awm a, chung ang chu in sak sak vek tum a ni a. Waviinah pawh District Capital hrang hranga chhungkaw 1096 te insak sakna tur hi 1st installment pawh Central Sorkar atangin hmuh tawh a ni a. Amaherawhchu, waviinni maiiah hian thawh tan theih kan inbeisei laiin, thla leh vel atang hi chuan heng District capital a mirethei inhmun tepawh nei si, mahse a sakna tur neilo te hi kan sak sak thei dawn tawh a ni tih hi Pu Speaker, he House-ah hian karawn sawi duh bawh a ni.

Tin, nichina kanrawn sawi, 10% Lumpsum Grant kha, 10% Lumpsum Grant for the North East including Sikkim tih a ni a. Guideline chhah tak mai a nei a, chu guideline-ah chuan Pu Speaker, State Sorkar in a tih theih tur chin a awm a. State Sorkar ina project kan siam a, hna min pek chuan 10% hi State in a tum ve a ngai a ni. Amaherawhchu, chu guideline in Central PSU (Public Sector Unit) tena hna an thawh chuan 10% hi State ina kan chawi ve a ngailo ta

a, 10% funding in a rawn kal ta a ni. Chumi hnuaiiah chuan vawiinni hian nasa takin hma kan la a, chung zinga ka sawi duh langsar zual, tunhnai maia min rawn sanction tawh te chu Serchhip a Auditorium mi 2000 chuang thut theihna tur Auditorium changkang tak, Vanapa Hall aia lian leh changkang leh Sport Stadium mi 5000 thut theihna tur, a chhunga field leh athletic track tepawh awm thei turin ruahman a ni a. Chung chu vawiinah sanction kan ni tawh a.

Tin, Champhai Development Scheme atan vaibelchhe 23.85 hi sanction kan ni a, tunah hian bul kan tan mek a. Tin, Saitual Development Scheme atan hian vaibelchhe 12.96 sanction kan hmu tawh bawk a ni. Tin, Serchhip Development Scheme atan nichina kan sawi, Auditorium bak khan Social Infrastructure kan tih ang chi atan khan vaibelchhe 24.70 leh Lunglei a Convention Hall sakna atan vaibelchhe 19.55 kha tun kar thum kalta khan Pu Speaker, min rawn sanction leh tawh a. Chumi piah lamah chuan Lunglei Development Scheme atan 13.91 crore, Saiha tan 10.6 crore leh Lawngtlai atan 7.88 crore hi DPR , Central Santioning Committee in min pawm sak tawh a. Hei pawh hi reilote chhungin hmuh kan inbeisei a ni tih kha ka rawn sawi duh a. Tin, hei vanneihthlak takin kan State Sorkarin vaibelchhe 11.1 lai mai Plan Fund min tih sak a. Aizawl khawpui chhung veng hrang hrangah hna tamtak kan siam a. Aizawl khawpuiin hma a sawn theihna atan hma kan la bawk a ni tih kha ka rawn sawi duh a.

Water Supply chungchang te kha kan member zahawmtak tak ten an sawi tawh a. Tui hnianghnar kan neih theihna tura kan hmalakna te kha ka rawn sawi tawh lo mai ang a. Aizawl khawpui chhungah Multi Level Car Parking atan DPR cheng nuai 1757.7 hi Hunthar vengah khuan kan theh lut tawh a. Tin, Khatla vengah Multi Level Car Parking siamna turin DPR kan buatsaih mek a ni tih kha ka sawi duh a ni e. Pu Speaker, kha kha Urban Development and Poverty Alleviation Department-ah chuan duhtawh leh phawt mai ila.

PU LALDUHAWMA : Pu Speaker, han hriatchian duh deuh ka nei a. Hemi Urban Local Bodies kan tih (ULB) hi Aizawl-ah chuan neih tumin kan inbuatsaih mek a. Amaherawhchu, Aizawl nilo, UD&PA Department in a enkawl si, khawpui engemawzat la awmah khan Village Council vek an la ding si a, ULB kha neih tum awmin kan awm hrih pawhin a lang silova. Khalam khanin neih ve kan tum chho zel dawn tihna nge ni ang a, a funding-ah te khan Village Council kan neihna hmunah te khan problem kan nei chuanglo em ni? tih te kha ka hrefiah duh a. Tin, chulovah chuan, 10% Lumpsum Grant kha kan do let ve a ngai lova, 100% kan neih ve dawn chuan Central PSU kha kan hman a ngai tih kha kan han hria a. Central lam company lian pui pui khan kan ramah contract hna lian pui pui an rawn thawh dawn tihna a ni a. A that zawkna laite pawh a awm thei a. Khang hovina an rawn thawh avanga 100% a nih dawn kha chuan pawisa lamah a hlu viau tho bawk si a. Amaherawhchu, khang hovin hna an rawn thawh khan an chungah eng ang thuneihna nge kan neih? kan lo supervise ve thei em? hnate kha lo ti thalo se action lak ve theihna leh tihtawp theihna emaw te kan nei ang em?

PU NIRUPAM CHAKMA : Pu Speaker, khami notified town 21 kha enkawl a ni a. Tuna Minister in a sawi ang khan Lawngtlai tepawh notified lodging-ah tel ve tura hmalak a ni a. Tin, District Council khawpui Kamalanagar hi telh ve theih dan a awm lawm ni? Ministry of DoNER chuan pawisa modernization tan a pe tho dawn a, Ministry pakhatin a pek theih laiin urban-ah a chiang thei lo a mi? tih kha ka zawt duh a.

PU ZODINTLUANGA, MINISTER : A hnuhnung lam atang khan ka'n chhang ang a. Hemi UD & PA hnuaiiah hi chuan census 2001 kha an ngaipawimawh em em mai a. Khami census in Urban Area Town a a puan chin kha Mamit District-ah chuan Zawlnuam leh Mamit khu a ni a. Kolasib-ah chuan Vairengte, Bairabi leh Kolasib. Aizawl-ah chuan Sairang, Lengpui, Saitual, Darlawn, Aizawl. Champhai-ah chuan Khawzawl, Biate, Khawhai, Champhai. Serchhip-ah chuan Thenzawl, N. Vanlaiphai leh Serchhip. Lunglei-ah chuan Tlabung, Hnahthial, Lunglei a ni a. Saiha a ni tawp mai a. Lawngtlai hi kan rawn telh ve leh tak kha a ni a. 2011 census hi a rawn chhuah hnuah khalai kha kan tih chhunzawm a ngai dawn a ni.

PU NIRUPAM CHAKMA : Pu Speaker, Zawlnuam ai chuan Kalamanagara-ah mihring an tam zawk a ni.

SPEAKER : Keinin a tam zawk, tam zawk lo kan ti a nilova maw, census-ah...

PU NIRUPAM CHAKMA : Pu Speaker, ka sawi duh chu Department atangin ziak sak la, an pawm mai ang.

SPEAKER : Census a base chuan maw?

PU ZODINTLUANGA, MINISTER : Awle, kan member zahawmtak Aizawl West – I bialtu ina a rawn point out kha Urban Local Bodies khawpui dangah te tih in tum lawm ni? tih kha Aizawl khawpui chhungah hian kan bei mek a ni a. Aizawl khawpui chhung hi eng chenin nge kan kalpui theih, Sorkar ang pawhin engzatnge pawisa kan insenso dan tur te hi kan hriat a, Aizawl khawpui chhunga Municipal Election te kan nei phawt a nih loh chuan Pu Speaker, a dang kha chu vawiin angah chuan khatiang tur zawng khan hmalak kha kan kalpui hrih lo a ni tih kha ka sawi theih dan nisela.

Tin, 10% Lumpsum Grant in PSU kan hman chungchangah khan, nia, hei kan han chelh ve hnuah hian thuneih kan han tum nasa tawh a. A tir atangin PSU ina an hnathawh a that lohzia te kan sawi thin a. Contractor an lak pawhin an duh duh an lak dan te, vawiinah hian UD & PA a Nodal Department kan

nihna angin an hnathawh that leh thatloh te, khatiang kha en theih turin vawiinah hian MoU sign pui kan tum a. A hma kha chuan an MoU - ah kha chuan khami hnathawk tur ringawt mai khan MoU sign pui an ni a. Vawiinni-ah chuan Mizoram Sorkar hnuai hnathawk annih vangin thuneihna hi kan nei tur a ni tih hi Department anga kan ngaihtuah dan chu a ni. Chuvang chuan, an hnathawh thalo laite, an hnathawh thalo avanga an hna pawh tihtawp theihna tur dan hi vawiina Department ina kan hmalak dan chu a ni tih kha ka rawn sawi tel duh bawk a ni.

Tin, a tawp ber atan Demand No. 22 na – Sports & Youth Services hi a ni a. Hei hi Pu Speaker, member ten thahnemngaitakin an rawn sawi a, member 24 lai maiin kan Department chungchangah an rawn sawi a. A tam zawk hi chu an lawmthu sawina vek a ni a. Member te chungah lawmthu ka sawi a. React tur chu 2/1 kan member ten hriatthiam loh an neih te ka rawn sawi ang a. Kan Member zahawmtak Pu B. Lalthlengliana rawn zawhna Rajiv Gandhi Stadium approach road chungchang leh a thawh dan te, Pitartetlang kha ka rawn sawi ang a. Catch them Young kha chu kan Group Leader zahawmtak khan a rawn sawifiah tawh in ka hria a, ka sawi tawhlo mai ang a. Pu Rajiv Gandhi Stadium approach road awm lo anga a ngai kha vawiinah chuan khulai a tlang pawng Salvation in thlanga Pu Dengthuama ram kan tih khu Pu Dengthuama fa ten an rawn donate tawh a. Chutah chuan, car 200 vel te leng thei turah kan ngai a. Chu chu Dengthuama Car Parking tiin a hming pawh kan phuah dawn a. Khalaihan VIP entrance kha veilam pangah a lut ang a, Public kha chu ding lampangah, a lai kha parking tur a ni tih kha ka rawn sawi duh a. Pu Dengthuama fate chungah pawh.....

PUB. LALTHLENGLIANA : Salvation ram chhuah lamah kawng a siam kual theih lawm ni ? MAP kawng hi kan hmang reng thei dawn silova, traffic buaithlak lutuk tur pumpelhan.

PU ZODINTLUANGA, MINISTER : Pu Speaker, tuna kan sawi kha Salvation leh a ram khu a chiang em ka hre lova. Pu Dengthuama te ram, Police ram luh a ngai dawn tawh lova, ram awl, ramngaw tha deuh awm khu Pu Dengthuama faten kan thalaiten infiamna tha an neih theihna tur atana an rawn donate kha a ni a, Police ram lut lovin hetah World Bank kawng atang pawha rawn luh theih turin khumi tlang khu veilamah VIP entrance turin kawng siam a ni ang a. Dinglamah chuan a nawlpui Bus te, khatiang ang zawng zawng kal theihna tur atan khan ruahmanna siam a ni. Tin, Contractor te khu duh angin keini pawhin an thawk chak lo kan ti a. Kan Chief Minister phei chuan a Office-ah a ko tawh a, a vau tih tawngkam chu a mawilo maithei a, an thawh muan lutuk chuan an work order te pawh cancel tur hial khawpin tawngkam a lo neih khum a. Sorkar angin kan nawr nasa a, theihtawp kan chhuah a. Tunah pawh khawl engemawzat kan rawn dah chho leh dawn an ti a. An khawl rawn dah chhoh leh tur tepawh hi kan la duh khawp lo ve tho a ni tih kha Pu Speaker, ka rawn sawi duh a.

PU B. LALTHLENGLIANA : Khawl tam tak dah chhoh tur tih kha nimin piaha ka kal a min hrilh dan chuan khawl pahnih kawngah a lo kal mek tih chauh a ni, a la nep angreng riau mai.

PU ZODINTLUANGA, MINISTER : Kan lo en chho ang e. Keini pawhin working season chhunga thawh zawh ngei kan ring a. Tin, kan member zahawmtak Pu B. Lalthlengliana rawn sawi tho, Pitartetlang –a kan Mini Sports Complex a Pigfed Society in Office an neih khu a tir atangin kan ngai pawimawh em em a. Pu Speaker, kan Vety Minister zahawmtakte nen hmanni-ah tepawh kan Meeting a. Anni ram khu a sakna tur hmun hi kan dap theih chuan PWD ten khumi project atang khuan an Office ang khu chu kan sak sak thei a ni an tih avanga khumi khu thlang kan ni a. Chuvang chuan, kan Meeting a, khawilai hmun hi nge an sak sakna tur ram hi kan ngaihtuah a. Kan Revenue Minister zahawmtak Co-Operation a chang bawk si a, heti lamah Vety lam a lo chang bawk si a, min nawr nasa ve khawp a ni. Theihtawp kan rawn chhuah e tih kha ka han sawi a.

Catch them Young kha 2005 atang khan an lo kalpui tawh a, a thlak nen. Amaherawhchu, kan catch them young tih hi a inang lo ta em ni aw te kan ti rum rum a. Chanmari-ah sawn kan thianpa pakhatin Sports dawr a siam a, kan Catch them Young ang hi anilo zawngin a lo ngai a, khatiang ang kha chu a ni em lo ang chu. Tin, Aizawla kan catch them young a thalai naupang te te a tir atanga infiamna dik kan zirtir hian Pu Speaker, lawmawm ka tih em em chu waviinah hian nu leh pa tam tak in an fate rawn kaltir turin Association hrang hrang a han ngen mawlh mawlh a. A then chuan tlaiah Motor in an hruai a, he scheme thatzia hi an rawn hria a ni. Amaherawhchu, kang zawng zawng kha kan la afford theihloh avangin Pu Speaker, a paw kan ti a. Mahse, nu leh pate leh Zoram mipuiin min hlutsat avangin lawmthu ka sawi a. Kan member zahawmtak Pu Nirupam Chakma pawhin thingtlang lamah hian tih ve a tha lawm ni a tih kha Pu Speaker, kan ti mek a, ama bialah ngei pawh PYKKA hmangin hma kan la tawh a. PYKKA hian tum taktak a neih zingah a pawimawh ber pakhat chu thingtlang lama kan thalaite talent nei tak tak te exploit si lova an awmbo te hi chherchhuah a, National Level leh International Level-a chherchhuah hi khami a point tamtak zinga pakhat kha a ni ve a. Chutah chuan Kamalanagar-ah pawh block ang in Tournament te kan nei a, kang atang khan thingtlang mi tamtak a tha kha District level ah an rawn kal chho leh a. District level atangin Aizawl-a State level-ah an rawn kal a, State Level atangin National Level-ah an kal thin a ni. He programme hi Pu Speaker, a tha em em a, Mizoram kilkhawr ber ber amite pawhin India ram hmun hrang hrangah nikum chhung ringawt pawh khan infiamna lamah khua an zuk hawi zau mai bakah, an talent te an zuk show ve a ni.

Amaherawhchu, hetah hian kan Department anga harsatna kan neih chu kan School calendar hi a ni a. He PYKKA programme –ah hian Central atangin programme mumal takin chumi thla-ah chuan Block Level, chumi thla November-ah District Level, December-ah State Level, chutiang chuan National Level-ah a ni a. Heng kan tih hunlai hian Pu Speaker, kan infiammi a tha fal te hi School-

ah lehkhathiam theite hi an ni duh chawk a. Khang ang kha final exam te, Promotion exam te an neih avang hian nu leh pa ten kal hi an lo phal lo thin a ni. Chutah chuan Sport Discipline dangah tepawh National Tournament-ah te beisei sang taka helaia a tha te kan han thlan hian, School Exam hunte anih avangin kan infiammi tha te, infiam mi tak tak, Gold Medal te lo hawn turte hi an kal theih loh phah thin a. Hei hi a pawl kan ti a.

Chuvang chuan (**PU B. LALTHLENGLIANA** : Pu Speaker, kan Sorkar hmasak khan School Calendar kha thlak kan tum a, in duhlo kha a niin ka hria a, lo duh ula chuan a fuh chiah dawn anih chu) Pu Speaker, Sorkar chaktak nisela thil tha lo kaltlangpui se chuan vawiinah tiang harsatna hi kan nei lo mai tur a ni a. Anmahni khan a tha lo a ni an ti leh a, a tha tih kha a thalo an tih leh hma em avanga vawiinnia harsatna tawh hi kan ni a. Thingtlang lamah pawh nasa takin talent haichhuah turmin hemi PYKKA hmang hian hma kan la a ni tih kha ka sawi duh a. Talent Search te ani pah fawm a. (**PU NIRUPAM CHAKMA** : Pu Speaker, point of clarification pakhat kha a tha ka ti a, programme pawh a tha, keimah ngei Chief Guest ka ni a, mahse nikhatah a zo vek) khalai kha Pu Speaker, Chawngte bik kha, hemi a department ang pawhin kan la serious a, MLA zahawmtak khan minrawn phone a, khatiang tur a nilova, he Programme hi kan serious a, department ang chuan kan thingtlang naupang ten Mizoram mai nilo, India ram leh khawvel pawh an hawi chhuah ve theihna turin programme kan siam a. Chuvang chuan, a vawikhatna a ni a, khami programme kha limit nei programme a nih avangin Pu Speaker, kan BDO te khan an lo hrethiam lova. Nikhatah programme kha a lo zawhpui ringawt mai a. Hmundangh chuan kan BDO ten thatakin an huaihawt a, talent tha tak takte, Aizawl - ah leh India ramah kan thawn chhuak thei a ni tih kha ka rawn sawi duh a ni.

Tin, Pu Speaker, Sports & Youth Services tih hian kan Member zahawmtak tak tepawh hian infiamna lam ringawt mai hi emaw kan ti a. He department hian Mizo thalaite infiamna mai nilovah pawh anmahni rilru leh an taksa te zirna lamah te hma an sawn theihna atan scheme tamtak an nei a ni. Hei hi kan Chief Minister zahawmtak hian a hrechiang em em mai a. Vawiina kan policy 'Catch them Young' tih mai bakah, 'Fit people, fit nation' kan tih lai hian kan Chief Minister zahawmtakin kan thalaite an fit loh chuan kan ram hi enkawltu tur an awm dawnlo a ni tih hria in, kan budget - ah tepawh a tam thei ang berin pawisa min pe a, nasa takin hma min lakpui a ni a. Chung zingah chuan, Sports programme mai bakah hian Youth Service Activities tamtak kan nei a, chung zingah chuan Scouts & Guides te a awm a, hengte hian Pu Speaker, kan tu leh fa, naupang te tak te te hi State dangah Jamburee neiin India ram hmun hrang hrangah an zuk kal a. Tin, a changin State hrang hrangah mi chi hrang hrang te Aizawl-ah an rawn kal a. Kan culture te kan inthleng a, khatiang atang khan an hawizauna tepawh a lo awm thei a. Tin, Adventure te a lo awm a, National Cadet Corp (NCC) te, National Service Scheme kan tih ang chi, thalai ina line hrang hrang atanga hma kan sawn theihna tur atan hian he department hian a enkawl a. A bik takin NCC-ah phei hi chuan hma kan sawn nasa em em a. Nichina kan member te sawi angin NCC Airwing hi kan neih theihna turin Sorkar NCC, Central hotuten an phut ang chu vawiinniah State

Sorkar ang chuan kan tiful tawh a. Vawiinah hian Central lamin an tih ve tur chu Wing Commander pakhat leh Two Seater Aircraft leh Pilot minrawn pe ang a, chumi ang chuan kan thalaite hi thlawhna khalh te an zirtir ve thei dawn a ni. Chu chu tun kum chhung ngei hian tih hlawhtlin tumin hma kan la mek a ni tih kha ka sawi duh a.

Tin, he department hi Sports lampang ringawt lovah khan Tourism Department te hi kan tanpui nasa em em a. Hei, Rafting & Carving Course kan tih te, Sport Climbing Competition te, Adventure lama kan hmalakna te hian vawiinah pawnlam mi Mizoram anrawn tlawh theihna tur atan heng programme hmang hian India ram hmun hran hran amite Mizoram hmu turin kan la chhuak thei dawn a ni tih kha ka sawi duh a. Tin, Youth Hostel Association (YHAI) an tih through te hian Pu Speaker, National Caving & Treking Competition te hi kumtin kan nei a, he Tournament-ah hian India ram hmun hrang hrang atangin kumtin sum tamtak sengin Mizoram anrawn tlawh tan ve der tawh a ni tih kha he House zahawmtakah hian ka sawi duh a ni.

Tin, khami piah lamah khan Infrastructure lamah hian hma kan sawn nasa em em a. Thenzawl-ah Women Hockey Training Center kan nei a. Tin, Saidan Kolasib-ah Football kan thalaiten an khelh ve theihna tur atan hmanni lawkah kan hawng tawh a. Chumi piah lamah chuan Pu Speaker, kan member tena min lawmpui ve atan, tunkar mai khan khu Saidan Sports Training Center tih khu NEC in cheng nuai nga minrawn sanction a, mahse a hming minrawn thlak sak a. Regional Sports Center Saidan, Kolasib tih tawh tur a ni dawn a ni. Chumiah chuan keimahni Mizoram chauh pawh nilo, North East atanga infiammi chi hrang hrangte pawh he Training Center-ah hian anrawn tel thei tawh dawn a ni tih kha ka sawi duh bawka ni.

PU B. LALTHLENGLIANA : Pu Speaker, lawk, kan Minister hi a tui bawka, Artificial Rock Climbing te kha kan nei tawh em? tih leh tih tumna kan nei hnai em? tih karawn zawt leh lawka. Chuan, hei Session zawh hian bial fante kan duh dawn a, Sports Material te min lo sem tir thei dawn em? tih kha min chhan nghal atan.

PU ZODINTLUANGA, MINISTER : Pu Speaker, ka'nrawn sawi chho ang a, hemi Hockey Academy kan neihte hi kan vannei em em a. Kan hriat theuh angin Thenzawl-a Girls Hockey Academy atang sawn khawvel player Mizo nula engemawzat an chherchhuak tawh a ni. Khawvel hmun hrang hrangah kan Mizo nula te hi an inkhel tawh a ni. Chuvang chuan, a talent kan nei a, mahse a training mumal kan neilo thin a. Vawiinah chuan heng kan Academy atangte hian Mizo thalaite hian khawvel hi kan dap chhuak dawn a ni tih hi kan ngaihdan a ni a. Chumi piah lamah chuan vawiinah kan vannei em em a, SAI in an extension atan Lunglei Ground No. 2 leh Ramhlun Sports Complex saw minrawn thlang a. Lunglei-ah chuan naupang 30 vel Hostel-ah kan dah ang a, an chawm ang a, khulam infiamna chi hrang hrang Judo te, Football te an zirtir ang

a, chutiingin Aizawl-ah pawh naupang 30 vel hi an enkawl leh bawk dawn a ni. Chu chu tunhnaia SAI ina minrawn sanction thar a ni.

Tin, AR Ground-ah sawn Artificial Turf kan phah thei dawn a, budget-ah pawh min dah sak a. Tin, chumi piah lamah chuan Pu Speaker, Ramhlun Sports Complex-ah sawn tun kum chung ngei hian Artificial Grass hi phah kan tum bawk a ni. He artificial grass hi USA siam a ni a, kum 10 chung guarantee an pe a. Chumiah chuan fur a thalin kan infiammite an inkhel thei dawn a. Fur-ah tuitling a awmlo ang a, thal-ah a khu a awm tawh dawn bawko a ni tih kha karawn sawi duh bawk a.

Tin, hei Sports infrastructure hi khaw hran hranah kan theih ang tawkin kan plan budget atangin kan kalpui a. Nichina kan sawi tawh Rajiv Gandhi kan tih te, Pitartetlang a Mini Indoor Complex kan tih te, Champhai Indoor Stadium, hei hi sawi dawn chuan sawitur tamtak a awm a. Amaherawhchu, khati lam zawng kha chu kan sawi tawhlo ang a. Tin, a tawp bera kan member tepawh in lawm vena tura ka rin chu Zobawk Sports Academy kha nimin piah mai khan Pu Speaker, vaibelchhe sawmthum pali a sak tur kha Central PWD in an clear tawh a, tunkar chung hian sanction kan beisei bawk a ni.

Tin, Pu Speaker, hei kan la vannei zel a, ka'n la sawi leh duh chu kan Chief Minister zahawmtak thahnem ngaihna ka tilo theilo a, Delhi-ah Sports Minister Office-ah min luhpui a, Planning Commission Office-ah Montek Singha Office-ah he Central Assistance 11.91 crore Sorkar hmasain an lo tih tawh, pawisa tamtak an lo hman tawh, mahse sanction theih tawh siloh kha Pu Speaker, kan Chief Minister zahawmtakin thahnem a ngaihna avangin vawiinah sanction kan nei a. 11.91 crore hian State Level Sports Complex kan tih te, District Sports Complex, Lunglei, Champhai, Kolasib, Lawngtlai, Saiha, Mamit Indoor Stadium, Ramhlun Indoor Stadium, Dungtlang tih sak chhunzawm tlak anih chuan hemi hmang hian kan sak chhunzawm ang a, mahse a hmun ngeiah keipawh ka kalchhuak deuh vek tawh a. Sak chhunzawm tlak loh tamtak kan hmu a ni, Pu Speaker. Amaherawhchu, chuti chungin nuai 400/500 hi khami pawisa awm hma-a an lo thawh tir tawhte hi liabilities kan nei bawk a, hengte hi Pu Speaker, pek sak vek kan tum a ni tih hi vawiinah hian karawn sawi duh bawk a ni.

Sawitur a tam hle a, nichina kan sawi tawh ang khan kan vannei a, Central Scheme hrang hrang bakah NEC atangte, Sports Authority-ah te Mizoram angin Sports chungchangah hian project tamtak kan nei a. Chung ang te chu vawiinah Mizo thalaitena kan hman tangkai theihna tur atan Sorkar angin theihtawpin hma kan la a ni tih kha ka duh tawh mai ang a, Pu Speaker.

Kan member zahawmtakrawn zawhna kha artificial rock climbing kha khuta Govt. Complex-a dah khu a hmantlak tawh lova, a aia tha lei turin tender kan chhuah a. Amaherawhchu, engemaw harsatna a awm a niang, tunah hian tihthat leh mek a ni a. Tha tak leh hmantlak ngei hi lei kan tum a. Tin, hei kan member te vawiinah hian a lawmawm ka ti em em a, MLA zahawmtak takrawn sawitu ten keimahni phuloha kan department chungchanga fakna thute inrawn

sawi avangin lawmthu ka sawi nawn leh a. In rawn dil ang kha chu naktuk lamah chuan lehkha them kan rawn sem ve thei tawh ang tih kha hei, budget min pass pui dawn bawka, ka sawi duh a ni, Pu Speaker.

Hei, ka Demand No. 22 – Sports & Youth Services – Rs. 20,49,80,000/-, Demand No. 26 – Information & Publicity – Rs. 7,30,12,000/-, Demand No. 46 – Urban Development and Poverty Alleviation - Rs. 1,24,96,39,000/-, Demand No. 48 - Information & Communication Technology - Rs. 5,72,00,000/-, a vaiin Rs. 1,58,48,31,000/- hi he House zahawmtakin min pass pui turin ka sawm a che u, ka lawm e.

SPEAKER : Awle, tunah khan Pu Zodintluanga, Minister zahawmtakin a chanpual te a rawn wind up a, pass a rawn dil bawka. Demand No. 22 – Sports & Youth Services – Rs. 20,49,80,000/-, Demand No. 26 – Information & Publicity – Rs. 7,30,12,000/-, Demand No. 46 – Urban Development and Poverty Alleviation - Rs. 1,24,96,39,000/-, Demand No. 48 - Information & Communication Technology - Rs. 5,72,00,000/-, a vaiin Rs. 1,58,48,31,000/- hi pass remti apiangin ‘Remti’ ti ru le. Remtilo kan awm chuan ‘remtilo’ ri rawh ule.

Awle, Pu Zodintluanga, Minister zahawmtak Demand No. 22 – Sports & Youth Services – Rs. 20,49,80,000/-, Demand No. 26 – Information & Publicity – Rs. 7,30,12,000/-, Demand No. 46 – Urban Development and Poverty Alleviation - Rs. 1,24,96,39,000/-, Demand No. 48 - Information & Communication Technology - Rs. 5,72,00,000/-, a vaiin Rs. 1,58,48,31,000/- te chu House in lungrual takin a pass ta a ni.

PU ZODINTLUANGA, MINISTER : Pu Speaker, ka lawm e.

SPEAKER : Kan Demand sawiho chung pawh a rei thawkhat a. Pu H. Liansailova khan minute 36 a hmang a, Pu H. Rohluna khan minute 57 a hmang a, Pu Zodintluanga khan minute 60 a hmang a. Chuan, wawiina kan demand passed tak zawng zawng kha Rs. 624,2765,000/- a ni.

Awle, waviin atana kan business chu kan lo zo ta a. Kan chawl tawh ang a. Naktuk ni 31.3.2010 (Nilaini) zing dar 10:30 ah kan inkhawm leh ang.

Sitting is adjourned at 8:15 PM.